




58,458/B SUP

BORSIERI G.





Digitized by the Internet Archive
in 2016

https://archive.org/details/b28745371_0003

INSTITUTIONUM
M E D I C I N Æ
P R A C T I C Æ

Q U A S
AUDITORIBUS SUIS PRÆLEGEBAT

JO: BAPT. BURSERIUS,
DE KANILFELD,

Editio Quarta Veneta.

VOLUMEN TERTIUM.

D E
MORBIS EXANTHEMATICIS
FEBRILIBUS.



V E N E T I I S, 1802.

Apud Josephum Orlandelli,

N O M I N E

q^m. FRANCISCI EX NICOLAO PEZZANA.
CUM REGIA FACULTATE, AC PRIVILEGIO.



A D L E C T O R E M.

Habes, amice Lector, hoc in volumine *exanthematicos morbos febriles*, quos videlicet peculiare quoddam exanthematis genus plerumque feбри conjunctum constituit, & designat, quosque ideo, quod nec febris eis assentialis, ut vocant, nec semper socia est, e februm classe expungendos, seorsumque pertractandos esse censuimus. Quinam vero isti potissimum sint mihi, proximus capitum indiculus mox declarabit, prout nempe eos ex innumeris prope humani corporis affectibus secrevi, inque unum veluti agmen coactos, suo quemque loco, persecutus sum, atque explanandos suscepi. Tanta autem est inter ipsos convenientia, affinitatisque conjunctio, qua una colligantur, & consentiunt, ut statim cuique apertissimum fiat, non eos

arbitratu nostro, nec pro libito, sed propria natura, insitæque similitudine inter se connecti, & quodammodo cohærere, ne *Peticulis* quidem ipsis, quas alioquin hinc rejicere nuperi quidam scriptores non dubitant, exceptis. In peticulari enim morbo eadem ferme omnia, quæ in miliari, ita concurrunt, ut quam simillimi plane sint, atque adeo aut neutrum, aut utrumque eorum huc spectare confitearis oporteat. Primum vero illud affirmari unquam nequit, cum nemo hodie vel leviter in medicina practica versatus, nisi is derideri, & ut ita dicam, exhibilari velit, negare amplius audeat, exanthema miliare primum, sive essentialiale vere existere. Ergo, quoniam eadem est utriusque morbi ratio, nec differunt nisi exanthematis forma, ac materia, sequitur, ut uterque inter exanthematicos morbos, de quibus hic agimus, jure sibi locum vindicet. Quæ res evidentius patebit, si primo capite, in quo generalia, & singulorum communia enumerantur, perlecto, reliqua capita cuncta, sicuti disposita sunt, ordinare, & sine præjudicata opinione percurrere, eaque animi æquitate, & intentione, qua decet; expendere te minime tædeat. Spero equidem, quo magis processeris, simulque omnia diligentius comparaveris, eo clarius tibi manifestum futurum esse, quam bene antecedentia a subsequenteribus comprobentur, & quam apposite utraque adjutrices sibi mutuo manus porrigant. Novum prope opus, non dissimul-

mulo, auditoribus meis istud videbitur, cuius pauca tantum quasi semina in publicis prælectionibus spargere solebam, cum brevis temporis, quo universa medicinæ practicæ moles comprehendenda erat, plura in lætam segetem effundere non sineret. Par igitur est, ut nunc de singulis hisce morbis ea ratione differatur, qua in primo volumine febrium universam rationem exposuimus, id est copiose, & quantum licuit, accuratissime, undique, quæ ad propositum facerent, conquisitis, & iudicio nostro qualicunque ubique in rebus dubiis, aut controversis interjecto, quale videlicet aut ratio, aut experientia nobis dictavit. Auctores, per quos aut profecimus, aut a quibus aliquid antea cognitum, vel traditum est, in primis cum experientiæ responderet, opportune, & perhonorifice nominavimus, non quod inanem gloriolam ex eruditionis ostentatione, ut moris est, captare voluerimus; sed, ut quisque continuo intelligeret, quæcunque a nobis aut præcipiuntur, aut probantur, non nostra tantum sententia, ac fide inniti, verum ab aliis etiam præstantissimis viris jamdiu præcognita plerumque esse; aut si nova, quinam ea nuper testata fecerint, atque animadverterint. Turpe enim, & ingenuo, honestoque homine indignum putavimus eorum insistere vestigiis, qui, ut omnia scire, & observasse per se ipsi videantur, quidquid scribunt, e proprio quasi penu desumptum efferunt, nullius unquam a quo acceperint, men-

mentionem facientes ; propterea quod , si quantum aliis debent , grati testificentur , vix aliquid de suo sibi relinqui sentiant . Itaque neminem merito honore , contra quam vulgo fieri consuevit , privavimus , æquissimum rati , neque Recentiores sua laude in his , ut ait C. CELSUS , quæ reppererunt , vel recte secuti sunt , fraudare , & contra quæ apud Antiquiores posita inveniuntur reddere auctoribus suis fideliter , & sine invidia . Exemplis subinde res illustravimus tam nostris , quam alienis , nec prætermissæ interdum sunt observationes quorundam prope singulares , & quandoque rarissimæ , indicatis semper earum scriptoribus , ut , quos penes fides sit , non ignorares . Nec , quia rarius quædam eveniunt , & a paucissimis notata sunt , prætereunda ea esse existimavimus . Quis enim omnia unus aut videre potuit , aut comperisse sibi persuadeat in tanta naturalium rerum immensitate , & medicinæ amplitudine ? Annotationibus vero , quas crebras , & interdum non breves ad calcem quarundam paragraphorum adjeci , ea comprehensa sunt . quæ aut veritates minus notas , aut leviter dumtaxat in textu indicatas confirmare , aut opinionum commenta diluere , aut quæstiones , controversiasque , quibus ars implicatur , enodare , ac definire apta visa sunt . Demum , ne quidquam commodi discentium deficeret , illud etiam curavimus , ut insignioris de quovis peculiari morbo tractatus , quos consulere ad ampliorem erudi-

tionem possent, identidem, & passim commemorari non laterent. Pauca hæc erant, de quibus te monitum, antequam legeres, volebam.


Quod ab Auctore hætenus præfactum est de Volumine Secundo Editionis Mediolanensis, de III. ac IV. Venetæ Editionis nostræ dictum intellige, Unicum enim illud, studentium commodis inservientes, in duo divisimus.

INDEX CAPITUM.

T O M I III.

CAP. I.	<i>De morbis exanthematicis febrilibus generatim.</i>	pag. 1
II.	<i>De Erysipelate.</i>	16
III.	<i>De igne sacro ; quem Zosteræ ; sive Zonam vocant.</i>	42
IV.	<i>De Purpura Scarlatina.</i>	56
V.	<i>De exanthemate urticato.</i>	103
VI.	<i>De Effera VOGELII.</i>	108
VII.	<i>De Pemphyge Recentiorum, sive Morbo phlyctanoide.</i>	110
VIII.	<i>De Morbillis.</i>	115
IX.	<i>De Variolis.</i>	178





C A P U T I.

DE MORBIS EXANTHEMATICIS FEBRILIBUS * GENERATIM.

§. I.

A VERBO ἐξανθίσκω, nempe *effloresco*, aut *erumpo* ducta est vox ἐξανθήματα, quasi *efflorescentia*, aut *eruptio*. Proprie ad papulas, sive pustulas, quæ ad cutim erumpunt, & supra eam elevantur, aut eam inæqualem quodammodo reddunt, denotandas a medicis adhibetur. Minus vero proprie, & laxiore significato a viris etiam summæ auctoritatis (a) extenditur ad eas cutis maculas, quæ colorem ejus dumtaxat permutant, deturpantque, & planæ omnino sunt, nec eam attollunt, nec asperam faciunt. Itaque, ne vitio, quæso, vertatur nobis, si utroque sensu, & latiore modo vocabulum istud sumimus, eo-
* Exan-
theo Ex-
anthema.
Quid ex-
hanthe-
ma?
Quo sen-
su a no-
bis acci-
piatur.

que comprehendimus quamcumque eruptionem, quæ in exteriori corporis, cutisque facie pro-
Tcm. III.
A
sive

sive amplior, & voluminosa, sive rara, sive frequens, sive unica, sive multiplex, dummodo ejus generis fuerint, quæ, quoniam febrilem aliquam accessionem subsequuntur, aut febrem plus minus sociam habent, aut concitant, *febriles* dici possint, quæque olim a plerisque febrium numero includebantur.

* *Synonyma.*

Febres eruptivæ ALLENII, *synops. univ. medic.* §. 219. ed. Venet. 1762. *Febres exanthematicæ* AUCTORUM, & NEIFELDII, *Rat. med.* §. 449. subsect. x, SCHACHTII, *Instit. med. practic.* Cap. xi. p. 47. *Exanthemata febrilia* BOERHAVII, & SWIETENII, *Aphor. de cogn. & curand. morb.* §. 723. *Phlegmasiæ exanthematicæ* SAUVAGESII, *Nosol. class.* 3. ord. 1. *Exanthemata* SAGARII, *cl. x. ord. 1.* & 2. (a) FERN. L. *Pathol. l. 1. cap. 8.* & *l. 41 cap. 18.* & SWIETENE in *aphor. Boerhaav. ad §. 723.*

§. II.

Distinctio in primaria, & secundaria. De his igitur dum ad dicendum aggredior, in memoriam revocanda primum est pernecessaria, & perutilis distinctio, qua exanthemata in *primaria*, sive, ut ajunt, *essentialia*, & in *secundaria*, sive *non essentialia* tribuuntur. At de *secundariis*, sive *non essentialibus*, utpote quæ ad febres, aliosque morbos, uti symptomata, aut epigenomena, aut accidentia, verius spectare alias diximus, satis, atque opportune a nobis alibi jam actum est: ad hunc vero locum *primaria*, sive *essentialia* non inepte, ni valde fallimur, servavimus, cujusmodi sunt *Variolæ*, *Morbilli*, *Purpura scarlatina*, *Exanthemata urticata*, interdum *Miliaria*, & *Peticulæ*, sæpissime

ine *Erysipelas*, alique id genus morbi. Quia vero exanthematicos hosce morbos febris, quod minime inficiamur, modo antecedit tantum, modo & comitatur, modo solummodo subsequitur, ut deinceps ostendam; idcirco *febriles* appellari eos utique decuit, non vero *febres*. Causam autem; cur a febribus proprie dictis cum plerisque veterum, & recentium Nosologorum eos sejunxerimus, pluries indicavimus alibi, sed præcipue tum; cum *Febrium divisiones, & differentie* expositæ (a) sunt; apertius, pleniusque aperuimus. Atque illud in primis animadversum ibi fuit, interdum febrem nec antecedere, nec comitari; quod in Variolis benignissimis (b), in Erysipelate (c), in Exanthemate urticato; in Peticulis, in Miliaribus (d) non rarum est; & præterea, quando febris antecessit, plerumque evenire, ut ea, exanthemate ad cutim penitus protulso, desinat, aut certe plurimum minuatur, dum interim exanthema, sive morbus princeps permanet, suumque curriculum nihilominus, prout ejus natura fert, prosequitur, donec eo, quo finiri consuevit, perveniat. Id maxime perspicuum est in Erysipelate simplici; & benigno, in Variolis discretis, & mitissimis, in quibus scilicet febris, quæ antecesserat, & deinde post eruptionem desierat, non revertitur, nisi nova eruptione futura, aut quæ jam facta est, ad suppurationem tendente.

(a) *Volum. I. §. LVI.* (b) *Cæs. MARESCOT. Tract. de variol. p. 19. 20.* Is, quem ætate jam gravem, sed facilem, humanum, & ab omni eruditione paratissimum adolescens audiavi, quatuor casus, in quibus

febris abfuit, unum ex MARCELLO DONATO, alterum ex PHILIPPO INGRASSIA, & binos ex propria experientia adducit. (c) MEZA *com. med. practic. Fasc. I. cap. XVII.* (d) DUPRE' DE LISLE *Dissertat. sur la fevr. miliari. de femm. en couche* p. 7. & 18. qui testatur miliaria alba puerperarum sæpe sine febre erumpere, & ferme sine febre etiam miliaria rubra benigna. Quod & nos pluries vidimus. Sed de his suo loco plura.

§. III.

*Postrema
ratio, qua
seorsum
pertra-
ctentur.*

Accedit quod febris, quandodumque cum hisce morbis conjungitur, nullum certum ordinem, nullumque perpetuum typum observat, ut ad aliquod genus peculiare ea redigi plerumque possit; nam modo continuæ continentis, modo remittentis, modo anomalæ, & vagæ, modo intermittentis periodicæ speciem, & morem induit; hocque postremum frequentissime cernitur in Periculis, & Exanthematibus Miliaribus, in quibus inter initia tertianam intermittentem mentiri persæpe visa est. Quas ob res proxime quidem post febrium recensionem, sed seorsum ab iis morbos hosce natura, incessu, & phænomenis non parum dissimiles pertractare æquius, satiusque censuimus.

§. IV.

** Febris
naturæ
instru-
mentum,
quo ano-
xiō se li-
beret prin-
cipio.*

Videtur ergo in his febris esse motus quidam plus minus necessarius, quem excitat peculiare illud heterogeneous, quod, ut nervis, & cordi, arteriisque intolerabile, a cunctis fecerni humoribus & extorsum ad cutim protrudi debet, eoque motu natura utitur, quando natu-
ralis

talís sanguinis circuitus per se satis non valeat , ^{Ratio fe-}
 ad quamdam veluti criticam excretionem mo- ^{bris ex-}
 liendam , cujus tamen effectum moliminis cer- ^{plicatur.}
 ta , & constanti fere lege in ipsa tantum cute
 terminetur , quæcumque demum sit hujus sin-
 gularis , constantisque phænomeni causa . Quod
 si omne illud noxium , quod naturam irritabat ,
 ea febrili commotione secretum , in cute uni-
 versum confederit , nec malignæ admodum in-
 dolis sit , facile intelligitur , febrim desinere o-
 portare . Contra si pars ejus tantummodo seces-
 serit , & natura adhuc irritari pergat , aut ve-
 nenata ; & perniciosa heterogenei illius princi-
 pii vis totum sanguinem infecerit , aut ejus plu-
 rimum sibi assimilarit ; illud necessario consequi-
 tur , ut febris etiam post pustularum eruptio-
 nem assidua persistat , aut inordinate , & per
 circuitus redeat , remittatque . aut , prout virus
 evolvitur , extricatur , irritatque , accessiones
 suas subinde repetat intermittentium instar , &
 partitis vicibus illud expellat ; nec ante dece-
 dat , quam tota humorum massa omnino repur-
 gata fuerit ; sicuti luculentius apparebit deinceps ,
 ubi de singulis ejusmodi eruptionibus sermo ha-
 bebitur .

§. V.

Cum vero *malignum* , & *benignum* persæpe ^{Divisio}
 ad diversum morborum plerorumque ingenium , ^{altera in}
 aut characterem significandum usurpari soleat , ^{benigna ,}
 idque in exanthematicis quoque differentiam ^{& mali-}
 non levis momenti faciat , prætermitti haud pe- ^{igna.}
 test altera exanthematum opportunissima divi-
 sio in *benigna* , & *maligna* . Maligna ea viden-

De his tur SAUVAGESIO (a), quæ sub exiguis primum
Sauvage- pulsus, caloris, & urinæ mutationibus, quo-
fi sen- dammodo latenter decipiunt, deinde repente,
tentia. & præter expectationem multo graviora sibi ad-
 sciscunt symptomata, quam quæ ex pulsuum
 magnitudine, ac vi metui ullo modo poterant.
 Sed hæc, ut libere dicam quod sentio, aliorum
 omnino morborum, qui maligni dicuntur, com-
 munia sunt. Distinguit porro idem doctissimus
Quæ ma- auctor a *malignis* ea, in quibus pulsus, & uri-
ligna na, & calor sanis similes deprehenduntur, ita
que ty- ut ægri vix febricitare videantur, dum viribus
phodia? tamen maxime languent. Hæc non *maligna*,
 sed *typhodia* vocare illi placuit. Ex *malignis* de-
 nique, vel *typhodibus* conficit tertium genus
Pestilen- *Pestilentialium*, quæ nimirum epidemice grassan-
tialia? tur, atque ita perniciofa sunt, ut majorem par-
 tem enecent ægrotantium. Monet præterea,
malignum differre a *gravi* morbo, quod hic sym-
 ptomata habet vehementiora, & per causas me-
 chanicas, perspicuas, intelligibilesque facile ex-
 plicanda: dum contra *malignus* symptomata pro-
 fert, quæ a causis occultis, veneficis, putri-
 dis, gangrænosis, & colliquantibus profiscan-
 tur.

(a) Nosol. cl. 3. ord. I.

§. VI.

Quid sen- Nihil tamen, ut ego quidem arbitror, ve-
tiendum tat, quo minus eruptiones, quas in *malignas*,
de Sau- & *typhodes* SAUVAGESIUS distinxit, uno *maligna-*
vagesii rum nomine complectamur. Id enim a complu-
distinctio- ribus aliis factum est. Quid vero nobis *mali-*
nibus? gnum

gnum sit, quidque apud plerosque hodie obtineat, patefacere non prætermisimus, cum de Febribus differeremus, eas malignas esse dicendas rati, *que insidiose, subdole, & sub specie benignitatis clanculum aggrediuntur, vires illico sine manifesta causa prosterunt, nervorum in primis, & cordis actionem ledunt, & symptomata insolita, repugnantia, atque a morbis simplicis, & puri indole non parum aliena secum trahunt* (a).

Exemplis tum etiam illustrare rem tentavimus, ne quis a fucata benignitatis specie se falli sinneret. Atque hæc quidem de malignitatis indiciis generatim intelligi debent, & speciatim ad febres proprie dictas videntur spectare. Et quanquam ipsa in morbos etiam exanthematicos cadere possint, & soleant, sic ut eorum malignitatem modo expositam, & communem indi-

cent; sunt tamen quædam alia exanthematum veluti propria, & peculiaria, quibus præsentibus, aut absentibus exanthematicos morbos benignos aut malignos cum plerisque scriptoribus habendos, appellandosque ducimus, malignitatis vocabulo a communi illa significatione aliquantulum deflexo.

Inter hæc autem primum locum sibi vindicat Febris, quæ exanthematum eruptionem antecedit. Hæc in benignis vel omnino deficit, vel, si ulla est, non admodum magna est, vel, quæcumque demum fuerit, statim ac eruptio facta est, minuitur, & mitescit quam maxime, quin imo ex toto desistentibus symptomatibus, quæ prius terrebant, cessat, desinitque. Contra in malignis, qualiscumque ea antea extiterit, nequaquam post eruptionem, ut in illis assolet, cum suis symptomatibus mitescit, finiturve; sed ultra progreditur, instat-

Signa propria benignorum, & malignorum exanthematum.

Note præcipua ex febre.

que ; quin etiam , si prius mitis , & moderata fuit , gravius plerumque excandescit , & pernicioſa ſymptomata , uti delirium , anxietates , tremores , rigores , ſpaſmos , convulſiones , virium vitalium defectionem , atque alia ejusmodi ſibi adjungit .

(a) Vol. I. §. LII. & not. ibi adjectis .

§. VII.

*Anima-
verſio de
virium
defectu ut
ſano .*

Quod vero de virium ſubito lapſu , aut defectu , utpote malignitatis pathognomonico ſigno univerſi traditur ; id eſſi , ubi ſe exhibet , maximam conſiderationem mereatur , non tamen in omnibus malignis exanthematicis morbis perpetuo occurrit : nam ſæpiſſime hos pernicioſiſſimos , & brevi lethales demiratus ſum in ægrotis , qui viribus animalibus ita valebant , ut ſine ullo labore e lecto ſurgerent , ſtarent , incederent , alvum ſtantes dejicerent , atque ut ſani in lecto facile in utrumque latuſ ſe ſe revolverent . Hinc vix ullum conſtantius , & certius in exanthematicis morbis malignæ , ac pernicioſæ naturæ indicium notavimus , quam febris ab exanthematum eruptione continuati-
nem , aut vehementiorem excandefcentiam .

*Certius
maligni-
ſatis ſi-
gnum .*

*Graves
morbi et-
iam ma-
ligni .*

Hac igitur nota maligna exanthemata a benignis præcipue internoscenda volumus , nec valde repugnamus , ſi malignorum nomine omnes etiam ii ex morbis exanthematicis intelligantur , qui graves , & periculofſi a SAUVAGESIO dicuntur , quique ab aliis maligni ratione ſymptomatum vulgo appellantur ; nam hic malignitatem non ſtrictè , ſed laxius , & quodammodo
ultra

ultra consuetudinem usurpari ut liceat ; veniam petimus , & postulamus . Sed præter benigna , ac maligna exanthemata est quoddam tertium genus , quod neque omnino benignorum notas , nec malignorum omnes habet , sic ut ambigatur vehementer , an ad primum , an ad alterum spectet . Hoc *medium* , sive *media natura* , quod inter utrumque medium sit , vocamus . De *Pestilentibus* vero , cum hac voce epidemica perniciosiora , & lethaliora a *Sauvagesio* , aliisque comprehendantur , nihil attinet commentari ; Illud solummodo animadvertam , etiam sporadicis , quando summum malignitatis , & perniciiei gradum attingunt , denominationem convenire posse , quemadmodum a quibusdam adhibitam novimus , cum ad pestis quodammodo feritatem , velocitatemque exitii propius accedunt .

Exanthemata inter benigna , & maligna media .

Pestilentia , etiam sporadica interdum .

§. VIII.

Tertia demum partitio exanthematum est in *regularia* , sive *ordinaria* , & in *irregularia* , sive *anomala* . Primi generis illa dicuntur ; quæ febri breviori , & consueto tempore perduranti ordinate succedunt , & solitis , propriisque symptomatibus stipata sua stadia percurrunt : alterius vero , quæ non prodeunt ; erumpuntque , nisi tardissime , videlicet post febrem longiorem , anormalam , & ultra consuetos limites durationis ad plures dies , aut etiam hebdomadas protractam , insolitisque symptomatibus comitantur . Irregulares hujusmodi , sive anomali exanthematum incensus cernuntur in quibusdam præsertim constitutionibus epidemicis ; quanquam non prorsus absint quandoque a sporadicis ; ut clinicorum obser-

Exanthematum divisio in regularia , & irregularia .

vata-

vata testantur . Frequentius id accidit Morbillis, Variolis , & Morbo militari , interdum etiam Purpuræ scarlatinæ, nonnullisque aliis anathematum speciebus. Hactenus de præcipuis exanthematum differentiis . Restat , ut aliquid dicam de communibus eorum prænotionibus . Sunt enim quædam communia symptomata, ex quibus, antequam ad cutim se prodant, ipsa prævideri , & prænosci possunt, præter illa singulorum propria, quæ in cujusque historia tradentur . Multa a

*signa
communis
exanthema-
tum fu-
gientium*

MORTONO (a) enumerantur , quæ in Variolis, Morbillis , & Purpura scarlatina ita crebro occurrunt, ut pro pathognomonicis horum affectuum signis reputanda ei videantur. Talia sunt *pulsus debilis, & rarus, respiratio admodum cita, & anhelosa, hypochondriorum oppressio, & angustia, urina pallida, & tenuis, vel saltem rubedine non multum tincta, aut contentis saturata, affectus cerebri comatosus, vel vigiliae pertinaces, subsultus tendinum frequentes, non nunquam spasmi manifesti, & deliria prorsus efferata, gravativa palpebrarum debilitas, oculorum rubedo, punctura dolorifica, ac lacrymæ involuntaria, adeo ut ager oculos difficulter admodum aperiat, vel lumen aspiciat; in gutture dolor ulcerosus, raucoedo clangosa, tussis perpetuo molesta, immanis, ac ferina. Verum hæc neque una, & simul, neque omnia semper convenire credas, neque omnibus aquæ exanthematicis morbis familiaria esse, ut communia vere dici possint, quin interdum deficiant . Quod probe animadvertendum velim.*

(a) Oper. T. 2. exercit. 3. cap. 3.

§. IX.

Omniū vero frequentissimū, & prope commune indicium non sine experientiae suffragio ab ALLENIO prædicatur *ingens pectoris oppressio* cum anxietate, atque irrequie conjuncta, quæ tamen a peripneumonica pectoris angustia, & spirandi difficultate non parum dissentiet (a); Eam enim hoc potissimum distingui licet, quod non ita constans, æqualisque sit, ut in peripneumonia, sed subinde remittat, & quasi cesset, licet per intervalla resurgat, & sine manifesta causa ingravescat, desinat vero cum reliquis fere symptomatibus, si morbus benignus fuerit, & purus facta exanthematum eruptione. Neque in illa exspiratus ore halitus calens esse percipitur, saltem non ita, ut in peripneumonicis, neque pulsus durus est, ut in inflammationibus esse consuevit, nisi forte cum inflammatione complicitur malum. Quare videtur valde probabile, pectoris istam oppressionem non aliunde derivandam esse, quam a convulsiva diaphragmatis, pulmonum, & muscolorum thoracis affectione, aut epigastrii, hypochondriorumque irritatione, quam exanthematicus fomes plus minus nervos, fibrasque musculares irritando procreat.

*Signum
commu-
nibus ab
Allenio
prædica-
tum.*

(a) *Synops. univ. med. P. I. Cap. I. §. 219. edit. Venet. 1762.*

§. X.

Pulsus quinam? Pulsuum quoque consideratio lucis non parum affundit. In plerisque enim arteriarum motus ita varius reperitur, ut non unus, idemque diversis temporibus exploratus appareat; sed modo frequens, modo rarior, modo elatus, modo humilis & depressus; modo inæqualis. Ex hac igitur *Crebra* *torum mu-* *tatio, & varietas.* pulsuum varietate & crebra mutatione ad latentem morbum prænosendum eruitur maximum *Coma, & Pervigilium.* adjumentum. Eo etiam spectat utrumque Coma, vigil nempe, & somnolentum, utpote quod ab ipso initio in hisce morbis deesse non solet; itemque pervigilium, & quædam insolita; & præter consuetudinem invincibilis impotentia ad obdormiendum cum mentis aliqua confusione. *Nausea & vomitio.* Neque oblivisci nos oportet nausæ, vomitus; & vomendi conatus; qui plerumque ante exanthematum eruptionem ægros angunt, atque ab omni cibo, & potu arcent, desituri; quam primum exanthemata prodierint. Quod si dorsi; *Alia si-* *signa* *exanthemat. futurorum.* artuumque dolor; & sensus quidam torporis, & contusionis fractionisque ad hæc accesserint; vox quodammodo tremat, manusque dum porriguntur, & moventur, trepidare videantur, multo clarius exanthematica morbi natura patefiet.

§. XI.

Tempora, sive period. His igitur de morbi genere, differentiis, & signis in universum, & summatim expositis, pauca dicenda supersunt, quæ ad diversa tempora, quibus totum exanthematum curriculum distinguitur, atque ad eorum causas, curationemque

respiciunt, non minus, ut arbitror, quam superiora, observatu digna. Exordiar ergo a temporibus, quæ tria in quolibet exanthematico morbo constitui, & notari solent. Primum est illud, quod eruptionem antecedit, & quodammodo ad eam præparat, habetque varia nomina. Aliis vocatur *prima periodus*; aliis *tempus separationis*; aliis *febris eruptionis*, aut *status febrilis*; & deum de Variolis si sermo sit, vel similibus contagionibus, a BOERHAAVIO *status contagii*, aut secundum non nullos *apparatus* simpliciter dicitur. Sed quocunque modo nominetur hæc periodus, parvi refert, dummodo accipiatur, intelligaturque spatium illud, quod a primo febris ingressu incipit, & perdurat ad exanthematum usque eruptionem. Erumpentibus exanthematibus exorditur *altera periodus*, quæ nomine *eruptionis*, aut *efflorescentiæ* producitur eo usque, quo exanthema evanescere, aut resolvi conspicitur, succedente *tertia periodo*; cui exsiccatio, sive *desquamatio*, sive *resolutio* pro exanthematis diversa natura nomen est. In Variolis *tertia periodus* est illa, in qua pustulæ inflammantur, & suppurationem subeunt, ideoque istud stadium *inflammatorium*, aut *suppuratorium* quidam appellant. Hinc in his quartum locum sibi vindicat *exsiccatio*, sive *ultima periodus*. De singulis vero plura, & magis distincte in peculiari cujusque exanthematis descriptione.

Primum tempus, sive prima periodus.

Alterum tempus.

Tempus tertium.

Variolæ habent quatuor tempora, non tria.

§. XII.

Causæ. Ad causas quod attinet, multiplex earum genus esse videtur, aut saltem variabile non parum pro diversa exanthematum natura, & ægrotantium ætate, constitutione, temperie, victu, & regione; de quibus singillatim in sequentibus Capitibus. Id vero indubitatum, & prespectum existimo, aliquid acre (§. IV.) in hisce morbis vel intus genitum, vel extrinsecus receptum subesse, ingenio, vi, atque effectis varium in singulis. Re enim vera, quanquam in omnibus cutem, & velamenta corporis constanter appetat, tamen aliud magis unam sedem, aliud aliam occupat, & diversam unumquodque maculæ, aut pustulæ tumorisve figuram, molem, speciemque assequitur; ac retinet. Sic aliud vasa cutaneæ; aliud mucosum Malpighianum corpus; aliud cellulosa spatia, aut folliculos, aut glandulas aggredditur; aliud universam paullatim cutem; aliud peculiarem aliquam partem inflammat; aliud maculis diffusis, sejunctis, & discretis se exhibet; aliud consertim; aliud sparsim erumpit. Hoc minutas quasi ecchymoses efficit, illud pustulas tam colore, quam magnitudine, atque habitu sui prope generis profert; exiguas hoc phlegmones, aut vesicas, aut phlyctænas, aut tubercula certa ratione, & mensura format, & sic porro; quemadmodum propria cujusque natura, & sedes (§. II.) tulerit.

Varia sedes.

§. XIII.

§. XIII.

Quæ demum cuique exanthematum generi, *Curandæ ratio generatim.* singulisque eorum periodis (§. XI.) conveniat curatio, in universum decerni vix potest. Quædam tamen generalia præcepta nobis suppèunt, unde scire liceat, qua nos ratione gerere oporteat. In quavis anathematum suspitione, si natura nec vehementius, nec languidius, quam opus est, ad separationem noxii, atque heterogenei principii incumbat, cunctari prestat, & quiescere, ne ejus opus interturbetur. Sin contra, eam aut inhiberi excedentem, aut incitari torpentem convenit. Quod si vel vasorum plenitudo, vel cacochyliæ gastrica, vel alia quæcumque causa incidat, quæ naturæ motibus obnitàtur; aut eos deflectere cogat, protinus ars in auxilium properare debet. Peculiari etiam acritudini apta medicamenta præsto sint, ne ea exitium acceleret. Cavere item oportet ab omnibus iis, quæ eruptioni impedimento sunt; aut jam factam reprimere possunt, ne metastases funestissimæ fiant. Hinc regimine utendum moderate diaphoretico tandiu, donec omnis nocuus humor penitus exhalaverit. Quibus autem auxiliis hæc cuncta peragantur, quibusque cautionibus opus sit, speciatim docebo in his, quæ proxime sequuntur. Non satis autem animadvertere possum, calefacientia quæque, alexipharmaca, atque nimium acria, aut irritantia universim noxia esse.

CAPUT I.

DE ERYSIPELATE.

§. XIV.

*In quo
differat
a vera
phlegmo-
ne.*

DE Erysipelate jam alibi, cum ejus affinitatem cum phlegmone generatim, breviterque ostenderem (a), verba feci. A phlegmone enim vera ita discrepat, ut potius phlogosis, si-ve quoddam inflammationis spurium genus (b) dici debeat. Hic, quoniam ad morbos exanthematicos febriles pertinet, paullo uberius de eo differendum nobis est, jure prope nostro utentibus, cum id mali probe noscere, & curare medicorum non minus intersit, quam variolas, morbillos, & miliaria,

* Synonyma

Bosa SENNERTI, de febr. l. 2.^a c. 15. Febris erysipelatosa SYDENHAMII p. 174. HAENII Febr. Div. VI. Febris erysipelacea HOFFMANN. Med. System. T. IV. P. I. Cap. XIII.

(a) Commont. de Inflamm. §. IX.

(b) PLATNER Inst. Chirurg. §. 156., & CALLISEN Instit. Chirurg. mod. §. CCXVI.

§. XV.

Erysipelatis descriptio.

Hoc igitur nomine (§. XIV.) designatur rubor quidam, plerumque e roseo albicans; rarius e purpureo, aut livido flavescens; aliquando ex rubro nigricans, qui in hac, vel illa corporis parte cutim summam subito occupat, aliquantulum eam attollens, sed tamen aequalis, & planus;

nus; lateque sine ulla spatii, aut figuræ circumscriptione sese diffundit, & quodammodo serpit, ut plurimum pruritu atque ardore magis, quam dolore ingenti molestus. Id autem peculiare, & proprium ejus est, ut, si digitis comprimatur, ibi candicet, albidumque vestigium recipiat, sed mox, remota pressione, pristinum colorem, splendoremque recuperet.

§. XVI.

Verum & legitimum Erysipelas est, quando omnes notas habet, quas modo memoravi. Contra, cum ab his deflectit, *spurium*, sive *nothum* audit. Multimodis autem a vero, legitimoque recedit, sed speciatim, tum, cum in eo cutis valde tumet, & tenditur, atque ita rubet, ut pressa non albicet, vel tumor altius se dimittit, partesque sub cute positas comprehendit; aut cum mollis is est, ferofumque humorem continere videtur, unde etiam minus rubeat, minusque renitatur, & facile foveas impressas retineat. Quod binis prioribus modis fit, *phlegmonodes* vocari solet; quod postrema ratione, *œdematodes* (a). His additur *scirrholes*, quod scilicet scirrhi duritiam exhibeat. Verum id improprie sic appellatur; nam a scirro vel longissime abest, vel scirrho tantum superveniens hanc denominationem obtinet; nisi *scirrholes* cum *Platnero* (a) vocemus illud, quod duritiam majorem reliquis habeat.

*Differentia. Vc-
rum. Ery-
sipelas
spurium.*

*Phlegmon-
odes.
Oedema-
todes.
Scyrrho-
des.*

(a) L. §. 158.

§. XVII.

Fixum. Quod si rubor iste (§. XV.) eundem semi-
Ambu- per teneat locum, nec in alium migret, *fixum*
lans.
Simplex. Erysipelas, *ambulans* vero dicitur, cum ab una
ad aliam partem huc illud vagatur. *Simplex*
quoque Chirurgi illud nominant, quod nullo
Compli- gravi, aut periculoso symptomate stipatur; *com-*
ratum. *plicatum*, quod contrario se modo habet, uti
quando alicubi livet, nigrescit, & gangræna
corripitur; unde *carbunculosum*; & *gangranosum*
Carbun- etiam nuncupatur, quamquam prius illud rectius
culosum,
& gan- *benignum*, hoc vero *malignum* dicerent. Sunt
granosum.
Leviga- etiam nonnulli, qui *levigatum*, atque *aquale*
rum.
Inæquale. inter ejus differentias ponant, cum videlicet pu-
stulis, aut vesiculis caret: & contra *tuberculo-*
sum; *scabrum*; *pustulosum*, sive *miliare*; *vesi-*
culare, sive *bullosum*, cum tuberculis, pustulis,
Benignum bullis, sive ampullis vesicularibus detorpatur. Ve-
& Mali- rum hujusmodi differentiarum prope inutiles, & su-
gnum. pervacuæ videntur iis, qui Erysipelas distinguunt
in *benignum* sive *simplex*, atque in *malignum*;
sive *complicatum*; vel tantummodo ad diversa
ejus tempora, & varios ejus gradus denotandos
accommodatæ reputantur.

§. XVIII.

Varia E- Nam pro varia temporum, quæ percurrit, ra-
rysipelatis tione, diversa quoque est ejus facies. *Initio* ple-
stadiis. rumque modice rubet, exiguum occupat locum,
ac levi cum tensione, pruritu, & dolore con-
jun-

jungitur. In *augmento* manifestius increfcit, latius propagatur, & majore fimul calore, tenfione, doloreque difcruciat. In *ftatu* omnia hæc perfiftunt: & cutis exiguis tuberculis, aut bulbulis per sæpe exafperatur, atque inæqualis evadit. In *decremento* demum rubor evanefcit, cutis fubfidit, & relaxatur, ficque malum epidermide reficcata, & fruftulatin fecedente refolvi confuevit; aut contra fuppuracione, aut gangræna finitur (a): quamquam rariffimum eft, Eryfipelas in fuppuracionem definere, nifi *phlegmonodes* ipfum extiterit. Quando vero gangræna ei fupervenit, fæpiſſime celerior eryfipelatis curfus eft, & plerumque aliqua cacochymia eam promovet. Diffuſſo autem morbo, interdum ejus fedes tumore quodam aquofo, albo, & molli ob atoniam relictam laborat; idque præſertim evenit, ubi eryfipelas *œdematodes* fuerit; aut cutis, non perfecte diſcuſſa congeſtione, induratur, rigefcitque, qui quartus eft finis, quem, etſi rariffime, confequitur malum.

(a) ASTRUC *Tract. de tumor. l. v. cap. I.*

§. XIV.

Longe vero utilior, commodiorque videtur Eryfipelatis diviſio in *Protopathicum*, *Fortitum*, ac *Symptomaticum*; utpote quæ ejus, non modo originem, naturamque diſtinguit, verum etiam ad rectam curandi rationem plurimum facit. *Protopathicum*, ſive *primarium*, quod alii *idiopathicum*, ſive *effentiale* vocant, ſponte, & ſine ullo morbo præcedente erumpit, cauſamque peculiarem interius genitam, atque humoribus in-

Alia utilior diviſio.

fidenter agnoscit. *Fortuitum*, sive aliis *Accidentale*, illud definiunt, quod non ab interiore sanguinis labe, aut depravato aliquo humore, sed a manifesta, atque exteriori causa progignitur, vel potius movetur; uti a solis ardore, a nimio frigore, ambustione, acerbis applicitis, punctura, cutis laceratione, &c. quanquam, ut libere dicam, non alienum a ratione arbitror, in his quoque casibus aliquid plerumque subesse, quod cum causa proegumena similitudinem habeat. Demum ab alio morbo pendet *Symptomaticum*, veluti quando vulneribus, membris luxatis, aut fractis, ulceribus, febribus acutis, anginæ malignæ, scorbuto, hydropi, œdematibus supervenit (*).

(*) Ad hoc genus a CALLISSENIO (*Instit. Chirurgiæ Modern. p. 72.* referri video erysipelas *phlegmonodes*, *œdematodes*, *scyrrhodes*, *herpeticum*, atque alia, quæ ad *spurium* ab aliis, ut supra (§. 16.) tradidimus, ablegantur. Has ipsas species, quas alii ad *Spurium*. & CALLISSENIUS ad *Symptomaticum Erysipelas* revocant, GORTERIUS (*Chirurg. Repurgat. lib. X. Cap. IV. §. 1412.*) ad *Erysipelas compositum* redigendas existimat, quia ex duplici, aut etiam multiplici morbo coalescunt.

§. XX.

Qualis
febris in
eo sit?

Erysipelas, pro diversa ejus ratione, febris ipsa vel antecedit, vel comitatur, vel subsequitur (a), uti quotidie experientia comprobatur. Interdum etiam accidit, ut ab eo, quando erysipelas levissimum est, quale plerumque fortuitum esse consuevit, penitus absit (b). *Protopathicum* ex fere semper antecedit: sæpius comitatur, aut
sub-

subsequitur *symptomaticum*, *fortuitumque*, si paullo gravius naturam laceffant. Ubi autem ejus eruptionem prænuntiat, fere in hunc modum exorditur, & progreditur: primum nec cogitantem frigus, horror, rigorque vehemens repente corripit, corpusque universum quatit ad horas aliquot cum pulsu exiguo, frequenti, contracto, lassitudine, virium lapsu, pondere permolesto circa cordis scrobiculum, gastrodynia, nausea, vomituratione, immo vomitu non modo ingestorum, sed etiam bilis flavæ; interdum vero sine vomitu. Paullatim tremor, & rigor conquiescit; frigori ingens calor succedit, pallori faciei rubor, sitis intensa, anxietas, spirandi difficultas, anhelitus, magna in somnum proclivitas cum pulsu elatiore, sæpe magno, vehementi, duro, crebro, mentis perturbatione, interdum delirio, & linguæ tarditate, qualis in ejus imperfecta paralyfi deprehenditur. Febris sic trahitur, aut semper increscens, *epacmaistica* instar, aut *homotonæ*, sive *acmofistica* similis eundem gradum servans, aut novis subinde accessionibus invalescens, donec Erysipelas omnino eruperit. Erumpit autem mox prima die ad finem vergente, aut quod frequentius incidit, altera. Quandoque ineunte ipsa febris se exhibere incipit; alias tertia, aut quarta tantummodo die (*), quod quidem rarius est, sese prodit in aliqua corporis parte, quæ sæpe aliquantulum dolet prius, & ruboris cujusdam lucidi specie signatur, qui rubor præsertim ubi in faciem irrupturum Erysipelas sit, circa nasum, Le Roy observantè (c), apparet.

Quæ antecedant
eruptionem.

(a) HIPPOCRAT. l. 3. *Epidem.* & GALEN. *Comment.* 3. in eund. n. 27. p. 364. in edit. in 12. Ubi verba Hippocratis hæc sunt : *Multis autem in febribus, & ante febrem, & a febre (Erysipelata) contigerunt.*

(*) Cl. SWIETENIUS §. 593. in BOERHAAV. narrat se vidisse *in muliere quinta febris die in brachio erysipelas natum* &c. Mihi quoque non semel contigit observare tardiolem hujusmodi erysipelatis eruptionem in cruribus.

(b) MEZA *Compend. medic. Pract. fascic. I. Cap. XVII.* §. 156. ubi sic inquit : *Non nunquam Erysipelas absque ulla febre oritur* &c. Id etiam testatur RICHARDUS, *Const. epid. Tuur. alter.* §. VIII.

(c) *Melang.* p. 64.

§. XXI.

Itaque simul ac rubor cutim occupat, si minus malum futurum sit; febris quoque incipit non nihil deservescere, sensimque, prout erysipelas extorsum propellitur, minuitur, atque evanescit, & una simul sopor, delirium, vomitus, & reliqua symptomata decedunt. Si vero majus vitium intus lateat, aut non tota ejus vis in cutem se effuderit, post levem, brevemque remissionem febris recrudescit, & nova materie ad cutim propulsa iterum mitescit, solviturque, sudore interea manante, atque urina crassa, & subsidente (a) emissa, Rarissimum enim est, febrem ultra perfectam erysipelatis eruptionem produci, nisi phlegmonodes, aut malignum, & gangrenosum sit. In priore casu cum tumor altius insideat; & compressione non albicet, congestoque sanguine durior renitatur, vix tum sperari potest, ut resolvatur; ideoque reliquum est, ut inflammatione pro-

Quando,
& cur fe-
bris pro-
trahitur.

protracta, atque in abscessum lente abeunte, febris, uti symptoma, protrahi debeat. In altero vero, gangræna orta, noxioque tabo in sanguinem remeante, nil mirum, si febris non desinat, nisi vitæ viribus exsolutis. Ceterum ubi regulariter febris evanuerit, rubor, & dolor partis affectæ remanet, sed paulatim subsidit, & discutitur, donec septimo tandem, aut nono die, omnino delitescat, secedente postea furfuris & lamellarum in modum ipsa epidermide. In ea Erysipelatum epidemica constitutione, quam anno 1721. Taurini vidit CAROLUS RICHARD (b), sæpe facile aut quavis alia parte, cui erysipelas infederat; detumescente, conturbabantur alvus, qua leniter fluente intra paucissimos dies integre morbus solvebatur. Non paucis inter initia sanguis e naribus erumpens salutem attulit. Hæmorrhagiam vero antecedeabant hypochondria dura, tumida, dolentia, intensior capitis dolor, aut rubor oculorum, aut aurium tinnitus.

Signum futura suppurat-ionis, aut gangræna finis.
Erysipelatis finis.

(a) PLATNER. l. c. §. 157.

(b) *Constit. epid. Taurin. altera §. VIII.*

§. XXII.

Quælibet fere corporis pars Erysipelati patet, sed præ cæteris caput, collum, brachia, & crura eidem; præsertim protopathico obnoxia sunt. Ubi caput malum impetit, sæpe frontem, palpebras, nasum, faciem, capillitium, collumque circuit, & peragrat; vehementerque dolent, & lancinantur partes, quæ eo afficiuntur. Immo quandoque enormiter intumescunt,

Capitis erysipelatis.

ita ut profundior tunc morbi sedes videatur ; & cutis ipsa pustulis , vesiculisque inæqualiter exasperatur . Si ab alterutra aure incipiat , primum proxima loca discruciat , deinde serpit ad reliqua ; cumque ad palpebras pervenerit , ita hæ tumore quodam œdematode inflantur , ut oculi vix , ac ne vix quidem detegi queant . Quandoque , dum priorem locum jam deferere videtur , novo veluti factò impetu in capillatam capitis partem inopinato irruit . Sæpe id malum certis anni temporibus fere epidemice vagatur , quod jam HIPPOCRATES observavit (a) . Quocunque autem confederit , eadem prope symptomata , quæ supra recensui , infert , eodemque modo increfcit , minuitur , & decedit . Discrimen si quod est ; totum in majore , vel minore functionum , quæ cujusque partis laborantis propriæ sunt , læsione versatur . Illud etiam memoria probe tenendum est , quòd crebris ex observationibus constitit , si erysipelas artubus inferioribus incubiturum sit , inguinis , & femoris glandulas conglobatas , vasis cruralibus adfuitas , antequam se exserat , leviter dolere , atque intumescere consuevisse ; axillares vero , ac cervicales , si brachiis aut superioribus locis immineat (*).

(a) *Lib. 3. epid. text. 29. ubi sic : Vere autem valde multis contigerunt erysipelata , permanebantque & per æstatem , & sub autumnum .*

(*) Notum , perspectumque omnibus esse puto , cutis dolori lacerationi excoriationi , rubori , inflammationi , ulceribus , pustulis , aliisque cutaneis morbis sæpenumero supervenire tumores glandularum lymphaticarum , quæ membro affecto , & laboranti respondent , superiusque positæ sunt . Qui venarum lymphaticarum

ticarum initium, & progressum noscunt, pene omnes sibi persuadent, puris, ichoris, aut alius noxii humoris aliquid a venis lymphaticis, absorberi, deferri-que ad glandulas conglobatas, ad quas progrediuntur, indeque has tumere ac dolere. Recte hi quidem. Sed ubi glandulæ prius tument, ac dolent, quam humor ullus ab aliqua parte suppeditari possit, unde-
nam earum tumorem, doloremque deduxeris? An aliquid per arterias ad glandulas, antequam in cutem pellatur, defertur, quo ipsæ intumescant? An sola nervorum, & lymphaticorum vasorum irritatio sufficiat? Vasa revera lymphatica irritabilia ita sunt, ut sola irritatione, teste HEWSONIO (*Descript. system. lymphat. Traject. ad Rhen.* 1383.) rubeant, inflammantur, & chordæ instar tendantur.

§. XXIII.

Summam autem cutim Erysipelatis sedem esse, omnino convenit inter auctores cum veteres, tum neotericos. Idque comprobari ajunt. 1. Quod manibus contrectata cutis, atque a subjecta pinguedine divulsa totum morbum continere deprehenditur, nec ulla alia particula tumere, dolere, aut reniti invenitur; de legitimo, & simplici erysipelate si sermo sit. 2. Quod, ubi gangræna supervenit, solam cutis superficiem ipsa tenet, nec altius, saltém inter initia, descendit. 3. Quod robur compressione evanescit (*a*). Quænam vero cutis pars potissimum afficiatur, non æque planum est omnibus. Alii enim extimæ cutis vascula rubris minora, cruori impervia, alii minimas fistulas, per quas tenuissimus halitus, vapor, aut sudor effertur, alii glandulas, sive folliculos sebaceos, alii *reticulum malpighianum*, & sic porro, magis laborare opinantur (*b*). At vix statui potest morbi sedes in una ex
hisce

hisce partibus, quin simul aliæ consentiant. Tanta profecto est earum omnium connexio, & complicatio. Itaque qui dixerit & vasa rubra, & alba, & textum cellulosum cutis, & corpus reticulare, sive, ut hodie vocant, mucosum, affici, non valde a vero aberrabit. Qui enim fieri potest; ut pressione rubor facile evanescat, locum sæpe mutet, phlyctenas excitet, aut œdematis speciem referat, nisi cellulosis textus, corpusque mucosum, quod cutim cum epidermide nectit, occuparentur;

(a) ASTRUC. *l.* 3.

(b) CALLISEN. *l. c. p.* 71. PLATN. §. 160. ASTRUC *l. c.* GORTER. *l. c.* §. 1423.

§. XXIV.

*Causa e-
ius proxi-
ma.*

Color porro dilute roseus, & flavescent, suffrag, vagus; pruritus; calor acer; dolor pungens magis, quam pulsans; facilis de uno loco ad alium transitus; vesicularum, quales ignis parit, excitatio; sanguis e vena missus, rutilans, spumidus, vix cohærens, quæ omnia in legitimo, & primario erysipellate observari solent, satis, ni fallor, evincunt, ejus causam proximam esse *phlogosim*, quam procreat humor quidam tenuis, calidus, acerque, biliosæ sanguinis pari a veteribus dictæ quam simillimus, intus utcunque genitus, & primum nervosum genus, deinde cor, arteriasque repente percellens, a reliquis paulatim liquoribus, motu febrili oborto, secedens, atque ad cutim alicubi propulsus, aut in ea primario etiam defixus, & locum, in quo sistitur, vel latebat, peculiariter irritans, atque inflam-

mans.

*Qualis
humor
morbum
faciat?*

mans . Et talem eum reapse esse etiam ex hoc cl. PLATNERUS (a) colligit, quod nunquam ipse , ut sanguis in vera inflammatione, coquitur, nec in pus bonæ notæ vertitur, sed, nisi diffletur, in saniem potius mutatur, quæ cutim rodat, & mala ulcera inurat .

(a) L. c. §. 160. Item GORTER. *Chirurg. lib. X. cap. IV. §. 1429. 1431.*

§. XXV.

Quod si humor iste cum sero sanguinis uberiore, aut cum cruoris magna vi congeratur, erysipelas non simplex, & legitimum exsurgit, sed *ædomatodes*, cut *phlegmonodes*. Nec a *Scirrhone* quod vocant, distabit, si iners, ac lenta quædam materia cellulas, & minima vascula oppleat, ut cutis aliquanto manifestius rigescat. Cum vero acritas humoris ad eum gradum pervenerit, ut sensus nervos, irritabilitate vascula, & fibras exuat, & quasi quadam venenata potestate destruat, erysipelas habebis *malignum*, & *gangranosum*. Id alii repetunt a tali humoris congestione, ut omnis circuitus vitalis in loco affecto tollatur; quod interdum etiam ex hac causa nasci posse non negaverim.

§. XXVI.

Plurima autem genera causarum existunt, quæ humorem illum (§. 13.) aut præparant, aut gi- Causa
remotio-
res. gnunt, aut excitant, inque motum adigunt, aut extrorsum avocant, aut alicubi defigunt, aut ejus evolutioni occasionem suppeditant. Hæ vero et-
iam

iam remotæ dicuntur, sive antecedentes, & partim corpori ipsi insident, & partim extrinsecus eidem adveniunt. Præcipuæ earum censentur temperamentum sanguineum, aut cholericum; habitus obesus, aut contra cachecticus; cacochymia; acritates variæ, præsertim oleosa, pinguis, & rancida, tam sola, quam cum aliis recrementis omnium corporis succorum copulata (a). cacochylia primarum viarum, in primis biliosa; bilis ipsa exuberans, aut commota (b); mensium; hæmorrhoidum, ichoris cujusque manare soliti, expirationisve cutaneæ suppressio; metastases; scorbutus; hydrops; oedemata crurum; scirrhi; cancer; ulcera; acria ingesta, aut applicita; spirituum vinosorum abusus; immoderatæ exercitationes adipem solventes, atque acritudinem in humoribus exaltantes; fricationes asperæ, ignis, vel solis ardor; irritatio fibrarum cutis quæcunque tum a causa interiori, uti a lymphâ acri, tum a causa exteriori, uti a compressione vehemente, aut punctione; luxationes, vulnera; epispastica; insectorum morsus; applicatio frigidi, aut calentis corporis (c); animi graviores commotiones, & præsertim ira, & terror (d), ex quibus erysipelas non solum movetur, verum etiam subinde redit, & quasi periodice recurrit, *periodicumque* tunc nominatur.

(a) PLATNER *l. c.* §. 1.

(b) VAN-SWIET, *comm.* §. 723.

(c) NICOLAS *Manuel du Jeun. Chirurg.* p. 343.

(d) PLATNER. *L. c.* §. 159. CALLISEN. *L. c.* p. 72.

P R O G N O S I S.

§. XXVII.

Erysipelas leve malum, nulliusque momenti a quibusdam creditur; sit quamquam sæpe innocuum, & salutate sit, felicemque exitum fortia-
tur, non tamen semper periculo vacat, nec con-
temnendum plane est. Immo HOFFMANNUS (a)
non dubitat illud in multis symptomatibus, ac
perniciosa natura cum pestilenti ipsa febre com-
parare. Simplex, benignum, fixum, item fortui-
tum, sive *accidentale*, & quandoque symptomati-
cum minus discriminis habet, quam complicatum,
compositum, malignum, ambulans, & prima-
rium. Quod caput, faciem, palpebras, aut col-
lum infestat, id apud plerosque male audit (b);
nam prius illud gravius plerumque est, cerebrum-
que ipsum quandoque afficit: posterius vero hoc
sic venas jugulares, laryngemque urget, & quasi
injecto vinculo cohibet, ut sanguinis e capite re-
ditus, spiritusve intercipiatur. Eoque majus peri-
culum imminet, si a causa interiori originem
ducat, nec intra septem, aut octo dies resolu-
tur: nam tum suppuratio timenda est, aut etiam
gangræna; quam postremam appropinquare indi-
cant doloris, & ruboris repentina cessatio, &
phlyctenæ in summa cute exortæ (c).

(a) *Med. Syst. Tom. IV. Sec. I. cap. XIII.*

(b) PLATN. *l. c. p. 161.*

(c) *Nicolas l. c. p. 344.*

§. XXVIII.

*Le Roy
sententias*

Ab aliorum tamen fere omnium sententia dissentire non dubitat LE ROY. Is enim experientia confusus sua, faciei erysipelas benignum, & salutare omnino esse prædicat, atque in criseos bonæ modum procedere, intraque tres, aut quatuor dies tantum ad summum apicem pervenire; plena vero facta eruptione febrim, & cuncta reliqua symptomata minui mirifice, & quandoque penitus cessare; hincque paullatim ruborem, & tumorem discuti, ac postremo epidermidem desquamari, & decidere (a). Contra non æque innoxium, & criticum idem vir celeberrimus habet illud, quod crura aggreditur cum febre acuta, quodque senibus, aut cacochymicis supervenit, utpote in gangrænas sæpe, aut abscessus periculosos facile desinens. Etsi vero res sapius se habeat, ut LE ROY exposuit, aliquando tamen hoc idem faciei erysipelas in gangrænam transire posse videtur, cum SYDENHAMIVS (b) testetur, huic malo fini obnoxium esse quodcunque erysipelas, cuicunque parti infederit.

(a) *Melang. de Physiq. & de Med. p. 164.*

(b) *Señ. VI. cap. VI. p. 321.*

§. XXIX.

Generatim quod cum mala, pernicioaque febris oritur, aut malignum est, aut phlegmonis naturam attingit, aut aliis morbis mali moris accedit, non caret periculo, quia plerumque gan-

gangræna, aut abscessu terminatur. *Ab erysipellate autem putredo, aut suppuratio*, inquit HIPPOCRATES (a), *malum*. Item si erysipelas introverti contingat, ut non raro fit, phrenitides, aut peripneumonix lethales, alique periculosi morbi consequuntur. Quod idem HIPPOCRATES jam cognovit; nam scripsit: *erysipelas ab exterioribus verti ad interiora, non est bonum, ab interioribus vero ad exteriora, bonum* (b). At multo clarius loquutus est Auctor Coacarum (c), in hunc modum, *Erysipelas foris quidem extare, utile: intro autem vergere, lethale*. Cujus quidem rei indicium est, cum, rubore, evanescente, pectus gravatur, & agrius spiritum trahit ager.

(a) Sect. VII. aph. 20.

(b) Sect. VI. aph. 25.

(c) N. 366.

§. XXX.

Attamen non semper Erysipelas intro versum exitium affert, si SYVIETENIO (a) fides habeatur; quaaquam SVDENHAMII observatio, quam ibi adducit, verum erysipelas non exhibeat, nec proprie ad ejus introversionem spectare videatur. Verum, etsi interdum fieri possit, ut eryspelas recedens, aut repercussum a viribus vitæ subigatur, aut iterum extrorsum amandetur, hujusmodi tamen metastasis prudentem medicum *Metastasis erysipelatis* terrere, ejusque solertiam excitare debet, ne securum nimis, incautumque inexpectata ægri perniciēs demum percellat. Evenit etiam interdum, ut febris, quæ erysipelatis eruptionem molitur, aliquandiu trahatur, quin tamen suo fine

ne potiri poffit. Tunc materia eryfipelatodes in cerebrum, vel in pulmones delata aliud morbi genus efficit, eo perniciofius, quo interior nobiliorque eft pars, quæ ab ea repente corripitur.

(a) L. c.

Curatio.

§. XXXI.

Ad curationem quod attinet, hæc pro varia eryfipelatis origine, ac natura, & pro vario ejus gradu differre etiam debet. In legitimo, primario, & febrim fubfequente, cum Natura motu febrili, ut recte exiftimant HOFFMANNUS (a), PLATNERUS (b), LE ROY (c); JAUBERTUS (d), alique expertiffimi fcriptores, a pravo, & noxio peculiari quodam humore fe liberare nitatur, totaque ad eum verfus cutim propellendum incumbat; confequens eft, ut Medicus Naturæ minifter eodem curam omnem intendar, pro viribus cavens, ne motus, conatusque ifte nimium excedat, aut deficiat, nam utroque modo poffet effectu fuo carere. Quærat igitur, num fanguinis miffio, quæ primum artis præfidium in curationibus præftare folet, locum ullum habeat. Non levis vero hac de re diffenfio occurrit inter Auctores. Alii, quibus nempe eryfipelas pro vera inflammatione habetur, phlebotomiam non modo approbant, fed etiam pluries repetendam jubent; inter quos ASTRUCIUS (e) agmen ducit, utpote qui ad eryfipelas primarium refolvendum quinquies, vel fexies primis morbi diebus venam

in-

*De vena
fectione
diffidium.*

incidi velit; nec minus in sanguine mittendo liberalius esset ad secundarium, sive symptomaticum discutiendum, nisi id jam præstitum fuisse principis morbi causa cogitaret. Alii contra, qui videlicet, a phlegmone erysipelas segregant putantque in eo summam sanguinis tenuitatem adesse, a principio quodam acri, ac solvente profectam, uti noxiam venæ sectionem rejiciunt (f), vel certe parcius instituendam esse, si unquam, præcipiunt.

(a) L. c. (b) L. c. (c) L. c.

(d) *Mem. de la Société Royal. de Médec. Année 1776. p. 529.*

(e) *De Tumor. l. 2. cap. 1. p. 69. edit. Ven.*

(f) GORTHER *chirurg. repurgat. lib. X. Cap. IV. §. 1443.*

§. XXXII.

Verum; dum sic in utramque partem disceptant, dicam libere, qua via incédendum mihi videatur. Itaque si febris vehementius excandescat, si plethora corpus gravetur, naturæque conatibus impedimento sit; si æger temperamento sanguineo donetur; si pulsus magni, validi, duri deprehendantur, si dolor capitis, aut spirandi difficultas discruciet, continuo post sedatum horrorem, rigoremve febrilem, exsertumque calorem, & antequam erysipelas appareat, aut ex toto prodierit; per venæ sectionem naturæ laboranti succurrere oportet; ut moderata aliquantulum febris vi, & relaxato sanguinis nexu, reseratisque meatibus, facilius acer humor erysipelatodes se se expediat, exteriusque feratur.

*Quando
vena. se-
canda.*

§. XXXIII.

*Quando
iteranda
sanguinis
missio.*

Immo si, post emissum sanguinem, symptomata adhuc urgere pergant, atque erysipelatis eruptio cunctetur, quod sæpe contingit, repetendum id auxilii genus est, præsertim ubi sanguis primo detractus lentorem phlogisticum ostenderit. Quod etiam non prætermittendum est, cum erysipelas caput, faciem, aut collum jam occuparit, si antea vena secta satis non fuerit; aut cum ejus generis sit, quod proprius ad phlegmonem accedit, neque post ejus eruptionem febris, & reliqua symptomata se se remiserint; nam tum, ut vera inflammatio, prudenter curandum est.

§. XXXIV.

*Quando
omitti de-
beat.*

Contra ubi vasorum plenitudo deficit, temperamentum, habitusque corporis adversatur, febris mitior est, nullisque gravibus comitatur symptomatibus, aut vires vitæ languent cum pulsibus nec magnis, nec validis, aut cuncta, erysipelate jam prodeunte, placidius procedunt, aut erysipelas, legitimum, aut fortuitum, sive *accidentale*, aut *œdematodes* est, aut summopere *malignum*, *carbunculosum*, aut *necroticum* prævidetur, aut morbis malignis, & putridis, aut scorbuto confirmato, cachexiæ, hydropi adjungitur; sanguinis missio omitti potest, ut minime necessaria, aut etiam vitari debet, ut perniciosa, & noxia.

§. XXXV.

§. XXXV.

Magni etiam refert sanguinis e vena missi diathesim diligenter inspicere. Nam si floridus, tenuis, biliosus, & solutusprehendatur; parcius: si vero contrario se modo habeat, liberalius eum detrahi licet. Si etiam ex iis, quæ præcesserunt, conjiciatur, acrimoniâ plus, quam boni sanguinis cepiam prævalere, si rubor, & calor non magnus sit, si *fugax*, atque *ambulans* erysipelas videatur, si urinæ tenues, crudæ, aquosæ, aut crocæ, & minime subsidentes excernantur, si pulsus inæqualiter saliant, irritati quidem, at non pleni, & fortes; cautissime se gerere oportet Medicum in sanguinis missione si-ve decernenda, si-ve celebranda, ne scilicet mali causam deteriorem efficiat, aut criticis moliminibus noceat, aut metastasi ad interiora occasionem præbeat.

Sanguinis missi diathesis consideranda, ne in eo mittendo peccetur.

§. XXXVI.

In ipso præterea morbi ingressu diligenter disquirere debet, an primæ viæ sordibus, præsertim biliosis scateant, atque alvus respondeat, nec ne; ut illæ cito evacuari pro re nata possint, hæc vero moliri, & laxari. ASTRUCIUS (a) emetica, & cathartica suadet, præcipue in eo erysipelate, quod caput, & faciem teneat. Emetica quoque utilia prædicat LE ROY, quando nausea, & vomitus biliosus inter initia ægrotantem exagitent (b). Sed in magno spasmodorum conflictu, etsi colluvies bilaris, & cacochylia putrida turgeat, præstabit vomitum potu aqueo,

Quòmodo & quando purgandum.

repido, & mellito, promovere, quam projicere acri medicamento, quod summopere noxium in primis esset, si ira (c) causam procatasticam malo præbuisse; alvum vero satius erit enematis lenire, quam catharticiis proritare. Quod si tamen saburra intestinalis poscere videatur medicamentum aliquod, quo ea validius deturbetur; tunc post sectam jam venam alvus ducenda est decocto Tamarindorum, aut Cremore Tartari, aut sale quopiam neutro magna aquæ copia diluto, aut simili blandiore Eccoprotico, & quidem antea quam Erysipelas foras proruperit. Nam propulso jam ad cutim erysipelate, cautissime alvus laxetur, & tunc solum, cum putridæ, & bilaris saburræ signa non desint, aut depravati humoris quantitas morbum plus justo protrahere videatur, aut revellendi a capite, quando id graviter afficitur, aut intumescit, necessitas citam opem postulet, nec satis sanguinis missione confidere quis possit. Alias metuendum esset, ne alvi ductio temere instituta opus naturæ perverteret, aut intro erysipelas ipsum revocaret. Hoc vero resolvi incepto, atque ad finem properante audentius licebit alvum movere, & reliquum morbificæ materiæ epicraticæ, & leniter hac via expurgare.

(a) *Luc.c.* (b) *L.c.* (c) HOFFMANN *Dissert. de Medicina Emetica, & purgante post iram veneno. Oper. T.VI. p. 291.*

§. XXXVII.

Humoris vero noxii , quem Natura expellit , *Quibus
sustineri
eructio
debeat*
separatio , atque excretio adjuvari etiam debet
quiete in lectulo , potu aqueo largiori , attempe-
rante , & leniter diaphoretico ; cui , ubi calor ,
& motus circularis , aut intestinus excedit , ni-
trum , aut succus mali citrei , aut medici cum
pauillo sacchari adjici potest , aut aceti aliquid
cum melle , quod pauperibus facilius , commo-
diusque est , Decoctum hordei diluit , & tempe-
rat egregie , dilutum florum sambuci , aut tiliæ
blandissime resolvit , & diaphoresim promovet ,
præsertim si tepide sorbillentur . Ubi erysipelas ,
calor , & febris sese remittunt , & sudor manare
incipit , curandum est , ut is se per totum cor-
pus diffundat , quod præstat sorbitio calida , quies ,
& stragulorum prudens additio . Quorum actio
sustinenda est victu tenui , humectante , & refri-
gerante ,

§. XXXVIII.

Extrinssecus multa proponunt admovenda scri- *Que sunt
pica cor-
veniant*
ptores , in primis Chirurgi ; sed pleraque , si non
noxia , certe supervacanea mihi videntur . Ple-
rumque sufficit locum a frigore , aut contactu æ-
ris arcere ; itemque ab actu nimium calidis . Sic
paullatim humor resolvitur , & per cutis meatus
expiratur . Si pars acerbius doleat , tendatur , &
nimium caleat , aut arescat , ea fovenda est lin-
teis ex aqua spermatis ranarum repente , aut de-
cocto florum sambuci , & malvæ expressis , &
subinde , ubi frigent , aut resiccantur , renova-
tis.

tis . Si demulcere magis opus sit , aliquid lactis recentis decocto utiliter admisceri potest . Si robor , atque ardor intensius urgeant , præsertim cum malum diutius trahitur , difficiliusque discutitur , lactis loco aliquid optimi aceti additur , quod æstum refrænât , potentiùsque resolvit . Quod si nihilominus erysipelas die septimo , octavo , nono , aut decimo non minuitur , metumque incutit , nè pars affecta ob nimiam cutis plenitudinem , & distensionem emoriatur , incisionibus crebris pertundendam non nulli præcipiunt ; quod multo magis fieri conveniet , si color ejus ad purpureum , aut lividum vergere jam inceperit .

*Quando
incisioni-
bus uti
liceat ;*

§. XXXIX,

*Quomodo
suppuratio tra-
tanda .*

In Erysipelate phlegmonode , si frustra tentata fuerint ea , quæ ad resolvendum valent , nec quidquam sanguinis missiones iteratæ , aut alvi ductiones , & reliqua profuerint , reliquum est , ut suppuratio expectetur . Quam jam fieri indicabunt dolor pulsans , tumor alicubi manifestior , & fixus , febrisque exacerbantis & remittentis continuatio . Quod ubi incidit , cataplasmata ex mica panis , & foliis malvæ lacti incotis superponenda sunt , donec , facto pure , & subter fluctuante , ferrò abscessus aperiri possit . Quo in casu Chirurgo reliquum curationis committi debet . Committi ei quoque omne negotium debet , si pustulæ in summa cute exortæ , aut extrema suppuratio facta in ulcus degeneraverint , sæpe molestum , & diuturnum . Sed dum extrinsecus chirurgica medela adhibetur , atque ulcus detergitur , & exsiccatur , non negli-

genda tamen pro caussarum varietate curatio etiam interior est.

§. XL.

Erysipelati œdematodi sufficiet decocto simplici *Quæ Erysipelati œdematodi curatio conveniat.* florum sambuci, & chamæmeli foveri. At si nimia laxitas timeatur, eidem parum spiritus vini cum camphoræ momento adjici poterit, vel demum sacculi cum farina fabarum, aut hórdei calenti, aut pulvere florum sambuci imponantur. Aqua etiam calcis egregie discutit, & resolvit. Lente vero ad resolventia, & reprimentia deveniendum; nam si justo citius discutiatur, repelli ad interiora cum magno vitæ periculo posset. Quam ob rem vitentur frigida, adstringentia, styptica, aut cutis poros obstruentia, licet passim ab auctoribus commendata. Quæ, si unquam opportunè adhiberi possunt, tunc solum locum invenient, cum jam erysipelas sua stadia percurrerit, & sola partium atonia, & laxitas remanserit emendanda.

§. XLI.

Quod si humor, qui erysipelas facit, acerrimus, & venenatæ prope indolis sit, ut partes affectæ liveant, nigricent, aut phlyctænis atris repleantur unde gangræna imminere videatur; quod in *maligno*, aut *carbunculo* intra paucas horas interdum evenit; tunc citissime scarificationibus * exitus venefico ichori parandus est, utendumque tam intrinsecus, quam extrinsecus alexipharmacis, antisepticis, in quibus excellunt Cortex peruvianus, radix Serpentariæ, Campho-

phora , Spiritus Mindereri , Elixir vetriodicum Londinense , & resinosa balsamica extrinsecus . Sed hic quoque prudentis , atque experti Chirurgi consilio , & opera opus plane est .

(*) Non modo in *maligno* , & *carbunculofo* Erysipelate scarificationes indicatur , verum etiam in eo , ubi cutis onere gravatur , & intumescit , a Cl. FREN-
DIO (*Histor. medic. Edit. Venet. in 4. pag. 29.*) ut præsentissimum remedium proponuntur hisce verbis :
In erysipelate præsertim , sed & in aliis quoque casibus , ubi inflammatio adest , experientia docet , per ipsius partis affectæ scarificationem , cum membranæ onere gravatæ crassiores appareant , frequenter malum omne mira cum celeritate dissipatum evanescere .

§. XLII.

Quomodo curandum sit fortuitum, & symptomaticum. Quid porro *fortuito* , sive *accidentali* erysipelati succurrat , facile ex superioribus quisque intelliget . Generatim causas remove oportet , & inde natam phlogosin , quæ ut levior , sic facilis resolutu est , leniter discutere , & demulcere . De *Symptomatico* vix attinet dicere , cum ejus curatio ex morbo principe , a quo pendet , omnino petenda sit . Erysipelas intro versus , quod non infrequens est , postulat venæ sectionem , cucurbitulas tum siccas , tum scarificatas , epispastica , vesicantia , fomenta , balnea , diaphoretica , & nisi hæc prosint , & extrorsum illud avocent , etiam cathartica .

§. XLIII.

Sæpe accidit, ut qui semel erysipelati obnoxius fuit, levi negotio in idem malum relabatur, & quasi periodice, statis nimirum interval-^{Prophy-}
lis. Ad prophylaxim multa multi proponunt. At ^{lactica}
in peculiares, & proprias cujusque proegumenas ^{cara.}
causas inquirere oportet; quibus detectis non
arduum est decernere, quam auxilia opportu-
na futura sint. In universum antiphlogistica, at-
temperantia, & præsertim serum lactis, succi ci-
chorei, fumarie, taraxaci, nasturtii aquatici, a-
quæ medicatæ, balnea aquæ dulcis, & potissi-
mum cathartica refrigerantia subinde repetita pal-
mam referunt. Cauteria item, setacea, aliaque
ulcera manantia, sive ut vocant, emissaria quam
plurimum prodesse visa sunt. Crura post erysipe-
las œdemati plerumque obnoxia sunt. Huic ma-^{Oedemati}
lò prospiciunt ocreæ ex tela cannabina, aut ex ^{relieto}
corro canino rite præparato confectæ, & cruri-^{quæ re-}
bus nudis, dum inane detinuerint, ad amussim ^{medio}
accommodatæ, ut laxas partes sustineant, & fir-^{sint.}
ment, diuretica, atque hydragoga, quæ humores
revellant, deriventque, & topica discutientia, &
roborantia, quæ atoniam emendent. Novi Me-
dicos, Chirurgosque, alioquin suæ artis non im-
peritos, qui ab ocrearum, quas proposui, usu
indiscriminatim quam longissime abhorrent. Sed,
bona eorum venia, quando pedum œdema ex
hac tantummodo causa oritur, nec a malo to-
tius corporis habitu est, quicumque ipsorum me-
tus extiterit, prorsus contemnendus est, nam
nullam inde noxam unquam vidimus.

C A P U T III.

DE IGNE SACRO, QUEM ZOSTERA;

SIVE ZONAM * VOCANT.

§. XLIV.

EST quoddam exanthematum genus, quo exteriores corporis partes corripitur solent, interdum cum febre conjunctum, aut eam subsequens, paucissimis motum, quod, quia magnam cum erysipilate affinitatem quibusdam habere videtur, atque exanthematicis morbis febrilibus accensetur, nequaquam hoc loco prætermitti licet. De eo vero ita obscure, & breviter Veteres verba fecere, ut disceptari adhuc queat, num iis reapse innotuerit. Excipiendus fortasse inter ipsos est PLINIUS, qui etsi paucissimis verbis, quamdam tamen ignis sacri speciem commemorat, cui *Zoster*, sive *Zona* nomen est, & magna cum nostro convenientia (a) tribuitur. Ignis autem sacri duas species descripsit C. CELSUS (b), quarum prior a GORTERIO una eademque habetur cum *Erysipilate bulloso* (c), posterior vero cum erysipilate, quod *ulcerosum* ipse (d) appellat. Nec a GORTERIO dissentit JODOCUS LOMMIUS (e), qui ignem hujusmodi sacrum cum C. CELSO (f) *malis ulceribus* adnumerare videtur. FRIDERIC. quoque HOFFMANNUS id morbi genus ad peculiare Erysipelatis genus referendum existimat (g), eandemque in sententiam migravit LORRYUS (h) GALENI etiam permotus auctoritate (i). Multi, ut GORTERIUS ipse fatetur, herpetibus adnume-

merandum esse censent, atque ex his non nulli, uti PLATERUS (l) & TULPIUS (m) ad *herpetem* speciatim *esthiomenon*, sive *exedentem* spectare ejusmodi malum non dubitant. Neque ab eorum sententiis deflectit PLATERUS (n) qui ad *Erisipelas* referri posse scripsit *rarum illud morbi genus, quod Veteribus Zoster, Zona, vel Herpes dictum est*. Verum HAENIUS, qui illud sæpe in Batavia, & semel etiam Vindobonæ, quale est, de quo hic agitur, se vidisse asseverat, omnino ambigit, an notum priscis temporibus, & peculiari nomine donatum fuerit, aut illud vere habendum sit, quod ignem sacrum, vel ignem Sancti Antonii vulgo vocant, cum de vera hujusmodi vocum interpretatione non satis liquere, jure, ni fallor, ipse (o) contendat **.

* Ζώνη sive ζώνη græce, cingulum, sive fascia latine.

(a) Nat. Hist. l. XXVI. cap. XI. ubi inquit: Ignis sacri plura sunt genera, inter quæ medium hominem ambiens, qui Zoster appellatur, & execat si cinxerit.

(b) Lib. V. cap. 22. §. 4.

(c) Chirurg. repurg. §. 1420. (d) Ib. §. 1421.

(e) Observ. Med. l. 2. De vitis, quæ non cert. part. aliq. sed variam occupant. pag. mih. 200. ubi sic ait: Ceterum ubi exulceratum est Erysipelas, quod proprie sacer ignis appellatur, cutis alias summa afficitur &c. (f) L. c.

(g) Oper. omn. T. 4. P. I. sect. I. cap. XIII. §. VI.

(h) De morb. cutan. P. I. Sect. 2. Cap. I. art. 2. De sacro igne, & Zona sacri ignis specie p. 401.

(i) Ibid.

(l) Oper. Omn. T. 2. p. 3. ubi sub nomine Macule latæ sive papulæ feræ describitur.

(m) Observat. Medicinal. l. 3. cap. 44. ubi nomine exedentis præcordiorum herpetis donatur.

(n)

(n) *Institut. Chirurg. Ration.* §. 166.

(o) *Thes. de febr. Divis. VI.* §. 7. p. 3.

** *De Igne S. Antonii*, pessimo Ignis sacri genere, disquisitio absolutissima legi potest in *Memoir. de la Societè Royale de Médecine Vol. I.* p. 260. in qua a quatuor cl. viris JUSSIEU, PAULET, SAILLANT, & TESSIER decernitur, morbum illum esse veram siccam gangrænam, sive Necrosim SAUVAGESII, interdum etiam humidam QUESNÆI, ut ex allatis undique exemplis, historiisque ostensum est.

§. XXV.

*Tulpii
observa-
tio.*

Sed quinam hic affectus intelligendus sit, quibusque notis differat a reliquis morbis, quibus cum similitudinem habet, non melius, clariusque patebit, quam si primum unam vel alteram aliorum hujusce morbi historiam breviter in medium afferam, deinde ejusdem plenioris descriptionem, collectis in unum, atque ordinatis cunctis phænomenis, prout etiam a nobis observata sunt, ob oculos cujusque ponam. Vir pleni habitus, & calidi jecinoris vehementer circa præcordia doluit cum acri pruritu, insigni dolore, & frequentibus pustularum conglomeratarum circulis, primum rubris, mox albicantibus, & comparente in qualibet earum crusta nigra, qua convenienti litu separata, qualibet degeneravit in humidum ulcusculum cum acri dolore, sudore effuso, & interdum tam impetuoso virulenta materia raptu ad interiora, ut animus non secus aliquoties deficeret, ac si ipsum occupasset contagiosa aliqua pestilentia (a).

(a) Ex Tulpio HOFFMANN. l. c. observ. VI. in *epicrifi* pag. 140. edit. Genev.

§. XLVI.

Post TULPIUM hanc habet observationem FRI-^{Hoffman-}
 DERICUS HOFFMANNUS (a) : *Professor celeberrimus, quinquaginta & aliquot annorum, purpura scorbutica crebrius afflictus, post corporis intensam refrigerationem, corripiebatur subito languore virium, inquietudine, somni, appetitusque defectu, horripitatione, astu, cui juncta quadam mentis turbatio. Durabant hæc per tres fere dies, quibus elapsis, nocte antecedenti sensit intolerandum plane ardorem in præcordiali regione ad dorsum usque excurrentem; mane autem, inspecto loco dolente, insolitum comparuit exanthema, rubicunda nempe area, ex præcordiis ad dorsum cinguli instar extensa, cui insidebant consertim pustule partim albæ, partim rubræ nigrescentes. Inde quidem symptomata remiserunt, excepto exquisito ardente dolore, qui tantus erat, ut neq. somnum capere, nec locum affectum contingere posset. Medici, quorum consilio utebatur, quid hoc rei, nesciebant, & purpure peculiare genus, aut scorbuticum quoddam exanthema esse volebant. Ego vero illico cognovi pejorem erysipelatis speciem, & interne diaphoretica temperata, & externæ in sine oleum ovorum adhibui, quibus aliquandiu usurpatis, intra quatuordecim dies dolor conquievit, pustule aruerunt cuticula aspera facta, fissa, & desquamata.*

(a) L. c. observ. VI.

§. XLVII.

Haenii
observa-
tio.

HAENIUS; qui apud Batavos frequenter hujusmodi morbum viderat, semel (a) inquit, Viennæ occasionem habui eum auditoribus demonstrandi, idque, quod huc usque nunquam videre mihi contigerat, in sola facie. Nam antea, quantum numerosi me casus docuere, non nisi alterutrum abdominis latus; post febrim, non raro validam, die jam primo vel altero, vel tertio occupaverant maculae rubrae ea in plaga, nempe externa, cito admodum grandescences, dolentesque, variolis discretis majoribus persimiles, sed altiores, & racematim uno in loco secum coherentes, tum & interstitia vacua, magnaque inter se relinquentes. Hac tamen perpetua lege, ut ab anteriore parte abdominis nunquam lineam albam, nunquam a postica spinam transcenderent. In hac porro distantia inter lineam albam, & spinam dorsi sunt non nunquam paucæ racematim coherentium pustularum insule, alia vice multæ, aliquando etiam ita ut Zona spithamam lata, paucis liberis plagis dumtaxat relictis, medium abdomen perfecte cingat. Viennæ igitur vir odontalgiam passus dentem sibi evelli curat; unde dolore curabatur quidem, sed vacuo in maxilla loco molestum sibi aris conquerebatur ingressum. Hoc totum quod anamnesis docebat; quæ tamen, num sequenti malo faverit, omnino dubito. Oritur posthac ipsi media in fronte tuberculum, tri-duoque post febris horrida cum tumore sinistrae frontis, palpebrarum, genaeque ejusdem lateris, tumque pustula, quales supradescriptæ omnia lo-

ca dicta exacte implentes, sed ultra mediam faciei lineam minime excurrentes.

(a) L. c. p. 112. 113.

§. XLVIII.

Ex his igitur §. XLV. XLVI. XLVII. satis patere arbitror, *Zonæ* nomine exanthematum quorundam genus intelligendum esse, quod, ubi erumpit, racemos pustularum vehementer dolentium, & rubrarum sic exhibet, & disponit, ut ad aliquot digitorum transversorum mensuram cinguli instar corpus ambiat. Verum ut hujusce morbi exanthematici, rarius descripti, amplior cognitio habeatur, operæ pretium me facturum spero, si non modo ea omnia, quæ alii de eo scriptis tradiderunt, sed etiam ipse, qui pluries eum curavi, adnotarim, in unum colligam, atque in Tironum commodum proferam. Eruptionem plerumque aliqua febris cum horrore, modo brevior, modo longior, modo levior, modo gravior antecedit. Hæc interdum gravibus stipatur symptomatibus, uti delirio (a), vigiliis, anxietate, inquietudine, corporis jactatione, vomitu (b) aliisque eruptionum febrilium phænomenis. Quandoque exigua est, ut vix pulsus acceleret, & nocte tantummodo se exferat calore, agrypnia, siti, atque irrequie. Interdum omnino abest, aut abesse videtur (c), vel vesperi dolentibus, & suppurantibus pustulis supervenit levissima, quæ mane tamen decedat.

Quid Zonæ nomine intelligi debeat.

Descriptio & signa.

(a) HOFFM. l. c. PLATNER. l. c. HAEN. l. c. §. 166.

(b) HOFFM. ib.

(c)

(c) GEOFEROYUS *Hist. de la Soc. Royal. de Medecin. an. 1777. & 1778. T. 2. Mémair. p. 27.*

§. XLIX.

Febris desinit eruptione facta. Ubi febris eruptionem antecedit , eruptione facta , quæ post unum , vel alterum diem contingere consuevit , ipsa illico cessat , ac desinit , nisi , quod rarissimum est , tanta sit morbi vis ,

tantaque inflammatoria sanguinis diathesis , ut ultra illum terminum exardescere pergat . Ægri vero ante eruptionem , etiam tum , cum febris eos non corripuit , se male habere per plures dies queruntur , & puncturas eo in loco , in quo exanthema proditurum est , molestissimas sentiunt .

Pustula corymbosa.

Deinde pustulæ parvæ , elevatæ , rubræ , variolis interdum valde similes , circulum inflammatum habentes , partim discretæ , partim in corymbos collectæ , & phlyctænas representantes , plus minus copiosæ cum lancinantibus doloribus , & quandoque intolerabilibus , ardoreque igneo comitatis erumpunt .

§. L.

Progressus pustulæ.

Paullatim hujusmodi (§. XLIX.) pustulæ mole augmentur , & in apicibus formant vesiculas , sive ampullulas aqua pellucida plenas , & transparentes , quales aqua fervens excitat . Gradatim aqua , quam continent , turbida fit , atque opaca . Vesiculæ aut rumpuntur , aut complanantur , & in plicas se contrahunt , fuscum , atrumve colorem acquirunt ob cutem gangræna emortuam , & in parvas escharas commutantur . Escharæ demum exsiccantur , & in cru-

Exsiccatio.

stas

flæs siccas, duras, nigras abeunt, cito decedentes, quæ tamen vestigium altum in cute relinquunt, ut variolæ mali moris. Sæpe vero istiusmodi eruptio fit successive, & partitis vicibus, & successive pariter exsiccatur, & decedit (a). Interdum pustulæ suppurationem subeunt, & sponte aperiuntur, manentque apertæ, cavæ, pus fundentes triduo, quadriduo, immo quandoque ad dies usque quatuordecim (b). Dolor ipse interdum non conquiescit nisi post decimum quartum diem; tumque pustulis exsiccatis epidermis finditur, exasperatur, & in squamas soluta excidit (c). Sed neque tum aliquando dolor (d) omnino evanescit.

(a) GEOFFROY *l.c.* (b) HAEN. *l.c.p. 114.*
(c) HOFFM. *l.c. observ. VI.* (d) GEOFFR. *l.c.*

§. LI.

Sedem morbi plerique statuunt abdominis, & hypochondriorum regionem. Alii supra umbilicum eum sic collocant (a), ut medium corpus ambiat cinguli instar ex præcordiali regione dorsum versus latitudine ut plurimum aliquot digitorum transversorum, insidentibus ibi pustulis acribus, instar ignis urentibus, quæ intensissimum dolorem comitem habeant. Alii vero ab umbilico ad genua usque cutim in hoc affectu per pustulas lividas exasperari, rubere, & multum rodi (b) docent. Sed hoc perpetuum non est: nam vidi non semel pectus, dorsum, scapulas, brachia, crura hoc exanthemate correpta; immo frontem ab eo non immunem ex HÆNIO (§. XLVII.) accepimus. Illud ferme proprium

Quas sedes occupare soleat.

Tom. III. D

primum ejus reputatur (*γ*), quod pustularum racemi in Zonæ, sive cinguli speciem transversum extensi nunquam lineam albam antè, postè vero spinam dorsi transgredientur. Hinc unum latus corporis tantummodo affici affirmant; sic humerum unum, aut femur; sic unum pectoris latus, & tunc a spina pustulas incipere, & ad sternum antrosum terminari; nec ultra hosce fines progredi; sic capitis unum dumtaxat hemisphærium occupari, non alterum (*d*). Num vero aliquando ab hac lege desciscat Zoster, numque semper Zonæ speciem referat, non facile definivero. Hoc unum certum est racematim pustulas apparere, & sparsim sæpe distribui, sed ordine non exacte servato.

(*a*) HOFFM. *l. c.* §. VII.

(*b*) PLATNER. *l. c.* §. 166.

(*c*) HAEN. *l. c.* GEOFFROY *l. c.*

(*d*) GEOFFROY *l. c.*

§. LII.

*Ab erysipelate
quaratione
diffi-*

Ex fideli, quam tradidi, morbi descriptione quisque comperiet, arbitror quibus notis ab erysipelate tam simplici, quam bulloso, aut ulcerato, itemque ab herpete, & speciatim esthiomeno, sive exedenti (§. XLIV.) discriminetur. In erysipelate rubor roseus summam cutim occupans, nec eam attollens primum apparet, in Zona contra pustulæ elevatae, & profundius insidentes se produnt, videnturque primarium esse phænomenon. Quæ vero pustulæ, & phlyctænæ erysipelati, quod bullosum dicunt, junguntur; hæc superveniunt eidem in augmento, dum in

Zona initio statim se exerunt. Sedes præterea erysipelatis intra summam cutim consistit: Zonæ vero altior, & profundior locus, nam non modo universam cutim; verum subjectum paniculum adiposum etiam affici, inflammari, & suppurari (a) perspicuum est. Non leve item discrimen est inter erysipelas ulceratum, & Zonam. In eo ulcera latius proserpunt, & diu trahuntur rebellia, in hac parva, si quando fiunt; circumscripta, cava; brevi sanescunt; & in escharas exsiccantur. Herpetes vero generatim pustulas multo minores; mitioresque habent; neque adeo dolentes, & inflammatas, nec cinguli ordinem tenent, & si quando exedentes cernuntur, mala ulcera, depascentia, cancrōsis similia, diuturna & chronica exhibent, dum Zoster acutus, & brevis ut plurimum morbus est. Nam quamquam LORRYUS & chronicum; & interdum epidemicum esse existimet (b) quod de igne sacro late sumpto fortasse ei concedendum est, hanc speciem tamen diutinam non vidi, nisi semel in vetula, quam stigmata pustularum sub omoplata sinistra ad aliquot menses summo cruciatu, atque ardore pertinaciter divexarunt.

*Anchro-
nicus in-
terdum
fit.*

(a) LORRYUS l.c. (b) Ibid.

§. LIII.

Ardor igneus, punctiones, dolor parvas phlegmonas comitans, facilis in phlyctænas, & granulas transitus ostendunt, causam materialem non esse simplicem, biliosam, vel falsam, nec tantummodo sanguineam, & phlegmonodem,

*Causa
materialis.*

*Causa
remota.*

sed causticum , acrem , urentem , & naturæ putrefacientis participem , quæ simul ac evolvitur , nervosum genus irritans totius corporis œconomica perturbat (*a*) ; delata vero extrorsum , locoque aliquo defixa nervos in primis cutaneos , vasa quævis , & cellulosum contextum inflammât rodit , & propemodum adurit . Variam in ea naturam , & indolem agnoscit LORRYUS , ab erysipelacea , & biliosa (*b*) diversam , & ex primarum viarum tamen sordibus , succisque vitiatâ , & retentis insensibilis expirationis recrementis conflata . Remote suppeditatur ab habitu corporis pravo , a scorbutica , arthritica , similivei dyscrasia , a cibis acribus , falsis , piperaticis , potuque vinoso , fermentato .

(*a*) HOFEM. (*b*) L. c.

Prognosis .

§. LIV.

LORRYUS , & GEOFFROYUS nunquam periculosum , aut lethiferum esse hoc exanthematis genus perhibent , quia , quodcumque ipsi curandum susceperint , bene , feliciterque cessisse viderunt . At PLINIUS lethalem Zonam dixit esse , si totum corpus cinxerit , & circum ambiverit . Periculosam & lethalem duobus exemplis demonstravit LANGIUS (*a*) , uno Marchionis GEORGII AB ONELSPACHIO , qui ex ea interiit , altero Comitis Palatini ORTHENRICI , qui a lumbis ad genua usque hoc exanthemate affectus , & simul febre ad delirium usque exardescens morbi tamen vim elusit incisa utriusque

quæ pedis vena, aliisque adhibitis remediis, quæ febrim restinguerent. *Omniū vērō*, inquit HOFFMANNUS, *ut ita dicam malignissimum est; quod post magnum viriū languorem in corporibus senilibus, eminentius cacochymicis, non nunquam etiam in febribus malignis & pestilentialibus sub papilla, & cordis regione, vel etiam in manibus, aliisque exquisitioris sensus partibus prodit, lividum mox fit, demum atrum, morte cito subsequente, ut fuit illud PLATNERI. Nec periculi expers a PLATNERO reputatur (b). Plerumque tamen, etsi atrox malum, & discrucians, vitæ discrimine vacat; nam egomet ipse hactenus neminem ex eo periisse comperii. Interdum etiam exitum, si quod imminet, a perversa curandi ratione, aut a repentina ad interiora metastasi, præsertim si cerebrum, aut pulmo petatur, profluere probabile admodum est (c).*

(a) HOFFM. ex Lang. (*Epist. medecin. p. 110.*)
in *epicr. ad observ. VI.* (b) L. c.

(c) PLATNER l. c.

Curatio.

§. LV.

Cum in hoc morbo viribus vitæ materia caustica, & fere deletrice ad exteriora vergat, feraturque, & quodammodo criticæ excretionis speciem Zoster referat, nullo modo salutare hoc victricis naturæ conamen, beneficiumque turbari oportet. Ei igitur prudenter, & caute obsecundandum plane est, Præstabit igitur ac-

*Diluen-
sia.*

moniam humorum diluentibus, temperantibusque demulcere, & quo natura vergit, ducere mitissimis diaphoreticis. Ad hoc satis erit potus ex diluto florum boraginis, aut sambuci cum nitro, aut oxymele; serum lactis purissimum, emulsa ex seminibus melonum, decoctum hordei, aut radicis scorzonerae, dummodo affatim, & repide hauriantur. Quod si lenta videatur ad cutim propulso, aliquid potui stybii diaphoretici non ablutii, aut Roob baccarum sambuci, ut paullulum incitetur, adjici poterit.

*Raro ve-
na secari
debet,*

Raro phlebotomia opus (a) esse consuevit. Si tamen febris nimium excandescat, aut, etiam eruptione facta, non remittat; pulsus vehemens, plenus, durusque deprehendatur; respiratio anxiosa sit, facies rubeat, caput doleat, nec delirium, si quod est, desinat; aut pars, in quam morbi vis irrupit, nimium tumeat, & tendatur, dolorque ferociat; tunc non modo sanguinis missioni, verum etiam antiphlogisticis reliquis adjumentis (b) locus conceditur. Fateatur tamen GEOFFROYUS dolorem ardentem, atrociusque cruciantem aegre per venae sectionem leniri, utpote, qui, soluto etiam morbo, aliquandiu persistat, & identidem percipiatur. HAENIUS considerata morbi inflammatoria diathesi *optimam methodum* praedicat sine ulla dubitatione *venam secare, & curam antiphlogisticam reliquam instituere*. Sed tutius est non ita propere ad phlebotomiam descendere, nisi indicantia, quorum supra meminimus, urgeant. Saepe enim sine ullo detrimento omittitur, uti supervacanea. Recordor tamen me ea utiliter usum esse, ubi zoster pectoris unum latus secundum costas transversim protensus sic torquebat,

bat, ne pleuritidis instar respirationem interciperet.

(a) GEOFFROY *l.c.* (b) HAEN. *l.c.*

§. LVI.

Fortasse, ubi aut venam secare non satis tutum, ne introrsum materies revocetur, aut minime necessarium videatur, sed tamen dolori molestissimo solamen inveniendum aliquod, fortasse inquam hirudinum, aut cucurbitulæ altius scarificatæ applicatio exitum stagnanti, irritantique humori parabit, nervorumque distentionem acerbis, quod quidem nos interdum sine noxa, & cum levamine, ut in aliis cutaneis exanthematicis morbis tentavimus. Dolori quoque sedando, anxietatibusque consopendis opportunum erit hydnoticis, paregoricisque mitioribus subinde uti; dum deflagratio totius morbi expectatur.

Hirudines & Cucurbitula.

Hypnotica.

§. LVII.

Nec perturbandus naturæ motus est alvum ducentibus. Metus enim est, ne metastasis introrsum fiat. Laxari tamen alvum licet blandissimis, iteratisque enematis, ut si quis fomes primis viis insidet, subtrahatur lenissime. Dum hæc aguntur, extrinsecus omitti non debent, quæ molliunt, quæ dolorem temperant, quæ expirationem adjuvant. Fomenta igitur, & cataplasmata mollissima usui erunt. Foveti autem locus poterit decocto florum sambuci; & malvæ, lacte tepido, sero lactis, similibusque

Cautè alvus laxanda.

Topica.

que sæpe repetitis, & moderate calentibus. Cataplasmata item ex pane, malva, & lacte una decoctis comparentur, & desuper lege artis imponuntur. Interdum solutio gummi arabici in mucum densiorem redacta, vulgo mucilaginem vocant, dolori leniendo opportunissima est. Neque ab his desistendum est, pustulis quamvis exsiccatis, præsertim si partes quodammodo rigeant, donec mollescant. Ceratum Galeni recens paratum dolorem lenire dicitur (a), sed suspecta nobis videntur quæ exsiccant, & reprimunt, atque ex plumbo confici solent. Innoxium omnino oleum e vitellis ovorum recens expressum existimatur, quo sub finem obbliniendas pustulas, escharasque, donec excidant, suadet HOFFMANNUS (b). His delapsis, morboque ferme depulso, ducenda demum alvus est idoneo medicamento.

(a) GEOFFROY l. c.

(b) HOFFM. l. c. observ. VI.

C A P U T IV.

DE PURPURA SCARLATINA.

§. LVIII.

Nominis
est 120.

MULTO proximius ad Erysipelatis naturam, ac speciem accedit *Purpura Scarlatina*, exanthema videlicet, cui nomen imposuit color quidam, qualem exhibet purpura ipsa, vel pannus coccineus, vulgo *Scarlatto*, cutim extimam ferme universam maculis intense rubris, multiformibus, & mox latioribus insciens

ciens. Interdum hæ maculæ ita dilatantur quæquaverſum, ut una coalescant, & totum corpus eryſipelatis inſtar univerſalis occupent. Quacunque autem ratione rubore iſto ſive ſparſim, ſive univerſim cutis afficiunt; planus iſt eſt, lævis, non aſper, & preſſus præſertim inter initia albicat, etſi, remota preſſione, mox præiorem colorem recipiat; nec valde cutim ipſam (a) attollit. Quibus quidem notis multum ſimilitudinis habet cum Eryſipellate, ſed ab eodem tamen differt primæ eruptionis intuitu, febris; & quorundam ſymptomatum ratione, exitu, & ſucceſſionibus, uti mox ex ejus hiſtoria apparebit. Quoniam vero duo præcipua ejus genera ſunt, *benigne* unum, alterum *maligna*, de priore primum, deinde de altera, ut recte diſtinguantur, verba faciam.

* *Synonyma.*

Purpura, & rubores FORESTI, *Obſerv. L. VII. obſ. 59. in ſchol. Febris Scarlatina* SYDENHAMII, *Oper. med. ſect. VI. cap. 2. & reliquorum auctorum. Roſſalia* HOFFMANNI, *de febr. ſect. 1. cap. VIII. §. 3. Febris rubra quorundam. Rubeola Veterum* GRUNERI, *Morb. Antiquit. p. 62. 63.*

(a) HEISTER. *Compend. med. cap. 3. ſect. VI. p. 34.*

PURPURA SCARLATINA BENIGNA.

§. LIX.

Quovis anni tempore hic morbus; ſed frequentius, SYDENHAMIO teſte, autumnii initio (a), aut, ut JUNCKERUS (b) mavult, æſtivo & ſereno tempore ſe oſtendere conſuevit. Raro poradice,

*Benigna
deſcriptio.*

ple.

plerumque epidemice excurrit, sæpe integras familias invadens. Juniores quidem, infantesque magis infestat; non tamen hinc parcit adultis. Plerumque incipit a febre, ut reliqui morbi exanthematici, sed quandoque eruptio scarlatina prius emicat, quam febris percipiatur (c). Febris vero remittentis ut plurimum typum tenet, & vespere, ac nocte qualibet suas accessiones repetit, ingravescitque (d). Interdum sic remittit, ut intermittere videatur, aut veræ quotidianæ intermittentis reapse morem induit (e). Quare nil mirum, si a febre nomen apud plerosque habeat,

(a) *Oper. omn. sect. VI. c. 2.*

(b) *Tabul. LXXV.*

(c) *HEISTER. l. c.*

(d) *VOGEL. de cognosce, & curand. morb. §. 151 & seq.*

(e) *Andr. Bernard. KIRCHVOGEL Diar. med. pract. cap. 3. p. 29. Edit. Vindob. 1771.*

§. LX.

Signa ante eruptionem.

Febris autem ista exorditur leni ab horrore, aut frigore. Huic succedit calor plerumque temperatus, moderata sitis, faucium dolor, aut ardor aliquis, & virium dejectio. Interim quædam pectoris oppressio, respirationem difficilem, atque inæqualem reddens supervenit, itemque capitis gravitas vertiginosa, aut etiam acutus ejus dolor, & quandoque tussicula sicca, sed non ita molesta, nec constans, ut in morbillis (a). Sæpe his nausea, vomitus, nariumque hæmorrhagia se adjunguntur (b), sed hæc posterior frequentius sub ipsa eruptione in plethoricis contingit (c), quam antea. Interdum coma aut epilepticæ convulsiones,

nes, sive eclampsia, in pueris præsertim, antecedunt eruptionem, aut ipsum eruptionis exordium comitantur (*d*). Die secundo, aut tertio (*e*), imo interdum quarto (*f*) facies intumescit; & maculæ intensius rubræ, crebræ, primum parvæ, & multifformes, mox latiores, confluentes, *Eruptio* & in majus sensim spatium expansæ eam totam contegunt; deinde in dorso, pectore, & demum artubus eadem erumpunt, & quidem satis amplæ, ut brevi universa fere cutis *scarlatino* colore (*g*) rubeat. Tum manus etiam digiti sic tumunt, aut tenduntur, ut non nisi difficulter inflecti (*h*) possint. Interea tamen, detruso ad exteriora morbi fomite, febris, & symptomata omnia insigniter mitigantur, vel etiam omnino decedunt.

(*a*) JUNCKER *Tab. cit.*

(*b*) VOGEL. *l. c.*

(*c*) JUNCKER. *l. c.*

(*d*) VOGEL. *l. c.* SYDENH. *l. c.*

(*e*) VOGEL. *l. c.*

(*f*) JUNCKER *l. c.*

(*g*) *Id. ib.* (*h*) VOGEL. *l. c.*

§. LXI.

Postquam rubor ejusmodi ad duos, ad tres, aut quatuor dies perstitit immutatus, paullatim minuitur; facies detumescit, & concidit; cuticula fore tota cum notabili pruritus molestia secedit, immo quandoque in magna frustra separatur (*a*), aut certe facili, & levi negotio deglutitur; *Desquamatio* relictis quibusdam minutissimis squamulis farinæ *matris* instar cuti adhærentibus, quæ abeunt, & redeunt vicissim ad secundam interdum, & tertiam *per.*

Reversio. usque (b) vicem. Nec rarum est, maculas ipsas post aliquot dies reverti (c), sed tunc pauciores, minoresque esse solent, & nullo graviore symptomate plerumque stipatae. Intera febris, quæ jam ab eruptione ipsa coeperat cum omnibus symptomatibus multum mitescere, si nondum cessaverit, ad inclinationem maxime properat, & aucta salubritate diaphoresi cito, & penitus evanescit. Toto primo, & secundo stadio, sive toto initio, & augmento alvus adstricta esse consuevit; in tertio vero, sive versus finem laxatur (d).

(a) JUNCKER l. c.

(b) SYDENH. l. c.

(c) KIRCHVOGEL l. c.

(d) JUNCKER l. c.

§. LXII.

Atque hæc est Purpuræ Scarlatinæ species, quam HAENIUS (a) cum *Rosalia* PROSPERI MARTIANI (quo nomine non *scarlatinam*, sed morbillos certe MARTIANUS (b) vulgo appellari animadvertit, ut ex ejus descriptione quisque colliget) & MARTONUS cum morbillis confuderunt *Differt a morbillis.* (c). Sed facile a morbillis videtur segreganda, quia hæc ruborem intensiorem, & persimilem erysipelatodi præsefert, & maculas multo latiores, & diffusas, nullique figuræ addictas ostendit, nec cutim inæqualem, aut asperam reddit: dum contra morbilli veræ, & circumscriptæ pustulæ sunt, parvæ, elevatæ, rubræ, & crebræ quidem, sed discretæ, & sejunctæ, quæ non modo oculis tales cernuntur, sed etiam tactui asperitudinem manifestam, & granosam, saltem in facie, ob-
ciunt.

ciunt. Deinde in morbillis permolesta tussis est, immo præcedit; oculi illacrymant; sternutamenta crebra cientur; quod nequaquam evenit in Scarlatina. Non tamen negaverim, utrumque interdum exanthema una consociari, sic ut pro complicationis ratione duplex cum VOGELIO genus constitui possit, *morbillosum* scilicet, aut *miliaria*, prout purpura scarlatina cum morbillis, aut miliaribus pustulis complicatur; de quibus infra opportunius. Quare simplex illa, quam descripsi, distinctionis causa vocabitur *maculosa*, complicata vero *pustularis*.

*Duplex
genus.*

*Simplex
& complicata,
sive Maculosa
& Pustularis.*

(a) *Febr. division. l. c.*

(b) *In Hippocr. epid. l. 2. sect. 3. v. 20,*

(c) *Oper. Omn. T. 3. cap. V.*

Causæ,

§. LXIII.

Causam si quæras proximam, ea videtur phlogosis erysipelatodes totius cutis, quam infert materia quædam acris e sanguine per motum febrilem extricata, & partitis vicibus ad cutanea vasa translata, ibique irritatione cutim, & corpus mucosum Malpighianum inflammans. Hæc autem materia acris vel in ipso sanguine gignitur, & colligitur, donec exstimulata vis vitæ se ea liberare nititur, vel a perspiratione retenta suppeditatur, vel a primis fortasse viis etiam in sanguinem irrepit, vel a miasmate exteriori, quod in aere volitat, aut contagione & contactu suscipitur, communicatur; quod & frequentius est, & fere a quibusdam Scriptoribus unicum & perpetuum

*Causa
proxima,
Causa
materialis.*

tuum habetur. Nam omnibus hisce modis exanthemata, etsi ob diversitatem & gradum fomitis, & corporis constitutionem differentia, & varia, cieri, probabile admodum est. Occasionem vero præbent generationi acritates humorum undecumque ortæ, victus salutus, & calefaciens, motus corporis immodicus, æstivi calores, frigus repente obortum, & constitutiones epidemicæ, & contagiosæ.

Prognosis.

§. LXIV.

Levem morbum esse, & per se periculi expertem, quando benignus; in junioribus, & bonis humoribus præditis censetur, & talis experientia comprobatur. Nam sæpe solo regimine diætetico; & cutis blanda expiratione intra paucos dies discutitur. Hæmorrhagia narium sub ipsa eruptione accedens insigniter morbum levat (a). Quamquam vero benignus, facilis, & brevis morbus est, tamen aut ob neglectam expirationem cutaneam, & frigus susceptum, aut ob calefacientem nimis medendi rationem in periculosum, & malignum vertitur. Summum enim periculum imminet, si purpura scarlatina retrocesserit; pessimæ tum phrenitides, anginæ, peripneumoniæ, convulsiones, tussis exoriuntur, plerumque malum eventum habituræ.

(a) JUNCKER. l. c.

Curatio.

§. LXV.

Itaque in hac specie , in qua Natura salutarem crism per se ipsam molitur , SYDENHAMIIUS *Benigna que curatio.* Clinicus longe felicissimus , & si quis alius , in morborum indole indaganda perspicacissimus , quem ceteri fere omnes sequuntur , jure contendit , nihil movendum esse , sed cunctandum , ut sanguis ab heterogenea , & noxia acritate se liberet , & per cutis spiracula eam difflet . Hinc abstinendum jubet a sanguinis missione , ab enematis , itemque a medicamentis quibuscunque calefacientibus ; ne prioribus illis opus naturæ , quæ extrorsum malum protrudere tentat , impediatur ; his vero postremis nimius motus concitetur , febrisque ultra modum increseat , sicque se opponat moderato & pacato motui , qui ad lenem secretionem , successivamque morbifici fomitis excretionem requiritur . Quamobrem victum temperantem instituendum præcipit , carniū esum , & liquorum vinosorum usum penitus ablegans . Potui autem lac cum triplo aquæ coctum , *Noces ææ apertus.* hydrogalam vocant , dandum esse , nec sinendum ægros foras prodire , aut aeri libero se obicere , quamquam nolit tamen , ut perpetuo lectulo defigantur . Hac enim ratione sine molestia , & periculo morbum discuti asseverat , contraria vero excandescere , & mortiferum quandoque fieri . Ubi sub initium coma , aut epilepticæ convulsiones (§. LX.) accesserint , amplum validum- *Coma, & convulsio epileptica quid possit.*

dumque epispasticum posteriori cervici applicandum, & paregoricum, quod singulis noctibus ad finem usque iteretur, statim propinandum commendat. Cute demum omnino desquamata, lenem alvi ductionem proponit, ut, si quæ morbi reliquæ supersint, penitus exturbentur; qua in re aliquos omnes consentientes habet.

§. LXVI.

Curatio Ac profecto usu comprobatum est, purpuram
gravioris. scarlatinam, quando levior, & benignior est, sola naturæ ope, idoneoque dietetico regimine sine medicamentis feliciter solvi. Verum si paulo gravior, & vehementior sit, Medicinæ aliquo adjumento egere videtur. Tunc diluentia, temperantia, & subacida a plerisque ut necessaria proponuntur, ut acritas peculiaris, & calida humorum demulceatur, atque emendetur. HæSTERUS (a) pulveres, ut vocant, temperantes, & blande diapnoicos (quibus ferè tota Stahlia-na, & Hoffmanniana schola maxime confidit, utiturque) illis adjungi, unaque adhiberi, e re fore existimat. Quamquam ejusmodi pulveres, qui ex absorbentibus, cinnabri, & nitro parari solent, virium ita exiguarum nobis videntur participes, ut parum, vel nihil reliquam simplicissimam curationem immutent. Illud porro, quod de sanguinis missione omittenda habet SYDENHAMIUS, alique post eum doctissimi viri, non ita perpetuum, atque inconcussum præceptum habendum crediderim, ut nunquam ei locus esse possit. Id auxilii in maligna, ut postea vide-
De san-
guinis
missione
judicium. bi-

bitur, a plerisque exercitatoribus Clinicis, tamquam præsentissimum prædicari solet. Cur non item in benigna, quando æger plethoricus sit, febrisque vehementior, aut grave aliquod symptoma capitis, aut pectoris urgeat? Apposite, & sapienter JOANNES FREINDIUS (b) inquit: *in erysipelate, variolis, morbillis, febre scarlatina aliisque similibus vitiis, si vehementia sint symptomata, & caput, vel pulmonem afficiant, aut in alia quavis parte dolorem ingentem moveant, haud absque ratione, ac tuto vena inciditur. Ego certe, quamquam haud aliud frequentius experimentum instituerim, ne semel quidem animadverti quamlibet harum eruptionum post missionem sanguinis retrocessisse, ubi affectus id auxilii requireret. Neque ab eo dissentiant experimenta aliorum medendi arte præstantium. Timor autem retrocessionis rectius imminet ab aucto febris motu, aut a spasticis contractionibus, quas dolores, aut inflammationes inducunt: cui malo sanguinis missio præ ceteris omnibus efficacissime prospicit. Tum enim in tali motus sanguinis excessu, quamquam per sanguinis missionem refrænari quodammodo eum contingat, tanta ejusdem vis adhuc tamen superest, ut versus cutim valide humores propellere queat, quin eis retrogrado motu, introrsumque remeare liceat. Cautio itaque adhiberi debet, ne sanguis eo usque temere profundatur, quo vires vitales nimium enerventur, ejusque projectio præter modum infringatur, & languet. Hoc dumtaxat casu retrocessio ob motum a tergo deficientem timeri posset.*

(a) *Compend. med. Pract. cap. IV. §. XXX.*

(b) *Hist. Medecin. p. 21. edit. Venet. ann. 1735.*

§. LXVII.

*De purga-
tione quid
sentien-
dum.*

Alvum quoque laxari SYDENHAMIIUS; & JUO-
CKERUS sic timent, ut alter vel enemata ipsa su-
specta habeant, alter diarrhæam, si supervenerit,
sistere paret, addendo pulveri attemperanti, quem
adhibere ipse solet, decem grana Cascarillæ pro
qualibet dosi. Timor autem iste non semper pro-
bandus est, nisi purgatio modum excedat, aut
non debito tempore instituatur, aut alvi fluxus
ejusmodi sit, ut vires vitales prosterнат. Immo
primis mox diebus, antequam eruptio ad cutim
facta sit, si signa gastricæ saburræ non desint,
cur alvum leniter ecoprotico medicamento laxari
non liceat? Quid ab enematribus blandis, & ni-
hil irritantibus, quæ sordes molliter avocent, de-
trimenti metuendum: TARGIONIUS TOZZETTUS

*Observa-
tio.*

*Targienii
Tonæti de
alvi flu-
xu.*

vir sane doctus & longa experientia probatissimus
non semel in hoc morbo diarrhæam tam ab ini-
tio, quam in progressu salutarem admiratus est,
ut deinde quæreret, num ita religiose; ut vulgo
putatur, ab ecoproticis, & clysteribus abstinere
oporteat (a)? Ego equidem, ubi gastrica saburra

*Damna
a gastrica
saburra.*

sui signa profert, numquam eam cito subducere
dubito, quod viderim sæpe, relictam intus vel
majorem labem sanguini impertire, vel spasmos,
& dolores in abdomine excitare, quibus morbidus
fomitis secretio retardatur, vel jam secreti regres-
sus promovetur.

(a) *Prim. Raccolt. d' osserv. p. 102.*

§. LXVIII.

§. LXVIII.

Nihil vero perniciosius est purpura scarlati- *Noxæ re-*
 na laborantibus, quam ea præsentē corpus de- *giminis*
 tegere, aut e lecto surgere, & diu extra mo- *frigidi.*
 rari, aut incaute aeri paullo frigidiori se expo-
 nere. Facile enim introvertitur magnò cum vi-
 tæ periculo: Nec audiendi sunt regiminis re-
 frigerantis laudatores nimii, qui in hujusmodi
 morbis indiscriminatim ægros extra lectum quo-
 tidie semel, aut his per aliquod tempus mane-
 re cogunt, & toti pene ad aerem renovandum,
 refrigerandumque incumbunt. Quantum discrimi-
 nis res ista habeat, nemo melius norit,
 quam diligens; & ingenuus eorum, quæ hanc
 methodum subsequuntur, sine partium studio
 observator. Itaque ne quid mali obveniat, ca-
 vendum plane est a quacunque vel levī caus-
 sa quæ repellere purpuram possit, aut expira-
 tionem cohibere. Et si quando casu contingat, *Quid fe-*
 extrinsecus corpus plus justo refrigerari, ut *ri debent*
 egressus timendus videatur, illico potu dia- *in metu*
 phoretico, & calente, sicuti diluto florum sam- *regressus.*
 buci, aut tilix, aut simili uti expedit; quo cu-
 tanea excretio leniter instauretur. Huc spectat
 quoque spiritus MINDERERI adeo in mor-
 bis exanthematicis propter vim diaphoreticam,
 antisepticamque commendatus. Nec cautio ejus-
 modi circa aerem ambientem adhibenda est tan- *Expira-*
 tum extante cutanea rubedine: verum tum e- *tio quan-*
 tiam, cum ipsa evanuerit, & epidermis jam *diu cu-*
randa.
 lamellatim deciderit, alvusque, prout morbo
 penitus soluto faciendum supra præcepimus, op-
 portune expiata fuerit. Nami ægri adhuc per

aliquot dies in cubiculo detinendi sunt , præsertim tempestate frigida existente : nisi enim transpiratio libera conservetur , nequaquam perfecte restituuntur (a) . Immo in Etruria , in qua purpura scarlatina frequentissimus morbus est , saniores Medici , cum in quocumque anni tempore , etiam æstate calida , aut temperato vere noxas renovati aeris pluries experti fuerint , quasi legem sibi indixerunt , non renovandum aerem , neque cubiculum permutandum , nisi post quadragessimam diem exactam (b) . Quod eo sane spectat , ut quæ mala a retentis , nec penitus difflatis morbi reliquiis sæpe ingruunt , quantum fieri potest , longe avertantur . Puto tamen de aeris incauta , & imprudenti renovatione , cubiculique mutatione intelligendum præceptum illud esse , cum aerem humanis halitibus repletum , & , ut vocant hodie , phlogisticarum non modo mephiticum & noxium fieri , sed etiam expirationi Sanctorianæ adversum redi , notissimum sit .

(a) HEISTER l.c. (b) Referente Jo. ALOYS. TARGIONIO in Vol. 3. operis inscripti : *Avvisi sopra la salute umana per l'anno 1778.* p. 262.

Purpura Scarlatina maligna.

§. LXIX.

Sed præter Purpuram scarlatinam benignam , & regularem , de qua hætenus actum est , alia *Quid* est , quæ maligna , & anomala vocatur , quia *hic malignum ?* vehementior , & periculosior , interdumque mortifera deprehensa est . Non enim *malignum* hic

*Signa
maligna.*

hic stricto , & proprio sensu accipitur , sed lato , & gravitatem morbi , periculique magnitudinem significante . Hanc sæpe dolor aliquis in aliqua parte fixus , aut vagans , sine causa evidenti , & sine ulla exteriori , & conspicua nota , aut partis mutatione præcedens imminentem portendit , quod aliorum etiam exanthematum malignorum , & præsertim variolarum commune non semel deprehenditur . Exemplum hujusce phænomeni malignam scarlatinam prædicentis protulit ex propria observatione HAENIUS (a) . Sed multo frequentius , & quasi proprium est , tussim ferinam , oculorum inflammationes , & rubores , & quandoque alvi fluxum antecedere . Deinde febris accedit post horrorem cum summo cutis ardore , siti inextinguibili , capitis dolore , pulso crebro , & vehementi , faucium inflammatione , aut dolore , respiratione frequenti , & difficili , & quasi peripneumonica , interdum vomendi cupiditate , aut vomitu * , comate , & delirio ; & tres , quatuor , vel quinque dies cum omnium symptomatum incremento interdum persistit , antequam maculæ erumpant . Plerumque vero hæc parva erysipelata referentes , cito totum corpus robore erysipelatode occupant , maturius videlicet quam in benigna , sic ut quandoque sub finem primæ diei , aut secunda die ** jam erumpant , & partes ipsæ rubore affectæ magis quam in benigna tument , & elevantur . Hoc tempore sputa , & urinæ ipsæ interdum visæ sunt , ut notat ROSENIUS , sanguine tinctæ . Rubor iste quatuor alios dies ut plurimum assiduus cutim tenet , & toto eo tempore febris vehemens , cunctaque ejus symptomata non modo non minuuntur , verum etiam augentur ,

incallescuntque , ita ut phrenitides , suffocationes , & peridneumonix lethales consequantur , Quandoque , ubi maculae nunc plus , nunc minus prodeunt , aut uno temporis momento plus rubent , in alio mox minus , facile tum supervenit ad caput metastasis , quam sequitur hemiplegia , aut subita mors . Sed si tunc pus cum sanguine remixtum ab alterutra aure exeat , aliqua adhuc spes effulget melioris eventus , eodem ROSENIO teste . Illud saltem perpetuum est , quod febris diu potrahitur . Typum ipsa plerumque continuæ remittentis servat , naribus fere occlusis , voce rauca , & cutis ardore intolerabili comitata . Interdum tamen febris adeo latet , & decipit , ut , si pulsum micatus tantum attenduntur , ægri non febricitare videantur , quod veræ malignitatis quasi proprium est ; vel ita quandoque manifestas remissiones habet , ut intermittere eam (b) crederes .

*Febris
qualis?*

(*) Id in epidemica constitutione Hanniensi ann. 1779. & 1778. inter pessima signa habebatur. MEZA *Comp. Pract. Fascic. I. Cap. XVIII. §. 163.*

(a) *Rat. Contin. T. I. Cap. VII. pag. 98.*

(b) *Id ib.*

** In modo memorata Hauniensi constitutione *statim ab initio cutis intense rubebat tota cancrorum coctorum ad instar.* MEZA l. c. §. 164.

§. LXX.

Anomalia;

Prout vero sporadica , aut epidemica est , & prout ætas , temperamentum , habitus corporis , anni tempus , & aeris constitutio variantur , diversimodè

versa & ipsa ratione invadit, & multifariam ab eo quem descripsi, modo, atque incessu defle-
ctit, & tunc non modo *maligna*, sed etiam *ano-*
mala audit. Sic interdum macularum eruptio in
lumbis & partibus inferioribus incipit, deinde
ad superiores progreditur. Sæpe facies, pedes &
manus tument, uti in variolis; & febris cum
ipsa scarlatina rubedine non prius, quam duabus
vel tribus exactis hebdomadis evanescit. Immo
non desunt observationes, quæ doceant, febrem
& scarlatinam eruptionem ipsam interdum ad
Quadragesimam usque diem productas fuisse (a).
Quandoque etiam observatum est, post discus-
sam, desquamatamque rubedinem scarlatinam al-
vi fluxum, qui eam comitabatur, cum amphemerina lenta prosequi, & sic ægros (b) consu-
mi, & contabescere.

(a) HAEN. l. c.

(b) MORTON. oper. T. 3. Cap. V. Hist. X.

§. LXXI.

Ad malignum certe genus ea spectat, quam aliquoties vidit, & jam ab anno 1619. descripsit SENNERTUS (a), cui & morbi nomen ignotum erat, & ignota pariter simplex, & *benigna* ejus species, quam supra exposuimus. Cum autem de nomine ipse ambigeret, ex eo, quod pueros tantum illa corripere vidisset, peculiarem morbillorum differentiam tandem esse statuit. Sed tradita ab eo morbi descriptio *scarlatina*, & quidem *malignæ* omnino convenit; nec quidquam ratio, ob quam ad morbillos eum ablegat, probare videtur, cum certo aliunde constet, adultos quo-

*Ad mali-
gnam spe-
ctat illa
Sennerti.*

Item illa que eidem obnoxios sæpe fieri. Epidemicam quoque pessimi moris scarlatinam, quæ in Saxonia annis 1695. & 1697. grassata est, commemorat testis oculatus CHRIST. JOANN. LANGIUS (b). Malignam, immo pestilentem cum parotidibus, bubonibus *, & faucium, orisque exulceratione conjunctam curavit, descripsitque MORTONUS (c). Anno 1748. & 1749. summopere maligna, ac perniciofa scarlatina Hagæ Batavorum defævit. Hæc cum valida angina inchoabat, & plurimos infantes, & multos juvenes, & adultos occidebat. Immo fauces, carnesque buccarum in ulcera maligna, ossa maxillarum in cariem pessimam convertibat, & similia etiam in cruribus efficiebat (d).

*Pestilens
Mortoni.*

(a) *Med. pract. Tom. 2. l. IV. de Febr. cap. XII. de variol. & morbil. p. 178.*

* In epidemica scarlatina Hauniensi, de qua paulo ante mentionem feci, parotides supervenientes, quamvis suppurarent, lethum afferebant. Nisi enim primis morbi diebus ægros suffocabat, eos per quatuor hebdomadas excruciabant, donec languore perirent.

MEZA l.c. §. 167. ROSENIUS vero in scarlatina epidemica ann. 4741. Upsaliæ observata testatur, tumores parotidum, & glandularum maxillarium non fuisse perniciosos, & paullatim sponte resolutos esse. *Trait de malad. des Enfans chap. XIV. p. 281.*

(b) Teste HAENIO *Febr. divis. divis. VI. §. 2.*

(c) *L.c. hist. XI.*

(d) *L.c. p. 25.*

§. LXXII.

A Na- Magnam cum priori affinitatem habet *epide-*
miario de- mica scarlatina, quam Catalauni, & in quibus-
scripta. dam

dam Regni Gallici locis anno 1751. vidit NAVIERIUS (a). Quia vero nihil magis cum ad cognoscendum, tum ad medendum confert, quam accurata eorum, quæ in morbis contingunt, enarratio; idcirco nec grave, nec inutile fore existimo, si in hac quoque breviter describenda consistamus. *Per febrem admodum vehementem se manifestavit, quæ animi deliquiis, lassitudinibus spontaneis, capitis, fauciumque doloribus, deglutitionem impredientibus comitata erat. Secundo die, & sæpe post viginti quatuor, vel triginta horas in toto corpore maculæ rubræ, vivido scarlatino colore, latæ, manus magnitudinem sæpe excedentes, figuræ irregularis, & dorsum, pectus, femora, & nates sæpe ita tegentes, ut unica tantum esse videretur, apparuerunt. Hæ maculæ, quovis fere momento disparentes se in alia loca erysipelatis more conferre videbantur, in quibus antea non fuerant. Manus easdem tangens calorem vividum, & ardentem, præcipue in adultis sentiebat, & cutis ruberrima digito compressa albescent, remoto digito statim rursus rufescebat. Pulsus parvus, & frequens erat, & respiratio difficilis, & intercepta, & singultuosa in plurimis esse videbatur. Halituosus vapor e pulmonibus egrediens adeo calidus, & urens deprehendebatur, ut unusquisque hunc percipiens faciem ab agro statim avertere cogeretur: Hæc febris etiam interdum cum manuum, & brachiorum inflatione conjuncta fuit, integrasque familias aut insimul, aut successive invasit. Quibusdam lingua erat valde sicca, plurimis vero humida, & venter flatibus distentus. Iis qui ab atroci hoc malo evadebant, epidermis quinto, vel sexto die per squamas decidebat,*

quin

quin immo adolescenti tredecim vel quatordecim annorum tota manus, pedisque cuticula exceptis unguibus secessit quibus vero non illico in primo morbi impetu succurrebatur, eschare gangranosa in fundo faucium versus arcum, & velum palati superveniebant, & ita celeriter proserpebant, ut œsophagum, asperamque arteriam ante occuparent, quam illæ percipi, curarique possunt. Quare non pauci e medio tollebantur. Notandum præterea est, non nullos hoc morbo affectos quarto vel quinto die non secus periisse, ac si gangranosa pulmonum inflammatione suffocati essent. Alios post vehemens delirium morientes magnam saniei quantitatem per os, & nares reddidisse; & rubra antea maculas post mortem in quibusdam prorsus violaceas evasisse. Hanc porro lucem, subjicit auctor, in infantibus longe mitiorem, quod minor, fuisse, faciliusque remediis obtemperasse (b).

(a) Dissert. en forme de Lettre sur plusieurs maladies populaires &c. A Paris 1753.

(b) Comm. de reb. in Scient. nat. & med. gest. Vol. IV. P. 2. p. 338.

§. LXXIII.

Scarlatina epidemica ann. 1770. & 1771. Vin-
dobonæ, post prægressam febrium intermitten-
tium constitutionem, malignæ & epidemicæ quæ-
dam Scarlatinæ insurrexerunt, quarum HAENIUS
(a), & ANDREAS KIRCHVOGELIUS historiam nobis reliquerunt. Præcipua earum symptomata, quibus formidabiles reddebantur, fuerunt convulsiones, coma, delirium, & non raro etiam an-
gina

Scarlati-
na epide-
mica ann.
1770. &
1771. Vin-
dobonæ.

gina inflammatoria, quæ, nisi propere apta mendi ratione coerceretur, gangrena, & sphacelo terminabatur, ægrosque citissime (b) jugulabat. Sed non adeo exitiosæ profecto hæc visæ sunt, uti illæ NAVIERII, neque semper cum angina gangrenosa conjungebantur. Plerique enim ex his decumbentes, si rite curarentur, feliciter evadebant, & servabantur, quemadmodum KIRCHVOGELIUS testatur,

(a) *Rat. contin. P. I. cap. VII.*

(b) *Diar. med. Practic. cap. 3. p. 29.*

§. LXXIV.

Complicata, sive mixti generis partim nempe *Exemplum mixti generis.*
muculosa, partim *pustularis* (§. LXII.) exemplum depromimus ex illa epidemica Scarlatina, quam Cl. LORRYUS, constitutionem referens morborum ann. 1777., *erysipelas universale* nominavit (a). Perniciosissima ejus natura, & peculiaria symptomata, quorum cognitio Tironibus plurimum lucis afferet, merentur profecto, ut tota ejus historia, quam accuratissime memoriæ prodidit idem vir præstantissimus, hic exscribatur. Crebri omnino fuerant antea, erantque adhuc illo anno morbi exanthematici febriles, videlicet morbilli, erysipelata, febris scarlatina, alixque cutaneæ eruptiones. *Scarlatina* vero huic, de qua loquitur, non modo pauci, sed etiam qui in prima adolescentia constituti erant, quam maxime obnoxii fuere. Post brevem horrorem accedebat vehementissima febris cum summo & quasi igneo cutis ardore, lingua sicca, gutture rubente, inflammatoque, oculis scintillantibus,

la-

labiis aridis , quorum superius etiam tumebat ; Mox obfuscabatur caput ; & quamquam ægri rite responsa darent interroganti , difficulter tamen adduci poterant ad loquendum . Respiratio interim erat sublimis , celeris , calida . Subinde vomituritio e torpore , & silentio eos excutiebat ; immo vomitus etiam corripiebat , quo magno cum conatu ejiciebantur vere porracea , & quandoque manifesto acida , sed sine levamine . Alvus adstricta nihil reddebat , & copiosæ urinæ aqueæ fluebant . In hoc prope statu quatuor ac viginti horæ exigebantur , quarum decursu aliquando febris exacerbari videbatur , nec deerat aliqua , etsi obscura , mentis aberratio . Primum morbi stadium hoc dicerem , sive initium .

(a) *Hist. de la Societ. Roy. de Mèdec. T. 2. Mémoir. p. 7.*

§. LXXV.

Eruptio. Transacto hujusmodi temporis spatio incipiebant apparere quædam maculæ rubræ sejunctæ , & discretæ in manibus , brachiis , lumbis , & facie . Nequaquam tamen ex hac eruptione symptomata minuebantur . Respiratio permanebat æque difficilis , celeris , ac sublimis , ut antea , de qua ægri nullo modo querebantur , quasi eam nec perciperent , nec agnoscerent , quod in morbis quibusque malum semper signum deprehendi . Pulsus tum erat durus , contractus , & frequentissimus ; urinæ vero crudæ , aqueæ , calentissimæ . Paullatim maculæ modo memoratæ dilatabantur , ita ut intra sex horas a prima earum apparitione universum corpus a capite ad pedes

us.

usque rubore summo suffunderetur. Principio rubor iste pressione albicabat, non ita vero progressu, tam immutabilis, & omnino constans fiebat. Cutis tactui aspera, & granulis minutis conspersa, ardensque admodum reperiebatur. Increcebatque malum celeriter inter duodecim horarum intervallum, ut non solum tota exterior cutis facies valde tumida extaret, dura, tensa, & quasi corio similis, verum tota etiam cellula-^{Incrementum.}ris tela intumesceret, & totius pene corporis formam alteraret. Hinc labia, nasus, collum in tumorem enormem attollebantur. Tumor autem non erat mollis, & aqueus, ut in œdemate, sed renitens, & durus. Cutis ferme sensus experta videbatur, sed tanto exardebat calore, ut digiti ad pulsus explorandum appliciti, si aliquandiu ibi moram traherent, veluti ab igne adurerentur. In hoc altero morbi stadio, sive augmento, & vigore ægri nihil querebantur, sed stupidi, & plerumque taciti desipiebant. Os siccum, & linguam nigricantem etsi haberent, non tamen sitiebant, aut potum ullum petebant. Respiratio vix dici potest, quantum præceps, & citata esset. Urinæ incio sæpe ægro profluebant. Pulsus quoque magis magisque crebri, & celeres fiebant.

§. LXXVI.

Elapsis in hujusmodi stadio circiter sex horis, Exitii si-
 ungues jam nigricabant. Interdum alvus, quæ ad-^{gna.}stricta eousque fuerat, sponte laxabatur, prodeuntibus excrementis partim viridibus, partim sanguineis. Sæpe phlyctænæ in cute oriebantur, quæ si gangrænosæ essent, tumor subdebat, &

cutis ipsa flaccescebat . Generationem partes omnes paucis horis ante mortem detumescebant, & mollebantur ; deinde leves convulsiones obortæ proximam mortem portendebant . Post mortem livor cuti fœdebat , quæ pustulis minutis conspersa , atque aspera speciem ejus exhibebat , quam injectiones anatomicæ repleverint . Pustulæ vero hujusmodi num ad morbillos , aut ad miliaria spectarent , non satis liquet ex Lorryana descriptione . Si tamen ad morborum tunc grassantium constitutionem respiciatur , inter quos morbilli certe non infimum locum habebant , ad hos potius referendæ viderentur .

§. LXXVII.

Boni exitus signa. Quod si morbi pernicioſa vis non tanta eſſet , ut omnem adimeret ſpem ſalutis , tunc paullatim ſymptomata mitigabantur , & plerumque narium hæmorrhagia ſuperveniebat , quæ ; eſſi malum non integre judicaret , valde tamen ſublevabat . Oculi , qui aridi , & prope uſulati erant , incipiebant humeſcere , & lacrymas fundere . Circa ſeptimam tuſſis ſe ſe maniſeſtius exſerebat , ſed nihil notatu dignum excreabatur . Interdum copioſus ſalivæ fluxus movebatur , & alvus laxata deſiciebat bilioſa multa . Epidermis demum ſenſim decedebat , artubus interim , præſertim inferioribus perpetuo humido vapore , atque halitu mædientibus . Non tamen morbus finem attingebat , ante XIV. vel XXI. diem . Eo vero ſuperato , tuſſis moleſta , & diutinæ oculorum affectiones aliquandiu adhuc eos , qui feliciter evaſerant , divexabant .

§. LXXVIII.

§. LXXVIII.

Non possum mihi temperare; quin aliam *Scar-* *Alterum*
latina, mixti generis *, nempe cum exanthema- *mixti ge-*
 te miliari *complicata* historiam priori adjiciam; *neris ex-*
 idque eo libentius duabus de causis faciam, pri- *emplum.*
 mum quod hæc multo minus exitiosa existit,
 deinde quod ab illustri, & medendi laude per-
 celebri Medico, Archiatr. Cæsar. Comite. AN-
 TONIO STORCKIO, cujus sæpe observationibus uti-
 mur, accuratissime scripta suppeditatur, nobisque
 ea videtur, quæ minus exercitatis quibusque
 quam maxime profutura sit. Exscribam igitur
 ferme totam ex ejus ipsissimis verbis. Mense No-
 vembri ann. 1759. cum Vindobonæ in Nosoco-
 mio Pazmariano ex febrî continua catarrhali,
 cui sæpe miliaria exanthemata superveniebant,
 multi decumberent, alia febris non paucos corri-
 puit, quæ primis diebus valde mitis videbatur.
 „ Etenim levis tantum, & obtusus aderat capi- *Princi-*
 tis dolor, appetitus languit, pulsus fuit naturali *pium.*
 paullo celerior, nec tamen plenus, nec durus,
 nec suppressus, sitis mediocris, lingua humida,
 alba, oculi solito minus vivaces. Alvus quotidie
 naturalis prodiit, urina crassam in medio nubem
 gessit. Incipiente QUARTO die omnia symptoma- *Augmen-*
 ta subito exacerbata sunt. Pulsus summa violen- *tum.*
 tia exagitabatur, ita quidem, ut eodem die bi-
 næ, ternæve sat largæ venæsectiones debuerint
 institui, caput acutissime doluit, in pectore or-
 ta est anxietas, & respirandi magnus labor, lin-
 gua fuit aridissima, oculi rubore suffusi sunt, &
 pro-

protuberarunt, fitis immaniter augebatur, totum corpus, maxime vero extrema, calor urens invasit; urina fuit ruberrima, crassa, quasi multo sanguine tincta; accessit delirium, sopor, corporis inquietudo. Factis necessariis venæ sectionibus, & dato copiosissimo potu diluente, nitroso sub finem diei quarti tota cutis aspera, seu anserina apparuit, & mox rubuit colore scarlatino. *Eruptio scarlatina.* Nullum tamen symptoma inde levatum est, & ægri frequenter tussitarunt, & noctem habuerunt admodum inquietam *.

* Mixti generis fuit etiam scarlatina ann. 1751. a ROSENIO descripta, quæ, etsi cum angina inflammatoria conjungeretur, non tamen valde mortifera visa est.

§. LXXIX.

„ QUINTO die, prægresso per universum corpus largo sudore, remisit calor urens, & tussitatio; mox pruritus cutim occupavit, dein visæ sunt numerosæ pustulæ albicantes, opacæ, diversæ magnitudinis, & figuræ, quædam ex his confluentes sat magnas vesicas efformarunt. *Eruptio militaris.* Pustulæ hæc densissimo agmine collum, pectus, & abdomen obsederunt; in facie autem erant nullæ, in extremitatibus paucæ. Factis his eruptionibus quidam ægri se multo melius habuerant; disparuit enim sopor, abiit delirium; fitis, & pulsus velocitas imminutæ sunt. Immo pulsus in quibusdam fuit adeo bonus, & æqualis, & omnia symptomata adeo mitia, ut totum opus soli naturæ tuto tunc potuerit committi.

mitti . Aliqui autem manserunt soporosi ; continuo delirarunt ; eorum pulsus fuit debilis , inæqualis , intermittens ; urinam & fæces inscie dimiserunt , tendines subsisterunt , & artus convulsionibus exagitati sunt . **SEXTA** die in eodem statu perstitere .

§. LXXX.

„ In principio **SEPTIMI** diei ortus est horror ; dein ingens frigus omnia membra perrepsit , quod Horror & frigus crisi-
sim præcedens. ultra horam duravit , extremam reddidit gelida , rigida , & tantam induxit virium prostrationem , ut mortem allaturum videretur . Cessante tamen hoc frigore mox ægri ad se redierunt , nec delirarunt amplius , pulsus fuit æqualis , liber , minus velox , & ab eo tempore vires auctæ sunt , nec ullæ convulsiones , aut tendinum subsultus amplius observabantur ; in quibusdam febris fere penitus desiit . Eodem adhuc die pustulæ omnes Nova miliaris secretionis per pustulas crystallinas. magis elevatae sunt , & redditæ pellucidæ ; etenim limpidissima lympha videbantur repletæ ; color scarlatinus cœpit evanescere , & sitis imminui ; urina fuit crassa , turbida , & copiosissimum sedimentum subfuscum deposuit “ .

§. LXXXI.

„ Ægri qui **QUINTO** die magnum levamen perceperunt (§. LXXIX.) , & habuere symptomata admodum mitia , ii **SEPTIMO** die levem tantum horripilationem perceperunt ; pulsus fuit paulo celerior , & pustulæ magis repletæ sunt , & cœperunt pellucere ; reliqua autem omnia optimo in statu permanserunt . **OCTAVO** die nihil

Miliaria mutatum est, nisi quod is qui SEPTIMO die macule habuerunt, aliquoties alvus biliosa, liquida, *crySTALLINA*.

Quibus foetida cum magna euphoria prodierit: iis vero *alvus laxata*, & alvus fuit naturalis, qui minorem septimo die molestiam perceperunt. NONO die febris fuit admodum exigua; urina fere naturalis; alvi pro-

Purpura
& *pustularum*
finis.

Finis febris.

fluvium siluit; color scarlatinus sensim in naturalem abiit; pustulae partim ruptae sunt, & limpidum serum fuderunt, partim conciderunt, & exsiccatae sunt, DECIMO die tota fere cutis naturalem colorem habuit, & omnia erant meliora, & quidam ex his ægris ab omni febre liberi, jam per aliquot horas extra lectum fuerunt. UNDECIMO die in omnibus desit febris, rediit appetitus, epidermis lamellatim secessit, intra paucos dies viguerunt vires, & valetudo fuit integerima (a). Mixti pariter generis *scarlatina*, maligna, & epidemica fuit, quam in Cephaloniae urbe, vicinisque locis anno 1763. grassantem vidit Amicus meus ANGELUS ZULATTUS (b). Cum magna primarum viarum cacoehylia, multaue lumbricorum congerie sic copulabatur, ut solo alvi fluxu vel spontaneo, vel arte concitato pessima ejus symptomata, uti delirium, convulsiones, parotidum tumores, fauciumque inflammatio feliciter, & plene tollerentur.

(a) *Ann. medic. secund. p. 46.*

(b) *Giornale di Medicina di Pietro ORTESCHI T. 2. Num. XXIX.* Ubi absolutissima ejus historia inserta legitur. Quæ cum multa contineat, quæ morbum illum, causas ejus, curationemque plurimum illustrent, rem gratam titonibus me facere confido, si eam hic breviter transcripsero. Hiemi præhumidæ nec multum frigidæ successit ver siccum, & solito fri-

frigidus . Siccitas autem tanta fuit , ut per quatuor subsequentes menses nulli imbres deciderint , & ne rores quidem nocturni , qui calorem , & siccitatem illud Insulæ temperare solent , adfuerint . Mense Majo ad finem vergente tempestas repente in calidam , & opprimentem mutata est . Tunc præter febres tertianas duplices continuas Purpura scarlatina tam in urbe quam in vicinis pagis vagari cœpit , pueros præsertim , & adolescentes utriusque sexus corripuens , immunibus , qui annum vigesimum prætergressi erant , relictis . In aliquibus morbus incipiebat ab horroribus vagis cum virium dejectione , & acutissimo capitis dolore ; in alijs a subitanea lassitudine cum intolerabili totius corporis ardore . Fere omnes querebantur appetitus defectum , sitim magnam , atque inexplibilem , oris ariditatem , amaritiemque , & membra veluti fracta . His præterea lingua erat sordida , mûco albo , & viscido obducta , & nausea perpetua , quam interdum excipiebant vomitus spontanei aquosi , spumidi , flavi , atque amari . Secundo , tertio , aut quarto die a febris , quæ semper vehemens erat , accessu collum primum , deinde totum corpus rubore suffundebatur . Rubor autem magis , vel minus intensus apparebat , prout morbus gravior , vel mitior erat futurus . Rubore non minus erat cutis ardor , & siccitas , quibuscum conjungebatur . Colorem hunc vere purpureum hic illic intersinguebant quædam minutissimæ bullulæ , non valde elatæ , semina sinapios magnitudine æquantes interdum etiam minores . Exanthematica ejusmodi eruptione non febris , non ejus symptomata minuebantur , immo atrocius mox capitis dolor intendebatur ; pectoris oppressio , anxietas , & inquietudo magis assidue premebant . Non nunquam accedebat etiam delirium : immo infantes inter brevem , interruptumque somnum subinde convellebantur . Punctiones vero , sive mavis morsus , quos circa cordis scrobiculum percipiebant , molestiores fiebant . In plerisque alvus adstricta erat . Hi feбри vehementiore , & gravioribus symptomatibus afficiebantur . In alijs jam ab ini-

tio fluebet, egrediebaturque foetentissima, crocea lumbricis permixta; atque in his mitior morbus erat, Quibusdam pueris, qui videlicet facie pallebant, & macilentiores videbantur, lumbrici non pauci tam ore quam ano sponte, & sine aliis excrementis prodibant modo vivi & vegeti, modo mortui, & corrupti. Per utramque hanc viam spatium quatuor dierum amplius quinquaginta lumbrici a Puella duodecim annorum excreti sunt. Fere omnibus post quartum diem dolor, tumorque parotidum superveniebat. Quibus hujusmodi, tumor deerat, fauces inflammatione tenebantur, & difficilis deglutitio evadebat. Paucissimi ab alterutro incommodo liberi existere. Nemini parotides suppurantur. Resolvebantur enim modo citius, modo tardius, prout rubor & febris evanescebant, & prout dejectionibus morbi fomes depellebatur. Satis erat eas inungere linimento aliquo, cui camphora adjecta esset. Eodem pariter ordine, eademque naturæ providentia faucium inflammatio minuebatur. Huic profuit magnopere aqua hordei leviter aceto rosaceo imbuta. Die septimo, aut etiam ante, in breviori morbo; in longiori vero die undecimo, duodecimo, aut decimo quarto rubor quadam quasi tenuissima farina aspergi videbatur, qua sensim cuticula albescebat, principio in superioribus partibus facta. Tunc sic pruriebat cutis, ut scabere eam oblectamento esset. Sic farina illa secedens, aut cuticula in squama soluta decidebat. Tum febris cito mitigabatur; interdum etiam extoto cessabat, etsi adhuc ad aliquot dies rubor persisteret, Appetitus redibat cum somno longiori, & pacatio-ri. Sudor vero nullus erumpebat, nisi discussio penitus scarlatino rubore. Urinæ quæ inter initia parvæ, tenues, & aquæ fluebant; progressu, & inclinatione uberiores, & saturatiores factæ sunt. Hinc vires, & sanitas redintegrabantur. Qua ratione curatio instituta sit, referam infra.

§. LXXXII.

Quam dedimus Scarlatinæ malignæ, atque ejus *Diagnosis* differentiarum descriptionem (§. LXIX. ad LXXXI.) *sis.* sic puto exemplis opportune, & diffuso adductis illustratam, ut plana atque expedita sit cuicunque ad rectam diagnosim via. Superesset, ut de caus- *Causæ* sis aliquid dicerem; verum hæ satis expositæ fuerunt, ubi de scarlatina benigna (§. LXIII.) retulimus. Nam, si quid discriminis inter eas est, in gradu, copia, & potentia majori omnino positum videtur. Quare etiam illud consequitur, ut *Prognosis* maligna non modo plus gravitatis & periculi habeat, sed etiam sæpe mortifera animadvertatur. Jure igitur SENNERTUS scripsit, *malum hoc grave, ac periculosum, & sæpe lethale esse (a).* Anginosa, sive aphtosa (§. LXXI.) & præ ceteris epidemica, & mixta (§. LXXIV.) plerumque, ut notavimus, in lethalem gangrænam & horribilem strangulatum definit. Quæ a LORRYO observata fuit (§. LXXIV.) majorem ægrotantium partem enecabat, nequidquam proficientibus quibuscumque artis selectioribus adjumentis. Non ita vero contigit scarlatinæ mixti generis malignæ, & verminosæ a Cl. ZULATTO descriptæ (§. LXXXI.) quippe quæ rite curata neminem occidit.

(a) L. c.

Malignæ Curation.

§. LXXXIII.

Purgatio. Primis statim diebus, antequam Scarlatina erumpat, si cacochyliæ indicia se prodant, lene eccoproticum dari oportet, aut vomitum, si breviori via expellenda videatur, aqua tepida cum oleo subacta, aut oxymele scillitico, aut Ipecacuanha pro ætatis, & virium ratione cieri. Sed nullibi magis emesis necessaria est, quam ubi a miasmate epidemico origo morbi pendere videtur; subtracto enim per vomitum fomite primas vias ingresso multo mitior morbus evadit. Id in primis perspectum sæpe est in epidemica Scarlatina, cui angina aphthosa, aut gangrænosa adjungitur. Cum autem febris vehemens, calor urentissimus, atque alia symptomata gravissima in hac esse soleant, inflammationisque metus ubique immineat, sanguinem non solum mitti licet, verum necesse etiam est. Id quoque post ipsam eruptionem quarto; quinto die, immo tardius fieri interdum (a) debet, In pestilenti, nimirum ea, in qua parotides, & bubones eruptioni jam factæ superveniebant (§. LXXI.), sanguinem utiliter mittendum curabat MORTONUS (b), & vesicantia adhibebat. Quo in casu largiorem etiam Chinæ chinæ usum proposuit (c) HAENIUS. In reliquis methodus antiphlogistica omnino huic quoque accommodanda est, qualem benignæ paullo graviori (§. LXVI.) convenire supra traditum est.

Alvi fluxus. Alvi fluxus minime sistendus est, si primæ viæ sordibus scateant, & vires vigeant. At si immodicus videatur, tunc aliquantulum coerceri de-

cocto albo, absorbentibus, & China-china ad scrupulum unum cum Laudani liquidi SYDENHAMI guttis quatuor ter in die, habita ætatis ratione iterata (d).

(a) MORTON. *l. c. Hist. I.* HAEN. *l. c.*

(b) *L. c. Hist. XI.*

(c) HAEN. *l. c. hist. I.*

(d) MORTON *l. c. Hist. X.*

§. LXXXIV.

In ea Scarlatinæ epidemicæ constitutione, quam *Navierii methodus.* angina aphitosa comitabatur, a NAVIERIO (§. LXXII.) descripta, cito vena brachii incidebatur; cum vero delirium, & coma urgeret, jugularium quoque sectio perutilis deprehensa est. Nec aliter in Scarlatina Vindobonensi anni 1771. (§. LXXIII.) se gessit HAENIUS. Reticeri tamen haud debet KIRCHVOGELIUM in eadem ipsissima epidemica constitutione nunquam sanguinis missione usum esse, quamquam angina accederet, & nihilo tamen minus suos ægros feliciter, ut ipse narrat, ad pristinam valetudinem restituisse solo regimine temperato, & diapnoico, victo tenui, & hydromele. Non tamen ideo omnem venæ sectionem ipse rejiciendam putavit: nam *Kirchvogelii therapia.* *Non tamen venæ sectionem omnem rejicit.* *nonolim,* inquit, *me hisce omnes venasectiones reprobare quisque credat, cum easdem præcipue apud adultos quandoque valde necessaria fuisse, & aliquos cum, & sine venæ sectione ad plures emigrasse sciam. Interim tamen cum scarlatinam hanc febrim multum priori (scilicet intermittenti, quæ epidemice antea grassata est) ut suæ causæ deberet, & potissimum hic suum virus ad fauces de-*

Monita
de S. M.

ponere observarem , cortice peruviano tam injiciendo quam etiam interne illum dando absque vel unica in meis celebrata venasectione , quos habui , feliciter euravi (a) . Mirum profecto , sed non inauditum , nec insolens videbitur , in eodem morbo , loco , & tempore HÆNIUM , & KIRCHVOGELIUM viros sane ab omni medicinæ scientia paratissimos in oppositam omnino de sanguinis missione sententiam ivisse . Illud ; ni fallor , tenendum est , nihil hisce de rebus , quod absolute perpetuum habendum sit , decerni generatim posse , sed modo sanguinem recte mitti , modo ab ejus missione abstineri oportere , prout indicantium , aut contraindicantium potior ratio est . In univèrsum in morbis , quos virus aliquod , aut acerrima , & caustica morbifici humoris indolēs gignit , etsi inflammatorii videantur , parcius , & rarius sanguinis missione uti expedit *.

(a) *Diar. med, Pract. l. cs*

* Multa jam in superioribus ad hujusmodi contrroversias dirimendas disceptata sunt ; quæ in memoriam redigantur oportet : multa etiam in sequentibus libris , & potissimum ubi de Angina , & Pleuritide sermo habebitur , ad rem illustrandam invenies .

§. LXXXV.

utilitas
purgatio-
nis , &
vesican-
tium .
Paregori-
ca .

Post sanguinis missionem serum lactis Tamarindis , & refrigerantibus plantis alteratum potui ordinario dabat NAVIERIUS . Præ cæteris clysteres iterandos suadebat . A vesicantibus intra scapulas impositis , vel ad suras admotis præclara effecta obtinuit , admiratusque est .

Pa-

Paregoricis, si eis locus esset, ante alvi ductio-
 nem refracta tantum dosi utebantur; post purga-
 tionem vero, paullo liberaliori. Gangrænam fau- ^{Gangræne}
 cium valide arcebat gargarismate ex oxymele & ^{faucium}
 spiritu vini dephlegmato, ut vocant, per salem ^{quid pro-}
 tarrari, in quo soluta esset congrua camphoræ ^{fit.}
 quantitas. Ad eundem finem, fauces acerbè
 dolebant, & colore cinnabarino rubescebant, il-
 lico decoctum corticis peruviani aut cicutæ inji-
 ciendum; potui vero lac decocto aliquo refri-
 gerante dilutum, vel subinde *emulsum paregori-*
cum nitratum dandum alii (a) jubebant. HÆ-
 NIUS oris ulcera, si alba, & vesicularia erant,
 detergebat applicito succo sedi, sive semperi-
 vi majoris cum melle ex rosis, quod tutissi-
 mum est. Ceterum magna cautio adhibenda est ^{Quid ul-}
 in ejusmodi remediorum delectu, atque usu. ^{ceribus}
 In summa enim faucium, orisque phlogosi, aut ^{oris?}
 phlegmone, cui dolor intensior adjunctus sit, a ^{Cautela.}
 calidis, irritantibusque cavere oportet, ne ma-
 lum exasperent, gangrænamque impendentem ac-
 celerent. Hinc plerumque præstat leniter garga-
 rizare ex decocto caricarum pinguium cum la-
 cte, aut ex diluto florum sambuci cum pau-
 xillo oxymelis, aut syrupi mororum, aut ex
 his aliquid in fauces, sed e latere, & leniter
 per fistulam infundi. Vaporem quoque ex spon-
 gia aqua calida, & aceto imbuta, & pectori
 imposita manantem inspirari proficuum est. Na-
 ribus vero siccis, & obstructis prodest linteo-
 lum immitti, lacte tepido prius madefactum, id-
 que subinde repeti. Quæ de aphthis tradita
 sunt alibi (b), quæque tradentem in capite de
 Angina *maligna*, & *gangrenosa*, si huc tran-
 sferantur, quisque facile intelliget, quodnam
 cui.

cuique casui opportunius auxilium decerni debeat.

(a) KIRCHVOG. I. c.

(b) Volum. I. §. CCXXVI.

LXXXVI.

Nemo nescit, quantum adversus morbos vere putridos, aut gangrænosos valeat cortex peruvianus. Verum hodie non modo in illis, in quibus languor summus totum corpus occupat, verum etiam in acutissimis atque ardentissimis febribus, ubi certe virium vitalium actiones modum excedunt, fervorque quasi igneus excandescit vehementer, sine ulla cunctatione, & consilio adhiberi eum sæpius vidimus. Quantum vero in effreni adeo motuum omnium insolentia, & ferocitate præstet ab iis, quæ vim cordis, arteriarumque valentius incitant; atque adeo a cortice peruviano ipso abstinere, judicent æqui, expertique rerum æstimatores. LORRYUS certe in pessima, & plerumque lethifera scarlatinæ specie, quam ipse curavit (§. LXXIV.), non aliam methodum calidissimo, ardentissimoque morbo adhibendam existimavit, quam refrigerantem, atque antiphlogisticam. Neque satis intelligi potest, quomodo vir aliquin cautus & prudens ANTON. HAENIUS ingentem corticis vim quotidie ad plures hebdomadas suis ægris ingesserit. In constitutione illa epidemica, quam paullo ante memoravimus, ubi minor, ut ipse scribit, malignitas erat, non minus de ejus extracto dabat in die, quam semunciam; ubi vero major, unciam, & sæpe duplam etiam dosim singulis die-

*Corticis
peruviani
usus moderatus.*

Refrigerantia.

diebus. Fortasse frigidis in regionibus, atque in corporibus Germanorum audentius eo uti licet; aut qui ad eos pervenit, ita effectus, aut adulteratus *, aut iners est, quod non sine causa suspicor, ut largiori etiam mandatus vix, ac ne vix quidem hominem moveat.

* Et facilius lucri causa adulterati potest corticis extractum; nam HAENIUS cum plerisque aliis Germanicæ medicis *extractum* adhibere consueverat. Genuinum, & sincerum, quod paucum e multo cortice educitur; magno pretio venit. Additione igitur alienarum rerum, vel aliarum plantarum nostratium *extractis*, ejus quantitatem augent pharmacopole, sicque majus sibi comparant lucrum, Neque ab ejusmodi fraudibus alieni sunt pharmacopolæ in Germania, quorum lucrandi cupiditas nuper certissimis documentis innotuit, & meritas pœnas dedit.

§. LXXXVII.

Præter ista vero, quæ faucium gangrænam aut anteverunt, aut coercent, tam interne sumpta, quam in fauces injecta, aut gargarismatis forma usurpata, extrinsecus quoque quædam admoventur, quæ morbi vim foras avocent. Idem HAENIUS vesicantia ex cantharidibus, aut cataplasmata cum sinapi circa collum duci imperabat, antiquissimorum exemplum medicorum sequutus, qui acribus & salitis cutem in faucium inflammatione exulcerare consueverant. Nôs quando dolor & fervor nimiam irritationem adesse, & ex hac causa gangrænæ metum augeri ostendunt, fomenta anodyna, & simul antiseptica ex genere temperantium, & antiphlogisticorum ceteris anteponimus. Deco-

Topica,

Cautio.

*Limitatio
purgatio-
nis &
phleboto-
mia.*

sta florum sambuci, & malvæ aceto mixta leni-
ter calentia ad id aptissima censeantur. Immo ca-
taplasmata ex malva, & semine lini, & mica pa-
nis lacti incoctis aptissima sunt, dummodo sæpe
iterentur, ne frigescant. Nec fertasse undique
probanda est illa nimia in purpura scarlatina al-
vum ducendi & mittendi sanguinem HAENI libe-
ralitas, quæ in historiis ab eo enarratis ubique
elucet. Neque in his laudanda nimia ejus pro-
clivitas, qua ferebatur in regimen refrigerans,
ut nimis crebro ægris permetteret e lecto surge-
re, & cutis expirationem intercipere. His for-
tasse de causis factum est, ut ejus ægroti gra-
vibus, insolitisque vicissitudinibus subicerentur,
& diutius, quam par fuisset, morbo conficeren-
tur. Temeritatis ejusmodi poenas sæpe luisse mi-
seros ægotantes ex multorum fide, & testimo-
nio compertum habemus. Subitæ enim, & mor-
tiferæ metastases inde sequuntur. Cum autem si-
ve regimine frigido, sive alvi ductione, sive
missione sanguinis temere; inconsultoque insti-
tuta, vel alio quocunque casu Purpura Scarla-
tina retrocesserit, & periculosa symptomata inde
enascantur, quantocius enitendum est, ut revo-
cetur extrorsum. Quem in finem sæpe feliciter
vesicantibus extrinsecus, intrinsecus vero campho-
pa, & potu calido usus est KIRCHVOGELIUS. Sed
hic maxime administranda celerrime sunt, quæ a-
lias (a) a nobis proposita & commendata fuere.
Ceterum salubres naturæ motus, quando neque
excedunt, neque deficiunt, observandi omnino
sunt, iisque favere oportet potu acidulo, tepen-
ti, & leniter diaphoretico, & victu tenui, anti-
putrido & sustinendis viribus opportuno, donec
morbus ad declinationem, & finem perveniat,

*Regressu i
scarlati-
ne quomo-
do succur-
rendum.*

rubore evanescente paulatim, & secedente in leu-
mellas epidermide. Tunc demum, ut in benigna,
alvus semel, iterumque leni medicamento dicen-
da est (*).

(a) *Volum. I. §. CCXCIV.*

(*) Quoniam supra (§. LXXXI.) historiam Pur-
puræ Scarlatinæ epidemicæ, malignæ, & mixti ge-
neris a Cl. ZULATIO conscriptam retuli, æquum
fane est, ut ejus etiam curandæ ratio simplicissima,
qua tuto, jucunde, & feliciter usus est, hic non
prætermittatur. Mox ab ingruente ejusmodi morbo
cognovit, eum ex multigena ventriculi, intestino-
rumque cacochyliâ originem ducere, ut ex amaro
oris sapore, halituque fœtido, ex lingua sordida,
& mucosa, ex appetitu dejecto, nausea, vomitibus
spontaneis, vermium complurium excretionibus, deje-
ctionibus olidissimis, & conferentibus patebat. Hinc
eo animum direxit, ut primæ viæ ab hac sordium
colluvie confestim expiarentur, promota videlicet,
ubi aderat, diarrhœa, aut ubi abesset, leniter ex-
citata. Quamobrem medicamentum catharticum,
atque antelminticum, quod constabat ex Rhabarba-
ri binis drachmis, Jalapæ drachma una cum dimi-
dia, & seminum Santonici drachma una, tenuem in
pulverem redactis, & unciis tribus aquæ fœniculi,
Theriacalis vero duabus in liquidam mixturam dilu-
tis. Hujus autem mixturæ pro ætatis, roboris, tem-
peramenti ægrotantium ratione, & pro vario mor-
bi gradu dabantur quotidie tria, quatuor, quinque,
modo plura, modo pauciora cochlearia, justis inter-
vallis discreta, donec venter solveretur. Postea me-
dicamenti dosis excretionibus accommodabatur, sic
ut modum non excederent, sed pergerent saburram
educere. Nec alio usque ad morbi finem opus erat
auxilio. Post primas dejectiones continuo mitigaban-
tur symptomata, præsertim capitis dolor, convul-
siones, inflammatio faucium, & ventriculi morsus.
Hinc quoque rubor ex intensissimo in roseum dilu-
tum

tum definebat. Nec pruritus, qui optime præſagiebat, diu cunctabatur accedere, & pulſus molliri, & dilatari. Quinque vel ſex intra horas viginti quatuor dejectiones ſatis erant ad hæc bona præſtanda in aliquibus: in aliis pluribus opus erat pro cacochyliæ putridæ quantitate, ac vi. In parvis pueris plerumque una remedii præſcriptio & non iterata omnem morbum debellabat; in grandioribus interdum iterabatur, ſed nunquam tota abſumebatur. Hæc erat communiffima, & certiffima, qua utebatur, curationis ratio. Fatetur tamen interdum etiam ſanguinis miſſionem adhibuiſſe, ut aliquod ſymptoma periculofum averteret. Id autem auxilli genus utile fuit, quando pulſus durus, & plenus, & dolor capitis atrox exigebant aliquod moderamen. Sanguis eductus nunquam cruſtam phlogiſticam exhibuit. Interdum quoque veſicantibus locus dabatur, nempe ubi ſopor gravis opprimeret. Sed nihil catharſi fuit præſtantiſ, & efficaciſ. Diæteticum autem regimen in eo conſiſtebat, ut ſolis panatellis ex aqua decoctis, aut pane aqua pura intincto veſcerentur, Carnes enim, aut earum jura febrim, & ruborem augebant. Potui dabatur aqua pura, aut nitro imbuta, liberali manu. Stragulis moderate tangebantur in lecto; aer pluries recens, & purus per feneftras intra diem admittebatur. Et quidquid alexipharmaci, aut ſudoriferi ſpeciem haberet, exulare juſſum eſt. Sic tota februm ſcarlatinarum cohors, quas curandas habuit, feliciter deviſta fuit.

*Morbi ſecundarii,
ſive
Altera Scarlatina periodus.*

§. LXXXVIII.

At experientia demonſtravit ſæpiſſime, reſoluta purpura ſcarlatina, deſquamataque jam epidermi-

inide, ægros e morbo convalescentes, si regimen diaphoreticum negligant, aut se aeri libero, aut frigidiusculo incaute objiciant, aut non perfectam crisin habuerint, modo repente, modo paucis post diebus, modo circa diem vigesimam primam, quandoque etiam serius (*), incidere in alia gravissima mala, eorumque complures e medio tolli. Neque id tantummodo acidit malignis, aut epidemicis purpuris scarlatinis, utpote huic infortunio frequentius obnoxie sunt, verum etiam benignis, & regularibus, licet multo rarius, quemadmodum constat ex fidissimis clinicorum (a) testimoniis. Hæc vocatur *secunda scarlatina periodus*, sive *secundum stadium* (b), quemadmodum febris, quæ variolas confluentes, aut malignas subsequitur, *secundaria* nomen apud plerosque obtinuit.

Noxa aeris frigidi.

(*) Exemplum œdematis universalis, in quod die trigesima a morbi initio, cum jamdiu a febre, & scarlatina vacuus esset, homo quidam incidit ex eo, quod e cubiculo ad auram puriorem inspirandam prodierat, affertur a Medico Florentino solertissimo, ALOYSIO NERIO in quodam suo opusculo. Vid. *Avvisi sopra la salute umana Volum. 3. p. 262.*

(a) Ibid,

(b) HEIST. *compend. med. l. c.*

§. LXXXIX.

Mala autem ista (§. LXXXVIII.), quamvis *Multiplex morbi genus* ab una eademque causa manantia, multiplicis tamen generis sunt, prout nimirum acris humor, qui diffusi per cutis spiracula debuisset, has vel illas partes aggreditur. In quibusdam ad articulos artuum extremorum delatus dolorem, & rubo-

*Frequen-
tior tu-
mor œde-
matosus.*

borena , ut in arthriticis (a) , excitat . In aliis glandulas lymphaticas occupat , undæ hæ intumescunt , indurantur , & (b) dolent . Sæpiissime in pulmones fertur , & respirationem reddit difficilem , & quasi suffocantem ; si vero in caput , & cerebrum impetum faciat , mox deliria , convulsiones , & mors (c) subsequuntur . Sed omnium frequentissimus est tumor œdematodes , aut leucophlegmaticus , quo totus corporis habitus , vel aliquæ ejus partes cum urina plerumque pauca , turbida , & fusca , ac quandoque omnino suppressa * tentantur . Id a SENNERTO jam animadvertum video , nam post cutis desquamationem , *mox pedes , inquit , ad talos , & suras usque intumescunt , hypochondria leduntur , respiratio difficilior redditur , tandemque abdomen intumescit , agrique non sine magno labore , & post longum tempus pristina sanitati restituuntur ; sæpe etiam (d) moriuntur ,*

(a) SENNERT. *De febr. l. 4. cap. XII. de variol. & moobill. p. 178,*

(b) HEIST. *l. c.*

(c) HAEN. *l. c.*

* In hac altera periodo ROSENIUS vidit urinas non modo paucas , sed colore aquam , in qua recens earo lota est , referentes . Vid. *Trait. cit. version. gallic. p. 281.*

(d) *L. c.*

§. XC.

Tumor iste duplicis naturæ , calidus & frigidus. Tumor vero iste , quo corpus inflari & turgescere dixi , duplex esse consuevit , alter , ut ita loquar , calidus ; alter frigidus : quæ differentia notari maxime debet , ut curatio diver-

ſæ ejus naturæ accommodari poſſit. Frigidum eum
 voco, qui veri œdematis, aut anafarcæ ſpeciem
 refert, & albus, & mollis, & aquoſus, & ne-
 quaquam tactui calens apparet, & cum debilitate
 totius corporis, appetitus defectu, pulſu humili,
 languido, non duro, neque febrili conjungitur:
 contra calidum, qui magis ad leucophlegmatiam
 accedit, & durus eſt, & renititur, nec veſtigia
 digiti prementis recipit, & manui calorem acrem,
 ſive pungentem exhibet, ſtipaturque pulſu duro,
 crebro, celeri, & febrili, ſpirandi difficultate,
 ſtertore, lingua ſicca, & alba, ſiti plerumque ar-
 denti, interdum non magna, urinifque pauciſſi-
 mis, & pene deficientibus. Primi, ni fallor,
 qui hanc perutilem, veramque differentiam ani-
 madverterunt, videntur fuiſſe Medici Florentini *Primi quæ*
 (a), quorum etiam ingenio excellenti, & cli- *morbum*
 nicis, anatomicifque diſquiſitionibus jam ab annis *recte no-*
 amplius ſexaginta debemus non modo hujusce *verint.*
 morbi veram pathologiam, ſed optimam quoque, *Florenti-*
 & prope certam curandi rationem. Cum enim *ni.*
 Florentiæ circa annum 1517. quam plurimi pur-
 pura ſcarlatina epidemica implicarentur, & omnes
 decima quarta circiter die ſimplici Sydenhamiana
 methodo feliciter ſanarentur; obſervatum eſt,
 convaleſcentium aliquos circa vigefimam primam
 diem cœpiſſe queri *de aliqua reſpirationis gravi-*
 tate, modica tuffi, atque aliquo oculorum, fa-
 ciei, & externarum gutturis partium œdemate,
 quibus phænomenis ſuccedebat febris, iifque in-
 gravescentibus, præſertim œdemate, quod univer-
 ſale ſiebat, cum levi thoracis dolore, abdominis
 tenſione, & aliquando torminibus, & omnimoda
 urinarum ſuppreſſione ad interitum feſtinabant
 diureticis tractati (b). Medici hinc ſolertiores

mortuorum cadavera secuerunt, inveneruntque pulmones, pleuram, intercostales musculos, diaphragma, renes, & intestina plus, minusque inflammatione correpta. Quamobrem in eam venerunt sententiam, ut peripneumoniam, quam metastasis materiæ morbificæ non ex toto evacuatæ induxerat, pro primario morbo habendam crederent; tumorem vero leucophlegmaticum pro ejus symptomate, sive effectu secundario. Inflammatis enim pulmonibus, ceterisque partibus respirationi dicatis, ac proinde humorum per præcordia circuitu pene intercepto, facile intelligebant, cur, retardato per venas tum sanguinem, tum lympham vehentes refluxu, & hinc inhibita serosi laticis e cellulosis cavis absorptione, totus corporis ambitus retenta viscidiorē, & crassiorē ejus parte turgeret, & præter morem intumesceret. Quapropter in aliis, qui in hujusmodi morbum inciderunt, sanguis mitti cœptus ex brachio, & si opus erat, etiam iterato, & sic omnes sanabantur, felici eventu consilii bonitatem comprobante (c).

Cur sanguis minus remedium sit?

(a) *Avvis. sopra la sal. um. T. 3. N. 5.*

(b) Jo. CALVUS *comment. de hodierna etruscæ Clinica*. Extat in RONCALLI PAROLINI *Medicina Europæ* p. 333.

(c) *Ibid.*

§. XCI.

Neque in illa tantum epidemica constitutione id auxilii ex voto cessit, verum etiam deinceps in reliquis annis, quotiescumque convalescentibus ex hujusmodi exanthematico morbo superv-

hinc tumor iste leucophlegmaticus, febrim comitem habens, & reliquas notas calidi œdematis præferens; etsi non ab interna pulmonum, aliorumque viscerum inflammatoria congestione ortus videretur, sed a solo telæ cellularis infarctu, quem retenta expirabilis acris materies; ut quandoque usuvenit, peperisset. Hinc jam apud omnes Etruriæ Medicos invaluit; ut non alia hunc affectum, alias lethiferum, methodo oppugnent; quam antiphlogistica, sanguinis videlicet missione, nitro, temperantibus, & subacidis medicamentis (a).

*Calido
œdemati
semper
vena se-
ctio juvit.*

(a) *Avvisi sopra la sal. uman. l. c.*

§. CXII.

At vero si corpus, venter, crura, aut aliæ partes vero œdemate frigido, & molli, & sine febris corripiantur, alia omnino curationis ratio adhibenda est. Tunc omnia quæ serosam colluviem blande detrahunt, convenientissima habentur; cujusmodi sunt cathartica subinde repetita, & diuretica tandiu continuata, donec omne malum resolutum sit. Sed ex his ea eligenda monet HAENIUS (a), quæ simul temperant, & refrigerandi facultate prædita sunt. Nobis ad alvum laxandam ut magis accommodata probantur manna, ejus syrupus, aut conserva, cremor tartari, sal polychrestus, cassiæ flores, aut ejus dilutum. Ubi cathartica ab ægris non admittuntur, & recusantur, clysteres injici possunt ex decocto foliorum senæ, qui satis valide serosos humores dejiciunt. Ad urinas ciendas a multis hic proponitur Tinctura salis tartari bis, terve in

*Frigidum
œdema,
quomodo
curan-
dum.*

*Cathar-
tica, &
diuretica
primas tenent.*

die ad guttas decem, quindecim, aut viginti ex vehiculo idoneo propinanda, cujus vires etiam non nulli augere nituntur additione liquoris terræ foliatæ tartari, aut spiritu nitri dulcis. Nitrum quoque largiori manu datum, decocta radicum aperientium, atque oxymel scilliticum syrupo aliquo gratiori mitigatum non carent optato effectu. Interdum in contumaciore malo, ubi etiam non levis de Ascite suspicio erat, pueros in primis sic affectos restitui syrupo cichorei cum Rhabbaro, & diluto baccarum Juniperi syrupo

Cortex peruvianus, & vesicantia, quando indicentur. aliquo aperienti edulcato. Si laxa videatur solidarum partium compages deperditusque earum tonus, ejusmodi remediis utiliter adjicitur cortex peruvianus. Hujus usu reliquis auxiliis interjecto ascitem expugnatum narrat HAENIUS (b). Emplastra etiam ex cantharidibus, quæ alias in Anasarca cum emolumento adhiberi solent, hic quoque a VOGELIO (c) suadentur. Sudoriferis porro nihil profici, quia cutis obstructa, & impervia eorum vim frustratur, pluries facta pericula (d) evicentur.

(a) Rat. cont. l. c.

(b) Ibid. (c) L. c. §. CLVI.

(d) HEISTER. & HAEN.

§. XCIII.

Dolores arthritici, & tumores glandularum simili curatione egent. Simili prorsus medendi ratione doloribus arthriticis, & glandularum tumoribus Scarlatinae succedentibus (§. LXXI.) succurrendum est. Nam vel calidam, & inflammatoriam indolem ostendunt, & febris junguntur; vel frigidi, ut vocant, & simpliciter lymphatici, & febris expectes

tes sunt. Priori in casu antiphlogisticis, in altero catharticis, & diureticis uti oportet, ut solvantur. Inter cathartica Jalapa, & mercurius dulcis, inter diuretica scilla, & millepedes primum locum merentur. Tumoribus glandularum colli, & parotidum non suppurantibus, & diutinis præter cathartica mercurialia linimentum ex oleo amygdalarum dulcium, spiritu salis ammoniaci urinoso, liquore Cornu Cervi succinato, & Camphora multum profuisse in Hauniensi epidemia testatur Cl. MEZA. Celebratur a PLENCIZIO (a) auri fulminantis mirifica virtus in hisce morbi successionebus, & speciatim magno in pretio habentur pilule WEBERI de TURNBERG, Clinici Austriaci non incelebris, quæ aurum fulminans continent *. Sed cum aurum fulminans aliis medicamentis per se satis efficacibus, uti mercurio dulci, Rhabarbaro, spiritui salis coagulati, extracto scillæ &c. adjunctum videam, incertum, dubiumque remanet, num bona effecta, quæ inde manare dicuntur, auro fulminanti, an aliis rebus admixtis tribui debeant. Ut ut sit, hoc remedii genus, ubi febris est, & præsertim paullo validior, locum non habere, prudentiores (b) existimant.

(a) *Op. physico med. T. III. Summa ejus tractatus de Scarlatina cum observationibus XVII. annotationibus illustratis inserta est Fascicul. 2. Oper. med. med. & Dissert. a Franc. Xaver. DE WASSERBERG collect. p. 188.*

(*) *Pilulæ Weberi.*

R. Rhei elect: spirit. sal. coagul. an. drachm. ij, Mercur. dulc. auri fulminant. extract. squille an. drachm. j. Rob. Junip. q. s. ut f. pil. gran. j. vel ij. auro, argentove absolvend D. n. j. vel ij. pro ratione ætatis quovis biborio; sic ut solvatur alvus

ter singulis diebus. Sin minus, add. pilulis magisterium Mechoacannæ, aut diagridium sulphurat. aut pilulæ cocchiæ. Superbib. infusum baccar. Juniperi, vel radic. aperient. Post trium, vel quatuor dierum spatium intermittatur ad unum diem. Paregorica dentur vesperi ad sedandum.

(b) HAEN. *rat. contin. P. I. cap. VIII. p. 146 147.*

§. CXIV.

*Regimen
diætetici-
sum.*

Reliquum est, ut ægrotantes tranquille decumbant in moderato, æqualique calore, ut blanda, & assidua corporis exspiratio habeatur. Quemadmodum vero frigus, aerisque liberioris afflatus nocumento est, sic nimius calor noxa non caret; ideoque sedulo vitandus. Si vires suppetant, ut in clauso, & temperato cubiculo deambulent, concedi posse non dubitat HEISTERUS (a). Viçtus denique rationem oportet esse morbo accommodatam, temperantem videlicet, aperientem, atque e vegetabilibus potius, quam de animalium carnibus depromptam.

(a) *Comp. med. Pract. Cap. IV. §. XXXI.*

CAPUT V.

DE EXANTHEMATE URTICATO*.

§. CXV.

LEVISSIMUM, tutissimumque fere omnium exanthematum illud profecto est, quod ab urticis nuncupatur. Post levem febrem, Diarix similem, interdum sine febre, erumpit sub papularum ex albo rubentium, discretarum, & cutim ipsam elevantinum, & prurientium forma; magnitudine, & specie valde similium illis, quas urticarum punctura, aut vesparum ictus excitat. Hæ pustulæ non modo pueris, sed etiam adultis communes sunt, & totum corpus cito occupant, atque augescunt in exiguorum tuberculorum morem; sed in primis faciem, & collum, & brachia corripunt, &, si quando sub se cute condunt, pruritus mordacissimus, & vix tollerabilem afferunt, ad levem quamvis fricationem rursus proditura in conspectum. Quolibet anni tempore apparere solent, plerumque post vini, & subtilium liquorum liberaliorem potum (a) quandoque sine ulla evidenti occasione (b) quamquam non raro id mali viderim ex aliqua ventriculi acri suburra **, aut e compressa cutis expiratione natum.

* *Synonyma.*

Altera erysipelatosæ febris species SYDENHAMII, Oper. Sect. VI. cap. 6. Effera, Sora, & Sare arabum SENNERTI, Med. Pract. l. V. P. I. re tumor. cap. XXVI. Purpura urticata JUNKERI; Tab. 75,

✶ SCHACHTH, *Inst. med. pract. cap. XI. §. VI. Purpura urticata, nonnullis porcelainè; Synops. Med. Tom. I. lib. 2. Sect. IV. p. mihi 371. Febris urticata VOGELII, de cognosc. & curand. morb. §. CLVIII. & ALIORUM. Scarlatina urticata Sauvagesii, Nosol. Clas. 3. ord. I. Gen. 8. spec. 2. Febris rubra pruriginosa EJUSD. ib.*

(a) SYDENH. l. c.

(b) SWIETEN. §. DCCXIII.

** Post esum astacorum, mytulorum, echinorum, cancrorum, aliorumque affinium huiusmodi eruptionem fieri, testis est LIETUTAUDIUS, *Synops. med. T. I. l. 2. sect. IV. Cap. cut. macul. & efflorescentiæ.*

§. XCVI.

*Qualis
febris.*

*Eruptionis
ratio.*

Quando febris exanthema huiusmodi præcedit, ipsa incipit a vix sensibili cutis extimæ refrigeratione, deinde calorem non magnum exserit cum siti mediocri, aliquaque capitis molestia; vel levissimo ejus dolore, & singulari quadam circa præcordia anxietate, & debilitate. Erumpentibus papulis, quod fieri solet post paucas horas, febris anxietas; & reliqua symptomata evanescent. Exanthemata verò se sustinent duos vel tres dies, donec ex integro evaporatione insensibili resolvantur. Sæpe tamen non una eruptione omnis humor noxius expellitur. Tum remissa febris papulæ & ipsæ extenuantur, & decedunt, sed vespere redeunte febricula iterum prodeunt, mane cum ipsa febre desitura. Sic ad aliquot vices abeunt, & redeunt, donec totus earum fomes exhauriatur. Calore lecti, & expiratione aucta sæpe evenit, ut evanuisse videantur: sed si cutis aeri exponatur, aut e lecto surgant ægri, re-tenta expirabili materie statim papulæ conspicuæ fiunt,

sunt, cutemque ut antea attollunt cum notabili pruritu, & ardore. Raro terminantur epidermidis desquamazione, quamquam hoc alii ut proprium earum ponant. *Quomodo evanescent.*

§. XCVII.

Pluries eas vidi sine feбри aliquas tantum partes, puta brachia, aut cruravafficere, interdum etiam universum corpus; atque instabiles esse, abire, revertique statis quibusdam horis ad aliquot dies; sed plerumque dies quatuor non prætergrediuntur. Observatio est SWIETENII (a), iis evanescentibus præcordiorum anxietatem, & li-
pothymias leves succedere; rursus prodeuntibus hujusmodi molestias penitus cessare. Qui sic laborant, in reliquis eos bene habere. Hinc vero patet, non innoxium fore earum ad interiora recessum. VOGELIUS, quando febris eas comitatur, monet ei *horrores frequentes* intermisceri, & *alvi profluvium plerumque ab initio, cum urina turbida, ac limosa* adjungi: Nullum vero periculum subesse, & febrim primo septenario sudoribus judicari. Sed rarissimum puto tamdiu eam produci. *Interdum sine febre est.*

(a) L. c.

§. XCVIII.

Si horum exanthematum ratio undique diligentius consideretur, cuicumque pateat necesse est, ab erysipelate, cujus speciem eam voluit esse SYDENHAMIUS (a), & MEZA (b), atque a purpura Scarlatina, ad quam ea retulit SAUVAGESIUS *ut differt ab aliis exanthematis similibus;*

sius (c), quam plurimum natura; & peculiari habitu ipsa discrepare; id quod jam a LIETAUPIO, atque a VOGELIO animadversum est. Multo minus assentiri possum SCHACHTIO (d), qui exanthema urticatum a miliari rubro, nisi magnitudine papularum, differre opinatus est. Nec mirum cuipiam erit, si hac deceptus opinione vir alioquin sapiens, & judicio pollens morbum hunc inter gravissimos recensuerit, contra ac reliquis visum est.

(a) L. c.

(b) *Compend. med. pract. Fasc. I. Cap. XVII. §. CLVI.*

(c) L. c.

(d) *Instit. med. pract. Cap. XI. §. VI.*

Curatio.

§. XCIX.

*Indicatio
generalis.*

Generatim acritas humorum diluentia; & temperantia exposcit; primarum viarum si qua cacochylia est, lenia eccoprotica antiphlogistica; hærens in cutaneis vasculis perspirabilis materia, regimen diapnoicum, & blanda diaphoretica. SYDENHAMIVS, qui exanthema hoc pro erysipelato habuit, sanguinis missione, & repetita catharsi oppugnandum esse docuit. At, nisi ingens fuerit sanguinis fervor, aut febris vehementior, aut magna vasorum plenitudo, sanguinem mitti supervacaneum omnino est; & fortasse etiam noxium. Ad SENNERTI sententiam libentius accedimus, qui post sanguinis missionem, si tamen aliqua ex memoratis causis eam postulaverit, purgationem per Tamarindos, Myrobalanos, &

Rha-

Rhabarbarum proponit , deinde alterantia subacida , emulsa ex feminibus refrigerantibus , & demum balnea ex aqua tepida prudenter proponit . Sic tamen in purgantium usu temperamentum adhibendum est , ne naturæ opus , noxium humorem critice per cutis meatus expellere nitentis impediatur . Blande igitur , & epicratice morbi fomes per eccoprotica antiphlogistica subtrahendus est . Mirum , quantum hac vita radicitus morbi causa , præsertim si recidivus , & pertinax sit , extirpari soleat . In leviori casu , aut in exanthemate febri vacuo , ceterum pruritu & mordaci ardore permolesto nihil præstantius , & salubrius deprehendi , quam balneum tepidum , in quod corpus universum , aut partes magis affectæ demittantur . Sic acre temperatur , phlogosis mitescit , stagnans humor solvitur , & expiratione diffatur . Quo etiam pertinet tepor lecti , quietus decubitus , & potus largior ex diluto florum sambuci , aut foliorum Thee . Quod si huic adjiciatur nitrum , roobbaccarum sambuci , & syrupus rubi idæi , aut similis alius , eo valentior medicina præstabitur .

Essera , Porcelaine Gallis dicta .

§. C.

Exanthemata , quæ figuram , & magnitudinem foliorum cujusdam plantulæ a gallis *Porcelaine* , a nostris *Portulacæ* vocatæ referunt , Esseram SAUVAGESII , & SAGARII constituere videntur , & sola tuberculorum majore mole ab urticatis discrepant . Igitur pro horum varietate tantum-

mo-

modo habenda crediderim. In reliquis enim omnino conveniunt. Qui ex illis novum genus conficiunt (a); discrimen hoc esse ajunt; quod *Essera* pruriginis expertis omnino reperiatur. At vehementer dubito, num perpetuo prurigo absit, & , si quando abesse videatur, satis discriminis in hoc contineatur, ut ab urticato exanthemate segregetur.

(a) SAUVAG. *Cl. III. Ord. I. Gen. IX. SAGAR. Cl. X. Ordin. I. Gen. IX.*

C A P U T VI.

DE ESSERA VOGELII.

§. CI.

QUONIAM a VOGELIO (a) *Esseram* video descriptam, uti non infrequentem in ejus regionibus, quæ omnino discrepat non modo ab ea, cui id nominis ab aliis (§. C.) tributum est, verum etiam a quovis alio exanthematis genere ex iis, quæ in hunc censum veniunt; instituti ratio exigit, aut eam nequaquam silentio præteream, quanquam apud nos rarius incidentem, & fortasse multis prætervisam.

(a) *L. c. §. CLVII.*

§. CII.

Essera autem hæc, inquit vir ille probatissimus, *maculas exhibet latas, discretas, coloris rubri splendentis, glabras, planas, ardentes, & prurientes, quæ in manibus, & facie potissimum consistunt. Erumpunt autem vel cum febre, vel sine ea. Quando cum febre junguntur, hæc diariæ modum tenet, & dorsi, capitisque dolorem, & vomitiones etiam comites habet. Eam horror præcedit, & æstus cum sudore subsequitur; solvit vero tertio die sudor, & urinæ copia.* Descriptio.

§. CIII.

Hæ maculæ valde erraticæ, & fugaces sunt; sic ut modo appareant, modo evanescant. *In manibus, dum stragulis tectæ manent, letissime efflorescunt; at, cum extra exponuntur, iterum se se subducunt.* Non nullis tamen contra accidit; nimirum *in frigido* magis conspicuæ fiunt, retardata materiæ expiratione; in calido effugiunt, & evaporatione difflantur. Nec, si intro vertuntur, timorem adeo magnum incutere consueverunt. Tertio, quod longissimum est, die decolorantur, & pallescunt, subsequente cutis desquamatione.

§. CIV.

Plerumque sponte accedunt, & solitariae sunt; Quandoque febres biliosas præeunt. Alias variolis, dum exsiccationem hæc subeunt, interjectæ Spontanea, & quandoque secunda.

se produnt. Æstate præsertim, atque hieme corripere dicuntur; & qui semel iis laboravit, facile iterum, pluriesqueprehenditur. Quod ad curationem pertinet, blanda diaphoresis, & sub stragulis in lecto decubitu sufficere fertur. Levissimum certe exanthematis genus est, & vix opem medica indiget. Cum hoc vero, non nisi nomine convenit illud, quod SENNERTUS descripsit, quodque cum urticato plane consentit: quidquid VOGELIUS contra putaverit.

C A P U T VII.

DE PEMPHIGE RECENTIORUM,

SIVE

MORBO PHLYCTÆNOIDE *.

§. CV.

Descriptio.

PEMPHIX, latine bulla, morbo nomen dedit. In eo autem bullæ, sive ampullæ magnæ, nucis avellanæ magnitudinem plerumque æquant, interdum majores, raro minores, sero flavo turgidæ; magnum ardorem, aut pruritum excitantes, varias cutis sedes defœdant, & plures dies persistunt, donec ruptæ serum effundant, relictis sæpe maculis ex atro rubris, & frustis epidermidis circum nigricantibus. Interdum per totum corpus erumpunt, interdum in aliquibus tantum partibus, & speciatim in facie, & collo. Pereque feбри junguntur, quanquam & sine feбри interdum (a) observatæ fuerint.

* *Synonyma.*

Pemphygus SAUVAGESII, *Nosol. cl. 3. ord. I. gen. 3.* *GULLENI*, *Gen. morb. Gen. 32.* *SAGARII*, *cl. X. ord. I. gen. 3.* *Morta LINNÆI*, *Gen. morb. gen. I. Cl. I. ord. I.* *Febris bullosa*, *Pemphigodes Recentiorum VOGELII*, *de cogn. & curand. morb. §. CLIX.* *Exanthemata serosa C. PISONIS*, *de morb. a seros. colluv. & diluv. ortis observat. CL.* *Febris vesicularis MACBRIDII*, *Introd. method. in Theor. & Prax. med. T. 2. l. 1. Cap. XVIII.* *Febris pemphigodes EPHEM. GERM. Dec. I. ann. VIII. obs. 56.*

(a) SAUVAG. l. c. VOGEL. l. c.

§. CVI.

Harum quoque duplex genus est, alterum benignum, sed rarius; alterum malignum, perniciosum, & sæpe epidemicum, immo interdum, ut ferunt, contagiosum; quod longe frequentius. Benignum vel sine febre est, vel cum mitiori, & non periculosa plerumque conjungitur (*). Bullæ autem primo, secundo, vel tertio (a)¹, immo quarto tantum die (b) epidermidem attollunt, &, quando benignus morbus est, intra septimum diem disrumpuntur, & exsiccantur, nullo putre, aut alio humore manante, sed cuticula quasi combusta in frustula sordida, & subnigra decedente. Sin vero malignus, ni occidant prius, non nisi decima quarta die finem, & judicationem attingunt. Febris autem modo Synochi non putris, modo putris naturam servare dicitur, modo remittentem, & tritæophyam mentiri visa est. Commune fere est, ut nulla vestigio, nullas caveas, aut foveas in cute relinquant, præter subnigras maculas quas supra (§. CV.) diximus. Quantum porro id mali genus differat a

Duplex
genus.

su-

superioribus, facile quisque perspiciet, si ad singulorum descriptionem animum adverterit. Neque cum exanthematibus miliaribus albis, neque cum variolis aquosis, & crystallinis confundi poterit; nam illa grano milii non solent esse majora, sæpius etiam minora; hæc demum pure aliquo, si in majores vesiculas confluant, replentur; quod minime accidit Pemphigi, de qua sermo est.

(*) Non tamen affirmare ausim, benignum semper fore morbum, quando febris expers est, vel videtur. Nam mense Januario an. 1760. dum epidemice in urbe Faventia Peticulæ vagarentur, multosque exitio traderent JOANNES BOSCHIUS, vir patricius, octogenario proximus, repente aliquot hujusmodi ampullis variis in corporis partibus sine febre correptus fuit. Serosum humorem continebant, & rupta epidermide, plaga subter primum rubra, dein livida, & nigricans apparuit. His, sine alio symptomate, intra quatuor, vel quinque dies paullatim extinctus est. Malum vero neque in assidentes, neque in alios domesticos contagione se diffudit.

(a) CULLEN. l. c.

(b) SAUVAG. l. c.

§. CVII.

Sporadica.

Pemphigem *sporadicam* saltem sexies se vidisse testatur SAUVAGESIUS (a). Sporadica item videtur fuisse, quam a C. PISONE descriptam (b)

Epidemica.
Contagiosa.

habemus, *Epidemica*, & *contagiosa* plerumque lethalis, quæ Pragæ anno 1736. inter milites grassata est, exemplum nobis reliquit Cl. THIERRYUS (c). Sunt qui notam HIPPOCRATIS & GALLENO existiment, quod in sexto epidemiorum libro (d) febres pemphigodes memoratas inve-

niunt,

niunt. Verum quid hoc nomine intellexerit HIPPOCRATES, nec HALENUS in commentario certo definire ausus est, nec alii interpretes satis explicarunt. Hinc jure adhuc inter eos (c) disceptatur. Obscurum quoque, atque incertum est, num ad hoc mali genus vere referri queat *febris Synechea cum vesiculis per pectus & collum spar-sis*, quam nominavit quidem, at non descripsit MORTONUS (f), secus ac aliis visum est.

(a) L. c. (b) L. c.

(c) *Med. experiment. p. 134.* (d) *Seçt. I.*

(e) GASPER A REJES *Elys. jucund. quæst. camp. Quæst. 68. n. 7.*

(f) *Append. ad exercit. 2.*

§. CVIII.

CULLENIVS, quem eruditio non minus, quam *Dubitatio Cullenii.*
aere judicium commendat, dubitare videtur, *Pemphygus* ne *Helveticus* LANGHANSII (a), sive *Species tertia* SAUVAGESII ad hunc morbum phlyctænoidem pertineat, an vero ad anginam ulcerosam, aut malignam rectius ablegandus sit? Phlyctænæ mali moris, quæ os, & fauces ubique infestabant, & curationis ratio, quam ei utiliter adhibebant, profecto suadent, epidemicum, contagiosumque illud malum a pemphige vera quam longissime abfuisse, aut certe cum angina ulcerosa, aut gangrænosa fuisse complicatum. Dubitat quoque idem CULLENIVS, num *pemphygus Indicus* (b) itemque *pemphygus Brasiliensis* (c), quos ad hoc genus morbi retulit SAUVAGESIVS, locum hic habeant; nam non satis de his conflare revera fatendum est. Quarit demum idem

vir scientissimus, utrum pemphix semper sympto-
Num sem- matica sit? Videtur autem ad affirmandum vehe-
per sym- menter propendere. Sed, ut arbitror, id nequa-
ptomati- quam concedi potest, cum solitaria, & sine fe-
ca. bre interdum comperta fuerit.

(a) *Act. Helv. Vcl. 2. p. 100.*

(b) *Spec. 4. (c) Spec. 3.*

§. CIX.

*Semper
periculo-
sa.*

Curatio.

Utroque vero, casu, tam cum morbi alicujus
 maligni, & putrefacientis symptoma illa est,
 quam cum primarium sibi vindicat locum, peri-
 culum semper portendit, ob gangrænam, in quam
 cito terminatur. Tantus enim sanguinis fervor,
 & tanta serosi humoris acrimonia esse consuevit,
 ut quocumque feratur, instar ignis adurat. Qua-
 re CAROLUS PISO inter initia, ubi febris vehe-
 mentius exardet, non timet sanguinis missionem
 proponere, aliaque nimium calorem, nimiamque
 aëstuationem compescentia. Neque ab ejusmodi
 curatione antiphlogistica abhorrebant medici Hel-
 vetici in ea constitutione, quam aphthæ oris, &
 faucium graviores reddebant. In ea vero, quæ
 Pragæ præsidiaris milites male habuit, quæque
 omnes, quocumque alio modo curarentur, inter-
 fiebat, solum acetum bezoarticum * remedio
 fuit. Ex quo enim hoc adhiberi cœptum est, om-
 nes servati fuisse dicuntur. Antiseptica igitur om-
 nia, in primis acidis mixta, & cortex peruvia-
 nus præ reliquis ut in aliis putridis, & gangræ-
 nosis morbis, sic in hoc quoque drimas tenent.
 Ampullæ, ni cito per se rumpantur, forfice cau-
 te aperiendæ sunt, ne acer humor altius pene-
 tret,

fiet, aut intro revehatur. Sed a reprimentibus, aut resiccantibus abstinere oportet, ut monet VOGELIUS. Si simul angina ulcerosa, & maligna copuletur, huic quoque malo medendum est iis, quæ suo loco opportune, videlicet ubi de Angina agemus; distincte, & copiose dicentur.

* *Acetum Bezoarticum.*

R. Rad. *Angelicæ*

Enulæ

Imperator

Hirundinar.

Zedoariæ an. drachm. vj.

Herb. Scordii,

Rutæ,

Salviæ an. unc. j.

Baccar. Juniperi unc. sem.

Flavedin. cortic. citri drachm. vj. Minut. incis. affund.

Aceti vini optim. lib. iij.

Post sufficient. Digest. exprimantur, & filtratum acetum ad usum repenatur Dos. ab unc. dimid. ad unum.

C A P U T VIII.

D E M O R B I L L I S *.

§. CX.

MORTONO ea visa est cum Purpura Scarlatina Morbillorum convenientia, ut utrumque morbum solo gradu, non natura differre putaverit. Sed supra jam (§. LXII.), quodnam inter hosce affectus discrimen intercedat & indicatum est, & nunc iterum manifestius fiet, si

*Morbilli
utrum
differant
a purpu-
ra Scar-
latina.*

*Affinitateorum
tum va-
riolis.* utriusque descriptio una comparetur. Alii contra, in quibus RHAZEM, RIVERIUM, & SENNERTUM ut principes enumerato, Morbillos, & Variolas inter se maxime affines habuerunt; quapropter non seorsum, sed conjunctim pertractandos utrosque susceperunt. Verum horum quoque *Quid
morbilli
sint?* magna est dissimilitudo, uti mox apparebit. Ceterum Morbilli peculiare sunt, & distinctum exanthematum genus, quod feбри ad cutim summam propellitur, papulas, & maculas rubras referens cum signi catharrhi, & distillationis, quæ præcedunt, & comitantur, adeo insignibus, & perpetuis, ut pro feбри catarrhali exanthematica a nonnullis (a) reputatum sit.

* *Synonyma.*

Morbilli RHAZIS, *lib. de variol. & morbill.* SYDENHAMII, & MORTONI &c. Rosalia PROSP. MARTIANI, in *l. 2. epid. sect. 3. v. 20.* Febris morbillosa FRID. HOFFMANNI, *De febr. sect. I. c. VIII.* Rubeola SAUVAGESII, *Nosol. method. Cl. 3. Ord. I. Gen. 3.* Rosalia ETRUSCIS; Fersa BONONIENSIBUS, & aliis Italiae populis; Rosacci TICINENSIBUS, Rougeole GALLIS,

(a) HOFFMAN. *loc. cit.* GRUNER. *Morb. antiquit.* pag. 62.

§. CXI.

Fere omnes morbillis obnoxii. MORBILLORUM morbus, postquam in Europam inventus * est, humano generi adeo infestus evasit, ut vix ullus reperiatur, vel sane rarissimi sint, qui eo semel saltem in vita si tandiu, quamdiu opus esse, vivant, non corripiantur. Infantes verò, & pueri præ ceteris ei maxime patent. Immo ne foetus quidem ipsi in utero exist-

sten-

stantes ab ejusmodi exanthemate tuti perhibentur ; nam infantes interdum nasci morbillis per-^{Fatus ipsi morbillis interdum corripuntur.} fusos , memoriæ a Medicis magnæ auctoritatis proditum (a). Nec qui semel iis laboravit , se immunem deinceps certo fore , is credat ; quod secundo , & tertio eundem hominem in eos incidisse ex fidis observatis constet . Scio equidem de hac morbillorum reversione non paucos sub dubitare , & speciatim ROSENIUM , qui longa quadraginta annorum experientia neminem deprehendit , quem iterum (b) invaserint . At MORTONUS , quanquam pari annorum numero edoctus in eandem prope dubitationem propendeat , fateri tamen cogitur , semel morbillorum reditum (c) sibi occurrisse . Hoc ipsum confirmat vir experientissimus , atque inter Florentinos Medicos doctrinæ fama clarissimus , Jo. TARGIONUS TOZZETTUS , constare sibi asserens , nonnullos ; qui certissime morbillos passi fuerant , in eos iterum (d) esse relapsos .

Sæpe in eodem homine bis vel ter re-
versi nar-
rantur .

* Ab Afris cum variolis in Europam delatos , verosimile valde est . Novum sane morbum , & veteribus Græcis ignotum esse nemo hodie revocat in dubium .

(a) ROSEN. *Malad. des enfans* chap. XIV. p. 265.

(b) *Ibidem* .

(c) *Exercit. 3. cap. 3. p. 18.*

(d) *Prim. Raccolt. di osservaz. p. 101.* Idem confirmat SCHACHT. *Instit. med. pract. sect. I. lib. 2. cap. 12.* & MEZA *compend. med. fascic. I. cap. XX.* & HAENIUS *Febr. Division. VI. §. VI. p. 106.*

§. CXII.

*Alia e-
xempla
reverso-
rum.*

Omnem vero ex animo scrupulum, si quis alicui superesset, evellit DUBOSQUIUS de la Robordiere, qui in epistola quadam (a) ad Diarii Medici Auctores data ita scribit: *vidi morbillos pluries in eadem persona, & quidem intra breve spatium, immo eodem saepe mense recurrisse, dum hi epidemice ad annum 1773. grassarentur. Id ipsum complures meorum collegarum viderunt. Morbilli qui initio anni 1777. ingruerunt, novam opportune occasionem suppeditarunt, qua huiusmodi observationem comprobarem. Tum enim non paucos pueros, morbillis correptos reperiri, quos jam anno 1773. eodem morbo laborantes ipse curaveram. Neque huius loci, in quo versor, id proprium quis credat; cum a Clinicis celebrioribus Normannia certior factus sum, aamodum generale istud ibi esse. Quibus addi debet illustris Medicina Professor SPIELMANNUS, qui anno superiore mihi per litteras significavit, se crebro morbillorum in eodem homine reditum Argentorati admiratum esse. Quorum luculentissimis testimoniis pro coroinde adjiciam nuperrimas observationes Cl. ANTONII LAURENTII GENOVLISII, in oppido Sanctæ Crucis ære publico Medicinam facientis. Is, cum ann. 1782. proxime elapso epidemici essent morbilli, sex & quadraginta adultos homines invenit eisdem correptos, etsi alias eodem jam morbo laborassent, ut ex Medici, qui eis opem tulerat, testificatione, & familiarium fide, & signorum utriusque agrotationis comparatione cognovit. Sexdecim alios præterea commemorat, quibus ipse morbillis affectis, dum*
epi.

epidemice morbus vegaretur, jam anno 1770. *Plerumque contagioni reditus debetur.*
præsto fuerat. Admonet autem, hosce homines
tunc solum in morbillos recidisse, cum antea alii
ex eorum familias iis ægrotassent, neminemque
recidivum compertum esse eorum, qui procul ab
ægrotantibus, infectisque (b) extitisset.

(a) *Journal. de Medec. T. 48. pag. 253.*

(b) *Avvisi sopra la salute umana Vol. VII. Lettera al Sig. Dott. Gio: Luigi Targioni, pag. 267. ad 272.*

§. CXIII.

Satis hinc perspicitur, Morbillos a peculiari *Causse,*
quodam miasmate gigni, & contagione commu-
nicari. Id vero etiam patet exinde, quod de lo-
co in locum propagantur ab infectione rerum,
aut ægrotantium, &, quando domum unam in-
grediuntur, omnes, qui eodem sub tecto de- *Contages.*
gunt, præsertim si nondum eis obnoxii fuerint,
eadem continuo lue contaminant. Subtile igitur *Subtile*
aliquod virus, & natura singulare a plerisque *virus pro*
pro eorum causa habetur, affluviisque ægrorum, *caussa.*
vel rerum infectarum contactu in sanos immitti
creditur. Negant vero hoc aeri innasci, aut in- *An aeri*
fidere viri doctissimi (a), quia si communicatio *insideat?*
cum ægris, aut rebus, aut locis contagione pol-
lutis vitetur, morbilli etiam ipsi præcaverunt.
Ut autem contagium suspiciatur, quadam debet *Dispositio*
in corpore dispositio inesse; quæ si defecerit, *corporis*
virus aut non recipitur, aut receptum iners, *necessa-*
atque innoxium evadit, aut cito ex corpore sine *ria.*
noxa egreditur. Quia vero observatione com-
pertum est certis anni temporibus, aut quibus-

Anni dam temporum constitutionibus frequentius mor-
tempora, billos exferi, atquo increbrescere; ideo verifimi-
& tempo- le videtur, eorum seminium, sive fomitem *
rum qua- peculiari quadam aeris conditione, & diathesi
dam con- egere, qua evolvatur, & ferociat, sive illud in
stitutio- aere latitare velis, sive in rebus, sive in corpo-
nes virus ribus ipsis.
evolvunt.

(a) ROSEN A ROSENSTEIN *Trait. des malad. des Enfans Chap. XIV. p. 255.*

* Olim a Medicis miasmata, quibus morbi contagiosi in sanos traducuntur, contagionis *seminaria* nuncupabantur; loca vero, & res, quibus morbi semina reconduntur, & foventur, *contagionis fomes* dicebantur, Vide FRACAST *de contagiosis lib. I. cap. 4. & 7.*

§. CXIV.

Divisio in Morbilli, ut plurimum quidem, universim, &
epidemi- populariter discurrunt; interdum vero sparsim tan-
eos, & tum, & paucos adoriuntur. Quam rectissime di-
sporadi- duci solent in *epidemicos*, & *sporadicos*. Spora-
cos. dici generatim a MORTONO, qui de hujusmodi morbo cumulatissime scripsit, reputantur *benigni*, & *genui*; epidemici contra *maligni*, & *spurii*.

Benigni Sed non omnes sporadici benignitatis laudem me-
& genui- rentur; nec epidemici semper infamantur nota
ni qui- malignitatis. *Benigni* sane fuerunt, licet epide-
nam Qui- mici, qui anno 1670. Londini a SYDENHAMIO
nam ma- observati sunt. *Benigni* pariter, qui Upsaliae an-
ligni, & no 1752. epidemice (a) dominatum tenuere, Hinc
spurii? omnes, sive sporadici, sive epidemici, tribui de-
 bent in *benignos*, & *malignos*, ut veteri exan-
 thematici morbi. Illi a SYDENHAMIO dicuntur re-

gulares, hi irregulares, sive *anomali*. Ut vero benignorum synonyma sunt *genuini*, & *regulares*; sic malignorum *spurii*, & *irregulares*. Ut ut res sit, inter eos tamen *anomali* nobis vocandi ii potius videntur, qui a communi, & regulari cursu quam longissime discedunt, ut postea exemplis perspicuum faciam.

Quinam
regulares,
& irre-
gulares?
Anomali
quinam
rectius?

(a) ROSEN. l. c.

§. CXV.

In quolibet autem morbillorum genere, sive *tria mor-*
maligno *stadia*, sive tempora, uti in plerisque aliis exanthematicis morbis, distinguuntur *stadia*.
Primum a MORTONO (a) vocatur *apparatus efflo-*
rescentiæ, ab alio (b) *stadium contagii*. Id in *stadium*
benignis, & regularibus ab invasione febris ad *primum*
morbillorum eruptionem usque producitur; quæ in benignis, & regularibus circa diem quartam plerumque (c) contingit, quanquam alii (d) citius etiam eam contingere, scilicet post viginti quatuor horarum, aut bidui, aut tridui spatium, posse tradant, immo interdum paullo serius, nempe quinta tantum die. In malignis vero & anomalis quia eruptio modo præmaturus, modo etiam multo serius contingit, idcirco etiam hujus stadii duratio indefinita omnino est. SYDENHAMUS (e) breviori eam tempore, quam in benignis, & regularibus, coercet; MARTONUS vero ad longius spatium, & quandoque ad septimum, aut octavam diem extendit (f). At in anomalis interdum eruptio ad vigesimam tertiam usque diem retardari (g) visa est. *Stadium secundum*

dium *status morbi* a MORTONO, ab aliis *stadium eruptionis*, sive *eruptio* dicitur. Incipit ab ineunte efflorescentia, & producit ad perfectum ejusdem complementum. In benignis bidui, aut tridui spatio plerumque continetur, nam tum febris, ut ut diris symptomatibus stipata, perfecta tamquam crisi solvitur, & cum ipsa efflorescentia evanescit. In malignis vero, longius hic status perdurat, & quandoque ancipiti eventu, quia exanthemata modo apparent, modo evanescunt, & imperfecte prodeunt, ad decimam septimam, aut etiam vigesimam diem protenditur. *Tertium stadium* *crisim*, sive *declinationem*, vel *desquamationem* appellant. Exorditur a decoloratione exanthematum, & terminatur, cum ea ex toto evanuerunt, & epidermis desquamatur, superveniente ut plurimum alvi fluxu, qui in benignis saepe salutaris est, atque hinc brevissimo tempore febris desinit, & intra paucas horas integritas omnium redit functionum. At in malignis, atque anomalis res aliter habet. Decedente enim efflorescentia febris non modo persistit, verum etiam augetur, & multa gravia symptomata sibi adsciscit, quibus enecat ægrotantes, aut in lentos, chronicosque morbos præcipitat, ut deinceps dicetur, nisi auxilium cito afferatur.

(a) *De morbill. p. 14.*

(b) ROSEN. *l. c.*

(c) SYNDENHAM. *l. c. sect. V. can. IV,*

(d) MORT, *l. c.* HOFFM. *l. c.*

(e) *L. c.*

(f) *L. c.*

(g) TARGION. TOZZETTI *Prim. Raccolt, d' osservazion. p. 101.*

§. CXVI.

Antequam vero ad singulorum generum historiam tradendam provehar, illud animadverti debet, quod *tusses ferinae*, sive *convulsivæ* pueros aliquandiu, & epidemice discruciare solent, quasi morbillosæ constitutionis, quæ non multum apparere cunctabitur, prænunciæ. Interdum etiam citra epidemicam labem tussis ferina per dies saltem quatuordecim antecedit, quam deinde morbillorum subsequitur eruptio (a). Quandoque morbilli variolarum prodromi sunt, nam ab his convalescentes paullo post variolis corripuntur, aut vicissim variolis exsiccatas, & decidentibus succedunt morbilli, nam sæpe uterque morbus eodem tempore (b) se mutuo excipit. Immo non desunt observationes quæ doceant, morbillos, & variolas uno tempore, eodemque in agrotante interdum (c) complicari.

Tusses ferinae interdum præcedunt.

Quandoque Variolarum prodromi, & vicissim.

(a) HOFFMAN. *l.c. sect. I. cap. VIII. §. II.*

(b) STORCK. *Instruz. med. Pratic. T. I. p. 304.*
ROSEN. *l.c. p. 261.*

(c) HAEN. *Febr. Divis. divis. VI. §. VI. P. 107.*
& seq.

Morbilli benigni.

§. CXVII.

Itaque ab iis, quos *benignos*, sive *regulares* diximus, exordium faciam. Horum descriptionem a SYDENHAMIO nobis relictam (a), cum naturæ omnino consentanea reperta sit; uti perfectissimam reliqui fere omnes scriptores persecuti sunt, ideo.

Quo anni tempore magis ingruant.

ideoque nobis quoque, quoad videbitur, persequi licebit. Quando epidemicorum morem assumunt, initio plerumque Januarii proserpere incipiunt; deinde paulatim se se diffundunt, & magis invalescunt. Instante porro verno æquinoctio jam ad summum incrementum attingunt. Postea per gradus minuuntur, & defervescent, donec sic rariores, mitioresque facti Julio tandem mensse extinguantur, & cessent. Nihil tamen obstat, quo minus aliis etiam anni temporibus invadant, progrediantur eodem ferme, quem dixi, ordine, & demum desinant. Frequentius infantes, & pueros, rarius adolescentes, atque adultos rarissime senes adoriuntur.

(a) *Op. sess. IV. cap. V.*

§. CXVIII.

*Descriptio
primi
stadii.*

Morbo autem sive sporadice, sive epidemice invadente, agri mox horrent, & rigent, ut initio aliarum febrium acutarum, atque inter crebras cum caloris, tum frigoris vices totam PRIMAM DIEM transigunt. SECUNDA DIE jam manifesta febris se se expandit cum vehementi agritudine, magna siti, lingua alba, sed humida, appetitu dejecto, tussi sicca, capitis atque oculorum gravitate, & assidua in somnum propensione. Interdum vero capitis dolor eos, in primis adultos, angit; fauces ardent, & glutientibus dolent; dolent lumbi; pectus constringitur; respiratio cita, & frequens fit, immo suspirosa; scrobiculus cordis, & totum epigastrium molesto ponderis sensu afficitur; oculi rubent, & illacryment, & punctationibus subinde percutiuntur; lucem-

cemque ita averfantur , ut vix aperiri queant ; E naribus quoque tenuis, acerque humor exissillat , crebra sternutamenta conciens ; nec rarum est , sanguinem inde etiam abunde manare, quo caput, oculi , & fauces plerumque sublevantur. TERTIA DIE celeriter hæc omnia ingravescent non sine aliquo manuum tremore, & subsultu, calore cutis intenso, & acuto, quandoque etiam delirio, & frequenti anxietate. Nec absunt interdum vigiliæ, aut certe si somnolentia tenet, sæpe hæc comatis vigilis speciem refert. Nausea, & frequens eorum omnium, quæ assumuntur, vomitus accedit, sed vomitu frequentior est diarrhœa (a), sæpe biliosa, in qua subvirida, præsertim in dentientibus, egeruntur. Quo fluxu, ubi supervenit, vomitus, & vomituritio fere sedatur, & sistitur; nec ab eo, dummodo non, immodicus fuerit, & dummodo aptum intercedat regimen, exanthematum eruptio impeditur. Aliis vero alvus per totum morbi cursum clausa est, nec mali quidquam affert. Interea ægri fessi, difficiles, & morosi fiunt. Nonnulli etiam sudoribus diffiunt. Hoc stadio aliquando eclampsiam supervenire notat ROSENIUS (b), eamque prævideri posse ex sudoribus immodicis, & parcite aut defectu urinarum. Tandem palpebræ, & tota facies intumescunt, & oculi circum magis rubent, & ardent, idque evenit imminente jam morbillorum eruptione. Atque hæc symptomata, nisi sub finem tertiæ diei morbillorum eruptio contingat, producantur sine ulla remissione ut plurimum QUARTAM usque diem, raro ad QUINTAM.

(a) HAEN. *Febr. Divis.* p. 104.

(b) *Des malad. des Enfans Chap.* 14. p. 461.

§. CXIX.

Descriptio Tunc temporis circa frontem, & reliquam faciem punctula rubra lenticularum instar, sive potius papulæ parvæ, rubræ, distinctæ pulicum moribus similes prodire incipiunt, quæ paullatim numero & magnitudine auctæ, & in racemos collectæ faciem vario modo; & varia forma commaculant. Constant autem rubri hujusmodi racemi, sive corymbi ex parvis, nec valde distinctis pustulis, cutis superficiem paullulum excendentibus: quarum prominentia non solo tactu, sed oculis etiam proprius admotis percipitur. A facie porro, quam primo occupant, sensim ad pectus, dorsum, ventrem, brachia, & crura se se diffundunt. Fereque eæ, quæ trunco, & artubus insident, latioresque sunt, & frequentissimæ, rubore se potius produnt, quam protuberante elatione; quamquam earum aliquæ, si bene examinentur, inæqualem, asperamque cuticulam reddere non nihil vidèantur. Pro varia vero ægrotantium constitutione; sanguinisque natura in aliis latiores, in aliis minores, in quibusdam rubicundæ, aut pallidiores, aut etiam ad plumbeum colorem vergentes ab HOFFMANNO (a) perhibentur. Morbillorum eruptione facta, pleraque symptomata graviora sæpe mitigantur, immo interdum etiam cessant. In primis calor acer, lumborum dolor, delirium, spasmi, & vomitus sedantur. Interdum post eruptionem multa biliosa cacochylia vomitione rejecta ægros insigniter levat. Ceterum tussis, quæ a principio ad finem usque morbi vexare solet, si non exasperatur, quod sæpe ob morbillos in larynge, & trachea exortos *

accidit

accidit , eadem saltem remanet , ejusque ope
 plerumque excreantur mucosa multa cum pectoris
 levamine . Præter tussim aliquandiu adhuc persi-
 stunt non raro , etsi mitiora , spirandi difficultas ,
 oculorum rubor , lucis impatientia , lacrymatio ,
 somnolentia , & cibi fastidium , brevi tamen de-
 fitura . Neque semper febris mox remittitur , nisi
 papularum fervore , & phlogosi subsidente . Die
 autem SEXTA , aut eadem inclinata pustulæ circa
 frontem , & faciem pallescunt ; facies ipsa detu-
 mescit , & , cuticula arente ac disrupta , aspera-
 tur . Interea maculæ , quæ in reliquo corpore *Tertii sta-*
 extant , latissimæ , & ruberrimæ apparent . SEPTI- *dii ini-*
 MA deinde prope jam desinit febris , atque in *tium .*
 facie morbilli evanescent . OCTAVA in reliquo
 etiam corpore diffugiunt , sudore universali , aut
 urinis multis subsequenter , aut etiam alvi flu-
 xu ; qui plerumque naturam levat . Interdum ta-
 men accidit ; ut fluxus hic facile in diarrhœam
 symptomatîcam , torminosam , colliquantem , &
 funestam , MORTONO observante , degeneret . NO-
 NA æger optime habet , & plerumque e febre va-
 cuus est . Faciès , pectus , artus , & reliquæ par-
 tes quasi farina conspersæ videntur , frustulis di-
 ruptæ , & siccætæ epidermidis secedentibus , &
 vix coherentibus , quæ squamatim decidunt , pru-
 ritum ubique relinquentia , non vero labem , aut
 vestigium ullum . At incidit quandoque , ut eva-
 nescentibus morbillis eo , quo dixi , tempore etsi
 naturæ legibus consentaneo , febris tamen repen-
 te cum difficili spiritu , & tussi molestiore augea-
 tur , somnumque omnem tam die , quam nocte
 procul arceat . Non semper a metastasi , sive re-
 gressu morbillorum id oritur . Frequentius repe-
 tendum est ab imperfecta materiæ morbillosæ ad

cutim propulsione, qua de causa reliquæ ejus ad pulmones delatæ peripneumoniam facile excitant. Huic infortunio eos in primis subjici censet SYDENHAMIIUS, qui regimine, & medicamentis calefacientibus usi sunt, & sic sanguinem nimium exagitando effecerunt, quo minus tota materies morbillosa secerni, & ad cutim propelli posset. A reliquiis hujusmodi materiæ intus restitantes non raro tussicula, febris lenta, alvi fluxus exsiccationi morbillorum succedunt. Ab his tamen incommodis liberi fiunt, & perfecte convalescunt, ut animadvertit TISSOTIUS (b), qui in reliquo morbi cursu, aut sub ejus finem notabilem aliquam evacuationem habuerint, uti vomitum, diarrhœam, in primis biliosam, urinam, aut sudorem largum. Harum enim ope excretionum febris omnino solvitur, æger vires resumit, & perfecte sanatur. Concedit tamen, interdum sola insensibili cutis expiratione reliquias veneni penitus dissipari.

(a) HOFFM. *l. c.*

* Non modo cutis, fauces, nares, oculi, & larynx morbillis occupantur, verum etiam dissectionibus anatomicis compertum est, viscera præterea thoracis, atque abdominis similibus pustulis obsideri. LIEUTAUD *Prec. de Med. l. c. p. 604.*

(b) *Avis au peupl. P. I. Chap. 24. §. CCXXIII,*

Diagnosis.

§. CXX.

Atque hæc est benigniorum, & regularium morbillorum historia, ex qua eorum diagnosi facile profluit. Inter initia tamen, antequam morbilli erumpant, eos prænoscere, & prædicere, res est aliquanto difficilior, atque obscurior. In stadio enim *contagii*, sive *effervescentiæ*; morbilli ne, an aliud exanthematum genus impendeat, non satis perspicuum est. Tunc disquirere oportet, num epidemica constitutio morbillis faveat; num is, qui feбри correptus est, eos nondum passus sit; an alii ex ejus consanguineis hoc morbo laborent, utrum consuetudinem, & familiaritatem cum aliquo morbillis laborante habuerit, & demum an febricitans oculorum rubore, lachrymatione, coryza humida, sternutamentis, dolore, aut ardore faucium, tussi sicca, & molesta, & somnolentia simul afficiatur? Si ista consentiant, de morbillis tutius conjecturam facies. Apparentibus vero papulis, ne putes, omnem dubitationem ablatam esse. Prima enim morbillorum apparitio magnam habet cum variolis cognationem, sic ut primo statim intuitu, uter morbus sit, discerni nequaquam liceat. Si qua tamen differentia est, hanc esse existimat LIEUTADIUS (a), quod pustulæ morbillorum in racemos collectæ, numerosiores omnino reperiantur, quam variolarum, etiam maxime confluentium. Præterea morbilli etsi in facie & fronte promineant, qui tamen in pectore, & artubus efflorescunt, rubore potius, quam elatione distinguuntur; quo sane discrimi-

Quomodo morbilli prænosci possint.

Morbilli & variola valde similes in prima eruptione videntur.

Quanam differentiæ distinguantur.

ne dissentiunt a variolis recens prodeuntibus, quæ semper, atque ubique protuberant, & cito adolescunt (b). Id etiam peculiare morbillis est, ut calor, febrisque citius, & velocius in ipsis invalescant, & symptomata ut plurimum vehementius urgeant, quam in variolis (c), saltem benignis.

(a) *Præc. de Med. l. 2. sect. IV. p. 603.*

(b) *SYDENH. l. c.*

(c) *TISSOT Avis au Peuple T. I. chap. XIV. §. CCXXII.*

§. CXXI.

Discrimen inter morbillos & variolas. Præterea natura ipsa discrimen inter morbillos, & variolas posuit, ne una confunderentur; quod tamen nonnulli perperam facere consueverunt. Discrepant autem inter se, 1. quod virus morbillosum non ita causticum neque ita exulcerans sit, ut variolosum; 2. quod pulmonibus magis officiat; 3. quod pustulas multo mitiores pariat; 4. quod hæc nunquam pus gignant, sed siccantur, & desquamantur tantum, nec ulcus ullum, aut cicatricem relinquant; 5. quod plus epidermidem lædant quam cutim; 6. quod affectibus catarrhalibus, tussi videlicet, coryza, sternutamentis, oculorum lacrymatione, contra quam variolæ, stipentur; 7. quod hæmorrhagiæ narium, aut uteri frequentius morbillis, etiam inter initia superveniant (a); quam variolis. Majori vero affinitate cum morbillis certare videtur Purpura Scarlatina de qua supra retulimus. Ab ea tamen dissident, 1. quod ipsi supra cutim se efferunt; 2. quod affectus catarrhales modo memorati, illorum

Quo differant a Purpura Scarlatina?

tum veluti proprii, & perpetui comites sunt; 3. quod spatia morbillis interjacent alba; oblonga; quadrata, multangula (b) dum contra in purpura scarlatina plana, æqualis; & continuata rubedo cutim ferme totam, aut maculis saltem latoribus, & erysipelatis similibus eam inficit; 4. quod epidermis farinæ instar secedit, & decidit, in scarlatina vero frustulatim abscedit; 5. quod tumor leucophlegmaticus; qui in scarlatina die vigesima prima aut vigesima secunda tantum supervenit; in morbillis aut non cernitur, aut si unquam accedit, statim in fine tertii stadii se exhibet. Non præmittam demum adjicere, quæ ratione morbilli a periculis, atque ab exanthematis miliaribus internosci possint; A primis differunt elevatione epidermidis, & macularum amplitudine, figuraque multiplici, & varia: ab alteris discriminantur, quod in facie prodeunt; quod nullum humorem conspicuum in papulis ostendunt, dum miliaria faciei fere semper parcunt, & sensibilem humorem continent, qui quandoque etiam in verum pus convertitur.

(a) HOFFM. *de febr. sect. I. Cap. VIII. §. II.*

(b) MORTON. *l. c.*

Prognosis.

§. CXXII.

Morbilli benigni, & regulares in pueris, & adolescentibus plerumque periculo carent, & feliciter cedunt; nisi inepte curentur, aut malo regimine pervertantur. In adultis vero aliquanto gravius malum est, & quandoque periculosum.

Qui ex ægris, antequam morbillis corripereantur, diu male habuerunt, hi acutius ægrotare, & magis periclitari (a) solent. Morbilli opportuno, & regulari tempore exorti, & prominente, bene ominantur. Contra præmatura eorum eruptio, aut iusto tardior suspecta haberi debet. Facta eruptione, si æger relevatur, & viribus valet, alacriorque evadit; si maculæ dilutæ rubent; si cutis æqualiter calet, & non nihil tensa renititur, bonum (b), & contra. Infida esse solet pustularum duratio ultra quatuor dies protracta. Quod si earum color ad nigrum vergat, & cutis flaccescere simul videatur, gangranam, & mortem appropinquari significat. Huic malo ii, qui calefacientibus medicamentis indulserint, & præ ceteris adulti, magis subjiciuntur. Subitus pustularum ex frigore admissio regressus ob metastasim semper metuendus est. Interdum (c) enim necem attulit. Diarrhœa tamen superveniens perniciem quandoque (d) avertit. Si pustulæ debito tempore, id est, tertio, vel quarto ab eruptione diu incipiunt pallescere, resolvi, & exsiccari, & simul febris minuitur, & respiratio liberior cum facili excretionem sit, morbum feliciter solutum iri, indicium est. Tussis assidua cum alvi profluvio, & magna inquietudine infaustum præsagitionem (e) habet. Inflammationem enim pulmonum, in primis ubi calido regimine eruptio accelerata est, inducere potest, & demum in phthisim desinere (f). Hæmorrhagiæ immodicæ discriminis (g) plenæ; mali quoque sudores largi, & assidui in adultis, nam ex levissima tum causa morbilli intro (h) vertuntur. Qui ex morbillis occumbunt; præsertim infantes, nono, plerumque die, evanescentibus nempe exanthematibus infarctu bronchiorum, & pul-

monum oppressi (i), aut peripneumonia præcipue ii, qui calidiore regimine usi sunt (l), suffocantur fere inopinato. Diarrhœa quæ post morbillos exsiccatos, & depulsa reliqua symptomata accedit, & si diu persistat, & ad plures hebdomadas protrahatur; vires prostermit (m), & tabem, & demum mortem (n) affert. Aliis post morbillorum ultimum stadium succrescit lent febris cum abdominis tumore funesto. In his post mortem glandulæ meseraicæ obstructæ, & mole auctæ, pulmones vero vomicis referti (o) inveniuntur. Non nullis remanet tussicula cum rauedine, quæ facile in phthisim (p) terminatur.

- (a) HOFFM. l.c. enarrat. morb. obs. 2.
- (b) STORCK. l.c.
- (c) HOFFM. l.c. obser. 6.
- (d) Id. ib. obser. 2.
- (e) Id. l.c. sect. 1. cap. VIII. §. VI.
- (f) LIEUTAUD Prec. de med. l. 2. sect. IV. p. 604.
- (g) HOFFM. l.c. in cautel. §. VI.
- (h) Idem ibid.
- (i) Id. ib. (l) SYDENH. t. c.
- (m) Idem ibid.
- (n) HOFFM. l.c. §. VI.
- (o) Idem ibid.
- (p) Idem ibid. §. V.

§. CXXIII.

Absoluta diligentissime, quod per me licuit; morbillorum historia, indaganda nunc est mor-
 billosi veneni (§. CXIII.) natura, quo facilius, & rectius eorum curatio institui possit. Et primo
 quidem peculiari, & calida, ut loquuntur, acrimonia illud præditum esse videtur, quod ubicun-

Venenum
 Morbillosi
 sum est
 peculiari
 acrimonia
 præditum.

Ejus effectus.

que se defixerit , aut quocunque se contulerit , partes vehementer irritat , inflammat , convellit , easque ad uberiores secretiones , atque excretiones , prout uniuscujusque organica structura fert , continenter sollicitat . Hinc profecto in oculis rubor , calor , lucis impatientia , lacrymatio ; in naribus coryza , sternutamenta , catarrhus ; in faucibus sitis , ardor , tumor , difficilis deglutitio ; in larynge , & pulmonibus tussis sicca , assidua , rauco , respiratio cita , difficilis , pectoris constrictio ; in ventriculo cibi fastidium , nausea , vomitus , ponderis sensus , anxietas ; in intestinis diarrhœa , tormina &c. potissimum enascuntur .

Cur certas partes afficiat.

Num vero hæ in primis partes afficiantur , quod ore , & naribus virus intro suscipitur , ut quidam (a) existimant , an potius in iis consistat ob affinitatem , & sympathiam , quam habet cum lymphaticis , mucosisque humoribus , liberum cuique esto pro arbitrato suo judicare . Qui primæ opinioni adherent , hoc præcipue argumento utuntur , quod ii , quibus inoculatione morbus insertus fuit , plerique tussi caruerunt , aut certe multo mitior , quam soleat , exstiterit . Qui vero alteram sequuntur ; ore & naribus reliqua etiam venenata miasinata plerumque excipi perpendunt ,

Venenum istud cum sanguine commiscetur.

quin tamen hujusmodi loca acerbè , insigniterque affligantur . Quæ res utcumque se habeat , illud certissimum est , sanguini infundi venenum istud , & febrem admodum ardentem ciere , donec paulatim exsolutum ad summam cutim feratur , ibique sub epidermide sparsim consistens , tandem desquamatione ejusdem , sudore , atque insensibili exhalatione diffusetur . Quare alia hinc hujusce veneni proprietas manifestatur , subtilis nimirum , ac volatilis ejus natura . Quam insuper talem esse

Facilis ejus diffusio.

se apparet, 1. quod papulæ, quas procreat, etsi rubræ, & inflammationis cujusdam participes, nunquam in suppurationem desinant; 2. quod facilis sit earum metastasis, & repulsio; 3. quod sanguis ita rareseat, & diffluat, ut non solum in primo morbi stadio, sed etiam in altero, & tertio hæmorrhagiæ crebræ, & large subsequantur, interdum irreparabiles.

Ergo subtile, & volatile est.

Tale ascenditur tribus aliis phænomenis.

(a) ROSEN. l. c. p. 261.

Curatio benignorum.

§. CXXIV.

Experientia sæpissime demonstravit, morbillos benignos, & regulares plerumque sola naturæ ope ad faustum finem produci, immo esse interdum ita mites, & faciles, ut ægrotantes vix lecto obligentur. In universum igitur, si benignus & regularis morbus videatur, si febris non vehementior sit, si non ingens pectoris angustia, si æger alioquin sanus, nec ulla anteriore pulmonum labe affectus cernatur; res tota naturæ commitatur, imperato tantum diætetico regimine, quod temperatum sit oportet, nec calidum nimis, nec nimis frigidum: nocet enim utrumque extremum. Victus ratio non alia esse debet, quam tenuissima; qualem nempe cibi cujusque fastidium, atque aversatio suadet. Quæ tanta plerumque est, ut ægri per aliquot dies ab omni alimento abstinere cogantur. At summum potui danda aqua ex hordeo aut oryza, aut ex pane decocta, quæ diluit, demulcet, temperat, & tenuiter alit. Eo spectat serum lactis, cremor

Sæpe sola natura sufficit.

Quando, & quomodo natura relinquenda.

Diætæ.

hordei , emulsa ex amygdalis dulcibus , & fructus acido-dulces , ut pruna , cerasa , pyra , mala , & similia . Primis diebus subinde lectum deferere possunt , ne nimium incalescant ; sed caveant ab aere frigido , & quieti se dedant , & bis , vel ter in die dilutum aliquod florum sambuci , aut tiliae , aut papaveris erratici tepide hauriant , ut conatus naturæ versus cutim adjuvetur . Quam primum vero eruptio in facie incipit apparere , lecto se committant , & in assiduo , blandoque tepore conquiescant . Cum enim morbillosa materies mobilior , & fugacior sit , quam variola , majore cautione opus in morbillis est , quam in variolis , ne intro vertatur . Hinc amovendæ sunt omnes caussæ , quibus quies tum animi , quam corporis peturbari potest . Soli custodes necessarii ægrotanti assideant . Occlusis fenestris solis radii arceantur , ne oculi nimia luce percellantur . Noctu vero cubiculum exiguo lumine , & languida flammula illustretur , eo etiam consilio , ne aer noxio vapore , atque fumo depravetur . Incepta , & perfecta eruptione pergant duos , tres , vel quatuor dies se lecto continere , quo facilius per cutis spiracula exhalatur morbidus fomes ; sed nec cubiculum calefiat , nec stragula augeantur , ultra quam sani utebantur . Decedentibus porro pustulis , & desquamatione incipiente , abeuntibusque reliquis symptomatibus , alvus , nisi sponte laxata sit , leni ecoprotico ex manna , nitro , & tamarindis , aut simili alio semel , aut bis ad intervalla ducatur , & paulatim ad victum ; & regimen convalescentium gradus fiat . Hinc absoluta desquamatione iterum ægris interdum licebit e lecto surgere ; dummodo tamen ab aere frigido religiose

caveant . Nam si exspiratio cutanea supprimatur , aut asthma periculosum , aut pertinacissima tussis , aut diarrhœa vires dejiciens , aut leucophlegmatia (a) facile consequitur . Toto morbi processu , si alvus non respondeat , quod sæpe evenit in mitissimis morbillis sine noxa , solis enematibus , si res postulet , eam molliori subinde licet .

(a) STORCH. l. c. p. 307.

§. CXXV.

Sed non omnium morbillorum , etsi e benignorum genere , est una , eademque , quam dixi , ratio , præsertim in adolescentibus , aut adultis , in quibus sæpe aut caussarum complicatio , aut major veneni vis , aut corporis , humorumque constitutio , aut ætas , aut vitæ genus , aut aliæ conditiones faciunt , ut morbus non modo aliquanto magis furat , atque insolescat , verum etiam in quovis stadio quædam graviora symptomata exhibeat , quibus nec satis natura , nec solum regimen prospicit , sed aliis opus est artis auxiliis . Itaque cum primo statim stadio interdum febris valde vehemens sit cum pulsu duro , & valido , magna pectoris oppressione , tussi permolestâ , & reliquis symptomatibus pariter gravioribus , uti veterno , faucium dolore , oculorum inflammatione &c. tunc semel sanguis pro ratione virium mitti debet ; atque etiam iterato , si prima sanguinis missio non satis morbi impetum (a) fregerit . Raro tertia opus est , ut admonet LIEUTAUDIUS (b) , a quo in hoc stadio damnantur numerosiores phlebotomiæ tanquam inutiles ; aut

Quando
artis ope
egeant .

Ubi san-
guinis
missione
opus sit .

et-

etiam noxiæ . At in adultis , quamquam reliqua memorata symptomata deficiant , si tamen signa redundantis duntaxat sanguinis adsint , primis mox diebus eum detrahendum esse , auctor est HOFMANNUS (c); imminuta enim vasorum plenitudine , hæmorrhagias averti , anxietates , inquietudinesque sedari , & facilius exanthemata deinde prodire , merito confidit . Nec a sanguine mittendo , ubi plethora ingens , aut hæmorrhagia gravis , aut aliud aliquod symptoma urgeat , abhorret ipse MORTONUS , qui ceteroquin in hoc stadio , ante videlicet morbillorum eruptionem , sive *efflorescentiam* , generatim negat , venæ sectioni locum ullum esse .

(a) TISSOT *Avis au peuple* P. I. §. CCXXV. n. 1. STORCK T. I. p. 306.

(b) *Prec. de med.* l. 2. p. 604. 605.

(c) *L. c. observ. Clinic.* §. I.

§. CX XIV I.

Quæ sanguinis missionem suppleant. Ubi vero sanguinis mittendi indicatio non admodum perspicua est , aut sanguine jam misso , symptomata eadem persstant , prudentis medici est temperantia , & antiphlogistica , uti potum largum ptisanæ cum nitro , melle , & aceto , aut feri lactis leviter Tamarindis , aut Cremore Tartari imbuti prius tentare , quam ad phlebotomiam propere nimis instituendam , aut iterandam procedere . Sanguinis fervorem nimium , febrisque concitatiores motum sæpe temperant , & compefcunt sola enemata mitiora , & refrigerantia . A capite egregie revellunt , sicque cephalalgicæ , sopori , eclampsicæ , oculorum , & faucium inflam-

ma-

mationi solamen afferunt balnea tepida pedum & crurum, quibus etiam efficitur, ut universa cutis laxetur, & eruptioni exanthematum recipiendæ paratior evadat. Mirifice etiam dolorem faucium & tussim lenit, & pectoris oppressionem minuit vapor aquæ tepentis ore inspiratus (a), præter eclegmata demulcentia, & oleosa, & potiones pectorales & anodymas. Ut vero calefactionem in quovis hujus morbi stadio, acriorem, & subtiliorem materiam reddendo, atque astuationem, anxietatemque augendo, & vires dissipando maxime nocent: sic nimium refrigerantia, & nitrosa, præsertim in infantibus, non parum suspecta videntur HÖFFMANNO (b); quia eruptionem retardant, & retenta interius morbillosa acrimonia visceribus sphacelum, aut gangrænam minatur. In refrigerantium ergo usu medicum considerare, prudenterque se gerere oportet, ne modum unquam excedat, necessariamque effervescentiam, qua in hocce stadio natura utitur ad morbidum virus expellendum, nimium cohibeat.

(a) TISSOT l. c.

(b) l. c.

§. CXXVII.

Alvus etiam præter modum compressa, & multo magis, si ab aliquot jam diebus nihil dejectum sit, inter initia protinus, quia anxietatem, & inquietudinem auget, laxanda est enemate blando, & molliente, aut etiam lenissimo eccoproptico. Valentibus vero agere convenit, si cum morbillis saburra primas vias prægravans complicetur, sui ablationem petat. In eam autem sic in-

Alvus compressa enemate laxanda.

Saburra gastrica sui ablationem postulat.

qui-

*Lingua
albida,
nausea,
vomitus
signa fal-
lacia.*

quirere oportet, ut certo de ejus præsentia constet. Nam lingua albicans, nausea, vomituritio, ponderis sensus in epigastrio, anxietas, quæ alias saburræ gastricæ indicia habentur, in hoc *contagii*, sive *effervescentia* studio sunt plane ambigua, & fallacia; possunt quippe febris aliquanto vehementioris, & nervosæ perturbationis a morbilloso veneno inductæ effecta, & symptomata esse sine ulla cacochiliæ gastricæ culpa. Quo casu nemo non videt, linguæ albidum colorem a febrili calore, nauseam, vomituritionem, & præcordiorum anxietatem, & reliqua a solis ventriculi, duodeni, diaphragmatisque spasmodicis proficisci; quod proprium omnino est omnium fere morborum exanthematicorum, in quibus plerumque ista, eruptione demum facta, idest causa eorum materiali ad cutim protrusa, cessare, atque evanescere consueverunt. Ne igitur præposuere eo in casu emetica, aut cathartica adhibeantur, paullo diligentius quærendum est, an certiora cacochiliæ gastricæ signa cum illis concurrant; nempe an pravus, amarumve oris sapor adsit, an quæ vomitu rejicitur materies, pituitam acidam, aut bilem flavam, viridem, porraceam, aut nigricantem, aut alia corruptacrementa referat; an antecedens victus ratio, vitæ genus, annique tempus hujusmodi fuerint, quæ colligendis circa ventriculum sordibus apta sunt, an eruditates, dyspepsiæ, anorexiæ, alvi tarditas præverint, an oris halitus foeteat, an color faciei, aut urinarum subictericus videatur, an egestiones putridam indolem ostendant, an epigastrium, & hypochondria tumeant, an flatibus, & borborygmis intestina distenta obmurmurent, aut inutilis desidendi cupiditas adsit. Si ex his manifestior

*Certiora
cacochy-
liæ signa.*

rior fiat primarum viarum saburra, danda est opera, ut quam citissime expellatur. Vomitus igitur, qui ad quævis assumpta instat, aqua tepida mellita, aut levi cardui benedicti, aut chamæmeli decocto tepide hausto, & si satis non sit, oleo olivarum addito primum leniter promoveatur; si hoc non satis evacuatum sit, ad leve aliquod emeticum progredi licet, ex Ipecacuanha *, aut Tartaro emetico depromptum. Si vero vomitui locus non existat, aut saburra intestina magis, quam ventriculum oppleat, cathartico uti expedit ætati, viribus, temperamento, corporis habitui accommodato. HOFFMANNUS syrupo cichorei cum Rhabbarbo (a) addendum præcipit Tartari emetici granum dimidium, quo medicamenti vis aliquantulum acuatur.

*Saburra
detecta
quomodo
evacuanda,*

* Pro Bimulo, aut Timulo ROSENIUS utitur sequenti formula. *Rec. Ipecacuanhæ grana tria, sacchari albi grana sex. M. f. pulv. dividend. in tres part. æquales.* Danda est una ex cochleari aquæ, aut syrupi alicujus gratioris. Si intra quadrantem horæ non edit suum effectum, detur altera, & si intra sesquihoram nihil præstiterit, detur etiam tertia, quæ effectum certum, nempe vomitum satis lenem, pariet. Pueri facilius; & tutius vomunt ob fibrarum laxitatem, & humidiores corporis habitum. Inter eccoprotica idem Auctor præfert Rhabbarbarina. Pro Trimulo satis esse putat Tincturæ Rhabbarbari cochlear unum, vel ejusdem dilutum aquosum ex Rhabbarbari drachma dimidia per noctem in tribus cyathis aquæ communis infusa, in tres haustus dividendum.

(a) *L. c. Observ. Clin. §. I.*

§. CXXVIII.

Eclampsia Infantes, & pueri si eclampsia, aut convulsio-
quomodo nibus ante eruptionem morbillorum corripiantur,
curanda: ni sponte, & cito id mali desinat, quærendum,
 utrum a nimia nervorum mobilitate, vel a den-
 titione, vel a vermibus, vel a plethora, vel a
 difficili eruptione gravius ægrotent. Nimiam mo-
 bilitatem sedat liquor cornu cervi succinatus ad
 paucas guttas ex aqua florum Tiliæ datus, aut
 liquor anodynus mineralis HOFFMANNI, aut sy-
 ruppus papaveris albi aquæ ceraforum nigrorum,
 aut Melissæ additus. Hæc ipsa dentientibus quo-
 que profunt, in primis si enemate blando, &
 mollienti intestina eluantur. Vermes vero si in
 suspicionem venerint, anthelminthicis, uti coral-
 lina, semine santonici, radice valerianæ silve-
 stris, similibusque oppugnandi, & evacuantibus,
 uti syrupo florum persici, cichorei cum Rhabar-
 baro, mercurio dulci expellendi sunt. Plethora
 si in causa videtur, minuatur sanguinis detra-
 ctione per veniam incisam, vel hirudines locis
 idoneis applicitas. Cunctantibus vero erumpere
 exanthematibus nihil potest esse opportunius uti-
 liusque, quam diaphoresim leniter ciere diluto
 florum sambuci, aut papaveris erratici, vel de-
 cocto radicis Scorzonæræ moderate calido, iden-
 tidem sorbillato, atque interim crura, & pedes
 pannis laneis ex calida expressis involvere, ut
 vapore aqueo laxata cutis humorem morbillosum
 alliciat extrorsum. Nec aliena quandoque sunt
 vesicantia, ubi languida vitæ actio eruptionem
 retardet (a).

(a) FORSTENIUS *de Cantharid.* p. 167. *Argentorat.* 1776.

§. CXXIX.

Lactentes spasms quoque, & anxietatibus sæpe ex saburra primarum viarum, vel lacte ac-
 scente obnoxii fiunt. Eccoproticis, & enemati-
 bus illa protinus subducenda est. HOFFMANNUS
 sextam grani partem tartari emetici ex duabus
 drachmis aquæ florum Tiliæ propinare (a) non
 dubitat, ut protinus liberentur. Viri hypochon-
 driaci, & mulieres hystericæ morbillis laborantes
 sæpe in spasmo; animi defectiones, spiritus diffi-
 cultatem, præfocationesque cum gutturis constri-
 ctione, & ingenti præcordiorum anxietate inci-
 dunt. Quibus fit, ut exanthematum eruptio quam
 maxime retardetur. Caveto tunc, ne temere sa-
 burræ gastricæ symptomata ista putes. Nocent
 enim quævis medicamenta, quæ per superiora e-
 vacuationem moliuntur. Nam tum antispasmodi-
 cis, atque enematibus partim paregoricis, partim
 carminativis opus est. Ubi vero menstrua, vel
 hæmorrhoidum fluxus subsisterint, aut immineant,
 vena in pede secta remedio est. His enim effi-
 citur, ut brevi post morbilli feliciter (b) efflores-
 cant.

*Qua ra-
 tione in
 lactanti-
 bus spas-
 mi profligandi.*

*Item in
 hypochon-
 driacis,
 aut hy-
 stericis,
 quid con-
 veniat.*

(a) *L. c. Observ. IV.*

(b) HOFFM. *l. c. caut. & observ. Clinic. §. III.*

§. CXXX.

*Distilla-
tioni acri
in fauces
cadenti
quænam
succur-
rant.*

*Quæ do-
lori fau-
cium, &
inflam-
mationi
conve-
niant.*

*Accida
tussim ex-
asperant.*

*Cautiones
circa hyp-
notica.*

Tanta quandoque est humoris acris in fauces distillatio, ut non modo in laryngem depluens tussim, quæ jam assidue vexat, molestiorem reddat, verum pharyngem etiam, œsophagumque vellicando ad vomendum sæpe provocet. Hoc incommodum leniunt egregie gutti arabicum, aut Tragacantha aqua in mucedinem subactum, cremores oryzæ, hordei, aut avenæ cochleatim crebro sumpti, & gargarizationes ex lacte, aqua florum sambuci, & melle, ut demulceant, & abstergant; quorum etiam usus faucium dolori, atque inflammationi non infrequenti egregie medetur, præsertim si simul externe fomenta, & cataplasmata mollissima, & anodyna admoveantur. Ratione tussis, quæ non in hoc solum stadio, sed etiam in reliquis permolesta esse solet, acida quæcunque sive in potionibus, sive in eduliis, quamquam in aliis exanthematicis morbis liberali manu concedantur, in morbillis tamen, quia tussim valde exasperant, parcius, & cautius adhibenda esse cum ROSENIO arbitramur. Tussis pariter leniendæ causa hypnotica a multis proponuntur. SYDENHAMIVS multis de causis singulis noctibus ab ineunte morbo ad finem usque diacodium dabat. Idem fecerunt postea, qui Sydenhamianis præceptionibus institerunt. Sed ad hujusmodi remedia non deveniendum esse, nisi urgente necessitate, vult MORTONUS; & si ob tussim, vigilias, deliriumque interdum somniferis, & ex opio paratis medicamentis aliquando locum aliquem concedat, pareâ, & cauta manu ea ad-

adhibenda præcipit. Cautione eadem utitur LIEUTADIUS, immo cavet, & vetat, ne infantibus ullo modo propinentur. Multa etiam passim dicuntur a Cl. TISSOTIO contra improvidum eorum usum. Febrem enim, & soporosos affectus augere solent. Prudentis igitur medici erit in hoc morbi stadio ab iis abstinere, aut certe, si quid ea postulare videatur, uti si alvi fluxus nimis cohibendus sit, quam parcissime, & rarissime iis uti, & semper mitissimis. Vesicantia quoque eandem prope animadversionem requirunt. Hinc in benignis morbillis, atque in eorum *effervescentia* reprobantur generatim; & si unquam admitti debeat, tum sane id erit, cum spasmi, eclampsia, coma grave perniciem minantur. Quandoque etiam tussis per molesta nulli alii remedio cedere visa est, quam vesicantibus avvocato scilicet extrorsum acri humore, quia faucibus, laryngi, pulmonibusque pertinaciter adhaerebat (a).

De vesicantibus animadversio.

(a) FORSTEN. *Disquisit. med. cantharid.* p. 167.

§. CXXXI.

Exacto primo stadio, & eruptione jam adveniente, quædam interdum incidunt, consideratione digna, quorum breviter hic mentionem faciam. Ac primum scire licet, morbillorum eruptionem, quamquam æger, ut debet, quieti, & leni diaphoresi, quoad potest, det operam, nihilominus diutius, quam par est interdum cunctari, & lente procedere. Tunc quærendum diligenter est, utrum plethora, aut concitior febrilis motus, aut contra languidior vis vitæ im-

Quædam animadversiones circa secundum stadium. Cunctari eruptionis, ni quomodo succurrendum.

pedimento sit. In primo, atque altero casu plethoræ imminutio, & febrilis æstus temperatio per diluentia, & refrigerantia eruptionem accelerabunt. In tertio vero præter potum largiorem leniter cardiacum, & alexipharmacum, & prudentem vesicantium applicationem supra propositam (§. CXXVIII.) camphora, aut moschus prima tenent. Vires enim vitæ sic eriguntur, & humorum ad cutim propulsio mirifice promovetur. Huic quoque fini favent spiritus corni cervi succinatus, spiritus Mindereri, aut vini haustulus. Non nulli lene emeticum proponunt, utpote excitans vim vitæ, & sudores proliciens. Sed, nisi simul ventriculi cacochylia extundenda sit, præstabit, eo omisso, per mitiora, & urtiora, quæ modo indicavi, medicamenta naturam excitare.

§. CXXII.

Eruptio inæqualis quibus adjuvanda. Si efflorescentia, postquam apparuit, modo rubeat, modo pelleat, aut partiatim tantum, & successive se ostendat, vel quædam papulæ rubræ videantur, dum aliæ pallidæ conspiciuntur, tunc cardiacis, & alexipharmacis leniter earum eruptio adjuvanda est. In primis camphora ad id maxime valere perhibetur. Eo quoque spectat vesicantium prudens applicatio, quamquam id auxilii in malignis, & ubi vires vitæ multum languent, præstare videatur. Quod si repente exanthemata se subduxerint, & timor sit, ne intro versa materies alicubi lethalem metastasim faciat, extemplo extrorsum avocanda sunt iis auxiliis, quæ ad lentam, atque imperfectam eruptionem supra commendavimus, præsertim diluto florum sam-

Subditus exanthematum regressus, quid possit.

sambuci abunde hausto, camphora, moscho, cucurbitulis siccis, fricationibusque adhibitis, atque epispasticis cruribus, aut cervici, si capiti malum impendeat, celeriter admotis; immo sunt qui suadent ægrum in balneum tepidum illico demittendum esse. Ne vero hujusmodi infortunium obveniat, danda opera est, ut frigus, mœror, pavor; aut alii animi subiti motus solertissime arceantur.

§. CXXXIII.

Si in hac periodo magna adsit inquietudo, & *Quando opiat, & semni-feris uti liceat.* vigilia, syrupo diacodii, in primis vesperi, ægri ad quietem, & somnum componendi sunt, ut absolutior, & perfectior exanthematum expulsio consequatur. Neque hoc tempore MORTONUS, qui hypnotica, & opium habentia in primo stadio reprobavit, ab iis valde abhorret, dummodo respiratio libera sit, & nullus instet præfocationis metus. Immo in alvi fluxu immodico non dubitat ad paregorica confugere. Ipse tunc præfert reliquis Laudanum liquidum Helmontii, cuius guttas tres, vel quatuor, vel sex, vel decem, vel duodecim pro ratione ætatis dandas jubet, donec alvi profluvium decrescere incipiat. Moderandam enim, non sistendam ejusmodi evacuationem tradunt cum MORTONO plerique. Quem in finem decoctum album etiam, tincturam rosarum, lac aqua plus minus dilutum, atque alia hujus generis adhiberi volunt. At HOFFMAN-*Diarrhœa quomodo moderanda.* NUS, cum plerumque hac via morbidam materiam utiliter emendari viderit, adstringentia quæque hic rejecit, & clysteribus demulcentibus intestina

*Tussi, lacrymatio-
ni, & sternuta-
mentis, quæ me-
dicantur.*

elucenda (a) subinde esse autumat. Sunt præterea quædam alia symptomata, quæ, quia in hocce stadio vel increscunt, vel valde molesta atque incommoda esse pergunt, aliquod solamen requirunt; cujusmodi est tussis, oculorum rubor, & lacrymatio, & frequens sternutamentum. Tussi leniendæ quid conferat, jam supra (§. CXXVI. CXXX.) memoravimus. Dulcia generatim, uti syrupus altheæ, capillorum veneris, violarum, papaveris erratici, succus glycyrrhizæ hispanicæ, trochisci radicis altheæ, saccharum candi, atque ex his parati, additione olei amygdalarum dulcium recentis, linctus celebrantur. At temperamentum aliquod in eorum usu adhiberi oportet, ne diarrhœam inferant, aut præsentem adaugeant in ægri detrimentum. Oculorum ruborem, ardoremque mitigant collyria ex aquis rosarum, & plantaginis vel solis, vel lacti admixtis; quibus etiam addi solet interdum aliquid ex trochiscis albis Rhafis. Sternutamenta vero tollit, aut certe minuit lac tepens in nares attractum; aut injectum.

(a) *Loco cit. observat. 5.*

§. CXXXIV.

*De tertiæ
stadii vi-
cissitudi-
nibus.*

*Diapho-
resis &
sudor,
quando
conferat.*

In tertio demum stadio, quod exsiccationis, sive desquamationis vocatur, morbi judicium discernitur. Igitur in eo vel sanitas, vel mors, vel transitus in alium morbum expectandus est. Sanitas obtinetur leni diaphoresi, vel sudore, quo febris solvitur. Futuram hujusmodi criticam excretionem indicat pulsus pacatior, & cu-

tis mollior , atque humidior . Hisce ſignis ap-
 parentibus ; ſatis eſt naturæ potu copioſo obſe-
 cundare . At ſi diaphoreſis , aut ſudor ſponte *Quæ rati-
 one pro-
 moveri
 debeat .*
 non accedat , aut cunctari videatur , nec tamen
 ulla indicia exſtint futuri alvi fluxus , uti ſunt
 hypocondriorum tenſio , elatio , ventriſque bor-
 borygni , natura tum potu diapnoico , & calen-
 te , camphora , aliſque lenibus diaphoreticis ſol-
 licitari debet ad diaphoriſm , hæcque iſdem ſu-
 ſtineri , donec febris omnino ceſſaverit . Contra *Alvi fluxus
 Cris-
 ticus .*
 ſi epigaſtrium tumeat , hypocondria tendantur ,
 ſi cutis arida deprehendatur ; ſi venter tormini-
 bus aut borborygmis turbetur ; non ſudore , ſed
 alvi fluxu morbum ſolutum iri , cognoscitur .
 Hic autem alvi fluxus interdum ita præceps
 ſupervenit , ut decies , aut duodecies intra bre-
 ve temporis ſpatium venter laxetur . Caverè *Cautela
 circa eum*
 tum oportet ab iis , quæ hæſce deſectiones co-
 hibeant ; nam critica , ſalutaresque eſſe conſue-
 verunt . Salutares autem revera eſſe conjicies
 ex virium conſtantia ; majore ægri alacritate ,
 tuffis mitigatione , oculorum nitore redeunte ,
 epigaſtrio ; & hypocondriis detumefcentibus .
 Quandoque alvi fluxum comitantur dolores in-
 teſtinorum moleſti , Si hi fomentis calidis ven-
 tri applicitis , non conquieſcant ; enemate de-
 mulceri poſſunt ; aut theriaca abdomini impoſi-
 ta , aut etiam dato Rhabarbari diluto , aut ſe-
 ro lactis tamarindis alterato , aut oleo dolci
 olivarum , quod tutius eſt , cochleatim ſubinde
 propinato , ut citius inteſtina a nocua materia
 reſtitante , adhærenteque liberentur , Quod ſi *Si cum
 tormini-
 bus jun-
 gitur ,
 quid a-
 gendum .*
 alvi profluviū diutius , quam par eſt , perſi-
 ſtat , vires proſternat , & colliquans videatur ;
 tunc protinus comprimi debet Diaſcordio Fra-

Quando
 compe-
 ſcendus eſt

castorii, Laudano cydoniato, Theriaca, decocto albo, cascarilla, cortice peruviano, pulveribus alcalicis, aliisque (a) sistentibus.

(a) ROSEN l. c. LIEUTAUD l. c. HOFFMANN. l. c. §. V. in cautel.

§. CXXXV.

Peripneumonia in fine tertii stadii supervientis curatio In summum vitæ periculum adduci ægrotantes, immo repentinò quasi fato suffocari nono fere die, evanescentibus nempe morbillis, & febre recrudescente cum peripneumoniæ, aut pleuritidis signis, supra (§. CXIX. & CXXII.) jam notatum est. Quod ubi incidit, protinus sanguinem e vena brachii vel in tenerrimis infantibus miti, quod semper felicissimo eventu fieri affirmat SYDENHAMIVS (a), cantharidibus dorsi partem, quæ scapulis interjacet, & latus, quo dolor percipitur, exulcerari, multum aquæ cum nitro, atque oxymelæ potui dari, & camphoræ aliquid intrinsecus præberi oportet. Finem vero sanguinis missioni iterandæ imponat respiratio liberior facta, & sputum facilius, & promptius. Tunc, ommissa camphora, solo decocto hordei mellito, aut fero lactis uti expedit, injecto bis in die molli enemate, ut alvus aperta servetur. Interdum tamen nec febris, nec spirandi difficultas, nec pectoris oppressio adeo urget, ut sanguinis missione opus sit. Tunc omitti eam posse, auctor est TISSOTIVS (b). In habitu pinguiori præditis, in quibus fibrarum laxitas, humorum lymphaticorum copia excedere videtur, idem vir doctissimus suadet, vesicantia cruribus admovenda esse, & dandum intrinsecus oxymel scilliticum. Sin vero ista

Quando sanguinis missio omitti possit.

pe-

negligi contingat, vel suffocatione pereunt agri, vel suppurato pulmone in phthisim labuntur. Tanta autem est sanguinis missionis utilitas, ut ea diarrhoeam ipsam morbillis supervenientem curari dicat SYDENHAMIVS. Revertitur enim sic ab intestinis morbillosa materies, quæ ad intestina delata sua acrimonia alvi fluxum exciverat. Quæ ratione demum aliis symptomatibus succurrendum sit, vel morbi secundarii, qui morbillos interdum subsequuntur, præcaveri, aut jam præsentibus tolli debeant, peculiari capite, postquam de malignis sermonem absolvero, quoniam in his frequentius eveniunt ejusmodi successione, infra demonstrabo. Nunc hoc unum addam, pleraque ista mala anteverti, si ab initio regimine antiphlogistico *, & diluentibus febris impetus fuerit retusus, atque evacuationes, quas natura molitur, prudenter (c) & blande promotæ, & demum si cessante febre, arefactisque morbillis alvus leni medicamento ducatur, idque interjectis aliquot diebus iteretur his, vel ter, ut si quæ morbidi fomitis reliquæ supersint, paulatim e corpore deturbentur.

Diarrhæa etiam vane sectioni obtemperat.

De aliis symptomatibus, & morbi successione postea.

Quo modo præcaveri possunt.

(a) L. c. MORTON i. c. ROSEN. l. c.

(b) L. c. §. 226.

* THOMAS DICKSON defendit methodum simplicem, & antiphlogisticam SYDENHAMII contra MORTONUM, & MEADIUM, *Comm. de reb. in med. & scient. nat. gest. Vol. XVIII. P. 3. p. 401.* Non reticenda est methodus morbillos curandi, qua in quadam epidemica constitutione usus est GONTARDUS (vid. *Journal. de Medec. T. VIII. p. 338.*). Is morbillos pro inflammatione erysipelatode, quæ internas, externasque partes afficiat, habet. Hinc resolvere eam parat sanguinis missionibus, emeticis,

& demulcentibus. Hac ratione morbillos epidemicos ann. 1756. feliciter se curasse narrat, adductisque historiis rem comprobat. Video ejus methodum a SAUVAGESIO expositam, commendatamque. Sed venia & pace ejus non possum dissimulare, nimium mihi videri & venæsectione, & emesi, & alvi ductione esse abusum in morbo, qui ut plurimum solo idoneo regimine eget, &, si quando majore artis auxilio opus habet, non sine deliberatione, & maturo consilio licet ad sanguinis missionem, ad emetica; aut cathartica, ad generosiora nimirum præsidia in eo devenire.

(a) TISSOT. l. c. §. 224.

MORBILLI MALIGNI.

§. CXXXVI.

Multa communia cum benignis. Hi multa cum benignis habent communia; qua de causa a plerisque una describuntur utrique. Sunt enim & ipsi plerumque epidemici, raro sporadici. Ingruunt fere, ut benigni, Januario, & Februario mense; invalescunt ad vernum usque æquinoctium: deinde successive decrescunt, donec appetente solstitio æstivo, aut paullo post penitus desinant. Epidemici maligni existere morbilli, quos anno 1674. Londini vidit SYDENHAMIUS (a). Modo præcedenti insalubrium temporum, aerisque constitutioni, modo aliis causis fortuitis, & præsertim regimini calescenti, aut omisæ rectæ curationi suam originem (b) debent; processumque eundem servant, quem benigni in tria videlicet stadia distinctum, cum plerisque symptomatibus parum dissimilibus. Nihilo tamen minus sunt quædam malignorum propria, qui-

quibus a benignis discernuntur, & reapse sejungi videntur.

(a) *Oper. sect. V. cap. III.*

(b) HOFFMAN. *l. c. cap. VIII. §. V.*

§. CXXXVII.

Ac primum in malignis aut multo citius, aut *Propria*
multo tardius, quod frequentius est, quam in *maligno-*
benignis, exanthemata efflorescunt, nimirum ante
tertiam vel quartam, vel post quintam, sextam,
septimam, immo interdum octavam diem tantum.
Quando igitur tardius eruptio contingit, ideo id evenit,
quod ab initio vires vitæ pene obruuntur, longiorique
tempore egent ad fecernendum, expellendumque virus morbillosum.
Hinc in primo stadio, quando longius est, plerumque
symptomata non admodum vehementia sunt; nec adeo
velociter, uti in benignis, invalescunt. Invalescunt
vero vehementius omnia, paulatim viribus exstimulatis,
atque erectis, post eruptionem morbillorum, contra quam
in benignis fieri consuevit; nam in his potius ab eruptione
non nulla sedantur, & conquiescunt. At quando primum
stadium brevius est, & citius solito eruptio contingit,
morbus ut plurimum pessimis statim cum symptomatibus
exorditur. Pustulæ præterea non primum in facie, sed
circa humeros, & pectus se exserunt, deinde in reliquis
partibus; vel certe non generatim, ac universum erumpunt,
sed successive, partem unam post alteram occupantes.
Hinc, ut primum stadium longius plerumque est quam
in benignis, sic hoc alterum etiam multo diutius protrahitur. Non

taro ancipiti eventu ad decimum septimum, & vigesimum usque diem producitur (a). Neque color earum constans est, nam modo viget, modo pallet, modo livet; aut ex rubro etiam nigricat, & sæpe cutis ipsa flaccescit (b). Interim eruptione facta plerumque omnia symptomata ingravescent. Febris intenditur cum pulsu validiori, & crebriori, & duro, tussi frequentiori, sicca, & pene continua, spirandi difficultate majori, anhelitu, anxietate, pectoris oppressione, dolore laterali lancinante, & quandoque motibus convulsivis. Cutis a materia morbi vellicata rubore suffunditur, & leviter sudat. Urinæ contentis, & colore saturantur. Fauces dolent, & tument; oculi acrius irritantur. Hinc ophthalmia, angina, peripneumonia, pleuritis, aliaque mala inflammatoria consequuntur (c). Demum observatio SYDENHAMII est (d), malignos morbillos rarissime desquamatione terminari; quod alias in benignis perpetuum est. Interdum nova eruptio succedit antecedenti, aut morbillis miliaria exanthemata, vel particulae superveniunt (e). In eorum porro exsiccatione, & discessu multo frequentius, & sine evidenti causa febris, & tussis, & spiritus difficultas cum ardore, siti, calore intensioribus recrudescunt, & peripneumoniæ lethales, aut alii morbi acuti inducuntur, qui nisi cito enecent, in lentos facile transeunt.

(a) MORTON. *l. c.*

(b) STORCK. *T. I. p. 314.*

(c) MORTON. *l. c.* STORCK. *l. c.*

(d) *Oper. sect. V. cap. 3.*

(e) HOFFM. *l. c. enarrat. morb. obs. i. & l. c. cap. VII. §. V.*

§. CXXXVIII.

Ex his facile liquet discrimen, quod inter benignos, & malignos morbillos intercedit. In universum vero illud probe tenendum, omnia symptomata, quæ benignos comitantur, in malignis multo graviora, & pertinaciora esse. Præterea horum certiora, & solemniora signa passim habentur ingens jam a morbi ingressu virium prostratio, oscitationes, & pandiculationes crebræ, inquietudo summa, interdum extremorum frigus, capitis, lumborumque dolor; vertigo; pulsus celer, inordinatus, & parvus, & urinæ tenues & pallidæ in primo stadio; deinde in altero ille magnus, & vehementior, hæc vero turbidæ, & coloratiores; nausea, & vomitus molestiores, deglutitio dolorifica, & difficilis, respiratio frequens, & parva, aut inæqualis, tendinum subsultus, somnolentia, mentis perturbatio, delirium, oculorum rubor intensior, vox rauca, tussis ferina, suffocationem ferre minitans, hæmorrhagiæ immodicæ, alvi fluxus, convulsiones, atque alia (a) hujusmodi,

Alia signa Diagnostica. Regimen.

(a) HOFFM. *l. c. sect. I. cap. VIII. §. V.* MEZÆ *compend. med. Pract. Fasc. I. cap. XX. §. 289.*

Prognosis.

§. CXXXIX.

Signa prognostica, quæ supra (§. CXXII.) exposita sunt, huc quoque transferantur; nam cum benignis, tum malignis morbillis æque quadrare possunt.

possunt. Speciatim vero maligni & præsertim epidemici exitiosiores sunt benignis, & sporadicis. Quo longiora stadia habent, eo majus periculum portendunt. Hinc tardior, & serior eorum eruptio, semper deterior est. Eruptionis ultra tres dies protractio malum significat; nam febris, quæ in malignis eam comitatur, cum intensior sit, si diutius protrahitur, pessimas inflammationes ciere potest. Nec meliora promittit eruptio lenta, & per vices rediens. Naturæ enim defectum, atque irritos conatus facultati expultricis ostendit. Color præterea incertus, aut cito pallezens, aut nigricans triste augurium dabit. Eruptione jam ad finem vergente, aut exsiccari incepta, si febris nihil remittat, & æque persistat, non vacat (a) periculo. Discriminis magnitudinem augent maculæ scorbuticæ, aut peticulæ, aut miliaria ænathemata cum morbillis complicata, & multo magis, si tertio in stadio demum (b) superveniant. Morbo autem imperfecte soluto, quod superest morbillosi veneni retenti, tussim, dyspnoeam, appetitus defectum, oculorum chronicos effectus, atque alia mala relinquit; immò sæpe fundamenta jacet diarrhœæ pertinacis, phthiseos pulmonatis, atrophix, lippitudinis, scrophularum, interdum etiam anasarcæ, aut hydropis (c). Sed hydrops, anasarca, glandularum tumores strumosi frequentius e purpura scarlatina, quacum morbilli confundi quandoque solent, permanant.

(a) MORTON. *l. c.*

(b) HOFFMAN. *l. c.* §. V.

(c) MORTON. *l. c.*

Curatio Malignorum.

§. CXL.

Pleraque eorum, quæ morbillis benignis curandis (§. CXXIV. CXXV. & seq.) accommodata recensui, malignis quoque conveniunt. Omis- *Regimen.*
sa igitur eorum repetitione, tamquam supervacua, pauca quædam solum attingam, quæ huc proprius spectant. Primum curandum est in primo stadio, ut ægri lectulo se addicant binos aut ternos saltem dies ante eruptionem, quo eetis viæ laxentur, & magis patule reddantur. Sed nec stragulis, nec calori, quibus sani assueverant, quidquam adjiciatur. Jura carniū, & multo magis carnes ipsæ e victus ratione ablegantur. *Victus ratio.*
Sati-
us erit solis jusculis avenaceis, vel ex hordeo, aut oryza paratis sed dilutioribus, & pomo subinde cocto vesci, vel lacte cum triplo, aut quadruplo aquæ leniter decocto pro alimento simul, & potu uti (a). Quando emesi, aut catharsis opus sit, jam supra (§. CVXVII.) declaravimus. Sed animum etiam ad epidemicam constitutionem *Emensis, & catharsis.*
advertere oportet, prudenterque tentare, confectæne, an noceat purgatio. Quod attinet ad sanguinis missionem, plerumque in primo stadio malignorum ob virium dejectionem, pulsumque *Sanguinis missio in primo stadio.*
languorem, & parvitatem non videtur ea opus esse. MORTONUS certe eam tum generatim rejiciendam putavit. Sed hic quoque animadversiones, quas alibi (§. CXXV.) exposuimus, locum habere possunt, in primis ubi morbilli præ-

imature erumpunt, eosque vehementior febris antecedit. Hunc esse casum putaverim morbillorum malignorum, in quo mittendum sanguinem censet ROSENIUS, etsi ipse nimis fortasse id auxilii ad omnes malignos extendere videatur. Quod vero de crusta pleuritica, quam in detracto sanguine semper apparere affirmat, retulit, perpetuum non est; sæpe enim eam deficere experientia compertum habetur. Ceterum cunctante eruptione ex languidiore naturæ motu, lenia potius alexipharmaca, & cardiaca a MORTONO adhibebantur, ut validius natura ad expellendum virus incumberet. Sed cautione opus est; ne fervor sanguinis nimium adaugeatur. Præter diluta florum tilia, sambuci, papaveris rhœados calide hausta, si eruptio apparere nimirum cunctetur, aliquid camphoræ, vel liquoris cornu cervi succinati, vel spiritus MINDERERI, vel liquoris anodynæ mineralis HOFFMANNI dari subinde convenit. His enim non modo vires vitæ eriguntur, sed etiam non spasmi, quibus natura in hoc stadio opprimi maxime videtur, eximie sedantur. Tunc etiam ad cutim avocare cucurbitulis siccis, universo corpori admotis, & subinde opportune iteratis, balneis crurum, fomentis, sinapismisque utilissimum est. Nec vesicantibus tum locus denegatur.

Diaphoretico.

Cucurbitulae siccae, fomenta, balnea, sinapismi.

(a) SYDENH *op. sect. V. cap. 3.*

§. CXLI.

Sanguinis missio in secundo stadio.

In secundo stadio, nempe eruptione facta, quoniam febris cum omnibus symptomatibus vehementius excandescit; morbus inflammatoriam

na-

naturam inducere videtur. MORTONO. Hinc quam ante eruptionem reprobavit sanguinis missionem, hic eam uti necessariam proponit. Revera hoc ipso tempore aut caput, aut fauces, aut pectus, aut omnes hæ partes simul atrocius afficiuntur. Inflammationis igitur signis accedentibus, cur non sanguis mittatur? Hoc in primis in peripneumonix metu opportunum est, etiamsi morbilli pulchre rubri appareant. Immo si post primam sanguinis missionem respiratio non fiat liberior, nec sputa prodeant, quæ morbum levent, iteranda sanguinis missio est ad tertiam etiam vicem, non omissis interea diluentibus, attenuantibus, antiphlogisticis, demulcentibus, & subinde enematis. Si nihilominus difficultas spirandi persistat, aut caput impetatur, aut delirium se adjungat, vesicantia suris imponi necesse tum est (a). His etiam magnopere confidit MORTONUS, sic ut crebro ea applicanda velit cum ad vires, ubi langueant, excitandas, tum ad eruptionem, ubi lenta, & imperfecta, aut incerta, & vaga sit, provide adjuvandam. Scire autem convenit, malignos morbillos, præsertim in quibusdam epidemicis constitutionibus magis putridos esse, quam inflammatorios, & tum noxiam fore sanguinis missionem. Id evenit in constitutione epidemica anno 1763. & 1768., quam Londini observavit GUILIELMUS WATSON. Tam in primo, quam in secundo stadio pulsus erant celeres, debiles, & inæquales cum magna anxietates, dejectiones alvi crebræ, & demum delirium accedebat mortis prænuntium. Cadaverum sectio pulmones, aliaque viscera sphacelata ostendebat. Sanguinis missio (b) plerumque nocuit.

Vesicantia.

(a) STORCK. *l.c.* T. 1. p. 309. 310.

(b) *Medic. Observ. and. Inquiry by a Society of Physicians in London. Vol. IV. pag. 132.*

§. CXLII.

*Eruptio
imperfe-
cta.*

At in eò casu , in quo eruptio lente procedit , aut imperfecta , & vaga est , aut per vi-
ces abit , & redit , præter ea , quæ tam intrin-
secus , quam extrinsecus adhibita (§. CXL.
CXLI.) ad cutim morbillorum virus alliciunt ,

*Bezoarti-
ca.*

Bezoartica sic dicta a multis commendantur . In
his pulvis e chelis cancrorum compositus , radix
contrayervæ , stybium diaphoreticum non ablu-
tum , atque alia hujusce generis numerantur .

*Bezoarti-
cum Mi-
nerale.*

HOFFMANNUS duo præ ceteris extollit , *Bezoar-
ticum* nempe *Minerale* , & *sulphur auratum* an-
timonii ; quibus & sudores blande elici , & mor-
billos protrudi ad cutim pollicetur . Illo inter-

*Sulphur
auratum
Antimo-
nii.*

dum alvum laxari cum euphoria observavit .
Sulphuris vero aurati dosim ad dimidiam grani
partem , vel ad quartam tantum pro qualibet
vice habita ætatis ratione perstringendam (a) ef-

*Morbillo-
rum re-
gressus.*

se admonet . Item ubi modo rubent , modo
pallent morbilli , & multo magis , si intro re-
versi sint , cito ad ea omnia properandum est ,
quæ supra (§. CXXXI.) proposita fuere . Li-
vere eos interdum , immo nigrescere , paulo
ante (§. CXXXVII.) memoravimus . Quan-

*Quando
nigri-
cant, aut
livent.*

do id evenit ob graviolem cutis inflammatio-
nem , quam induxit regimen calefaciens , & im-
providus alexipharmacorum calidorum usus ,

tunc

tunc mittendum esse sanguinem, quo gangræna, *s. missio*
 summus inflammationis gradus, avertatur, experi-
 entia ductus suadet SYDENHAMIVS. Solet autem
 eo in casu cutis non modo rubere intensius, ut
 ad nigricandum inclinèt, verum etiam tumere,
 & distenta reniti. Quod si nigricans morbillo-
 rum color cum cutis ipsius flacciditate jungatur,
 sic ut a prava potius humorum qualitate, atque
 a vi vitæ in vasis cutaneis satisfcente, quam ab
 inflammationis vehementia proficisci nigror ille
 videatur, protinus huic malo prospiciendum est
 antisepticiis, & corroborantibus (*b*), præsertim
 cortice peruviano, camphora, elixirio vitrioli
 Pharmacopœæ Londinensis, serpentaria, & simili-
 bus, omiſſa sanguinis missione.

*Antise-
 ptica, &
 roboran-
 tia.*

(*a*) *L. c. in Cautel. §. VII.*

(*b*) STORCK. *l. c. T. I. p. 414.*

§. CXLIH.

Hæmorrhagiæ tam narium, quam aliarum par-
 tium morbillis, præsertim malignis, ut dictum
 est, non raro superveniunt, in primo speciatim
 & secundo eorum stadio. Has sinere præstat,
 quam propere nimis cohibere. Quare adstringen-
 tia, & ex opio parata remedia tum vitari de-
 bent (*a*). Si tamen sanguinis immodice profunda-
 tur, ut jam facies, & labia palleant, extrema
 perfrigerari incipiant, pulsus langueant, aut æger
 imminentem vomitum, & animi deliquium que-
 ratur, tunc hæmorrhagia sistenda protinus est
 non modo iis, quæ extrinsecus posita id præstant,
 sed etiam quæ intrinsecus ad id valere creduntur
 (*b*). HOFFMANNUS suum liquorem anodynum

*Hæmor-
 rhagia.*

*Quando
 sistenda.*

mineralem hic non inutilem prædicat. Mixturam quoque usu comprobata describit, quæ spiritum vitrioli, & Diascordium Fracastorii pro basi continet. Nos aquam spiritu vitrioli acido ad levem acorem imbutam, & dilutum corticis peruviani ceteris anteponimus.

(a) HOFFM. *l.c. in cautel. §. VI.*

(b) ROSEN. *l.c.*

§. CXLIX.

*Tussis sic-
ca.*

Tussi permolestæ, & siccæ, & suffocanti occurrimus decocto hordei, diluto radicis althææ, & florum violarum, verbasci, papaveris rubri, adjecta quarta vel quinta lactis parte, & vesperi pægoricis. Eclegmata etiam oleosa a plerisque hic commendantur (*). Si verò tussis humida

*Tussis hu-
midacum
sputo vi-
scido.*

fit, sed sputum viscidum nimis, & tenax difficulter prædeat, incidentibus, atque attenuantibus opus est, nimirum oxymele simplici, & scilítico, syrupo erysini Lobelii, floribus sulphuris, & Benzoës, Kermes minerali & dilutis puleggi, hysopi, veronicæ, tussilaginis (**). Ubi tussi

Alvi fluxus.

ferinæ fluxus etiam alvi adjungitur ex parte materiæ morbillosæ, & aeris intestina irritante, tunc quinta pars lactis diluto florum sambuci adjecta, calideque potui data utrumque symptoma lenire (a) dicitur. Quod si alvi fluxus, quocumque tempore accesserit, sed præcipue in hoc in quo eruptionis regressum perpetrare potest, immodicus fiat, neque modum servet, compesci plane debet Diacodio, Laudano, Diascordio, Theriaca, Rhabarbaro tosto, pulveribus absorben-
tibus, cortice peruviano, cascarillæ, allisque,

tum

tum in primis, cum diarrhœa post discussos morbillos remanet; & chronica ne evadat, timeri potest. Faucibus interius dolentibus, atque inflammatis, quæ prædesse possint, jam alibi (§. CXXX.) *Faucium inflammatio.* indicatum est. Hic addimus, gargarizandum esse leniter ex decocto emolliente, & circa collum extrinsecus dandum cataplasma cum sinapi; simul ac cutis rubeat, removendum (b).

(*) *Eclegma oleosum ROSENII.*

℞. Vitell. ovor. n. j. ol. amygdal. dulc. s. i. express. & recentiss. unc. ij. bene subact. add. decoct. scord. mund. unc. ij. syrup. althææ unc. j.

Aliud mihi ustatum.

℞. Gumm. arabici dr. ij. solvantur in emulsion. semîn. melon. un. iij. deinde addit. ol. amygdal. dulc. recentiss. sin. igni expressi unc. j. ss. syrup. pap. albi a drachm. ij. ad unc. j. pro ratione ætatis. Detur subinde parvum cochlear.

** *Formule Storchii.*

℞. Nitri puri drachm. j. antimon. diaphor. non abluti drachm. j. oxymel. simplic. unc. j. ss. syrup. papav. erratic. unc. j. ss. Aq. flor. samb. unc. viij. M. Dentur duo cochlearia alternis horis, & desuper hauriatur vasculum infusi florum sambuc. & malvæ -

Alia efficacior. ejusd.

℞. Nitri puri drach. ss. stib. diaphoret. non abluti drachm. j. ss. Oxymel. scillitic. unc. ij. syr. floe. Rhœad. unc. j. Aq. sænicul. unc. viij. M. d. ut supra.

Alia ejusd.

℞. Kerm. miner. gr. j.

Sacchar. alb. gr. x.

M. fit pulv. tenuissimus. Sumatur talis singulis duabus vel tribus horis.

(a) ROSEN. l. c.

(b) Idem ibidem.

§. CXLV.

Sudores. Sudorum quoque, quibus interdum agri disfluunt, ratio habenda est, præsertim in secundo, & tertio stadio. His si lintea, atque indurata madescant, ea caute mutari debent. Sicca, & leviter calefacta humidis substituuntur; sed caute, ne frigus suscipiatur, aut calor ultra modum corpori super addatur. Utroque enim cutis corrugari potest, & expirans morbi fomes repelli. Eadem cautio circa lecti mutationem servetur. Sed speciatim cavendum est, ne quis subito ex calido in frigidum concedat. Ex neglecta enim ejusmodi cautione subitam mortem intra paucas horas natam vidit (b) HOFFMANNUS. Tertio stadio incipiente, evanescentibusque morbillis non desistendum est a laudato regimine, usque remediorum demulcentium, & blande diaphoresim promoventium, quemadmodum in benignorum curatione (§. CXXIV.) dictum est; nisi alvi fluxus criticus accessurus prævideatur, qui morbum solvat (§. CXXXIV.). Subacta demum febre, & tussi mitiori, nisi penitus sublata, reddita, exsiccatisque morbillis, & desquamata cuticula, generatim agri conquiescere adhuc, & ab aere frigido, qui summopere noxius est, cavere debent per aliquot dies (b). Immo ad aliquod hebdomadas perspirationem cutaneam diligenter curandam infusis diaphoreticis, victu tenui, & decoctis temperantibus, & diluentibus ex radice scorzonæræ, cichorei, glycyrrhizæ, chinæ, cortice ligni assafras, interdum etiam sassaaparilla præcipiunt (c) non nulli, non ommissa inde, semel nempe in hebdomada, per eccopro-

tica

tica (§. CXXXV.) ætati, temperamento, corporis habitui accommodata, alvi ductione.

(a) *L. c. in cautel. §. VIII.*

(b) *STORCK: l. c. p. 310.*

(c) *HOFEM: ib. in cautel. §. IX.*

Morbi secundarii.

§. CXLVI.

Morborum, qui morbillis præsertim malignis *Peripneumonia.* succedunt, omnium frequentissimus est peripneumonia, eorum exsiccationi repente superveniens; quæ agros in summum vitæ periculum adducit, & sæpe etiam occidit. Quando id accidit, protinus sanguinem mitti oportet, atque eam institui curationem, quæ peripneumoniacis, & pleuriticis (§. CXXXV.) accommodatior est. Deservescente vero feбри, & pulmonum inflammatione profligata, hydrogala demum uti expedit, ut tussis cito mitescat, atque alia mala, quæ ab acrimonia morbillofa timeri possunt (a); arceantur. Interdum peripneumonia non resoluta in suppurationem terminatur. Tunc ægri assidue tussunt; vesperi horrent, noctu calent, & mare sudore madent, & debilitantur. Sputa autem, quæ excreantur, purulenta sunt. Hi vero, ut suppurati, sero nimitum lactis, ptisana, & decocto *Suppuratio peripneumoniæ.* corticis peruviani subinde hausto curandi sunt. Quod si ad sputa purulenta accedat vox rauca, macies, atque febricula continua lenta, jam de phthysi pulmonari non amplius dubitari licet. Tunc lac aqua aliqua pectorali dilutum sæpius hauriendum est, ut ad minimum tres libræ ejus quoti-

die absumantur, interposito aliquoties in die vasculo decocti chinæ chinæ, & , si vires permittant, deambulatione, aut unctione in aere campellri ac salubri adhibita (b).

(a) STORCK. *l. c.* p. 314.

(b) *Id. ib.* p. 312. ROSEN. *l. c.*

§. CXLVII.

Amphemerina,

Tussis.

Nec rarum est, exsiccatis, desquamatisque morbillis, febrim remittentem continuam, siue amphemerinam sine ullo suppurati, aut ulcerati pulmonis indicio relinqui, quæ, si negligatur, aut in acutam malo fato convertitur, & repente occidit, aut in hecticam facile degenerat, quæ lenta consumptione ægrotantem conficit. Illam cortice peruviano cito frænandam esse docet MORTONUS. Tussis quoque post morbillorum desquamationem valde pertinax quandoque remanent. Hæc etsi post benignos bechicis, & aura liberiore perdometur facile, aut paullatim sponte cesset (a); attamen, quando malignos subsequitur, & diuturnior, & gravior, & periculosior est, quia in phthsim pulmonarem sæpe migrat. Hinc primo sanguinis missione, interdum etiam iterata oppugnanda est, deinde bechicis, & cortice peruviano liberaliter dato, & vesperi paregoricis. Nec infrequens est, interpositis eccoproticis, eam quandoque (b) fugari.

(a) SYDENHAM.

(b) MORTON.

§. CLXVIII.

Nec minus molesta, & pertinax est Diarrhœa, *Diarr.*
a morbilli relicta. Hanc rhabarbaro tosto, my- *rhaa.*
robalanis, & pulveribus alcalicis fixis primum ag-
gredi convenit, deinde paregoricis opium habentibus,
cortice peruviano, cascarilla, aliisque roborantibus
antisepticis (a). Oculos præterea sua mala manent.
Hi sæpe in morbillorum discessu gravissima
ophthalmia corripiuntur. In leviori ca- *Ophthalmia.*
su egregie succurrunt hirudines temporibus, aut
infra oculos (b) applicitæ; at in graviore venam
jugularem incidi (c) oportet; deinde alvum etiam
iterato duci. MORTONUS hic nihil proficere ves-
ficantia existimat. Contra ROSENIUS iis non pa-
rum confidit, si parva utrique tempori imponan-
tur. Cucurbitulas siccas cervici etiam utiliter af-
figi affirmat. Extrinsecus cataplasma ex pulpa po-
morum dulcium sub cineribus coctorum, lacte
subacta recenti, dolorem mirifice demulcet, &
inflammationem resolvit. Adjiciunt nonnulli tan-
tillum camphoræ; sed hæc non facile fertur, nisi
inflammatione imminuta, & dolore penitus ab-
lato.

(a) MORTON. l. c.

(b) ROSEN. l. c.

(c) MORTON. l. c.

§. CXLIX.

*Glandu-
larum tu-
mores.*

*Anasar-
ca.
Ascites.*

Inter morbos, qui morbillis malignis, aut im-
perfecte solutis, sive, ut ajunt, male judicatis
succedunt, referuntur a MORTONO etiam glan-
dularum tumores, anasarca, atque ascites. Glan-
dulis tumentibus, induratisque conveniunt resolu-
ventia, attenuantia, & sudorifera, nec aliena
sunt quæ extrinsecus molliunt, & blande discu-
tiunt. In illis præ cæteris celebrantur calomela-
nos, diagrydium, milepedes, & decocta sarsæpa-
rillæ, bardanæ, chinæ radices, & similia. Ansa-
scaræ, atque Asciti, post lenia cathartica, & diu-
retica, opitulari (a) dicuntur medicamenta e cha-
lybe parata, quibus subinde interponi debent blan-
da eccoprotica per epicrasim data, uti rhabarba-
rum, tinctura sacra, pilulæ tartareæ Bontii, Be-
cherianæ, scilliticæ Pharmacopœæ Edimburgensis,
aliæque hujusce generis. Sed de his modo satis.
Plura qui cupit, ad ea se convertat, quæ in pe-
culiari cujusque morbi singularis tractatione ube-
rius dicentur.

(a) MORTON. l. c.

Morbilli Anomali.

§. CL.

*Quo dif-
ferant an-
omali a
malignis.*

Restat, ut de morbillis anomalis, quod supra
(§. CXIV.) recepi, aliquid seorsim subjiciam.
Quoniam enim ibidem ostensum est, anoma-
los, sive irregulares a plerisque præ malignis ac-
cipi, nihilque inter ipsos discriminis esse; tamen,

ut

ut eodem in loco indicavimus, rectius id nominis tribuendum esse nobis videtur illis morbillis, qui a communi, ordinarioque processu quam maxime deflectunt. Neque semper, qui hoc sensu anomali existunt, reliquas malignorum notas ita præferunt, ut cum malignis omnino consentiant. Observatum enim quandoque est, in quibusdam ex anomalorum hujusmodi genere, quam primum eruptio contigerit, omnia symptomata, febrimque ipsam continuo conquievissè, quod vere benignorum maxime proprium esse, ex superioribus patuit. Hinc non longe absum, ut credam, anomalam ejusmodi in malignos æque, ac in benignos cadere posse, ac veluti utrorumque differentiam habendam esse.

§. CLI.

Quo vero res clarius appareat, nihil erit accommodatius, præstantiusque, quam anomalias in medium proferre, quas in constitutione epidemica annorum 1749. & 1750. non infrequentes ostendit Florentiæ Joannes Targionius (a); vir multiplici eruditione, dicendi copia, & medendi usu insignis. Is primum narrat, in septem ægris post solitum apparatus morbillos bene multos, & satis confertos erupisse; sed eadem ipsa die exortos quosdam mediocres in regione epigastrica dolores; qui spastici videbantur, & mox solutos alvi fluxu, copioso, tenui, & bilioso, qui duos circiter dies placide, & sine ullo alio symptomate perrexit. Simul ac diarrhœa accessit, continuo morbillos evanuisse; febrim, tussimque, quæ perimolesta ante fuerat, omnino desisse; nec postquam

Anomaliarum exempla

quam alvi fluxus substitit, quidquam incommodi remansisse præter aliquam virium debilitatem. Deinde observatione didicit, febrem, quæ morbillorum eruptionem præcedit, modo tertianæ duplicis typum referre, atque eruptione facta penitus decedere; modo eandem ad plures dies suos circuitus periodice repetere, antequam morbilli efflorescant; idque in adultis præsertim obtinere. Præterea vidit quandoque in aliis febrem primi stadii, sive contagii more catarrhalium, & quidem acutarum, tumore, & rubore faucium, tussimque ferina comitatam decurrisse ad septimam usque diem, antequam morbilli prodirent (quod malignorum quandoque proprium esse diximus), neque deseruisse ægrotantes, nisi post alios, quatuor, aut quinque dies, cum nempe morbillorum exsiccatio, & resolutio consequeretur.

(a) *Prima Raccolta d' osserv. p. 101.*

§. CLII.

*Historia
Morbillorum
exlegum,
sed benignorum.*

Historiam demum refert morbillorum exlegum, atque abnormium ut raram, sic memorata plane dignam. Maria Brigida Dandinilectissima mulier cum ruri esset, ubi morbilli vagabantur timens, ne eisdem ipsa quoque, ejusque filii corriperentur, quod nondum eos perpeffi essent, se die 4. Novembris ann. 1750. Florentiam contulit. Nocte ejusdem diei, quo ad urbem venerat, hora prima post mediam noctem adamussim eam invasit febris magno cum frigore, quam subsequuta est alia similis accessio die insequenti hora itidem prima post meridiem; ita ut binæ accessio-

nes

nes intra nycthemerum non modo exstiterint, sed eodem omnino ordine, & typo deinceps per dies viginti quatuor periodice redierint, quotidianæ duplicis remittentis speciem omnino imitantes. Accessiones singulæ semper exordiebantur a frigore, quod tamen in nocturnis majus erat, quam in diurnis, semperque tussî convulsiva, atque aliqua spirandi difficultate stipabantur. Quædam mitiores, immo etiam breviores reliquis ita fuere, ut quandoque intermissionem habuisse aliquam viderentur, quanquam ut plurimum sibi mutuo sine ullo integritatis intervallo succedentes continuam febrim prorsus efficerent. Cum autem nulla morbillorum indicia se proderent, febris ista oppugnata est, sed frustra, duabus sanguinis missionibus, magna diluentium, & temperantium copia, & cortice demum ipso peruvia. Neque quidquam profuere catamenia, quæ circa medium morbi tempus profluxere. Itaque cum intra quatuor & viginti dies ægra accessiones exacte duodequingenta sustinuisset, ineunte vigesima quinta die, hora prima adamussim post mediam noctem & more accessio magno cum frigore, motibus convulsivis, summa agitatione, anxietate, & tussî assidua pene præfocanti ita vehemens repetiit, ut ob jam impendentem gravissimam peripneumoniam TANGIONIUS medicus idem, & maritus ægrotantis, animum desponderet. Quamobrem cum prima luce de iteranda venæ sectione cogitaretur, universa cutis inventa est morbillis referta. Spes tum affulsit, morbum hac excretionem critice solutum iri. Ac quidem prout morbillorum eruptio, quæ plenissima, & confertissima, fuit, perficiebatur, omnia terrifica, quæ memoravi symptomata paula-

latim sedata sunt, & sub finem quartæ diæ ab incepta eruptione, morbilli exsiccati; & desquamari cœperunt, & febris, & tussis, atque aliud quodvis incommodum evanuerunt, superstitè duntaxat virium consueta imbecillitate. Anomalos hos quidem morbillos; exleges, tardos, atque inexpectatos dixeris, non vero malignos; quod, ut benignis contingit; secundo stadio, eruptione nimirum facta, febris cum reliquis omnibus symptomatibus deferbuit, & placata est.

§. CLIII.

*Historia
morbillorum
anomalo-
rum,
sed mali-
gnorum.*

Nè vero exemplum anomalorum malignorum quis desideret, en aliam historiam morbillorum non minus irregularium ex eodem Scriptore depromptam (A); quorum non modo primum stadium longissimum; atque insuetum fuit; verum etiam secundum, in quo eruptio contigit, & circa dorsum primum, ut fere malignorum mos est, se prodidit, multo gravius, & quale in malignis post eruptionem esse consuevit. Sacra quædam Virgo annos nata viginti quatuor; temperamento valde firmo ac valido prædita mense februuario ann. 1750. incidit in tussim convulsivam; quæ in dies ingravescebat. Sub finem ejusdem mensis cœpit quibusdam febriculis laborare; in quarum accessionibus querebatur capitis confusionem, pectoris insolitam siccitatem, atque adstrictionem, qua respiratio difficilis reddebatur. Invalescentibus demum ejusmodi febribus, & tussi ita exasperata, ut die septima Martii magnam sanguinis copiam e naribus eliceret; vena ei pedis secta est, quin tamen quidquam minuerentur ejusmodi mala. Immo his quotidie gravioribus

bus factis, tandem die decima tertia ejusdem mensis pustulis quibusdam rubris conspersum ejus dorsum apparuit. Medicus suspicari cœpit de morbillis, quanquam his eisdem ipsa jam laborasse diceretur, eoque major suspicandi locus erat, quod eodem tempore eodemque in cœnobio aliæ contubernales, secundo, & tertio in eundem morbum reciderant. Sub vesperam diei decimæ quartæ, cum maculæ distinctæ, & discretæ conspicerentur, etsi pustulis aliis; quibus ægra alias obnoxia fuerat, intermixtæ essent, certo de morbillis constitit. Facies in primis refertissima iis erat. Cutis color sparsim ad violaceum, rubrumque vergebat. Febris admodum furebat. Tussis vehementius urgebat cum anxietate, & dolore pectoris intolerabili. Cum hæc nihil remitterent postero die, qui erat decimus quintus mensis, e brachio sanguis ad uncias septem mittitur, qui repertus est valde phlogisticus. Die decima octava maculæ cœperunt pallefcere, urinæque, quæ antea parcissime per plures dies fluxerant; copiosiores reddi. At febris valida perstitit usque ad vigesimam primam, quin aliquantum mitesceret, tussis vero, & pectoris dolor ad vigesimam nonam usque, repullulantibus identidem, etiam deinceps, exanthematibus. Convaluit quidem ex hoc morbo, sed lente & non sine tædio minus prosperæ valetudinis, & diuturnioris adhibitæ curationis.

(a) *Id. ib. p. 105.*

Morbilli sine morbillis :

§. CLIV.

*Morbilli
interdum
sine exan-
themati-
sibus .*

Quemadmodum variolæ sine variolis , nempe sola febris variolosa sine exanthematibus a medicis exercitatissimis visæ & observatæ sunt , quod suo loco demonstrabitur : sic febris morbillofa , sive morbilli sine exanthematibus , si clinicis fides habenda est , interdum epidemicis morbillis intercurrent . Immo frequentes hujusmodi febres esse , testatur HAËNIUS experientia convictus , morbillofasque jure vocari , quod eodem modo , eisdemque symptomatibus invadunt , decurruntque , ac si morbilli erupturi essent , nec tamen erumpant (a) . Tales revera eas habendas esse , non solum argumento sunt morbillorum præsens epidemica constitutio , & symptomata omnia primi stadii , sive contagii propria , quæ eas comitantur , verum etiam ipsa curandi ratio , cui obtemperant , quæ non alia est , quam illa , quæ morbillis accommodatur . Res autem in facto , atque observatione ita posita , & locata est , ut negari a

*Cur interdum
morbilli
non erumpant ?*

quoquam , nisi temere possit . Neque ea est , cuius ratio probabilis reddi nequeat ; nam si miasma morbillosum , quod intus receptum febrim genuit , ad cutim protrusum vias patentiores inveniat , per quas sine ulla mora exhalari possit , vel per se satis tenue , & fortasse etiam humore aqueo ita dilutum sit , ut sine expirantium meatuum offensione evaporetur , vel , præterita cute , ad alvi , urinæque organa conversum quasi latenter effugiat , excernaturque : facile quisque intel-
liget ,

liget; quamobrem interdum morbilli sine morbillis, sive febris morbillosa sine exanthematibus esse possit.

(a) HAEN. *Febr. Divisiones; division. VI. §. 6.*

Febris morbillosa Sydenhamii.

§. CLV.

Anno 1674. dum Londini epidemici morbilli maligni, sive anomali sæviebant, sparsim vagabatur febris quædam, quam morbillosam vocavit SYDENHAMIIUS (a). Erat autem hæc immitis, sed ejusdem plane generis, ut in morbillis, protrahaturque ad dies quatordecim; immo non nunquam etiam ulterius. In hac exanthemata morbillis similia prodibant circa truncum corporis, & colli præsertim posteriora, humerosque. Præterea ista febris eandem omnino postulabat curationem, cui morbilli parebant. Quia vero non universum corpus occupabant, ut morbilli regulares solent; idcirco discrimen aliquod visum est, quo ab his illa sejungenda crederentur. Verum tam leve, exiguumque videtur hujusmodi discrimen præ reliquis, quæ recensui, signis morbillorum propriis, ut nullus dubitem, quin anomalorum, & malignorum varietas quædam vere exstiterit.

Febris morbillosa.

Non differt a morbillis nisi ad speciem.

(a) *Oper. sect. V. cap. 3. p. 267.*

§. CLVI.

*Rubeola
variolo-
des Sau-
vagesii.*

Minime vero ad morbillos pertinet *Rubeola variolodes* SAUVAGESII (a), cum non solum ipse ad credendum propendeat, hanc variolarum speciem, aut varietatem quamdam esse, verum etiam talem reapse habendam demonstret descriptio, quam scripto tradidit BUXERIUS (b), quamque SAUVAGESIUS idem allegat; ex ea enim continuo elucescit, hujusmodi morbum quam maxime a morbillorum natura abfuisse, proximius vero ad variolarum genus accessisse. Morbus item a DOUGLASSIO observatus, ac descriptus (c), quem SAUVAGESIUS nominavit *Rubeolam anginofam*, rectius mihi videtur angina maligna aphthosa, exanthemate miliari comitata, quam morbillorum species illa.

(a) *Nosolog. method. cl. 3. ord. I. Gen. IV. spec. 3.*

(b) *Journal de Médéc. T. IX. p. 81.*

(c) *Essays de médecine. d'Edimb. T. IV. p. 617.*

Morbillorum insitio.

§. CLVII.

*Rubeola
anginosa
ejusdem.*

Exemplo a variolis ductio insitio quoque morbillorum tentata est. Primum omnium, qui eam adhibuit, fuisse fertur FRANCISCUS HOMIUS Medicus Regius, & Collegii Medicorum Edimburgensis socius (a). Instituitur autem sine ulla corporis preparatione. Sanguine ex aliqua parte morbillis obsita per levem incisionem educto imbutur gossypium. Hoc vulnuscule, quod

utri-

utrique brachio ejus , cui inferendi morbilli sunt , inflictum sit , imponitur , & deligatur . Fortasse etiam , non incisa prius cute , gossypium sic infectum , nudis brachiis alligatum contagionem æque certo communicat . Alii sanguinis loco utuntur saliva , aut lacrymis , tempore criseos stillantibus , aut squamulis cutis defluentibus ab ægotantium corpore (*b*) ; nam omnibus hisce modis contagies communicari cum sanis dicitur . Sexto ab incisionis die sub vesperam plerumque febricula exoritur , mitissima tussicula sine insomnio , & inflammatoriis symptomatibus concomitante ; neque febris hectica , neque tussis , neque oculorum inflammatio subsequi consuevit (*c*) . Benignissimum ergo morbum , & levissimis symptomatibus conjunctum inde gigni contendunt . Nihilo tamen minus morbillorum insitio paucos admodum sectatores habuit , sic ut pene jam desueverit . Causam DUBOSQUIUS DE LA ROBERDIERE (*d*) putat , quod morbilli pluries in eodem homine reversi narrantur . Non tamen inutilem , nec spernendam eam existimat VOGELIUS (*e*) in epidemicis morbillorum pestilentium constitutionibus , in quibus ut vitæ periculum summum est , sic omni conatu & studio eniti expedit , ut mitior , benigniorque morbus reddatur ; id quod obtineri per insitionem posse , probabile omnino videtur .

(*a*) *Princip. Medic. lib. 2. sect. VIII.*

(*b*) ALEX. MONRO jun. *de Ven. lymphat. pag. 58.*
VOGEL. *De cogn. & curand. hum. corp. affect. §. 135.*

(*c*) HOM. *l. c.* (*d*) *Journal. de Medec. T. 47. p. 254.* (*e*) *L. c.*

C A P U T IX.

D E V A R I O L I S *.

§. CLVIII.

Quaestio de variolarum antiquitate. DISCEPTATUM acriter est superioribus praesertim temporibus, utrum Variolæ HIPPOCRATI, GALENO, aliisque antiquioribus medicis notæ fuerint, affirmantibus aliis, aliis negantibus, sic ut hodie non expediat in hujusmodi controversia (a) oleum & operam perdere. Verosimillimum vero plerisque videtur, variolas dilucide a quopiam descriptas non esse ante Arabes, quibus etsi eas anno Christi 572. aut saltem 625. innotuisse suspicari liceat (b), tamen communior sententia est, in Ægypto, atque interioribus Arabiæ locis primum exortas, a Sarcenis in Hispaniam, Europamque sub finem tantummodo sæculi XI. & principium XII. perlatas (c) fuisse. Ab hoc enim tempore adeo se diffudit ejusmodi lues, ut non modo pro morbo inevitabili, & cuilibet semel saltem in vita, nisi quis eo in utero matris affectus fuerit, subeundo habeatur, verum etiam qualis, quantusque sit, neminem nunc prorsus lateat.

Arabes medici de his primum loquuti.

Quando ad nos perlata.

Morbus omnibus ferme communis.

* *Synonyma.*

Variolæ Arabum MERCURIALIS, de morb. Pueror. cap. 2. BOERHAAVII, de cognoscend. & curand. morb. §. 1371. JUNCKERII, Tabul. 76. & omnium pene recentiorum. Febris variolosa HOFFMANNI, de Febr. sect. I. cap. VII. VOGELII, Gener. morb. gen. XXXV. Variola SAUVAGESII, Gen. morb. gen. 92.

LIN-

LINNAEI, Gen. 3. CULLENII, Gen. XXVI. *Petite Verole Gellis, Italis Vajuolo.*

(a) Vid. HAEN. *Variol. antiquit.* & WERLHOF. *Disquisit. medic. & philologic. de Variol. & anthrac.* & demum GRUNER. *Morb. antiquitat. cap. I. Variol. earumque insit.*

(b) MEAD. *de Variol. & Morbill. cap. I. de origin. variol.* HOME *Princ. Med. P. 4. sect. VII.*

(c) MEAD. *l. c.*

§. CLIX.

Variolarum autem morbus est exanthemati *Quid variola.*
 cus, febrilis, contagiosus, brevis, sive acutus,
 semper primarius, pustulas in cute extrema pro-
 ferens exiguas, rubras, plerumque phlegmonodes,
 varis similes, quæ primum in facie, & collo,
 itemque parte capitis capillata erumpunt,
 deinde ad pectus, humeros, manus, reliquum-
 que deinceps corpus se se disseminant, paullatim-
 que auctæ ad pisi fere minoris magnitudinem,
 quod frequentius accidit, intra paucos dies sup-
 purant, & brevi in crustas deciduas desinunt,
 vestigia rubra sensim delenda, & quandoque fo-
 veolas, aut cicatriculas post se relinquentes. *Fe-*
brilem eum voco, quod plerumque febrem co- *Febris*
 mitem habet. Dico *plerumque*, nam interdum *modo ab-*
 adeo mitis est, & benignus, ut nulla febris *est, modo*
 eum antecedit, aut comitetur, aut, si qua *adest.*
 cum eo conjungitur, vix sensibilis ipsa sit;
 neque continua ejus comes; sed modo ac-
 cedat, modo recedat (a) excepto graviori casu,
 & malignitatis non experte, in quo febris plus,
 minus acuta, atque assidua locum habet, & te-
 net. Quam ob rem veniam petimus, si mini-
 me iis assentimur, qui ad febres, & spe-

Non spectant ad febres. ciatim ad *Synochas contagiosas* id mali genus * referunt.

(a) SYDENH. *op. sect. 3. cap. 2.* HUXHAM. *Essays sur la petit. verol. p. 165.*

* MARCELLUS DONATUS variolas sine febre vidit; easdem quoque leves, & paucas sine febre observavit PHILIPPUS INGRASSIAS, teste CÆSARE MARESCOTTO, qui præterea refert, se duos pueros variolis sine febre laborantes curavisse. MARESCOT. *de Variol. p. 20.* Variolas, sive pustulas variolosas, quæ sine manifesta febre eruperint, maturuerint, & plane exsiccatae sint, vidit etiam Joh. FANTONUS, *Dissert. de antiq. & progress. febr. miliar. pag. 70.* Tales tam sporadicæ, quam epidemicas ostendit DERELINCURTIUS, & quædam similia exempla ex FORESTO, EPIPHAN. FERDINANDO, & JOH. RHODIO, aliisque deprompta adducit, *Diss. de variol. & morbil.* Id in benignissimo morbo tam spontaneo, quam insititio complures alii contingere tradunt. Obvium vulgatissimumque est pus variolosum contactu immitti in cutim eorum qui variolas jam passi sunt, indeque pustulas exoriri, quæ forma, durationis tempore, inflammationis, suppurationis, exsiccationisque modos veras omnino variolas referunt. Sed, quoniam interiora ab eo fortasse ob corporis ablatam dispositionem non afficiuntur, nulla eas febris comitatur, nec antecedit, nec subsequitur. Hoc sæpe experiuntur mulierculæ, quæ variolas habentibus famulantur, assident, aut eos brachiis nudis sustinent, aut faciem faciei aliquandiu applicant, in primis si delicatiore cuti præditæ sint. Frequentissimum vero hoc deprehenditur in inoculatis variolis. Pus enim insertum persæpe solam cutim afficit, in eaque pustulas excitat, quin ulla febris moveatur; ut omnes norunt, diceturque deinceps suo loco. Vid. HUXHAM *de la petite verole.*

§. CLX.

Contagiosum porro hujusmodi morbum (§. *Quot modis communicantur.* CLIX.) esse, posuimus; quia variolis sani inficiuntur accessu ad aegrotum, ejusdem tactu, contrectatione vestimentorum, linteorum, aliarumque rerum, quibus ille usus est, inspiratione aeris halitibus variolosis referti, eisdem cum saliva haustis, cute attractis, puris inoculatione, phlebotomo non satis deterso, quo sanguis variolis laboranti missus (a) fuerit, atque ad venam incidendam incaute adhibito. Non videntur igitur variolæ ab erroribus dieteticis, neque a temporum, aerisque mutationibus *, sed a peculiari quodam veneno, sive miasmate oriri, quod subtile admodum sit, volatile, inflammare, atque irritare aptum, quodque semel natum, aut evolutum diu persistat integris viribus, fortasse per aera volitans, aut corporibus adhærens, sicque sensim in sanos ingrediatur, atque eos (b) quasi clanculum inficiat. Id autem fieri probabile est, cum variolæ epidemice vagantur, & plurimos indiscriminatim corripunt, eosque etiam, qui nullam cum variolosis ægris consuetudinem habuerint.

Non generantur variolæ ab erroribus dieteticis; sed a veneno peculiari.

(a) HOM. *Princ. Med.* P. 4. *sect. VII.* STORCK. *Instruz. med. pract.* P. I. p. 255. MEZA *Comp. med. pract.* cap. XXI. § 211.

* Contrariam tuetur sententiam CÄSIMIRUS MEDICUS, qui Variolas pro morbo spontaneo habet, nec eas putat ab occulta causa profluere, quamvis contagione propagantur. Comparat ipse variolas cum scabie, quæ licet sponte ex humorum vitio orta, in sanos tamen contagione invehitur; vimque contagii va-

variolosi exiguam esse contendit, Epidemicas autem, ut reliquos morbos epidemicos temporum tribuit vicissitudinibus. Vid. *Comment. de reb. in scient. natur. & med. gest. supplement. 2. ad Decad. 2. p. 225.* Sed scabiei contagio solo contactu contrahitur, non ex aëris infecti uirtute, non raris apud ægrotantes, non sola propinquitate: quæ omnia contagii non levem differentiam, & variolosi vim non exiguam, sed prope pestilentem commonstrant. Nec facile concedam, epidemicos morbos omnes a solis temporum vicissitudinibus repetendos esse, cum horum non pauci sæpe sub contrariis, oppositisque tempestatum constitutionibus ingrant, invalescantque, & magnum discrimen intersit inter vere *epidemicos*, & *stationarios*, sive a temporum, aerisque perturbationibus profectos. CASIMIRI MEDICI modo laudati sententiæ favent viri clarissimi, qui veterem, obsoletamque opinionem restituere videntur, dum variolas a sanguine funiculi umbilicalis non satis expresso derivandas volunt. Quid de eorum tentaminibus ad præcavendas variolas feliciter, ut ajunt, institutis sentiendum sit, temporis esto judicium. Interim tamen petam ab ejusmodi prophylacticæ methodi fautoribus, cur, quoniam ejusmodi causa ita antiqua est, ac genus humanum, Europa, & America tot sæcula sine ea liberæ a variolis manserint? cur Sineses, a quibus inventa, & ad nos transmissa ista prophylactica methodus dicitur, non potuerint huc usque effugere variolosam contagem, a qua frequentissime, & gravissime plectuntur? cur nostris diebus, postquam ars obstetrica aucta, & prope perfecta est, universumque exculta, ut funiculus umbilicalis hodie a nemine vinciat, recidaturque, quin omnis ab eo sanguis expressus sit, adhuc tamen variolis, ut antea, subjiciamur? Quod postremum cum jam ante sexaginta annos, & amplius Bononiæ a peritioribus Obstetricibus fieri videret Cæsar Marefcotus publicus Medicinæ Lector, quin aut numerus variolis ægrotantium, aut variolarum perniciofa indoles quidquam minuerentur, in suo *Tractatu de Variolis* vanam, falsamque Sinesium, etsi plurimum jacturam, præ-

præservandi a variolis rationem reputavit, despexitque. Nuper, mense nimirum Decembri anni 1783. Jo. Baptista Frambaglia infantulæ cuidam vix editæ diligentissime expressit ab ejus funiculo umbilicali omnem sanguinem, sic ut inter vincituram, & umbilicum vacuus omnino esset. Vere infrequenti narratum est a Nutrice, infantulam variolis paucis, discretis, & febris expertibus feliciter perfunctam esse. Mense Julio variolæ grassari epidemice cœperunt, maxime malignæ. Augusto ad finem vergente Nutricis filiola quædam variolis correpta est discretis; quæ cum ad exsiccationem jam pervenissent, infantula lactens, de quam supra locuti sumus, incidit & ipsa in variolas minutas, crystallinas, corymbosas, quibus die 23. Septembris anni 1784. proxime elapsi rapta est. Doluit vir eruditissimus, hoc primum experimentum adeo infelix, inutileque fuisse, ut ne benignum quidem morbum reddisse, quem omnino evitasse speraverat.

(a) HOM. l. c. TISSOT. *Epist. var. argument. ad HALLER.* p. 6. LUDWIG. *Adversar. med. pract.* P. 3. Vol. I. p. 473.

§. CLXI.

Quamquam fatendum est, semina morbi (§. *An aere* CLX.) non soli aeri insidere, neque in eo va- *semper* *venenum* *insidet?*
gari semper, cum satis constat, ut supra ani-
madversum est, illa pannis, linteis, vestimen-
tis, aliisque rebus adhærere, & diu in ipsis in-
tegra exsolvantur, atque halitu, aut contactu
integra latitare posse, donec causa accesserit
corpora sanorum immissa contagionem pariant.
At interdum variolæ sporadice tantum, immo
singularem aliquem hominem inexpectatæ ado-
riuntur. An latuit jamdudum in corpore vene-
num istud, & tum solum intercedente aliqua

An in corpore latet data occasione extricandum?

caussa procatarctica erumpit , & manifestatur ; An vero tum etiam in aere , ut dictum est , jam existerat , nec communicari poterat , quod corpus ad illud suscipiendum minus paratum esset ? Certa quadam fortasse eget temporum , aerisque constitutione , ut se exserat , aut ut eam nocendi potestatem acquirat , qua uno potius tempore , quam alio emicet , & propagetur ; aut ut corpora nostra habitudinem , diathesimque sibi comparent , qua miasmatis vim , contagionisque perferant efficacitatem . Atque hinc plane intelligi potest , cur pro diversa hujusmodi temporum , corporumque constitutione modo universim , five epidemice , modo sparsim , five spo-

Miasma sine precedente dispositione non communicatur. radice variolæ proserpant . Miasma enimvero variolosum sine ejusmodi conditione variolas nequaquam ingenerat , ne inoculatum quidem , ut frustra tentatæ in quibusdam insitiones sæpe ostenderunt .

§. CLXII.

Prout vero ista corporis , humorumque diathesis (§. CLXI.) ad virus excipiendum , explicandumque necessaria citius , aut serius comparatur , in variolas etiam incurrimus modo infantes , aut pueri modo adolescentes , aut adulti . Immo nec foetus ipsi in utero materno abditi ab hac labe satis tuti existunt ; quandoquidem negari haud potest , eos in lucem editos plures variolas in cute extantes , aut earum vestigia satis conspicua habuisse , tum etiam , cum matres , quod sane rarius est , dum utero gestarent , variolis non * laboraverint . Videtur igitur miasma in eos , dum in utero degerent ,

Cur alii citius , alii serius inficiantur.

Fetus etiam variolis corripuntur.

illæsa quandoque matre , aut una infecta , ir-
 ruisse : qua re edocemur , prægnantes recte ;
 prudenterque ab hoc morbo affectis arcendas ef-
 se , ne ipsæ , aut foetus , quos gerunt , con-
 tagione occupentur. Neque ætate quis adultiore ^{Neque se-}
 ita confidat , (nisi in utero matris forte va- ^{nes ab his}
 riolas passus sit) ut sibi persuasum habeat ; non ^{immunes}
 amplius , quod antehac contagem effugerit , va-
 riolis obnoxium fore ; nam non solum proVecti ,
 senesque , verum decrepiti etiam , & prope an-
 nis confecti ex hac pestilentia non nunquam pe-
 rierunt .

(*) LUDWIGIUS *Adversar. med. pract.* P. 3.
Vol. I. p. 496. ubi inquit : Matre e variolis evaden-
 te , post mensem foetus abortu dejectur , qui vestigia
 variolarum depressarum in corpusculo ostendebat .
 FOUQUETUS quoque (*De la petit. verol. T. I. p.*
299.) narrat , mulierem gravidam variolis correptam ,
 & demum pristinae valetudini restitutam peperisse in-
 fantem , in cujus cute manifesta variolarum vestigia
 cernebantur . GUILLELMUS WIRGTUS (*Philosophi-*
cal Transact. Vol. I. pro anno 1767. Part. 2. n. 2.)
 vidit infantem die decima quarta , ex quo mater va-
 riolis discretis laboraverat , natum , qui a capite ad
 pedes variolis discretis , & bene amplis , quales octa-
 vo ; aut nono die esse solent in benigno genere , con-
 tegebatur . Mater erat æthiops , & Jamaicæ incola ,
 Infans verotriduo post obiit . In commentariis socie-
 tatis Scientiarum Harlamensis T. XII. legitur obser-
 vatio *de Variolis ante partum* , quam cum socie-
 tate communicavit JOSUA VAN IPEREN . Sic eam refe-
 runt auctores Commentarior. Lipsiens. *de reb. in*
Scient. natur. & medic. gest. Vol. XVIII. p. 596.
 „ Uxor Cl. Auctoris gravida duos liberos variolis af-
 „ fectos absque omni incommodo curans , infantem
 „ sanum quidem , in quo tamen vestigia variolarum
 „ conspiciuntur , peperit , paullo ante partum , ubi
 „ fe-

„fetus absque dubio, laboravit variolis, anxia fuit“. PETRUS OUTESCHIUS, (*Giornal de Medici* T. 2. p. 55.) non modo ex *Diario Medico Bullion. ann. 1763.* historiam infantis nati cum variolis in facie, collo, atque humeris exstantibus depromptam recenset, verum etiam narrat, suum fratrem Joannem Baptistam in lucem editum, in cujus corpore multæ variolæ distinctæ, pleræque vero pure jam plenæ, nisi magnitudinem æquantes conspiciebantur. Mater ejus ultimo graviditatis tempore cum alio filio variolis laborante cubuerat. ROSENIUS (*Malad. des enfans. chap. XII. p. 183*) memorat alium infantem qui natus est cum cicatricibus, & crustis variolosis. Ejus mater sub finem graviditatis filiolo natu majori, qui variolis laborabat, assidue adstitit. Sexennio post reliqui ejus filii in variolas inciderunt; at natu minimus, qui morbum in utero passus fuerat, immunis ab eis omnino mansit. Ad hunc locum FEBURIUS subjicit, se vidisse natum pariter infantem, cujus corpus conspersum erat pustulis variolosis, quæ adamussim sua stadia percurrerunt. Mater autem jamdiu variolas experta fuerat. MURRAYUS (*Hist. insit. variolar. P. I.*) mentionem & ipse facit infantis cum variolis nati, cujus mater in fine graviditatis cum alio filio ex variolis ægrotante versata erat. Infantem mortuum veris variolis obfessum a Matre nondum hunc morbum perpeffa vidit FRID. CHRISTIANUS Holler (*Observ. med. Chirurg. Obs. IX.*) Similem casum refert etiam MEADIUS, *de variol. c. IV.* Ex his ergo evincitur, non negandum esse, foetus variolis quandoque corripi, etsi in liquore quodam versentur, a quo eos præservari COTUNNIUS opinatus est, nec semper variolas contrahant, matre iis correpta. Cl. GERMANUS AZZOGUIDIUS (*Lettera sopra il Vajuolo pag. VI*) quædam habet ad hoc argumentum ita accommodata, ut hic transcribenda duxerim latine reddita: „Do-
 „ctus quidam medicus Neapolitanus aggressus est ad
 „pollicendum mulieribus gravidis, eorum foetus va-
 „riolis subiici non posse. At quædam observationes
 „hominum medicinæ scientia excellentium, atque
 „lon-

„ longo anatomes, usu præstantium, MEADII vide-
 „ licet, HILDANI, RUYSCHII, aliorumque com-
 „ plurium, quas ipse examine fortasse minus diligen-
 „ ti rejecit, suspectam ejus opinionem reddunt; quæ
 „ oppugnari etiam valide potest, non solum ex eo,
 „ quod strenuo viro FERDINANDO MARCHESINIO
 „ nostro contigit videre, verum etiam ex observa-
 „ tione quadam Monspelli anno, ni fallor, 1773.
 „ evulgata, ubi nata est infans, quæ in ipso nascen-
 „ di momento apparuit conspersa variolis perfectam
 „ suppurationem adeptis, quin parens toto graviditatis
 „ curriculo obnoxia iis fuerit.

§. CLXIII.

A vero etiam aberrant qui existimant, in no- *Varicella*
 bis, postquam semel variolis genuinis perfuncti *secundo,*
 fuerimus, destitui habilitatem, sive diathesim cor- *& tertio*
 poris, qua uti dictum est (§. CLXI.) ad eas *redeunt.*
 recipiendas idonei, aptique reddimur. Nam cer-
 tissimis ex factis, observationibusque medicorum
 probatæ fidei, & summæ auctoritatis cognitum
 est, non paucos, qui iam spontaneas, & natu-
 rales, aut insititias, artificialesque, & quidem
 veras, & legitimas pertulissent, secundo; & ter-
 tio in easdem incidisse. Atque hinc planum,
 perspicuumque fit, diathesim illam non semper
 omnino post toleratas semel variolas in nobis
 aboleri, aut certe iterum suscitari quandoque
 posse. Et primum, ne qua de rei veritate dubi-
 tatio cuiquam supersit, scire licet. DIEMERBROE-
 CKIUM complures variolis copiosissimis affectos
 deprehendisse, qui bis, terque intra semestrem spa-
 tium in easdem reciderint (a). At, ne forte cre-
 das in his morbum repullulasse potius, quam ex
 integro rediisse, animum advertas velim ad ea,
 quæ

quæ suppetunt ex aliorum observationibus, nullum dubitandi locum relinquentibus. CÆSAR MARESCOTTUS de duobus pueris, quorum alter bis, ter alter variolis laborarunt, mentionem (b) facit: Variolas autem in eodem ægro secunda, & tertia vice non nunquam reverti cum ex sua, tum ex aliorum experientia confirmat GUALTERUS VON DOEVEREN. Ipse præsertim exemplum adducit propriæ suæ uxoris, in qua bis, tempore novem annorum interjecto, morbus erupit, & testes appellat CAMPERUM, GUMMERUM, BRILLUM, & SWYGHUSIENIUM medicos oculatissimos. Puerum quoque, qui anno 1754. veris variolis correptus ab EDINGIO curatus fuerat, in eisdem anno 1759. relapsum (c) commemorat. Denum profert aliud exemplum ex communicatione SWYGHUSIENII alias mordicus variolarum reversionem negare soliti, quod ita invicte eum ab errore, in quo versabatur, revocavit, ut postea non amplius de variolis iterum redeuntibus dubitaret. Simile fatum subierunt puer quatuor post hebdomadis, quam prima vice variolis laboraverat; & binæ puellæ, quæ anno 1744. eas perpeffæ erant, in eisdem anno 1760., ut refert SERVANS VAN DE COPELLO (d), reciderunt. Meminit etiam J. FR. DRYGHOUTIUS (e) de muliere, quæ anno 1755. inoculatione variolas contraxit, iterum anno 1764: hac lue correpta. Reditum item variolarum a se visum exponit in *Collectaneis Soc: med. Haunienf.* (f) V. B. AASKOWIUS, qui alioquin de aliorum observatis valde dubitaverat. Mulierem quoque variolis iterum affectam vidit THEOPHILUS MEZA (g) cum BUCKWALDO, qui eam antea ab eodem morbo liberaverat. Denum testatur ROSENIUS ex historia a
duo-

duobus illustribus medicis subscripta sibi constare, quemdam variolis spontaneis prehensum, qui eas sibi inoculatas jam (b) persolverat.

(a) *De Variol. & morbill. labor. Histor. Hist. 1: p. 346. & Hist. 8.*

(b) *De variol. p. 128.*

(c) *De Variol. veris eumd. ægrum adgressis. Vid. T. XII. Comm. Soc. scient. Harlem. ad ann. 1770, itemque Comm. Lips. Vol. XVIII. P. 4. p. 586.*

(d) *Comm. Societ. scient. Harlem. T. VIII. P. 2. p. 209. ad 216.*

(e) *Ibid. p. 260.*

(f) *Vol. 2. p. 91.*

(g) *Compend. med. pract. Fasc. I. Cap. XXI. §. 210.*

(h) *Malad. des Enfans p. 250.*

§. CLXIV.

Seq̃ intermissis, brevitatis causa, reliquis exterorum testimoniis bene multis, pauca quædam tantummodo nostratium adhuc perstringam, ne nimium aliena, & peregrina conquirendo domesticorum prope, atque inquilinorum videar oblitus. Non rarum sane est, ut ex SARCONIO (a), & MOSCA (b) viris integerrimis accepimus, in civitate Neapolitana eundem hominem variolis, & quidem confluentibus secundo, & tertio conflictatum videre. Apud Florentinos eadem prorsus observatio obtinet; nam Jo: ALOYSIUS TARGIONIUS (c) fœminam his variolis naturalibus comprehensam anno 1775. ostendit, & anno insequenti aliam historiam variolarum secundo reversarum evulgavit. Tres sorores eodem tempore variolis laborantes curandas suscepit DOMINICUS JUVANELLIUS, quæ alia vice (d) ex eisdem pro-

Alia variolarum reversarum exempla.

veris & genuinis a Medico, qui tum illis opem tulerat, recognitis ægrotaverant. Duas parites historias omnibus numeris absolutas anno 1777. protulit HERCULES LILIUS, quibus morbi hujusce (e) reversionem comprobaret. Cum his prope consentientem video GERMANUM AZZOGUIDIUM apud Bononienses publicum Medicinæ professorem ingenii laude, & doctrina præstantissimum, qui (f) non contentus duos ægros bis varioloso contagio perculsos memorasse, ad vetulam illam se convertit, quæ, ut narrat PETRUS BONELLUS (g), annos octodecim supra centum nata ex variolis octavo redeuntibus obiit; nec prætermittit de mum coronidis loco LUDOVICUM XV., cui anno ætatis decimo quarto primum, deinde sexagesimo quarto hæc calamitas obtigit. Possem MICHAELIS GIRARDI apud Patavinos tunc degentis observationibus editis (h) rem confirmare, aliisque etiam testimoniis, nisi me contineret exorta paullo post de illis non parva (i) altercatio.

(a) *Istor. de' mali osservati in Napoli p. I. p. 58.*

(b) *Dissert. 2. sull' aria p. 106.*

(c) *Avvis. sopra la salut. uman. ann. 1675. N. 17.*

(d) *Avv. sopra la salut. uman. ann. 1776. N. 9. p. 71. N. 10. p. 79.*

(e) *Avv. sud. an. 1777. p. 167. & 1778. N. 36. p. 281.*

(f) *Lettera sopra il Vajuolo ec. p. VII.*

(g) *Cent. 3. observ. 10.*

(h) *Ritorno del Vajuolo ec. 1776.*

(i) *Giornale di Medic. di P. Orteschi T. IV.*

§. CLXV.

Variolarum differentia unde?

Certum præterea est, constantique experientia confirmatum, in una, eademque epidemica consitu-

stitutione, immo in eadem familia, & domo
 uti alios quoscunque morbos, sic quoque vario-
 las multiplici ratione, symptomatumque gravitate
 variari. Multæ enim sunt, ut postea clarius ap-
 parebit, earum differentia, & varietates aut a
 pustularum numero, forma, colore, aut ordine,
 modoque procedendi, aut periculi magnitudine,
 malignaque natura ductæ. Hoc etiam patet in
 variolis inoculatione progenitis, quæ, etsi una,
 eademque variolosa materies ad insitionem adhi-
 bita fuerit, non parum quandoque inter se dif-
 ferre visæ sunt. Immo ex *confluentium*, quas
 vocant, pure *discretas* & *benignas*; ex discreta-
 rum, benignarumque contage *confluentes*, *mali-
 gnasque* non raro procreatas novimus, norunt
 ingenui, atque a partium studio alieni Clinici,
 inoculatoresque. Hinc necessario consequitur,
 venenum variolosum unum natura esse, & si
 quid interdum differat, omnes ejus discrimen in
 majore, vel minore virulentia gradu consistere;
 quamquam usu didicerim, ejus effecta pro quan-
 titatis etiam ratione, aut viarum, quibus recipi-
 tur, diversitate non parum intendi, & variari;
 differentias vero variolarum potissimum ex tem-
 peramento ægrotantis, habitu, ætate, humorum
 indole, victus ratione, vitæ genere, hæreditaria
 labe, anni tempore, epidemica constitutione do-
 minante, aut morborum complicatione manare.
 Quamquam CL. GATTI aliter, quod ad tempera-
 menta, & habitum corporis attinet, sentire vi-
 detur, ubi scripsit, *hunc morbum levem, aut ve-
 hementem, periculosum, aut benignum tam in
 robustis, quam in debilibus, in macilentis, quam
 pinguibus, in temperamentis calidis, quam frigi-
 dis, in cholericis, quam phlegmaticis, in habitu*

humido, quam sicco indiscriminatim observari (a).
 Rationi etiam consonum est, constitutiones variolarum epidemicas, modo benignas, modo malignas magna ex parte deberi præcedentium tempestatum, aerisque ingenio; peculiari solidarum, fluidarumque partium statui; morbis stationariis, & quandoque annonæ caritati, & calefacientium abufui, aut etiam ineptæ medelæ, & regiminis (b) adhibitioni.

(a) *Nouvell. reflexions p. 25.*

(b) *STORCK Instruz. Pratic. P. I. pag. 255. CASIM. MEDIC. Comm. Lips. citat. Suppl. 2. Decad. 2. pag. 225. SYDENHAM. l. c.*

§. CLXVI.

*Differen-
tia Va-
riolarum.* E multis verò, variisque variolarum differen-
*sporadi-
ca, & e-
pidemi-
ca.* tiis, quas Scriptores statuerunt, præcipuæ nunc
 a nobis enumerandæ sunt, eoque ordine, qui
 opportunior videbitur, disponendæ. De illa in
*Spontanea
& insiti-
tia.* *Vera, &
Spuria.* *sporadicæ, atque epidemicæ* distinctione, utpote
 cum aliis quibusque morbis acutis communi, &
 jam supra (§. CLXI.) indicata, nihil attinet di-
 cere. Ad proprias earum, atque ex ipsa morbi
 origine, aut natura petitas præstabit descendere.
 Itaque cum variolæ vel sponte, sive naturaliter
 oriantur, vel arte, sive insitione procreentur,
 recte primum in *spontaneas*, sive *naturales*, &
 in *artificiales*, sive *insititias* tribuuntur. De pri-
 mis nunc potissimum agimus, de alteris postea
 seorsum pauca dicentur. Utræque tamen conside-
 randæ veniunt vel ut *veræ, genuinæ, & legitime,*
 vel

vel ut *spuriae*, *nothæ*, sive *illegitimæ*. Veras igitur oportet prius describere, quam de spuris verba fiant, ut discrimen, quo secernuntur, clarius, commodiusque pateat. *Vere* autem, sive *spontaneæ* sint, sive *insititæ*, rursus ex pustularum modo, sejunctione, cohærentia, communicatione, & majore, vel minore ad suppurandum propensione dividuntur aptissime in *discretas*, *cohærentes*, & *confluentes*. Illæ dicuntur *discretæ*, sive *distinctæ*, quæ, sive paucæ, sive multæ, ita inter se dissident, ut spatium in cute vacuum & liberum inter singulas remaneat; sejunctionæque sic eleventur in exiguos tumores, ut supra cutim emineant, ac protuberent. Proximæ discretis sunt *cohærentes*, variolæ scilicet formæ discretarum simillimæ, sed ita attigux & quasi racematim hic illic congestæ, ut multæ cohæreant mutuo, & quosdam fere corymbos imitentur. Ubi vero pustulæ hujusmodi discretis planiores, minoresque prodeunt, earumque complures in unum coalescunt, & quasdam majores quasi veficas forma, & figura varias, & parum exstantes, in primis faciem occupantes exhibent, *confluentium* nomen acquirunt. Medio se habent loco inter *discretas* & *confluentes*, ut patet, *cohærentes*, vel ad summum varietatem quamdam *confluentium* efficiunt, quæ communior est clinicorum opinio. Omnes tamen hæ differentiæ, *discretæ* in primis, & *confluentes* etsi *essentia*, sive natura omnino non discrepent, habent tamen quædam insigniora symptomata, per quæ facile (a) distinguantur & discriminantur. *Discretæ* autem, *cohærentes*, & *confluentes* generatim cognoscuntur ex pustularum præcipue, quæ in facie se monstrant, numero, multitudine, fre-

Vera dividuntur in discretas, cohærentes, & confluentes.

Discretæ quam?

Cohærentes.

Confluentes.

quentia, distinctione, contiguitate, confluentia; atque hinc morbi majus, aut minus periculum (b) desumitur.

(a) SYDENH. *Oper. Sect. 3. cap. 2.*

(b) HAEN. *febr. divis. p. 93.*

§. CLXVII.

*Quatuor
variolarum
stadium
dia.*

Ante vero e re fore existimo illud, quod alibi (§. XI.) traditum est, in mentem revocare, videlicet quatuor distincta tempora generatim in variolarum morbo constitui. *Primum a* SYDENHAMIO nuncupatur *separationis* (a), ab aliis simpliciter *apparatus exanthematum* (b), aut *status Contagii* (c), aut *ebullitionis*, aut *effervescentie* (d) aut *germinationis* (d*). Id comprehenditur toto illo tempore, quod antecedit eruptionem, initio facto a prima febris accessione. Interdum tamen incertum hoc stadium est, & sæpe deficit, quod sine ulla notabili febre, aut alio incommodo contagii tempus transigitur, & morbus mox ab ipsa variolarum eruptione (e) exorditur. *Alterum* communiter dicitur *stadium eruptionis*, itemque *inflammationis* (f), idque modo altero morbi die, modo triduo exacto, modo serius, primis se pustulis prodit. HAENIUS vidit puellam inter variolas laborantes diu, noctuque versatam, quæ febre, symptomatisque *Contagii* quatuordecim dies conflictata ante fuit, quam pustularum eruptio (g) se manifestaret. Quamquam igitur generatim certum tempus, quo eruptio expectanda sit, definiri nequeat, illud tamen perpetuum est, secundum stadium tum incipere, cum variolæ in facie, & reliquo corpore pri-

primum erumpunt. *Tertium* autem est, quando pustulæ inflammantur, crescunt, quæ de causa nomen obtinet *suppurationis* (h), vel *maturationis* (i). Absoluta demum suppuratione, sive pure confecto, si tamen variolæ ejus sint generis, in quo suppuratio locum habeat, exsiccantur, in crustas abeunt; & sensim decidunt, & tum *quartum* stadium, cui *exsiccationis*, aut *declinationis* (l), aut *prolapsus* (m) nomen est; morbi finem facit.

(a) L. c. (b) MORTON. *exercit.* 3. cap. 6.

(c) HAEN. *rat. contin.* T. I. cap. V. §. III. & VI. SCHACHT. *Inst. med. pract.* cap. XIII. p. 51.

(d) MEZA *comp. med. Fasc.* I. cap. XXI. §. CCVII.

(d*) SIDOBRE *de Varior*,

(e) HAEN. *l. c.*

(f) SCHACHT. *l. c.* (g) L. c. §. VII. n. 3.

(h) SCHACHT. *l. c.*

(i) MORTON. *l. c.*

(l) *Id. ibid.* (m) SCHACHT. *l. c.*

§. CXLVIII.

Discretæ, sive *distinctæ* (§. CLXVII.) Variolæ a plerisque reputantur *benignæ*, & *regulares*; contra confluentes *malignæ*, atque *anomalæ*, Regulares autem vocant eas, quæ consuetum, mitioremque ordinem servant; anomalas quæ ab eo tam febre, eruptione, & natura pustularum, quam colore, crustis ipsis, majoreque symptomatum malignitate recedunt; & stadiorum tempora multimodis, atque inordinate (a) permutant. Primi generis variolas observavit Londini anni 1667. 68. & 69. SYDENHAMIVS (b), secundi anni 1670. 71. 72. & diligentissime ad

Discretæ
&
Confluentes
vel
benignæ,
vel
malignæ.

naturæ exemplar eas (c) expressit. Verum sedula, attentaque Clinicorum indagine compertum est, discretas interdum perniciosiores ipsis confluentibus (d); malignioresque existere; neque anomalis ita confluentium proprias esse, ut in discretas aliquando non cadant, aut ab ipsis confluentibus abesse non possint; quod ubi incidit, *benignæ* quodammodo, & *regulares* apparent. Itaque melius utrequæ subdividi possunt in *benignas*, sive ut appellat MEADIVS (e), *simplices*, & in *malignas*. Illæ, eodem MEADIO docente, cum febre simplici, & cito desinente prorumpunt, facile maturescunt, in pus sincerum post paucos dies vertuntur, & in crustas tandem decidunt. Hæ cum febre maligna * se ostendunt, agre ad maturitatem perveniunt, & prorsus non suppurant, aut si aliquatenus id eveniat, calore febrili nunquam se remittente, non sine magna molestia in crustulas abeunt **.

(a) HAEN. *Divis. febr.* p. 91. 99.

(b) *Oper. sect. 3. cap. I.* (c) *Sect. 5. cap. 4.* & *Dissert. Epist. ad Gull. COLE.*

(d) MEAD. *de Variol. cap. 2.* HAEN. *l. c.*

(e) MEAD. *ibid.* HAEN. *l. c. p. 100.*

* Animadvertendum est, MEADIUM hic febrem ut a variolis distinctam sumere, atque ab ejus malignitate malignitatem variolarum deducere; dum contra res se habere videatur; nam probabilius existimamus a variolarum malignitate febrem ipsam effici, & produci.

** Malignas variolas in universum describens TISSOTIUS, sit satis, inquit, summam debilitatem, pulsum minimum, febrem indefinentem, & anormale exacerbantem, leve, sed continuum delirium, pustulas minimes, aquosas, ichorosas, nigras, maculas cutaneas, hæmorrhagias ubique pororum, & co-

*torum, anxietatem continuam, fastidium, apathiam
malignitatis in variolis esse criteria non æquivoca;*
Epist. var. argument. p. 53. Edit. Ven.

VARIOLÆ DISCRETÆ BENIGNÆ.

§. CLXIX.

Sed non melius benigna, aut maligna vario-
larum natura innotescet, quam si singulas earum
differentias, quas paullo ante indicavi, descri-
bens, sic cujusque notas; & proprietates expo-
suero, ut benignæ a malignis facile, & distincte
internoscantur. Itaque a *variolis discretis beni-*
gnis exordiar. Hæ interdum ita mites; & faci- *Primum
stadium.*
les sunt, ut sine ulla febre tam ante, quam post
eruptionem, aut certe cum perexigua, & vix sen-
sibili, & nullo prope symptomate efflorescant, &
progrediantur (a); idque speciatim evenire in *la-*
xiori sanguinis diathesi animadvertit, in qua sæ-
pe tota *separationis* periodus sine aliqua insigni
ægritudine, ut ipse ait, sensum, & gradatim
transigitur (b). Frequentius tamen præcedit per
aliquot dies incerta, & labens (c) valetudo;
deinde morbi initium facit febris, modo major,
modo minor, prout ad eam ætas, temperamen-
tum, sanguinis diathesis, habitus corporis vires,
aliæque res circumstantes magis, vel minus pro-
pendent. Ægri primum rigent, atque horrent,
tum vehementer incalescunt, & sitiont, anxii,
atque irrequieti fiunt; capite, dorso, atque etiam
interdum artubus, sed non fixo, nec stabili cru-
ciatu, dolent, nauseant, vomituriunt, vomunt,
& doloris sensum in epigastrio, & sub cartilagi-
ne ensiformi, si manu locus prematur, perci-
piunt

piunt. Ad hæc accedunt stupor quidam, aut somnolentia, ingens ad sudores in adultis propensio, in infantibus vero, & pueris ad epilepticos insultus, aut convulsiones. Si convulsionibus, aut eclampsia infantes, aut pueri corripiantur, jam dentitione perfuncti, pro certo habeto, SYDENHAMIO asseverante (d), variolas prope instare, & plerumque intra paucas horas erupturas esse, nempe aurora subsequente, si pridie ad vesperam, ut solent, motus convulsivi extiterint; talesque variolas benignas, & magnitudine conspicuas, discretasque ut plurimum esse, rarissime confluentes. Verum fallax ab aliis (e) ejusmodi præsagium habetur, præsertim in quibusdam epidemicis constitutionibus, & tum præcipue, cum epileptici motus diutius protrahantur, nec cito cessent; nam sæpe, antequam variolæ erumpant, vitæ filum recidunt. Quæ vero soporosos affectus consequuntur variolæ, plerumque confluentes esse consueverunt.

(a) HUXHAM. *Essays sur la petite Verole* p. 163.

(b) SYDENH. *sect. 3. cap. 2.*

(c) TISSOT. *Epist. var. argum. ad Haller.* p. 6.

(d) SYDENH. *l. c.*

(e) HAEN. *Divis. febr.* p. 98.

§, CLXX.

*Febris
typus
qualis.*

Quod vero ad febrem attinet, hæc a primo ejus ingressu continuæ remittentis typum servat, & statas quasdam accessiones, & remissiones habet; plerumque matutinis horis re se remittit, pomeridianis vero, & vespertinis cum omni-

omnibus symptomatibus exacerbatur, & recrudescit, donec paullo ante eruptionem, aut quod frequentius est, eruptione inchoata non amplius excandescat. Non nunquam hæ accessiones, remissionesque aut desunt, aut non ita manifestæ sunt; sed nam æqualis quidam pulsus validi & magni tenor adest, calor item æqualiter viget, urina rubet, & contentis saturatur, quæ omnia naturæ prævalentis indicia sunt. Præterea a quibusdam alia quædam symptomata huic stadio tribuuntur, uti vigilæ, delirium, oculorum splendor, lacrimatio, tussis, sanguinisque (a) e naribus stillicidium. Addunt alii coma, subsultus tendinum, jactationes, ægritudine (b) immo sternutamenta quandoque, Symptomata quædam, non constantia. menstruorum fluxum, sanguinis acrem tenuitatem, dissolutionem, alvi in adultis adstrictionem, in pueris diarrhœam*, & non nunquam, etsi rarissime, dolores colicos, nephriticos, aut pleuriticos (c). Verum hæc graviori ut plurimum in morbo contingunt, & tum maxime cum variolæ ancipitis & dubiæ indolis sunt, aut aliquid malignitatis recondunt, ut recte docet (d) MORTONUS.

(a) PONTICELL. *Infortun. del Vajuolo cap. 2.*

(b) MORTON. *l. cit. exercit. 2. De appar. variol. cap. VII.*

* In quadam constit. epid. variolas observavit CAROLUS RIGHA; quæ cum alvi fluxu incipiebant, & eundem ad finem usque comitem habebant, bono cum eventu, siue id a saburra primarum viarum complicata eveniret, siue a materiæ variolosæ portione, quæ hac via excerneretur. *Constit. epid. Taurin. an. 1720. §. XV.* VOGELIUS etiam diarrhœam salutarem ab initio ad undecimum usque diem vidit, le-

thalem, vero eam, quæ supervenerit. Vid. Comment. *Lipsj. Vol. 7. P. I. p. 125.*

(c) SCHACHT. *Instit. med. pract. cap. XIII. §. IV.*

(d) *L. c. exerc. 3. cap. VII*

§. CLXXI.

*Secundum
stadium*

Sæpe die tertio ad finem properante, sæpissime quarto ineunte, non nunquam paullo ferius, ante vero hosce terminos rarissime, incipiunt sparsim *Variolæ* discretæ, primum in facie, collo, genis, fronte, labiis, pectore, brachiis sub specie punctulorum, acicularum puncturas magnitudine plerumque æquantium, & rubentium, quæ mox in pustulas exiguas, sed sejunctas, & distinctas exsurgunt, epidermidem ipsam elevantes speciatim sub finem diei quarti, & multo magis die quinto. A facie deinde ad ventrem, dorsum, humeros, manus, inferioresque artus successive se produnt, sed placide, & tranquille. Rotundam figuram assumunt, & retinent; tactui tuberculum exhibent duriusculum, renitentem, & saturatius rubentem. Ut plurimum intra unum diem naturalem toto fere corpore se proferunt. Raro accidit, ut reliquis insequentibus diebus numero augeantur. Altero ab incepta eruptione die suas bases ampliant, & dilatant; tertio, ultra quem raro excurrit eruptionis stadium, in summis apicibus acuminatur (a). Hoc eodem tempore etiam fauces leviter dolent, atque inflammantur, pustulis ibi quoque innascentibus. Earum vero dolor increscit, prout variolæ ipsæ adolescunt. Adolescunt autem, ut dixi, paulatim, & dum pleræque mole augentur, atque attolluntur, minores quedam aliæ, quæ mox

ab initio eruperant, sensim deliteſcunt, delenturque, materia veluti ad alendas, implendasque majores puſtulas emigrante, nec amplius redeunt, eodem ſaltem in loco (b). Ac dum variolæ in majus faſtigium aſſurgunt, & baſim dilatant, circumpoſita cutis intenditur, & rubore aliquo ſuffunditur. In apicibus ſæpe veſiculæ quædam cernuntur liquorem tenuem; & pellucidum continentes, qui paulatim flavere deinde ſolet, ut ſuo tempore in verum pus convertatur.

(a) MORTON. *l. c. eruptio Variol. cap. VIII.*

(b) HAEN. *l. c.*

§. CLXXII.

Inter notas verò benignitatis in hujusmodi variolis (§. 170. 171.) illa præcipua, & veluti propria eſt, quod eodem eruptionis die, tertio nempe, aut quarto a morbi exordio, febris quaſi repente cum omnibus ſymptomatibus ceſſat, vel certe ita deferveſcit, ut vix amplius quinto, & ſexto die advertatur. Nec mirum eſt, materie varioloſa ad cutim critice, & integre propulſa, interiora ab ejus irritatione liberari, & febrim, & reliqua ſymptomata penitus evaneſcere. Hinc ægrotantes a febre, doloribus, ægitudine, vigiliis, delirio, aliisque ſymptomatibus, quæ forte febrim comitabantur, liberi non modo ſibi bene habere videntur, verum etiam appetitum, & vires adepti, hilares, & læti jocantur; niſi quod adulti ſudoribus diſfluere pergunt, etiamſi levibus tegumentis utantur, atque eos evitare

Præcipuum benignitatis ſignum febris ceſſatio.

studeant. Sudores autem isti non penitus desistunt, nisi suppurantibus, & maturescenibus pustulis. Tunc solum sua sponte (a) sistuntur, expirationis, sudorisque viis, meatibusque ab inflammatione, & tumore cutis fortasse compressis, atque occlusis.

(a) SYDEN. *l.c.* HAEN. *l.c.*

§. CLXXIII.

*Tertium
stadium.*

Circa finem sextæ, aut initium septimæ diei, computatione ab ingressu morbi facta, id est, tertia, aut quarta inceptæ pustularum eruptionis 3 die, pulsus validius, citatiusque, in primis vespere, micant, & cutis calor intensior evadit, sic ut febrim, quæ prorsus decesserat, redire, aut si tantum conquieverat recrudescente diceret. Immo quandoque tanta est commotionis vis, ut ægri nocte post brevem somnum evigilent, obloquantur, & huc illud se revolvant. Sed hæc febrilis exacerbatio ab incipiente variolarum suppuratione proficiscitur, & hac absoluta, protinus cessat. Nam tunc pustulæ inflammantur, incrementumque capiunt, intervalla earum manifestius rubere, & tumere incipiunt, non sine tensionis, & lancinantis doloris molestia. Hinc animi ægritudo, corporis jactatio, & caloris interni, externique perceptio consequuntur. Variolæ autem exactissime rotundæ, & distinctæ, nullisque aliis maculis, aut exanthematibus stipatæ primo suppurationis, sive nsaturationis die marginem rubrum exhibent, turgent, atque in summo fastigio albicant tenui humore refertæ; secundo circa basim latiores fiunt, in summitate accumi-

nan-

nantur, & minus pellucet; tertio demum, scilicet ultimo fere hujus stadii die, humore in pus converso flavescent, mox in crustam abituræ; cessante interim ægritudine, & quocunque alio suppurationis molesto symptomate (a).

* In benignissimis discretis Variolis singula stadia breviora esse consueverunt; nec plerumque unumquodque eorum tres dies excedit, sicut nemo jam morbi die exarescere pustulæ incipiant, & decident, in facie potissimum.

(a) MORT. exerc. 3. cap. IX. p. 106.

§. CLXXIV.

Cum autem prima suppurationis indicia pustulas faciei occupent, extemplo, ea incipiente, facies tota enormiter intumescit; sensimque, progrediente hocce stadio, palpebræ etiam turgent, inflanturque, ut simul ad se adductæ oculos omnino occludant, quasi vesicam inflatam, & translucidam super eos extensam repræsentantes. Interdum accidit, ut oculi jam ante claudantur, cum videlicet confertæ, multæque pustulæ in illas, aut etiam in oculos ipsos primo jam eruptionis tempore impetum fecerint. Proxime a facie intumescunt manus, & digiti ipsi ob pustulas inflammatas tenduntur. Atque hæc ita eveniunt, quando variolæ multæ sunt; nam ubi paucae fuerint, nec febrim, nec ullam ferme molestiam afferunt, nec oculos tumore faciei, & palpebrarum occludunt. At ubi copiosissime eruperint, tunc pustulæ non valde prominere solent, sed paullo planiores, atque in centro aliquantulum de-

depressæ conspiciuntur . Alioquin aequaliter in quamcumque partem turgescunt (a), & ad perfectam magnitudinem erectæ pisum quandoque grandiusculum adæquant . Liquor eas demum replet flavus , vere purulentus , rubro circulo earum basin ambiente , quod optimum suppurationis indicium est , & molesto sæpe pruritu committante , qui in causa est , ut sacculis mollissimis , & laxioribus puerorum manus induendæ sint , ne unguibus pustulas , & cutim ipsam sibi dilanient .

(a) HAEN. l. c. p. 94.

§. CLXXV.

Suppurationis terminus.

Octavo , & nono morbi die primum in facie , deinde in proximis partibus pustulæ occipiunt obfuscarî , præsertim in centro , sive summo apice , ibique dehiscences flavam glutinosam materiam effundunt , colore & consistentia melli , aut palpebrarum lemîs non absimilem (a) , qui paullatim concretus gummi arabici frustula repræsentat . Hinc ex glabris fiunt asperæ , & quidquid in eis rubebat , jam albicat , subpalescit , & flavet , absolutæ , perfectæque suppurationis terminus . Tunc febris , si qua ex suppuratione remittentis , aut intermittentis in modum resurrexerat , cessante jam causa iterum & ipsa evanescit , blando sæpe sudore universo e corpore emanante . Dum in facie , & trunci obfuscantur , flavent , & scabræ fiunt reliquæ in artubus albido pure plenæ , & non nihil depressiores cernuntur , nec asperitudinem acquirunt , neque siccescunt . Scire autem interest , tempore suppurationis , quo magis ge-
nui-

nuinz, benignæque sunt variolæ, eo interstitia earum, cutimque circum positam colore, qualem rosæ Damascenæ exhibent, vividiore (b), & nitidior rubescere.

(a) SYDENHAM. *l. c.* PONTICELLI *l. c.*

(b) SYDENHAM. *ib.*

§. CLXXVI.

Suppuratione sic absoluta, facies detumescit, *Quarsum stadium.* quod decimo, aut undecimo ad summum die fieri solet. Sed tum a facie tumor ad manus, & pedes transit, quia in his ut tardior plerumque eruptio, sic quoque pustularum inflammatio, & suppuratio reliquis posterior est. Interea faciei pustulæ, & superiorum partium maturitatem adeptæ jam arescunt, earumque crustulæ decidere incipiunt, ita ut multæ jam die duodecim, aut decimo tertio, aliæ decimo quarto, aut decimo quinto penitus exaruisse videantur, & in crustulas omnino transmutentur. Artuum vero pustulæ, ut jam indicavi, quia serius reliquis & erumpunt, & suppurant, uno vel altero die adhuc egent ad arescendum. Ut plurimum tamen puris plenæ, atque albidæ disrumpuntur potius, quam siccantur, contra quam in facie, alibique evenire solet. Pustulis demum exsiccatis, & delapsis succedunt squamulæ quædam furfuraceæ, quæ ubi secesserint, deciderintque, foveolas aliquando relinquunt in cute. Cum enim primum variolarum crustæ abscefferint, nulla in cute excavatio deprehenditur; sed potius in earum sedibus quidam veluti clivus remanet. At squamulis, quas dixi, excidentibus non modo clivus iste

iste exiguus evanescit; verum etiam cutis ipsa foveolis incavata reperitur; quamquam in discretis, benignisque variolis raro admodum vestigia ejusmodi conspicua, aut diu permansura inurantur; exceptis maculis quibusdam rubris, quæ in omnibus ad duos circiter menses supersunt, antequam albidum consuetumque colorem cutis (a) adipiscatur. Notandum demum est, toto morbi curriculo ægrotantes in discretis, & benignis variolis alvum vel compressam habere, vel rarissime dejicere; nec quidquam mali inde eos (b) pati.

(a) SYDENH. l. c.

(b) Id. ib.

§. CLXXVII.

*Animad-
versio de
earum
varietati-
bus.*

Hæc est communissima variolarum discretarum, & benignarum ratio. Fatendum tamen est, quandoque eas levibus quibusdam varietatibus subjici, atque a consueto procedendi more aliquantulum desciscere. Sed non ideo earum sive natura, sive exitus quidquam mutatur, si recte curentur. In primis observantur interdum variolæ discretæ, quæ etsi benignarum morem retineant, eandemque naturam sortiantur, ab his tamen aliquantulum deflectere videntur, quod maturationis stadium longius, & lentius percurrant. Nam earum pustulæ primo quidem, vel secundo suppurationis die albescunt: verum apices ob minorem humoris copiam susceptam aliquanto depressiores ostendunt; nec nisi tertio, aut quarto die turgescunt, & acuminantur, & quinto demum flavescere incipiunt. Hæc autem, uti benignæ, febre,

bre, ptyalismo, urinæ profluvio, vel extremorum tumore, quæ malignarum; & confluentium fere propria sunt, prorsus vacant; & solo maturationis tempore hujusmodi vicem subeunt, sequæ produnt. Sciendum præterea est, ptyalismum, qui alias confluentibus quasi proprius, ineunte eruptione, supervenire solet; in discretis quandoque, ut ex SYDENHAMIO (a), & HAENIO (b) compertum habemus, observari, & ubi is accesserit, per eum suppleri diarrhœæ defectum, utilemque (c) esse consuevisse. Sed utrumque vere dici videtur de variolis discretis non benignis; nam malignas tantum alvi flueus exercet; & si is deficiat, ptyalismo facile supplebitur.

(a) *Op. sect. 3. cap. 6.*

(b) *L. c. p. 97.*

(c) *TISSOT l. c. p. 44.*

VARIOLÆ DISCRETÆ MALIGNÆ.

§. CLXXVIII.

Haftenus de variolis discretis benignis: nunc de eisdem, sed malignis; nam discretæ non nunquam, quòd alibi (§. CLXVIII.) dictum jam fuit, malignitatis notas habent, & perniciosæ deprehenduntur. Quando tales occurrunt, eadem ferme symptomata, quæ in benignis (§. CLXVIII. CLXIX.) descripsimus, generationi sibi vindicant, sed graviora pleraque; & vehementiora. In primo *stadio* dolor capitis, & lumborum atrocius discruciat; major est virium debilitas, anxietudo, inquietas, mentis stupor, atque aberratio, itemque nausea, & cibi fastidium, & reliqua omni-

*In primo
stadio
quam
sympto-
mata.*

no aut molestiora, aut magis insueta, & inter se repugnantia, ut continuo de pernicioſa, & maligna morbi insolentia suspicio oboriri debeat. Suspicionem vero hanc augeant, & prope certam faciunt in primis vigilæ pertinaces, & delirium, aut contra coma profundum, tendinum subsultus, tremor artuum, languores, ad lipothymiam proclivitas, & speciatim respiratio inæqualis, cita, laboriosa, cum crebris suspiriis. Febris quoque longe alia est, quam in benignis. Nam vel ardentior est, & continentis in modum magis assidua cum pulsu statim validiore, & frequentiore (a); vel contra specie levior apparet cum pulsu non admodum crebro, sed parvo, inæquali, calore miti, siti aut nulla, aut exigua, quamquam lingua facile areſcat. Interim secundo, aut tertio morbi die exanthemata miliaria, aut peticulæ, aut maculæ lividæ prodeunt circa collum, pectus, & brachia, atque hæc manifestius declarant malignitatem, gravitatemque mali, quocumque variolæ complicantur. Quod si in hac prima periodo exanthemata illa non prodeant, certe non deerunt in altera inſequenti, nempe in ipsamet variolarum eruptione. Ad hæc accedunt urinæ multæ, aqueæ, percolatæ, interdum acres, vesicam, urethramque irritantes (b), vel turbidæ, confusæ, non subsidentes.

(a) PONTICELLI *Infort. de vaiuolo c. 3.*

(b) *Id. ib.*

§. CLXXIX.

Die quarto incipit quidem, ut in discretis benignis, variolarum eruptio, sed pustulæ lente, & difficulter se exserunt, neque ordinem, quem discretæ benignæ servare solent, prosequuntur; nam primis illis, quæ die quarto ad cutim prodierunt, aliæ atque aliæ die quinto, & sexto pedetentim, & interrupte succedunt; dum contra in benigno genere eruptio fere universa plerumque intra nychthemera perficitur. Sed variolæ ipsæ, etsi discretæ, inter se tamen plurimum magnitudinis, formæ, & coloris ratione dissentiunt. Nam aliæ sunt majores, aliæ minores; quædam acuminatæ, obtusæ aliæ, & medio depressæ, quas ideo umbilicatas vocant; hæc subpallidæ, aut subfusæ; illæ pellucidæ, & tenuissimum humorem continentes. Pleræque earum nullum, aut plane exiguum dolorem pariunt, contra ac benignæ; cujus loco pruritus potius intolerabilem sæpe comitem habent. Quæmadmodum vero ægre, lente, & inordinatim efflorescunt, sic etiam serius augmentum capiunt, & suas bases dilatant, & in fastigium elevantur. Nec febris, ut in benignis, post eruptionem cessat, neque se insigniter remittit; sed assidua persistat; immo sæpe ingravescit cum omnibus symptomatibus; in quo præcipua variolarum malignarum nota consistere videtur, nec sine causa. Probabile enim est; tantam esse vel veneni copiam, vel sanguinis, aliorumque humorum depravationem ab eo inductam, ut exanthematis variolosis, etsi multis & valde crebris, frequentibusque ad cutim exortis, non tamen tota lues

*Secundi
di stadii
phenomena.*

expulsa sit ; sed magna pari intus remanens solidas partes omnes , & viscera * ipsa afficiat , humoresque fere universos corrumpat ; quo sane fit , ut non modo febris persistere debeat , verum etiam teterrima symptomata oriantur , aut vehementius incrementum accipiant .

(*) Quæri solet , an viscera variolis obnoxia sint ? HALLERUS in *Historia constitutionis variolose anni 1735.* sub finem , *nunquam* , inquit , in cadavere repereri pustulas ultra pharyngem altius fuisse , aut ventriculum , aut intestina , aliave viscera obsidisse . TISSOTIUS etiam (*Epist. var. argum. ad Hallerum p. 46. edit. Ven. 1774*) in quatuor cadaveribus nihil invenire potuit , quod interiora variolis corripere ostenderet . At HAENIUS (*Rat. contin. T. I. Cap. V. § VIII. N. V*) Variolas internas dari , etsi non in omnibus cadaveribus reperiantur , experientia fultus arbitratur . Ac revera ab aliis doctis æque & solertibus viris quandoque repertæ narrantur . FERNELIUS (*lib. 2. de abdit. rer. causis cap. 2.*) sæpe , inquit , deprehensum , quosdam ab interitu fuisse dissectos , quibus jecur , lien , pulmones , omniaque interiora , haud secus atque cutis fedissimis populis manantibus scaterent . BALLONIUS in equite torquato ex variolis denato *echymata interna* vidit (*Epid. & ephem l. 2. pag. 207.*) In principe viro non tantum exterius undique corpus variolis oblitum , sed interius etiam ipsa viscera ejusmodi pustulis scatentia reperta esse refert HORSTIUS (*Instit. med. Disput. 3. Addit. 1. Epist. ad Henric. Arnissæum Oper. T. I. pag. 140*) . PARÆO etiam contigit videre in duabus puellis interiora viscera crustosis pustulis obsita , quales in cute erumpunt (*Lib. 19. Cap. I.*) Hæc demum confirmantur a MEADIO (*De Variol. cap. 3.*) qui pulmones , cerebrum , jecur , intestina pustulis interdum conspersa invenit . Ex utraque parte video summos viros , nec audeo , utris magis credendum sit , definire .

§. CLXXX.

Quod si, ut aliquando accidit, magnitudine, *Alia si-*
 forma, & colore benignas imitari videantur; *gna ma-*
 fluxu tamen alvi immodico, sudore inutili, de *lignita-*
 lirio, & vigilia, aliisque alienis symptomatibus *tem deno-*
 metum incutiunt, ne sub initium suppurationis,
 sive tertii stadii spasms repentinis, vel comate
 profundo; vel diro alio symptomate supervenien-
 te, quod non raro (proh nimium!) usvenit,
 ægri corripantur, & pereant. Aut etiam, nisi
 priore in stadio peticulæ, aut maculæ lividæ,
 aut pustulæ miliares jam apparuerint; ut supra
 (§. CLXXVIII.) posui, secundo mox eruptionis
 die se variolis adjungunt hujusmodi exanthema-
 ta, quibus variolarum interstitia in collo præ-
 fertim, pectore, & brachiis, si loca attente lu-
 strentur, scatere inveniuntur. Neque ab his ab-
 sunt alia malignitatis indicia, uti pulsus debilis,
 virium languor, lipothymia, spasmi, desipientia,
 atque alia (a) quæ exitium sæpe portendunt.
 Nec mirum, cum præter variolosum virus etiam
 peculiare, aut utrumque simul jungantur, &
 periculi magnitudinem augeant. Illud quoque
 scire convenit, in discretis hisce malignis faciem,
 & palpebras interdum ita intumescere, ut oculi
 citius, quam in benignis, omnino claudantur;
 vocemque multo magis raucam reddi.

(a) MORTON. exercit. 3. cap. VI. VII. & VIII.
 pag. mihi 45. 54. 80. 85.

§. CLXXXI.

*Tertium
Stadium.*

Interea variolosæ pustulæ febri plus minus magna, & assidua comitatæ paullatim ad octavum usque diem augentur, atque adolescunt; deinde suppuratio, sive tertium stadium insequitur. Tunc sæpe, ut paullo ante dictum est, repente spasmi, & nervorum distentiones, aut veterinus, aut alia perniciem minantia symptomata accedunt (*a*): Fereque harum variolarum proprium, & peculiare est, quod raro, ac sero admodum ad maturitatem (*b*) perveniunt. Et quamquam hoc ipso suppurationis stadio interdum inflammantur ingenti cum febre, & doleant acriter, & crebris intus punctiõibus pertundantur sic, ut in suppurationem certo niti videantur; non tamen ideo maturescunt, frustrato penitus naturæ molimine. Quando hæc accidunt, quin bona suppuratio obtineatur, tunc delirium, aut coma, aut anxietas cum pectoris oppressione peripneumonica, aut anginosa faucium præfocatio, & demum mors quasi repentina (*c*) plerumque subsequuntur. Non nunquam tamen febris moderata est, & suppuratio, ut ut lenta, & tarda, bene procedit, perficiturque. Hac absoluta, laudabilis tandem exsiccatio, ut in benignis, contingit, sicque ægri (*d*) servantur, & convalescunt. Ad malignarum discretarum genus referendæ mihi videntur Variolæ *anomale annorum 1670. 71. 72. a*

*Quartum
Stadium.*

*Variola
nigræ Sydenhamii.*

SYDENHAMIO (*e*) descriptæ, & *nigræ* ab eodem appellatæ. Hæ discretæ erant, sed plerumque die tertio erumpebant, nec ad eam magnitudinem procedente morbo assurgebant, ut discretæ benignæ, sed magis exasperabantur in *minori mole*; & præ-

& præterea sub diebus ultimis, ubi jam maturuerant, *nigræ* frequentius fiebant. Interdum, paucissimæ licet essent pustulæ, cum ptyalismo tamen conjungebantur.

(a) *Idem. l. c. p. 80.*

(b) *Idem. ibid.*

(c) PONTICELLI *l. c.*

(d) *Idem ibid.*

(e) *Oppi sect. 3. cap. VI. p. 228.*

§. CLXXXII.

Præterea est quoddam discretarum genus mediæ quasi naturæ, partim videlicet benignum, partim malignum. In hoc variolæ initio eruptio nis non modo discretæ, verum etiam forma, colore, atque ordinato exitu benignæ videntur; neque ullum malignitatis signum in primo stadio eas antecessit, neque postea erumpentes comitatur. At, facta eruptione, novam induunt naturam; malignæque evadunt. Tunc enim fiunt scissiles, & deprimuntur, immo in marginibus livescunt præter expectationem. Suppurationis vero stadium ingressæ mox exarent, albis apicibus distinctæ, atque humore vacuæ: nec earum defectionem, aut inanitatem supplet ulla subsidaria evacuatio; nam ab his abest salivæ, aut urinæ profluvium, quo in confluentibus morborum pars exuberans, aut refluens intro, foras ejicitur, neque extremorum supervenit tumor, quo retenta materies utiliter congeri, deponique solet in aliis malignis. Interdum sine magna febre, ut notat (a) MEADUS, & parvo omnino dolore hujusmodi variolæ afflorescunt, ut sine periculo esse videantur. Sed specie benignitatis

*Discreta
mediæ na-
tura.*

fallunt. Cum enim in tertio stadio maturescere deberent; repente natura quasi deficiente, nulla sit eorum suppuratio. Hinc febris exacerbatur, increfcitque, & accedente delirio, spiritusque difficultate intra breve tempus æger interimitur. Non raro peticulis, aut aliis mali moris exanthematibus implicantur, atque interpunguntur; unde malignitatem, qua per se caruissent, necessario incurrunt. Alias eruptione rite finita confluent, aut muto saltem cohærent, & sic ex discretis, & benignis, quæ prius exstiterant, in confluentes, & sæpe malignas degenerant. Interdum etiam febris, quæ ante eruptionem benigna & mitis fuit, & post eam intermittere, aut certe multum remittere, ut in benignis, visa est; sub finem ipsius eruptionis, jam deposita benignitatis simulatione & vigilias, & deliria, & hæmorrhagias interdum, aut micturitionem, & reliqua maligniora symptomata sibi adjungit. In hoc tamen genere nec fatum adeo preceps, nec adeo inevitabile est, ut in variolis primario magnis; nam plures ex eo evadunt. Pauci vero ii, qui morbi vim sustinere nequeunt, plerumque circa diem undecimum, aut duodecimum, qui in confluentibus etiam spæstus esse solet, occumbunt (b). Quod si quis eorum fortuna fervetur, is variolis crudis, & nusquam maturatis, quartum stadium, sive declinationis ægre admodum, & ærumnose longius, & indefinito termino protractum, fere semper moribundo similis (c) absolvit.

(a) *De Variol. cap. IV.* (b) MORTON, *Exerc. 5. cap. IX. p. 107.* (c) *id. ib.*

§. CLXXXIII.

Ad malignum discretarum genus pertinent quædam variolarum species, quæ etsi discretæ, & distinctæ, nunquam tamen ad suppurationem perducuntur. Harum duplex statuitur differentia, *crystallinarum* videlicet, & *verrucosarum*. Crystallinæ a plerisque vocantur illæ, quæ ab humore quodam tenui, lymphatico, pellucido, acri, suppurationi inepto, immo caustico, & rodente (a) constantur. Hinc a quibusdam *lymphaticæ* etiam dicuntur. Has fatemur non semper discretas esse, sed aliquando confluentium modo erumpere, & (b) progredi. Sed tum a discretis, de quibus hic differimus, confluentia, & complicatione facile distinguuntur. A *spuriis* etiam *variolis*, cum quibus aliquam crystallinæ similitudinem habent (c), ut suo loco videbitur, febre continua, & symptomatibus periculosis, & longiore durationis tempore discriminantur. Ad *Crystallinas* porro veluti varietatem quamdam refert MEANIUS *siliquosas Freindii* (d), variolas nempe liquore vacuas, sive *vesiculas rotundas, molles, concavas*, inanēsque, eo quod humor, qui eas replebat, vel absortus intro fit, vel ruptione (e) effusus, vel copia ptyalismī, ubi is non defuerit, quodammodo (f) exhaustus, Altera differentia scilicet *Verrucosarum* completur variolas item discretas, sed duras, verrucis simillimas, & supra cutim axstantes, ex densiori, tenaciorique muco (g) concretas. Non enim quidquam in eas lymphatici humoris illabitur, aut vacuum spatium ullum cernitur. Sed rubræ, & duræ a quarto die ad extremum usque

*Species
discretarum
malignarum.*

Crystallinæ.

*Siliquosa
Freindii.*

Verrucosæ.

morbi decursum *eandem faciem*, *eandemque figuram* constanter tuentur (*g*^{*}). Hæ quoque e discretarum ut plurimum genere, & quidem malignarum (*h*) esse solent, & suppurationis incapaces; quamquam non negaverim eas inter benignas interdum, aut spurias recenseri (*i*), sed tum malignitatis signis, febre, & diris symptomatibus alii, quæ discretas malignas exercent, facile carent. Quando vero malignæ sunt, nequaquam suppuratione solvuntur, neque in crustas fatiscunt, aut decidunt, sed paulatim (*l*) tantummodo desquamantur. Pejores crystallinis eas existimavit MEADIIUS, quamquam id alii negent, quod fortasse eas benignas, uti HAENIUS (*m*), viderunt.

(*a*) HAEN. *Divis. febr. cap. 2.*

(*b*) MEAD. *de Variol. cap. 2.*

(*c*) HAEN. *l. cit. p. 99.*

(*d*) *De quibusd. Vario. gener. ad Cl. MEAD. Ep. 2.*

(*e*) MEAD. *l. c.*

(*f*) SAGR. *de Variol. Iglaviens. p. 29.*

(*g*) MEAD. *l. c. p. 18.* SAGR. *l. c. p. 28.*

(*g*^{*}) FREIND. *De quibusd. variol. gener. ad Cl. MEAD. Epist. 2.* (*b*) MEAD. *ib.* Exemplum malignarum videre est apud FREINDIUM *l. c.* ubi fatalis morbi historia perdiligenter descripta est.

(*i*) HAEN. *l. c. pag. 92.* qui dubitat, an variolæ crystallinæ MEADII, & siliquosæ FREINDII, itemque verrucosæ, aliæque ad anomalas, malignasque vere spectent, quia eas terminari sine molestia, & periculo observavit. Sed tum benignarum, aut spuriarum varietatem eum dumtaxat vidisse censerem.

(*l*) *Idem l. c.*

(*m*) *Ibid. p. 100.*

VARIOLÆ CONFLUENTES BENIGNÆ.

§. CLXXXIV.

Discretas proxime sequuntur Variolæ *confluentes* ^{Cohærentes.}; sed inter utrasque medium quasi locum tenent illæ, quæ *cohærentes* (§. CLXVI.) nominantur. In his pustulæ discretarum more prodeunt, hoc a discretis tamen discrepantes, quod denso agmine cutim replent, atque ita sibi mutuo incumbunt, ut plurimis in locis se tangant; & quasi racematim aliæ aliis adhæreant. In primis vero ad pustulas, quæ in facie exstant, respicere oportet; nam ab his potissimum, non ab aliis in reliquo corpore existentibus *discreta*, aut *cohærens*, aut *confluens* variolarum indoles desumitur. Hinc si quæ faciem occupant, discretæ fuerint, etsi reliquis in partibus cohæreant, aut confluant, *discretarum* nihilo secius naturam retinent: & contra, si in facie cohæreant, aut confluant, licet discretæ alibi appareant, *cohærentium* tamen, aut *confluentium* pravitatem sequuntur. *Cohærentes* præterea febrem majorem gignunt, & serius, quam discretæ benignæ, ad maturitatem perveniunt; nam valde rarum est, eas octavo die suppurare, & maturescere. Hinc tardius etiam in crustas arescunt, & tardius itidem decidunt. Rarius etiam *cohærentibus* supervenit ptyalismus, qui alioquin confluentium comes fere inseparabilis est, quique a discretis, saltem benignis, abesse generatim solet. In universum *cohærentes* confluentibus benigniores (a) habentur; quamquam & ipsæ malignæ, & perniciosæ esse possint, velut nimirum eruptione fa-

sta

Sta febris vel desinit, vel continuat, & malignitatis symptomata vel absunt, vel cum ea copulantur. Quia vero propius ad confluentes, quam ad discretas ratione numeri formæ, & gravitatis accedunt; idcirco petimus, ut nobis integrum sit eas sub uno confluentium genere cum PONTICELLIO (b) comprehendere.

(a) HAEN. *Febr. divis.* p. 98.

(b) L. c. *cap. VI.*

§. CLXXXV.

Confluentes
3es. Cum igitur confluentes universim discretis, saltem benignis graviore, periculosioresque sint, male hæ ita audiunt, ut pro malignis, atque anomalis vulgo reputentur. At non nunquam sine magno periculo, etsi discretis benignis aliquanto graviore, suum curriculum absolvunt, felicique exitu terminantur, ut benignæ præ discretis malignis, quod supra animadversum est, ipsæ dici possint. Quare satius existimo eas dividere in *benignas*, sive minus perniciosas, & in *malignas*, sive perniciosiores. De utrisque autem hic acturum me ordinis ratio admonet, ut initio a *benignarum* expositione facto paulatim ad malignas gradus fiat, hac tamen venia, ut multa, quæ ad alterutras opportune illustrandas pertinent, subinde, ubicunque res postulaverit, interferere liceat.

Divisio in benignas, & malignas.

§. CLXXXVI.

Tempus contagii, sive primum stadium confluentium benignarum, eodem ferme modo transigitur, ac in discretis benignis (§. CLXIX.) , nisi quod febris, & symptomata, uti anxietas, ægritudo, vomiturius, vomitus, sitis, dolor capitis, dorsi, & lumborum, & reliqua ut plurimum sunt aliquanto graviora; minor vero, aut certe rarior ad sudores in adultis (a) proclivitas, frequentior tamen in pueris diarrhœa (b), quæ non modo eruptionem antecedit, sed etiam ab ipsa eruptione per unum, vel alterum diem quandoque protrahitur; quod nunquam in discretis SYDENHAMUS animadverterat. Febris autem etsi a primo statim insultu assidue, & graviter ad eruptionem usque pustularum teneat, non tamen acutissima est, neque ea virium dejectione, aut spirandi difficultate, aut mentis perturbatione, aut pulsuum pravitate, & debilitate stipatur, quam in discretis malignis (§. CLXXVIII.) memoravimus. Immo facta eruptione, mox aliquantum mitescit, quasi inducias datura, & sæpe, ut in discretis benignis, matutino præsertim tempore intermittit ad suppurationis usque stadium. Tunc vero resurgit quidem iterum, sed, pure confecto, mox evanescit, & cessat. Contra in confluentibus malignis assidua est, & vespertinis, nocturnisque horis cum omnibus symptomatibus exacerbatur, intenditurque (c) non leviter. Quod probe animadvertendum est; nam ex hoc potissimum signo variolarum benignitas, aut malignitas manifestatur. Absunt deum a confluentibus benignis in hoc ipso stadio contagii peticula;

Confluentes benignæ quales in primo stadio.

Quales in secundo, & in tertio.

læ , maculæ lividæ , atque exanthemata miliaria , itemque tremores , subsultusque tendinum , qui malignas sive confluentes plerumque antecedunt .

(a) SYDENH. *l. c.*

(b) *Id. ib.* HAEN. *Divis. Febr. p. 95. 96.* SCHA-
CHT. *Instit. med. pract. cap. XIII. §. V.*

(c) SYDENH. *l. c.*

§. CLXXXVII.

*Secundum
stadium
earum-
dem .*

Tertio die ineunte , immo etiam citius eruptionis stadium incipit , & longius quam in discretis præsertim benignis producitur . Quo vero maturius variolæ erumpunt , eo etiam magis confluere , & copiosiores esse (a) consueverunt .

*Quo dif-
ferunt a
malignis .*

Interdum eruptio differtur ad diem usque quintum , sextum , aut septimum , & ultra etiam , sed malo semper omine ; idque in confluentibus præsertim malignis accidit . Natura enim tum aut debilior , aut morbi malignitate oppressa , aut aliquo dolore non vago , nec versatili , qui minus periculi habet , sed defixo , & stabili , puta in lumbis nephritici æmulo , aut in lateribus pleuritico simili , aut in articulis , aut in ventriculo cum ingenti ægritudine , & vomitu , arthritidem , cardialgiam ; aut colicum affectum imitante excruciatâ , & quasi compressa agre eruptionem molitur , seriusque consequitur . Ceterum multæ prodeunt , jam ab ipso exortu implicatæ , aut coherentes , aut confluentes . Quandoque fit , ut prima apparitione distinctæ , & discretæ appareant , sed mox ipsæ vel una coherent , vel in latiores vesiculas coalescunt , &

con-

confluunt. Generationem parvæ admodum, & magis minutæ, quam in discretis, atque ita crebræ, & densæ cernuntur, ut primo intuitu inter initia non facile eas a morbillis, aut ab erysipelate distinguas. Ab utroque tamen exanthematis genere discernuntur reliquis signis erysipelatis (§. XV.), aut morbillorum (§. CX.) propriis deficientibus, præsentis epidemiæ consideratione, & paullo post manifestiori vesiculari, variolosaque conformatione. Si igitur hujusmodi postulæ faciem veluti confertissimæ arenulæ, contegant, licet in reliquo corpore discretæ, & paucæ repariantur, non ideo tamen a confluentium, natura, & gravitate desciscunt, æque ac si magna frequentia omnia membra afficerentur. Contra si truncum, & artus erebræ, & densæ occupent; quæ vero in facie effloruerunt, rariores, majoresque fuerint, magis ad discretarum benignitatem accedunt, tutioremque morbum significant. Magnitudo enim morbi, & benigna, aut maligna confluentium natura æstimanda potissimum est, ut supra dictum est, ex numero, & qualitate variolarum, quæ faciem corripunt. Facta eruptione, ni febris cum suis symptomatibus cesset, ut in discretis benignis, plerumque tamen, ubi confluentes vere benignæ sunt, plurimum remittit; at si malignæ, ne remittit quidem (b).

(a) SYDENH. l. c. HAEN. l. c. p. 96.

(b) SCHACHT. l. c. cap. XXI. HAEN. l. c.

§. CLXXXVIII.

*Eruptio
confluen-
tium qua-
nam ha-
beat cum
malignis
& beni-
gnis com-
munia?*

Variolæ igitur confluentes postquam in cutem prodierint, de die in diem mole augentur; sed vix unquam ad eam magnitudinem assurgunt, ad quam discretæ perveniunt; speciatim eæ, quæ faciem obsederint. Mutuo enim inter se communicantes vesicularum rubrarum instar universam faciem operiunt; & brevi deinde latam pelliculam albidam repræsentant; quæ toti vultui veluti agglutinata adhæret, parum supra cutim (a) prominens. At quo longius a facie descenditur, pustulæ sensim paullo majores sunt, sic ut omnium maximæ in manibus, & pedibus existant; semper tamen discretis minores. Liquorem continent acquosiores, tenuioremque, qui permolestum acritate sua pruritum creat. Facies universa citius, quam in discreto benigno genere, intumescit (b). Infantes, & pneros fere semper alvi fluxus premit, adultos * vero ptyalismus, qui statim cum ipsa eruptione exorditur (c), vel saltem postridie, aut biduo exacto supervenit, fereque constans confluentium in adultis symptomata censetur; quamquam in his interdum, ut verum fatear, omnino deficiat, quemadmodum fere semper deficit in discretis (d). Ptyalismo autem isto humor tenuis effluit; atque ad aliquot dies, nempe ad suppurationis usque tempus ad minimum ita ubertim exstillat, ut multa linteola tam die, quam nocte madefiant: Atque hæc quidem confluentium omnium, sive benignæ sint, sive malignæ, communia existimantia. Alia autem quæ in hoc ipso secundo stadio variolis con-

*Quanam
maligna-
rum ma-
gis pro-
pria?*

confluentibus tribuuntur symptomata, uti phrenitis, coma, peticulæ, pustularum nigredo, narium hæmorrhagiæ, menstruorum intempestivus fluxus, hæmaturia, sive mictus cruentus, ischuria, sive urinæ suppressio (e) & tetra hujusmodi symptomata, vix in confluentes benignas unquam cadunt, cum earundem, sed malignarum propria pene sint, ut postea ostendam.

(a) SYDENH. *l. c.*

(b) *l. c.* HAEN. *l. c. p. 97.* SCHACHT. *l. c.*

* CL. SAGARIUS (*Epid. Iglavien. ann. 1776. pag. 71.*) vidit etiam in pueris pytalismum huic stadio non nunquam supervenientem, frequentius vero tertio stadio. Sed malignæ admodum erant variolæ in illa constitutione. Saliva autem, quæ tunc excernebatur, acerrima, & fere caustica erat, & ni cito expueretur, maxima mala inferebat. Nam deglutita dolores, & anxietates primum; deinde convulsiones, & mortem progignebat.

(c) SYDENH. *l. c.*

(d) HAEN. *l. c. pag. 97.* SCHACHT. *l. c.*

(e) *Id. ib.*

§. CLXXXIX.

Die porro circiter octavo ab inchoata (a) eruptione, nempe die totius morbi nono, decimo, aut undecimo, modo decimo quarto, modo decimo sexto, prout citius, aut serius variolæ prodierunt, incipit tertium stadium, sive suppuratio-
Tertium earum stadium.
 nis. Sed quo tardius hoc evenit, eo pejus. Tunc, si benignus est morbus, pustulæ mature-
Quid in benignis, quid in malignis accidat.
 scunt, pusque conficiunt; sed non multum ele-
 vantur, neque in fastigium attolluntur, ut dis-
 scre.

secretæ benignæ solent. Ac quo minus confluxerint, atque adeo quo benigniores exstiterunt, eo citius maturitatem assequuntur, & magis flavescunt. Contra si malignus, vix unquam perfecte suppurant, & planæ, depressæque manent; & prout gravior, atrociorque fuerit, eo magis subfuscum colorem induunt, & lentius, si sibi relinquantur, pure replentur. Pellicula vero illa albida, de qua supra (§. CLXXXVIII.) retuli, asperior tactui redditur, sensumque non flava, ut in benignis; sed fusca (b) evadit, & tenditur. Interim saliva viscidior, & crassior facta, quod plerumque in regularibus die undecimo accidit, ægerrime profluit, & difficillime excernitur; ideoque suffocationem ægro intentat. Hinc ægri anxii fiunt, & siticulosi; vehementer subinde tussunt inter bibendum, quod potus in laryngem delabitur, & tussi sic excitata per nares rejicitur; vox raucescit; somnolentia, & stupor accedit, & ptyalismo penitus suppresso facies detumescit, & subsidit, eodemque sæpe die, nimirum undecimo, pallidiore cute, & anhelosa reddita respiratione cum placida mentis aberratione mors celerrima, & quasi repentina vitam abrumpit. Scire vero oportet, ptyalismum qui circa hoc suppurationis, tempus, ut dixi, sisti solet, non nunquam post unum, vel alterum diem veluti postliminio reverti, & redintegrari feliciter. Quoties vero ipse non revertitur, nihil sane, ut modo dixi, est ejus cessatione perniciosius; nisi ejusmodi evacuationis defectum suppleat faciei tumor persistens; aliquam materiæ variolosæ portionem retinendo, impediendoque, ne ad interiora convertatur, aut nisi id, quod per ptyalismum excerni debuit, ad minus pedesque tran-

De ptya-
lismo non
nulla.

sferatur, tumorem ibi salubrem excitans, imminuentemque perniciem avertens. Non enim propere nimis, nec repente facies detumescat, oportet, sed paullatim; sic, ut ad aliquot adhuc dies ejus tumor permaneat; eique cessanti manuum, & pedum tumor succedat, necesse est; si ægri vita in tuto posita (c) dicenda sit. Quod si & ptyalismus desistat ex toto, & facies justo citius subsidat, nec manus, nec pedes in eorum locum tumescant, unica spes est in largo urinæ, aut alvi profluvio, quo noxia variolarum materies extra feratur; ut in confluentibus benignis, & regularibus plerumque contingit. Quemadmodum ergo magnum momentum habet ad lætum variolarum exitum in adultis ptyalismus, si copiosus, facilis, & diutinus sit; sic in infantibus, & pueris, dum variolis confluentibus laborant, plurimum ad id confert diarrhœa, quæ etsi non ita mature eos interdum invadat, ut adultos salivæ fluxus; quocumque tamen tempore accesserit, ad finem morbi usque produci salutariter solet, nisi improvide per artem sistatur. Sisti vero haud debet, nisi profusior, & vires dejiciens. Utraque enim evacuatio, nempe ptyalismus adultis, diarrhœa infantibus, ad pueris non minus necessaria in hoc morbo videtur, quam pustularum præsentia, & maturatio, & faciei ipsius, manuumque, aut pedum tumor.

*De faciei
tumore.*

(a) HAËN. l. c. p. 97. (b) *Id. ibid.* SYDENHAM. l. c. (c) SYDENH. l. c.

§. CXC.

*Febris se-
cundaria
tempore
suppura-
tionis.*

Maturatione , ut indicavi (§. CLXXXIX.)
incipiente , febris plus minus ingravescit , prout
variolaë frequentiores ; copiosioresque sunt , &
prout magis , vel minus confluent , aut benignior
natura est . Non enim a sola suppuratione , ut
in benignis discretis , pulsus aliquantulum conci-
tatur , & increbrescit , sed febris vehementius
movetur , nec finita suppuratione evanescit . At-
tamen , quoniam hujusmodi febris numero (a)
pustularum respondet , qui numerus ingens in
confluentibus est , magna ex parte ab earum sup-
puratione proficisci videtur , aut certe a puris ,
ichorisque , quo illae scatent , copia , & in san-
guinem refluxu . Addunt etiam non nulli reten-
te , cohibitaque cutaneæ expirationis concursum ,
nec sine veri specie , quia universa cutis pustulis
obsita expirare vix quidquam potest . Præterea
probabile est , cum febris ista interdum etiam si-
ne magna * suppuratione invalescat , & trahatur ,
à materia variolosa in sanguine relicta originem
ducere , quod fortasse non omnis a cute excipi
potuit , aut vitæ vires ad eam penitus expellen-
dam non valuerunt . Id sæpe subsequentes pus-
tularum eruptiones declarare videntur . Hæc fe-
bris *secundaria* nomen recipit , & modo inflam-
matoriam indolem , modo putridam ostendit pro
varia sanguinis , temperamenti , ætatis , habitus ,
anni , temporis , & constitutionis epidemicæ ra-
tione . Gradu vero majore , vel minori invale-
scit secundum majorem , vel minorem causarum
numerum , & vim . Protrahitur ipsa etiam ad
initium quarti stadii , in quo universa facies cru-
sta

ita densa, & plus minus fusca obtegitur, sub qua pus latitat, & fluctuat. Pus istud resorptum non modo febrim fovere videtur; ut supra posui; verum etiam in nobilissimas interiores partes metastaticæ migrat, ibique hærens periculosissimos morbos generat. Quod verò in ambitu exteriori corporis subsistit, subjectas cuti partes, atque in primis telam adiposam, cujus adeps fere totus computrescit **, erodit, sæpe ad ossa usque sic; ut in his caries, & spinæ ventosæ interdum oriantur. In artubus interea rumpuntur pustulæ, nullam exsiccationem adeptæ; immo dorsum, aliaque partes cuticulâ exutæ nudam vivamque cutim exhibent.

(a) SYDENHAM. *l. c.*

* Supra (§. CLXXXIX.) monui, variolas confluentes eo periculosiores esse, quo serius, difficiliusque ad suppurationem deveniunt. Ad hoc maxime respiciens SYDENHAMIUS tres confluentium species constituit, *mitissimas* nempe, in quibus die a primo morbi insultu undecima *febris secundaria* accedit, partim ex suppuratione incipiente, partim ex resorpto pure orta; *mediocres*, in quibus dieni decima quarta suppuratio tantum incipit; *crudissimas*, quæ ad suppurationem dumtaxat die decima septima perveniunt. *Dissert. epist. p. 405.*

* Pinguedinem in variolis hujusmodi corrumpi; atque in pus transmutari adeo perspicuum est, ut pus variolosum ad flammam incendi, atque exardere viderit HALLERUS *Histor. variol. ann. 1735.*

§. CXCI.

*Quartum
stadium* Tandem cuticula tam in facie, quam alibi latioribus laminis desquamatur; vel crustæ crassiores secedunt, & delabuntur; id quod die decimo septimo, vel vigesimo, vel etiam serius quandoque (a) contingit. Crustis, aut squamis delapsis rubicunda subter manet cutis, cui mox albicans pellicula succrescit; qua pariter desquamata nulla quidem scabrities in vultu percipitur, sed paullo post illam excipiunt squamulæ fursuraceæ indolis admodum erosivæ, quæ non solum foveas plus minus altas pro erosionis majoris, vel minoris modo relinquunt, verum etiam faciem foedioribus, quam solent discretæ, in primis benignæ, cicatricibus (b) deturpant. Pus etiam resorptum quandoque per urinas, quandoque per alvi fluxum excernitur, quandoque parte sui aliqua in cellulosa tela hic illic congeritur, & abscessus, aut phymata rubra, dolentia, & cito in abscessum desinentia efficit; quæ opportune, matureque sectione aperta pus verum, aut sanient copiosam, interdum acrem, & erodentem effundunt. Idque plerumque crustis jam delapsis, variolisque finem adeptis evenit, febre interim non propterea discussa, sed mitiori reddita, & remittentis in modum adhuc accessiones habente, donec & ipsa paullatim evanescit. Non nunquam variolis jam exsiccatis, & delapsis aliæ quædam minutiores, & distinctæ variolæ succedunt morbi contagii reliquias ad cutim proferentes, quas *Variolæ repullulantes* variolas secundarias, aut repullulantes vocant. Sed multa ex his, quæ modo exposita sunt, cum

cum variolis etiam discretis mali præsertim moris communia (c) esse solent.

(a) HAEN. l. c. p. 97.

(b) SYDENH. l. 1.

(c) SCHACHT. l. c. §. XXXIV.

VARIOLÆ CONFLUENTES MALIGNÆ.

§. CXCH:

Confluentium variolarum; quæ *benignas*, sive *minus perniciosas* vocavimus, descriptionem dedimus. Fieri non potuit, quin in ea malignarum quoque mentionem subinde haberemus, ut utrarumque symptomatibus, & notis una collatis clarius singularum differentia patefieret. Insunt enim cuicumque variolarum confluentium generi quædam malignitatis quasi semina, & benignarum, malignarumque extrema ita se attingunt, ut maxime ardua res sit utras perspicue discernere; nisi *minus*, ut ita dicam, *perniciosa*, sive *benigna* cum *perniciosioribus*, sive *malignis* mutuo conferantur, comparenturque; quod supra quidem a nobis præstitum sane est. Nunc vero, ut melius inter utrasque discrimen liqueat, confluentes malignas specialiter, & distinctæ persequemur, retento malignitatis eo significato, quem alibi (§. VI.) jam exposui, & quo uti deinceps mihi liceret, efflagitavi. Cum autem pleraque signa: quæ ad malignas variolas pertinent, a nobis supra pluribus in locis memorata sint, & ibi præcipue, ubi variolæ discretæ malignæ (§. CLXXVIII. & seqq.) expositæ fuerunt; cumque multa in descriptione variolarum confluentium

tium benignarum (§ CLXXXIV. & seqq.) obiter quidem , sed apposite hic illic interspersimus , quæ ad confluentes malignas distinguendas plurimum faciunt , ea cuncta huc revocanda existimo , utpote his apprime spectantia , ne præter necessitatem quæ jam tradita , & communia sunt , hic repetantur ad nauseam . Qua de causa etiam prætermittam referre , qua ratione confluentes malignæ invadant , erumpant , progrediantur , & suppurent , & exsiccentur ; cum jam ista , quoad utrisque communia sunt , in benignarum confluentium recensione satis comprehenderimus . Satiùs igitur erit quasdam confluentium malignarum species , sive differentias malueris , quales a medicis peritissimis observatæ fuerunt , breviter describere ; quo equidem confectum iri spero , ut omne confluentium malignarum ingenium per suas notas , & proprietates facile cuique pateat .

§. CXCIIL.

*Prima
species
confluentium
malignarum*

Ordior autem a pessima , perniciosissimaque omnium *malignarum confluentium* specie , quam diligentissimus scriptor MORTONUS vivis expressit (a) coloribus , prout suis ipse oculis eam vidit . In primo ejus stadio æger vix , quod ad pulsum spectat , febricitare videtur , dum interim in summo languore versatur ; arteriarum micatus , ut ut celeres , sunt tamen debiles , & parvi ; urinæ tenues , claræ , & aqueæ ; lipothymia languorum , & hysteriarum suffocationum instar sæpe recurrunt ; dolor capitis , & lumborum atrox , acutus & plane spasmodicus torquet ; sitis vero exigua est , & calor moderatus ; nausea ,

fea, vomitus, atque ægritudo præter consuetudinem fere nulla, quibus symptomatibus si addantur reliqua malignarum signa, uti fluxus ventri debilitans, vigilæ pertinaces, tendinum subsultus, aut aliæ spasticæ affectiones, coma profundum, peticulæ, aut maculæ purpureæ, aut nigræ in summa cuti, aut miliaria exanthemata pellucida, & veluti crystallina in collo & pectore, itemque largæ hæmorrhagiæ vires magis magisque prostermentes, nulla amplius fallax mitioris morbi in reliquis imago incautos decipiet.

(a) Exercit. 3. cap. VII. p. 59.

§. CXCIV

Secundi stadii initium facit ipsa variolarum eruptio, quæ modo præmatura est, ut olerum-^{Ejus alterum stadii.} que in confluentibus evenire supra jam dixi (§. CLXXXVII.), vel tardior, quam ia discretis, aut confluentibus benignioribus. Sub ipsa autem pustularum eruptione, quæ minus certe conspicuæ sunt, mox universa cutis momento fere temporis rubore erysipelatode, atque altius penetrante suffunditur, atque intumescit. Qui rubor toto triduo, quo eruptio absolvitur, perstat assiduus, æqualis, atque immutabilis, si excipias faciem, & labia, in quibus tumor iste toto hujus stadii cursu magis magisque increfcit, manifestiorque fit ad primum usque maturacionis diem. At protinus ab incepta hujusmodi eruptione Natura, quæ jam languida erat, propemodum fatiscit, viribus penitus destituta, febris nullo modo remittit, sed persistit ut an-

tea, aut etiam, quod sæpius incidit, ingravescit cum deliriis, vigiliis, hæmorrhagiis, aliisque terrificis symptomatibus, quæ omnia invalescunt ad fatalem usque diem; qui in hoc effreni, ac funestissimo genere non differtur ultra hujus stadii finem, aut, quod longissimum est, non ultra initium stadii sequentis, sive primum, vel alterum suppurationis diem. Tum vero ante appropinquantem interitum universa cutis, sed præsertim faciei, plumbeo, alboque colore fœdata pergamenæ chartæ speciem exhibet, visu horridam. Hæc porro pessima variolarum species, quæ vix stilum indicato tempori superstitem (a) relinquit, rarissime observatur, & non inepte dici posset *erysipelatodes*.

Hæc species dici potest erysipelatodes.

(a) MORTON. l. c. p. 79.

§. CXCIV.

Species altera, sive prioris variolæ.

Quod in superiore modo (§. CXCIII. CXCIV.) descripta specie toti, universæque cuti obvenit, hoc in altera, quam describere instituo, soli vultui contingit. In hac enim sola totius faciei cutis æquali, plano, & erysipelatoso tumore crassescit, atque atrollitur; dum in artubus, & trunco corporis exanthemata variolosa sunt ferme discreta, colore tamen, magnitudine, & figura a discretis regularibus, & benignis non parum discrepantia. Colorem enim habent, qualem morbilli, sed minus vividum; figuram incertam, & magnitudinem multo minorem. Hinc primo eruptionis die a morbillis non distinguuntur variolæ istæ, nisi duritie

qua-

quadam renitenti. Secundo, & tertio depressæ ; & sessiles adhuc remanent, & vix , aut ne vix quidem acumen proferunt, nec in fastigium ele-
vantur . Interim colore quasi livescunt, non se-
cus, ac in iis sanguis stagnaret , atque immotus
consisteret. Primo demum suppurationis die fa-
ciei cutis albescere chartæ pergamenæ instar , ut
in priore specie , consuevit , morte paullo post
subsequente , æque ac in toto corpore variolæ
confluxissent (a). Hæc species *morbillosa* dici pos-
set ; estque æque maligna ac superior , sed fre-
quentior , & magis obvia . Hujus propemodum
generis fuerunt variolæ *confluentes anomala ann.*
1670. 71. 72. quas Londini sævientes vidit SY-
DENHAMIUS (b) . Quia tamen discrimen aliquod
inter hæc, atque illas MORTONI intercedit, id-
circo harum quoque descriptionem adjiciam . Se-
cundo vel tertio die se primum exserebant *specie*
tumoris subrubri, atque uniformis, vultum omnem
contegentis, erysipilate quidem densioris ; nullo
fere visibili pustularum discrimine . In reliquo
corpore sparsim cernebantur quædam latiora spa-
tia innumeris prope pustulis rubris, & acribus in
unam coalescentibus conspersa, inter quæ in fe-
moribus potissimum vesiculæ satis conspicuæ , iis
quas ignis excitat, persimiles , sero limpidò ple-
næ eminebant . His subinde disruptis, & sero
copiose effuso , nigra & veluti sphacelo affecta
carò subter apparebat. Quando dirum hocce spe-
ctaculum occurrebat ; rarum enim erat , & tum
solum obvium , cum ferocius epidemica constitu-
tio debacchata est ; non diu post ægri mortem
obibant . Ceterum die undecimo subrubrum fa-
ciei tumorem hic illic primum excipiebat alba
pellicula splendens, quæ mox toti vultui obduce-

Morbillosa.

batur. Ex hac alba pellicula brevi post materia quædam splendescens, in crustas desinens colore saturate rubro concreti sanguinis speciem referente, qui maturescente pustula ad nigrum magis in dies vergebat, donec tandem tota facies, quasi fuligine tincta, atra appareret. In hac pestilente qui gravius, & ferocius ægrotabant, paucis ab eruptione diebus, ut dixi, interibant. Reliqui non undecimum diem, qui communiter confluentibus malignis extremus est, sed decimum plerumque quartum, aliquando etiam decimum septimum, nisi malo regimine mortem accelerassent, fatalem experiebantur. Quem si effugissent, res in tuto erat. Febris, & symptomata omnia, quæ vel præcedebant, vel comitabantur hanc luem, solito graviora erant, & manifestiora igneæ cujusdam, & causticæ conflagrationis indicia exhibebant. Major quoque solito erat ad ptyalismum proclivitas. Pustulæ vero mole longe minores, sed ita ardentes efferatæque, ut *non facile, ubi primum apparebant, ab erysipelate quis eas discreverit, vel etiam a morbillis*. Crustis demum deciditibus succrescebant furfures diutius hærentes, fœdioraque stigmata cuti inusta relinquentes. Tempore eodem dysenteria epidemice urbem peragrabat. Ab hac interdum variolæ in primis regimine calidiore provocatæ stipabantur, quod notandum erat, ne quis credat proprium variolarum symptoma fuisse.

(a) MORTON. *l. c. p. 80.*

(b) *Oper. sect. 3. cap. VI. p. 229.*

§. CXCVI.

Quæ sequitur variolarum confluentium species, ^{Tertia species} maligna item est, sed minus feralis. In hac variolæ confertim erumpunt, parvæ admodum, & quasi discretæ, sed ubique, non excepta facie, cohærentes, & sine ordine dispositæ. Hæ quoque, postquam eruperint, toto reliquo eruptionis stadio, nunquam acuminantur, sed cutim tantummodo, veluti urticarum ictus, exasperant. Initio vero tertii stadii, sive suppurationis albescent & ipsæ, & sic confluunt, ut speciem albidæ cujusdam telæ, præsertim in facie, exhibeant. Hæ quamvis binis prioribus minus perniciosæ, utpote quæ facilius suppurant, atque exsiccantur, egent tamen pyalismo protracto, urinæ copia, atque extremorum diutino tumore, ut in salutem terminentur. Sin vero pyalismus, qui a prima mox eruptione incipere solet, justo citius sistatur; aut eum in suppuratione suppressum non suppleat uberior urina, aut alij fluxus, aut sudor largus, atque universalis; aut harum evacuationum quodammodo vices gerat citus, & permanens extremorum artuum tumor; vix quisquam ad decimum quartum, aut decimum quintum morbi diem vitam (a) producit.

(a) *Id. ib.*

§. CXC VII.

*Quarta
species;
sive va-
riola san-
guinea.*

Quarto loco referam illam variolarum confusentium & malignarum speciem, quas *sanguineas* vocant. Sunt enim vesiculæ sanguine veluti plenæ, quæ modo livescunt, modo maculas lividas conjunctas habent, aut purpureas intervallis liberis interspersas. Tales vero vel jam ab ipso initio apparent, videlicet minuta tubercula atro sanguine plena repræsentantes, iis profecto simillimæ sugillationibus, quas cutis aliqua particula forcipe comprehensa, & vexata relinquit: vel tales processu tantum morbi evadunt, cum nempe variolæ confertim jam natæ, tertio vel quarto ab eruptione die, quo suppurare deberent, nequaquam tum suppuratum eunt, sed lividæ, & suberuentæ fiunt, maculis simul nigris, vidicibus, vel periculis per totum corpus obortis; quæ nihil aliud esse videntur quam parvæ quædam gangrænulæ, plerumque intra unum vel alterum diem sequuturam mortem significantes. Tunc temporis sæpissime sanguis sic diffluit, liquatur, & corrumpitur, ut ex ore, naribus, oculis, vel ex quocunque alio corporis meatu, renibus præsertim, vesica, uterove quam attenuatissimus prorumpat. Atque id quidem non solum in eo, quod dixi, suppurationis stadio, verum etiam in duobus prioribus quandoque (a) usuvenit. Variolas hæc *sanguineas* brevi livescentes cum mixtu sanguinis copiosissimo semel vidit HAENIUS; quinto morbi die (b) jam lethales. Si quis eas *gangrænosas*, & *putridas* vocare malit, præsertim cum livent, & nigras phlyctænas imitantur,

sanguinea dicuntur etiam gangrænosa & putrida.

tur, jure eum quidem facturum ego putaverim.

(a) MEAD. de Variol. p. 28. & SYDENH. Differ. epistol.

(b) Febr. division. p. 100.

§. CXCVIII.

Putridæ certe, & malignæ fuerunt variolæ ^{Descriptio} confluentes plerumque cum periculis, interdum ^{putridarum confluentium} cum exanthematis miliaribus, immo etiam non ^{Halleri.} numquam cum utriusque complicatæ, quas grassari vidit magnus HALLERUS anno 1735. Jam pluribus annis, ut ipse narrat (a), quieverant variolæ, sparsim paucis molestæ, & benignæ. Annus 1736. tota parte priori humidus, pluvius, & adeo aquilonius fuit, ut tota æstate tonitru semel aut bis sit exauditum, raro certe hisce in terris exemplo, & aquarum eluviones passim factæ sint. -- Martio mense prodierunt variolæ discretæ, & ut in nostra regione plerumque, benignæ. Auctus paullatim agrotantium numerus, & maio, junio, augusto mense plane insolitus fuit, & pauci omnino homines immunes manserunt, qui prius id tributum naturæ non dependerant. Septembri morbus languere cœpit, & paullatim cessit feбри miliaria. Æstivis mensibus variolæ confluentes frequentes fuerunt, neque raro erumpentibus supervenerunt maculæ nigrae, & in adultis agris exanthemata miliaria. Plurima ergo funera elata sunt, & gravius agrotantium pauci evaserunt, iique post longum demum tempus. Gravius, diutiusque ii laborarunt, folique maculis nigris infestati fuerunt, qui medicamentis,

tis, & victu calidioribus morbum corruperant: Erumpebant maculae nigrae simul cum confluentibus variolis die morbi quarto, quintoque, ab eruptione adeo secundo, tertioque, copiosa, plana; ad duas lineas lata, ex caeruleo nigra, saepe atramento nigriores. Eas precedebant acres dorsi dolores, pleuritica puncta; sanguinis sputum: excipiebant deliria, tussis ferox, & octavo die, nonoque subsidentia pustularum funesta. --- Ade-rat summa humerum alcalescentia, inde factor horridus tum pustularum, tum animae agrotorum. Qua ratione vir summus a tam terribili malo suos agros servaverit, dicemus postea, ubi de variolarum curatione sermo habebitur.

(a) Opus. patholog. p. 112. Lausan. 1755.

§. CXCIX.

Sexta species sive confluentes crystallinae. Confluentium quoque malignarum species interdum sunt *Crystallinae*, sive *lymphaticae*, itemque *siliquosae*, de quibus supra (§. CLXXXIII.) memoratum est. SAGARIUS in ferali illa Iglaviensi Variolarum epidemia, quam memoriae scripto prodidit, plures confluentes lymphaticas sibi adjacentes interdum coivisse in vesicas magnitudine nucis myristicae, vel Jobis. His siliquosas alii vocant, ipse bullatas. Raro eas lymphae aquea pellucida, sed plerumque semiopaca candida, aut subopaca gilba, vel pulla repleti penitus vidit, aut quod saepius contigit, flaccidas vacuas invenit. Præterea testatur, se nunquam bullatas istas solas per se in ullo ægrotante reperisse, sed insemintas verrucosis, herpetosis, purulentis seorsim, vel omnibus simul (a). Concedit tamen, sta-
dia

dia omnia in eis de more fuisse longiora, & in primis illud, quod dicunt, suppurationis, si hoc nomine tamen dignum est, cum nulla suppuratione terminetur. Ampullæ enim vel a lymphæ contenta exesæ, atque arrosæ, vel disruptæ morbo finem faciunt (b). Mirum sane est, quod non nulli ex variolis lymphaticis una cum *suppuratoriis* decumbentes, qui *ignavi*, & sui quasi *incuri* jacebant sine feбри, sine ullo faciei tumore, & sine ullo ferme ptyalismo, repente ex latente causa occumbere interdum visi (c) sunt. Probabile est, id ex metastasi humoris variolosi intro-
versi evenisse.

(a) *Dissert. de Variol. Iglav. p. 10.*

(b) *Id. ib. p. 18.*

(c) *Id. ib. p. 21.*

§. CC.

Omnes autem memoratas hasce species (§. *Harum* CXCIII. ad CXCIX.) post variolarum etiam *specierum* eruptionem febris continua mali moris cum pul- *sympto-* su debili, & crebro, aut celeri, lingua arida, *mata in* calore ad tactum non magno, deliriis, comate, *secundo* pervigilio, subsultibus tendinum, aliisque id ge- *stadio.* nus perniciosis symptomatibus per totum secundum stadium prosequitur: non enim post eruptionem, quod jam notavi (§. CXCIV.), ipsa cessat; aut remittit, uti in benignis, aut mediam naturam (§. CLXXXIII.) habentibus (a). In his æque ac in reliquis confluentibus niti solet Natura se ab varioloso veneno, assimilatisque per ipsum humoribus liberare vel ptyalismo, vel diarrhæa, vel sudoribus, vel urinæ profluvio: ve-

rum non semper suo fine potitur ; nam sæpenu-
mero in inutilem , ac crebrum mingendi cona-
tum omne ejus studium resolvitur , subsequente
denum Ischuria letifera .

(a) MORTON. l. c. p. 81:

§. CCI.

*Quando
sub beni-
gnarum
specie su-
dunt .* Quando vero variolarum benignarum (Paragr.
CLXXXVI CLXXXVII.) more invadunt, erum-
puntque, quod interdum fit , & fallacem quo-
dammodo speciem assumunt ; abdita tamen earum
malignitas manifestatur ab efferato alvi fluxu , su-
*Species
septima .* dore colliquante , deliriis , agrypnia , aliisque ma-
lignis symptomatibus , aut peticulis , vesiculisve
miliaribus interstitia variolarum occupantibus ,
quæ , uti jam diximus (§. CLXXX.) secundo
*Confluen-
tes mediæ
naturæ .* saltem ab eruptione die in collo, pectore , bra-
chiisque se exserunt . Præterea quemadmodum
discretas variolas mediæ inter benignas , & ma-
*Species
octava .* lignas naturæ interdum existere (§. CLXXXII.)
supra comprehensum est ; sic confluentes ejusmodi
quandoque sunt , ut medium inter benignas , &
malignas locum teneant . In his eruptio non adeo
cita , & prompta est , & natura ad secundum ,
aut tertium fere ab incepta eruptione diem du-
bio pene Marte dimicare videtur . Interea febris
in eodem quasi statu manet cum vigiliis , delirio ;
aliisque symptomatibus , quibus in primo jam sta-
dio stipabatur . At post hujusmodi spatium , na-
turæ vi superante , febris intermittit , vel sal-
tem cum omnibus symptomatibus manifesto re-
mittit ; pulsus , calor , atque appetitus ad natu-
ra-

ralem prope modum redeunt; verum cum variolosa materies non omnis secreta, atque expulsa sit, partim ex hac causa, partim ex incipiente suppuratione pustularum in tertio stadio febris invalescit, resurgitque in continentis acutæ speciem, quæ tamen ultimo demum stadio in remittentem, & mitiorem commutatur. Quia vero in secundo stadio non universa variolosa materies ad cutim, ut animadversum supra est, propulsa est, atque adeo febris non omnino cessavit; idcirco recentia quotidie exanthemata variolosa hic illuc erumpunt. Non enim in hac specie uno, eodemque die, ut in discretis, & benignis, pustulæ cunctæ una prodeunt, sed primo faciem & manus, secundo brachia, & truncum, demum crura & pedes pervadunt. Immo interdum, trunco corporis præterito, sola facies, atque artus variolis admodum sequentibus, & fere cohærentibus obruuntur. Aliquando etiam inter pustulas primum ortas aliæ atque aliæ recentes succrescunt, sic ut quæ primo die discretæ, & distinctæ cernebantur. tertio mox die confluant, aut cohæreant, magnitudine, & forma plane incertæ, & variæ, nec probe rotundæ, nec colore vividæ, ut regulares. Sequentibus porro diebus lentius etiam suas bases protendunt, ægriusque acuminantur, quodammodo sessiles, & depressæ, rectiusque minus renitentes. Tertio autem eruptionis die, antequam recrudescat febris; supervenit ptyalismus sine ullo tamen, præsertim si æstas sit, oxanthemate in faucibus, & tonsillis, aut ore, quod salivæ fluxum proritet; si contra hiems fuerit, cute nimirum frigore obstricta, minusque patula, exanthemata in illis partibus se quoque produnt, &

Febris secundaria.

Ptyalismus.

frequentem expuitionem , & tussim (*a*) concitant .

(*a*) MORTON. *l. c. p. 82.*

§. CCII.

Quandoque in benignas mutantur.

Non nunquam variolæ istæ (§. CCI.), quas mediæ naturæ vocant , veneno per eruptionem expulso , vel certe multum minuto , sicque sanguine ab eodem repurgatio , in benignas prorsus vertuntur . Tunc , licet ægrius eruperint , figuram exacte rotundam assequuntur , & rubro margine circum cinguntur , & quamquam primo ineuntis suppurationis die earum complures hic illic ostendant in medio foveolas , tertio tamen , aut quarto assurgunt , & apicem extollunt . Quinto demum die jam pure repletæ flavescunt , & siccati incipiunt . Hinc æger sine ptyalismo , sine febre secundaria , sine extremorum tumore , alias perneccessario , feliciter (*a*) convalescit . At si imperfecta variolosi humoris expulsio contigerit , reliquum per glandulas salivales amandare natura tentat . Sed tum serius , segniusque ad maturitatem variolæ perveniunt ; quo fit , ut maturacionis stadium incertæ omnino durationis sit , & modo ad quatuor , sex , octo , duodecim , modo etiam ad plures dies extendatur . Quo in casu pustulæ in medio depressæ ubique apparent , neque earum margines rubent ; quamquam deinde paulatim eleventur , & exturgescant . Remanent nihilominus albidæ , & quasi dellucidæ , quia non pure , sed aqua limpida , aut aere replentur , Denique debita jam adeptæ magnitudinem pus aliquod conficiunt , atque ex eo flavescunt , justo

ta-

tamen flaccidiōres, & pleræque, in artubus speciatiim, confluentes. Ut vero lentissime suppurationem subeunt, sic valde sero exarescunt, & cutim cicatricibus sæpe deturpatam relinquunt (b). Ceterum tanta est ptyalismī in confluentibus variolis præstantia, ut quandoque eo omnis variolosus humor excernatur, agro interim & a febre, & ab alio quocumque malo symptomate libero.

(a) *Id. ib. p. 104.*

(b) *Idem ibid.*

§. CCIII.

In tertio stadio quæ confluentibus variolis malignis obveniant, jam supra magna ex parte comprehensum est. In primis animadvertendum duximus, variolas, quæ in stadio secundo symptomata maligniora (§. CXCV.) sibi adsciscunt, & præ ceteris ob universalem cutis rubedinem erysipelatosæ dici possunt, initio tertii, primo videlicet, vel altero suppurationis die mortem (a) ut plurimum afferre, ruboremque illum eo tempore in albedinem late diffusam, & prope universalem, visu teterrimam permutari. Nunc addimus quædam de illis, quas *morbillosas* ob magnam sub initium cum morbillis similitudinem appellari posse (§. CXCV.) diximus. Hæ igitur, etsi in pectore, aliisque corporis partibus fere discretis æquales videantur, atque in medio albicent, tamen in *tertio* hocce *stadio* non ambiuntur, circulo rubeunte, ut veræ discretæ, nec elewantur, nisi quam minimum, & interjecta cutis spatia tantum abest ut rubeant, quin potius livent, aut

Quæ in tertio stadio morbillosis variolis accidunt.

pallent. Hinc pustulæ sessiles, & depressæ manent. Cuticula vero, quæ in earum summitatibus secedere visa antea est, iterum aridæ squamæ instar cuti agglutinatur. Illud autem fere commune omnium confluentium malignarum est, quod pyalismus, qui singulas in *secundo stadio*, præsertim in adultis, comitabatur, in hoc *tertio* exiguus omnino est, & cito sine capitis, faucium, aut extremorum tumore cessat. Tunc succedit molesta, frequens, atque ut plurimum irrita mingingendi cupiditas. Quod ubi incidit, æger raro miserrimo in hoc statu ad secundum, aut tertium hujusce stadii diem vitam * protrahit.

(a) *Id. ib. p. 102.*

* Micturitionem hanc universum ceu signum fatale plerique damnant. At LUDWIGIUS (*Instit. medic. §. 198.*) monet, non semper eam metuendam esse, *dummodo reliqua signa bona sint, in primis si urina non prorsus aquosa, sed quodammodo tincta est, & partem materiæ morbosæ subducat.* Sed tunc micturitio irrita non est, qualem supra reprobavimus.

§. CCIV.

Quæ in quarto stadio eisdem obveniant, quando superantur. Si quis tamen fortunatior, quod quidem rarissimum est, tamdiu, variolis nunquam maturiscentibus, morbum sustineat, ut in *quartum*, si ve ultimum *stadium* ingrediatur, quod decem, aut duodecim diebus tunc absolvitur; is febricitat continenter, & vigiliis, delirio, lipothymiis, aliisque pravis symptomatibus, quæ antea jam eum premebant, divexari pergit; donec artis, naturæque auxiliis febris vincatur, die videlicet morbi fortasse decima septima, aut vigesima, sanitasque tan-

tandem redeat. At si hæmorrhagiæ, quæ plerum- *Exceptio.*
 que antea supervenire solent, adhuc persistant;
 fieri non potest; quin citissima mors eum tollat.
 Alii quasi hectice confecti, & lente consumpti ad
 tricesimum usque diem trahuntur quidem, sed
 tandem sphacelo quarundam partium sepe inopina-
 to (a) correpti decedunt. Reliqua; quæ ad *ter-* *Reliqua-*
rum sym-
ptomata
jam tra-
dita su-
pra.
tium & quartum stadium in qualibet specie atti-
 net, missa facio; utpote vel jam in singularum
 recensione satis supra indicata, vel non dissimilia
 ab iis, quæ in confluentium benignarum historiis
 (§. CLXXXIX. ad CXCI.) exposita fuisse. Hoc *Additio*
de qui-
busdam
epidemi-
cis.
 unum adjiciam scitu non inutile; in quibusdam
 epidemicis constitutionibus non modo frequentius
 genus unum variolarum, quam aliud observari,
 sed etiam interdum species omnes seorsum vaga-
 ri; immo etiam sic commisceri, ut simul in eo-
 dem quandoque ægro cernantur; discretæ nimi-
 rum, cohærentes, verrucosæ, crystallinæ, sili-
 quosæ, morbillosæ, erysipelatosæ, sanguinæ &c.
 quod SAGARIUS in epidemia Iglaviensi ann. 1776.
 se vidisse testatur.

(a) MORTON. *l. c. p. 103.*

*Symptomata non nulla notatu digniora; discretis
 & confluentibus variolis communia.*

§. CCV.

In præcipuis, & gravioribus symptomatibus,
 quæ variolis superveniunt, numeratur *Phrenitis*, *Phrenitis*
 quam

quam adesse dicimus, quando æger caloris impatiens e lecto magna vi profilit, furit, delirat, & vix ab assidentibus contineri potest. Id in quocumque variolarum stadio accidere observatum est. Pro diverso autem tempore, quo symptoma istud accesserit, variæ etiam causæ ejus accusari solent. In *apparatu*, aut in *eruptione* ipsa plerumque eam efficit plethora, nimius sanguinis fervor, concitatio ejusdem ex febris motus, inflammatoria diathesis, acritas variolosa cerebrum irritans: in *suppuratione* vehemens, atque ingens pustularum præsertim cum multæ, & frequentes sint, inflammatio, dolor molestissimus, nervorum ataxia, pervigilium; aut puris regressus, & metastasis. Similibus ex causis oritur non nunquam *coma* *truncque*, *coma somnolentum*, aut *lethargus*, somnus scilicet altus, e quo difficulter, & vi tantummodo ægri excitantur, in eundem mox relapsuri. Pluries jam adnotavimus, maculas rubras, aut purpureas, aut lividas, peticulasve variolis internasci, quæ modo primariæ sunt, atque adeo cum variolis conjunctæ, ac complicatæ, modo secundariæ, & variolarum effecta, sive symptomata videntur. Primum accidit potissimum, quando peticulæ epidemice grassantur, aut stationariæ sunt; tunc enim morbi quicunque intercurrentes, aut subsequentes, itemque variolæ, si simul ingruant, aut superveniant, cum morbo peticulari complicantur, aut aliquid ejus naturæ participant. Alterum vero evenit, quando variolæ cum ea sanguinis dyscrasia, quæ ad ecchymoses, vibices, suggillationes, peticulasque gignendas pronior est, *causæ* copulantur, aut regimine calidiori, medicamentisque alexipharmacis perperam curantur, sic ut sanguis præter modum effervescat, & vehementer

in minima cutis vasa impellatur. Quod de peti- *Exanthemata miliaria.*
culis dicimus, intelligatur etiam de exanthemati-
bus miliaribus, aliisque affinibus, quæ pariter
cum variolis complicari possunt, aut iis, ut sym-
ptoma, supervenire. Sed illud sciri etiam debet,
quandoque in summis variolarum apicibus, qui *Variolarum apices nigri; sive eorum gangrenula unde?*
in medio sæpe subsidunt, sparsim exiguas macu-
las nigras acicularum capita non superantes appa-
rere. Hæ quidem vel a necrotica variolosi hu-
moris natura, vel a prava sanguinis diathesi, vel
ab inepto regimine profisciscuntur, & pro parvis
gangrænulis vere habendæ sunt. Quando a poste-
riore causa gignuntur, regimine in opportunis,
temperatiusque mutato, niger illarum color paul-
latim diluitur, deinde in fuscum vertitur, & de-
mum in flavum, qui bonæ & benignæ matura-
tionis propius est.

§. CCVI.

Nec rarum est, variolas difficulter, atque im- *Difficilis eruptio, aut nat-
tarum de-
pressio.*
perfecte prodire, aut jam natas repente concide-
re, deprimi, flaccescere, utroque, ut ajunt,
verti. Huic autem malo occasionem porrigit vel
languida nimis vitæ vis, vel incauta frigoris su-
sceptio, vel præpostera sanguinis missio, cathar- *Causæ.*
sis, aliave quæcunque nimia evacuatio, vel posi-
tio corporis erecta diuturnior, vel longior extra
lectum mora, vel animi defectio, vel subitus
terror, vel tristis nuntius, similesque causæ,
quæ vitales vires minuere, aut dejicere aptæ sunt,
vel vascula cutis coarctant, humoresque ad inte- *Effecta.*
riora repellunt. Quæcunque ex causa fiat, peri-

culosa, immo lethalia inde symptomata oriuntur; retenta videlicet in interioribus sedibus, aut intro translata variolarum materia. In adultis ex hujusmodi metastasi * sæpe diarrhœa profluit, perniciem non raro afferens. Negari tamen haud licet, interdum variolarum eruptionem a vehementiori sanguinis motu, aut a nimia vasorum plenitudine retardari, & quodammodo intercipi, & præpediri; paratam vero in pustulis materiam a nimio calore sive aeris, sive tempestatis, sive cubiculi, sive lecti, sive regiminis sic attenuari, & dissolvi, ut facillime absorbeatur, atque ad interiora remeet; flaccidis, inanibusque relictis variolis.

*Interdum
a contra-
ria caus-
sa oritur.*

* Pus resortum, & ad cerebrum perductum phrenitidem, convulsiones, soporem, ad pulmones, suffocationem cum pulsu deficiente, aut intermittente tempore præsertim inspirationis; ad oculos, visus extinctionem, eorumque corruptionem procreat, SAGAR *de Variol. Inglaviens. p. 20.*

§. CCVII.

*Ischuria
vera, &
spuria.*

*Ejus
causæ.*

Frequens quoque symptoma est in Variolis quibuscunque, sive discretis, sive confluentibus urinæ suppressio, aut retentio dolorifica. Supprimitur enim vel quod in renibus ejus secretio deficit, vel secreta retinetur, quod vesica, cum in ipsam descenderit, eam excernere dequit, sive id vesicæ resolutione, sive sphincteris spasmo, sive tumore, aut inflammatione cervicis ejus, urethræ, adstitarumque partium, sive meatu, itinereve per mucosam, purulentamque urinam ob-

stru-

fructo id fiat . Juvenes in primis in hujusmodi malum incidunt . Quovis item variolarum tempore supervenit quandoque *hematuria*, sive sanguinis mictus, qui plerumque summum vitæ periculum intentat . Ei præcipue obnoxii sunt adolescentæ, aut in ætatis flore constituti, & vino, fermentatisque liquoribus infarcti . Hi quoque, sed rarius, sanguinem exspuunt, aut ex-^{*Sanguinis sputum.*} tussunt . Aliis vero uteri, narium, intestinorum, ^{*Hæmorrhagia*} & ceterarum partium hæmorrhagiæ superveniunt; quæ omnes sanguinis evacuationes, quando ab ejus nimia tenuitate, & dissolutione proficiuntur, ut plerumque evenit, quasi semper propinquam mortem præmonstrant . Cavendum tamen est, ne catameniorum eruptio tant in primo stadio, quam in sequentibus continuo vel in non amplius menstruatis cum vulgo pro malo, perniciosoque signo habeatur; nam sæpe sine ulla noxa hujusmodi evacuatio modum non excedens supervenire (a) visa est .

(a) *Journal de Méd. Janvier. 1782. p. 86.*

§. CCVIII.

Quandoque a Variolis non leviter oculi ple-^{*Oculorum morbi.*} ctuntur . Modo variolosa materies lympham lacrymalem inficit, atque hinc dolent, rubent, ardent, & lacrymas fundunt; modo palpebræ, vicinæque partes ita intumescunt, ut oculi penitus claudantur . Sed hæc sane leviora videntur . Longe deterius est, si in ipso oculi bulbo variolosæ

pur-

pustulæ malo fato germinent : nam tum ophthalmias, dolores, abscessus hypopya, staphylomata, leucomata, cicatrices, sæpe indelebiles inferunt, immo interdum sic totum bulbum corrumpunt, ut oculis ægri orbentur. Nec aures ab iis immunes linquantur. Si earum interiora materies variolarum obsederit, non desunt otalgia, inflammationes sive otites, apostemata, ulcera manantia, surditates, aliaque harum partium pertinacissima incommoda. Sed inter symptomata cuiusque variolarum generi communia non reticendus est vomitus, de quo pluries in earum descriptione mentio facta jam est. Is plerumque a sola febrili commotione in tenellis, sensibilibusque corporibus, aut a varioloso miasmate nervos paris vagi, ventriculique membranas irritante in primo stadio, sive in apparatu concitatur. Quando ex hac causa pendet, simul ac extorsum omne virus pustularum forma prodierit, protinus conquiescere consuevit. Interdum gastrica, aut biliosa saburra, ingestorum depravatio, aut vermes eum fovant. Tunc antecesserunt cacochylia causa; adest malus oris sapor, linguae sceditas, ciborum fastidium; bilis, aut corrupti alii humores vomitu prodeunt; vermes aut & ipsi expelluntur, aut suis se signis produnt, uti narium pruritu, sternutamentis, fugacibus alternisque faciei ruboribus, pavoribus in somno, dentium stridore, ventris doloribus, & huiusmodi aliis symptomatibus. Non raro hisce omnibus adjungitur alvi fluxus foetens, cinereus, viridis, flavus, vitellinus, variegatus. Quando hinc vomitus oriri videtur, facile patet, variolas cum gastrica, & verminosa cacochylia complicari, atque multa anomala, insolitaque symptomata sibi

adsciscere , quæ nullo modo varioloso miasmati adscribi debeat .

§. CCIX.

Febres etiam intermittentes quandoque se va- *Febres in-
termittentes.*
riolis admiscunt , & propriam , peculiaremque cu-
rationem exigunt ; quod opportune , & recte a-
nimadvertit (a) MEADIVS . Interdum etiam tussis *Tussis.*
variolis adjungitur , plerumque uti epigenome-
non . Nam earum nequaquam propria est . Ipsa
vero vel in principio , vel in progressu , vel in
fine accedit . In primo casu vel catarrhalis est ,
vel symptoma peripneumoniæ ; in altero a pustu-
lis laryngem , & fauces obsidentibus gignitur . In
tertio demum a variolosa materie ad pulmones
delata . Neque interdum sternutamenta absunt ,
quæ a pustulis nates internas laceffentibus potis-
simum excitantur . Illud vero rarum omnino esse
arbitror , quod a MICHAËLE SAGARIO (b) obser-
vatum lego . Is in variolis Iglaviensibus epide- *Dolor e-
piscopus.*
mice grassatis , quarum historiam typis evulgavit ,
sub finem tertii stadii , aut sub initium quartæ
supervenire vidit dolorem osteocopum omnium
artuum , qui duodecim , aut ad summum viginti
quatuor horas perdurabat . Infantes , quos in pri-
mis hoc symptoma infestavit , ejulabant , contremiscebant , clamitabant , jactabanturque irrequie-
ti , & morosissimi toto eo tempore . Quo exacto
evanescebat dolor , succedente artuum adema-
te , quod faciei jam collapsæ tumorem excipiebat
bono omine . At ubi dolor ultra memoratum tem-
pus producebatur , certum erat proximi obitus
in-

indiciū . Vidit quoque idem SAGARIUS non nullis pus variolosum adeo causticæ , exedentisque naturæ fuisse ; ut fauces , uvula , velum pendulum , palatum ; maxillæ , naresque penitus destruerentur ; ipsique dentes ex alveolis (c) exciderent . Atque hæc præcipua sunt symptomata ; quorum , ubi se in variolis exhibent , peculiaris sane ratio habenda est ; ut recte iis medeamur .

(a) L. c. cap. IV.

(b) L. c. p. 19.

(c) Ib. p. 20.

§. CCX.

Symptomatum triagenera .

Postremo restat , ut quædam de symptomatibus ipsis admoneamus . Hæc enim non solum seorsum , & singillatim ; ut supra ; considerata sunt , verum etiam conjunctim , & simul sumpta ; quo peculiaris totius morbi natura , unde curationis ratio præsertim promovenda est ; clarius ; distinctiusque internoscatur . Quando enim hæc talia sunt ; ut variolas a regulari , miti , benignoque ingenio deflectere ostendant , si probe pendantur , non unius , sed multiplicis generis ea esseprehenduntur . Potissimum vero ad tria summa genera redigi solent ; nimirum vel ad inflammatoria ; vel ad nervosa ; sive maligna & typhodia , vel ad putrida . Primi generis symptomata plerumque notantur in iis , qui validis , durisque fibris donantur , & multo , densoque sanguine turgent , vitæque lauto , atque opiparo vediti sunt . In his variolosa contagēs magnum , vehementemque mor-

Inflammatoria , nervosa , & putrida .

Symptomata primi generis .

sunt

cum febrilem suscitatur, quocum pulsus velox, plenus, durus, tensus; respiratio calens & magna, & difficilis, vel parva, brevis & frequens; faciei, oculorumque rubor insuetus; calor ardens; sitis ingens; dolor capitis, dorsi, lumborum, atque artuum acutissimus; lingua sicca, & rubra; urinæ valde coloratæ; carotidum, & temporalium arteriarum incitatio, altiorque micatus junguntur. Hinc sæpe pulmonibus, cerebro, oculis, faucibus, aliisque partibus non leves impendent inflammationes. Sanguis, qui in his educitur, crassamento est firmo, compacto, valde cohærente, serosæ partis inope, crusta rubra, aut flava, aut rubro-albida, tenaci, phlogistica * obiectus (a).

* Ex lingua alba, subsicca, tumidula, calente, papillis eminentibus distincta contendit SAGARIUS prænosci posse crustam phlogisticam in sanguine educito apparituram. Variol. Iglav. p. 46.

(a) HUXHAM. Essay sur la petit. Verol.

§. CCXI.

Contraria his (§. CCX.) symptomata omnino sunt ea, quæ nervosa, sive maligna, & typho-
dia vocavimus, qualia nempe in febribus lentis
nervosis malignis, sive typhis nervosis aliter dictis se exserunt. Siquidem æger, antequam variolis corripiatur, diu languet; & deinde iis correptus languere multo magis pergit; febris non magna est; pulsus debilis, parvus, celer, inæqualis; animus abjectus; color faciei pallidus; aspectus teter, & tristis; urina aquea; & cruda; sitis exigua; calor mitis, & quandoque naturali minor; caput grave, ac facile vertigine affectum, cum

Symptomata secundæ generis.

cum tremore artuum, nausea, vomitione, ægritudine, comate vigili, subdelirio, & lassitudine universali. In maligniori casu tanta est sensibilitatis, irritabilitatisque depressio, ut nulla ægritudo, nullus vomitus, nulla jactatio ægrum fatiget. Sæpe in hujusmodi statu, & stupore sex, septem; octo, vel novem dies transiguntur. Tandem exanthemata variolosa erumpunt, plerumque mali moris, pallida, cruda, depressa, umbilicata, difficulter prodeuntia; quæ nunquam, ut par esset, maturescunt. Plana enim, flaccida, ferme inania remanent; aut in vesicas, ampullasque humore crudo; aqueo, ichoroso plenas confluent, donec sub finem, quæ faciem tenent, in crustam horridam, nigram, aut luridam cineream, & cadavericam, apprime adhæsam (a) desinunt.

(a) HUXHAM. l. c.

§. CCXII.

Symptomata tertii generis.

Putrida demum symptomata adesse dicimus, cum sanguis ita in variolis liquefit, & dissolvitur, ut pene putrescere videatur. Tunc sane signa inflammatoriæ diatheseos (§. CCX.) absunt; eorumque loco cuncta phænomena putridam humorum tenuitatem, & facilem corruptionem præferunt. *Nervosa* (§. CCXI.) vero vel omnino deficient; vel, si non desint, cum alcalescentiæ, dissolutæque sanguinis compagis symptomatibus conjunguntur. Fœtet vehementer oris halitus, fœtet sudor, urina fœtet; pulsus languent, & pressioni vel levissimæ se submitunt, molliterque subsiliunt; peticulæ, ecchymoses, vibices in
cute

cute apparent; hæmorrhagiæ effrenes corpus exhauriunt, vires prosterunt; pustulæ variolosæ nigricant, & gangranosæ evadunt, & sæpe, simul effloruerunt, sanguineæ videntur, sanguinemque facile fundunt. Id maxime evenit, ubi variolæ exiguæ admodum sunt, & distinctæ cum signis tamen malignitatis, aut calidiori regimine præter modum urgentur, aut in scorbuticam dyscrasiam inciderint. Exempla supra (§. CXCVII. & CXCVIII.) reperies. Caveto autem, ne has confundas cum aquosis, ichorosis, & crySTALLINIS, siliquosisque (§. CXCI.), quas a vere putridis omnino secerni oportet. Differentiæ igitur istæ a symptomatibus indicatæ (§. CCX. CCXI. CCXII.) animadversionem summam merentur, ne in administrandis remediis turpiter (a) erremus, ut suo loco patebit.

(a) *Id. ib.*

Prognosis.

§. CCXIII.

At non satis ex Medico morbos per suas notas cognoscere, aptamque iis curationem adhibere; nam sæpe morbi, etsi perspecta sit eorum natura, quodcunque tamen artis conamen eludunt, atque aspernantur; aut contra ægri, ignoto licet Medicis morbo, vel naturæ solius, vel fortuita artis ope convalescunt. Quo fit, ut ex adverso, vel secundo morbi exitu de medici præstantia iudicium ferri nequeat. Non desunt funera vel sapientioribus, nec imperitissimis interdum triumphi. Sed summa veri & sapienti medici laus in

Signa prognostica vel antecedentia sunt, vel comitantia.

eo versatur; ut quid spei, aut discriminis moribus habeat, quo contendat, quem finem assecuturus sit, recte, prudenterque prævideat, ac præfagiat. Quod quidem nemini unquam licuerit, nisi peritissimo, exercitatissimoque Artifici. In hac igitur Medicinæ parte eum excellere oportet, qui a vulgaribus, ignarisque medicis distinguere velit. Itaque cum variolæ multiplicis generis sint, magnitudinemque periculi non inam habeant, neque exitum unum consequantur, rem non inutilem, neque supervacuum fecero, si quæcunque longa clinicorum observationem comperta habemus ad præfagiendum, in unum coacta, & digesta oculis cujusque subjiciam. Quia vero ex his alia, quæ futuræ variolæ sint, edocent; alia præsentium naturas, atque eventus ostendunt; idcirco ea in *antecedentia*, & in *comitantia* recte tribuuntur. De illis primum dicam, deinde de alteris.

§. CCXIV.

Quærendum primo est, qua æger valetudine ante usus sit; an bene habuerit, an bono corporis habitu præditus exstiterit, num commodo, & tranquille vitam duxerit? Tum enim variolas melioris notæ expectari licet, utpote quæ bonam, vel malam corporis humorumque temperiem plerumque sequuntur. Contra cacochymia, debilitas morbos toleratos subsequens, prava victus ratio, mœror, vini abusus, nimia cibi, carniū in primis, & rerum farinacearum voratio, tumores strumosi, scorbutica, venerea, herpetica, scabiosa, phthifica labes, complicatio
ver-

vermium , aliorumque morborum de pernicioſa variolarum natura ſuſpicionem injiciunt . Suſpicionem inquam ; nam ex cachexia , ſcrophulæ morbo , ſpina ventoſa , aliisque mali habitus affectibus certo prædici nequit variolarum futura malignitas ; quod in his interdum benigniſſimæ variolæ obſervatæ ſunt . Hinc HAENIUS (a) recte concludit , inquiens : *mala corporis prædiſpoſitio incerta admodum lege vel auget , vel non auget periculum morbi* . Attamen habitus corporis mediocriter pinguis * , cutis mollis , & albida ; color nitidus , facies læta , & ſerena ; oculi bilares quidem , ſed non nimis viviſi , nec ſcintillantes benignas ut plurimum variolas pollicentur : contra malignas , deterioresque corporis gracilitas , cutis arida , & dura , color ſcuſus , aſpectus gravis , & triſtis , oculorum languor , aut rubor , pilorum nigredo , vocis aſperitas & raucitas . Hinc ætas variolis opportunior eſt trima , aut quadrima , aut quæ a quarto anno ad decimum quartum ad ſummum concluditur , quam nimis tenera , aut proſectior , aut quod pejus eſt , ſenilis . Magni refert , genus a parentibus ducere , qui benignas variolas habuerint , non plethora laborare , nec corpus hæmorrhagiis exhaustum eſſe : nam his contraria variolas mali moris prænunciant , quamquam magnis prægreſſis evacuationibus variolas interdum benigniores ſupervenire viderit (b) MEADIVS . Nec meliores in mulieribus utero gerentibus , puerperis , & inordinate , ut difficulter menſtruantibus , aut recens nuptiis expectandæ ſunt (c) * * . Multum etiam ad variolarum benignitatem confert conſtitutio temporum ſalubris , & morborum malignorum , aut putridorum non ſerax ; nam ſi prægreſſæ tempe-

*Signa quæ
benignas
pollicen-
tur , &
contra .*

Constitutiones calidæ, & humidæ, & morbi putridi, exanthematici dominantes malignas variolas reddunt. states, uti sunt calidæ & humidæ, corpus impurum reddiderint; atque sanguinem ad corruptionem proclivem fecerint; aut jam morbi exanthematici, maligni, putridi, aut inflammatorii dominantur, tum fieri non potest, quin variolæ quoque aliquid de eorum malignitate, ac natura sibi arripiant.

(a) *Rat. contin. T. I. Cap. V.*

* Pueri valde pingues, atque obesi, variolis confluentibus correpti vehementer periclitari dicuntur a Cl. VARNIERIO (*Journ. de Medec. T. V. pag. 352.*) quod universa pinguedo in pus vertatur; citissimeque gangræna, & corruptio superveniat.

(b) *L. c. cap. IV.*

(c) ROSEN. *des Malad. des enfans p. 130.*

** Omnes uterò gerentes, quas vidit VARNIERIUS (*l. c.*), variolis correptæ abortum passæ sunt.

§. CCXV.

Sporadicæ benigniores epidemicæ Epidemicæ alia benigna, maligna alia.

Dispicere deinde oportet, variolæ ne sporadicæ, an epidemicæ vagentur? Illæ generatim sunt his benigniores. Si epidemicæ oberrent, in earum benignam, aut perniciosam indolem inquirendum est. Sunt enim quædam epidemicæ constitutiones valde benignæ, aliæ contra malignæ, & deteriores. Plerumque in tempestatibus salubribus mitius ingenium obtinent, præsertim si parum temporis ab ultima epidemica constitutione elapsum fuerit; malignius vero, si jamdiu variolæ siluerint. Initio epidemicæ, aut sub ejus finem variolis corripere præstat, quam in ejus augmento, & statu; tempore etiam verno, aut autumnali, quam æstate præservida, aut hieme algenti *; corpore puro; & ventre a sordibus vacuo,

Mitiores initio, & fine.

cuo,

quo, quam contra. Epidemicæ enim, sicut morbilli solent, Febuario, & Martio mensibus caput efferunt, æstate ferociunt, autumnio mitescunt. Hinc initio, & fine benigniores plerumque sunt. Discretæ plerumque vacant periculo, rite curentur, & malignitatis expertes fuerint. Confluentes, coherentes, & mixtæ periculi plus habent, in primis malignæ. In universum si signa adsint diatheseos inflammatoriæ (§. CCX.), vires vigeant, & malignitatis notæ deficiant, ut ut vehemens morbus & periculosus sit, levâri tamen, & mitigari plurimum eum posse congrua curandi ratione, sperandum est. Contra viribus languentibus, ut in variolis nervosa symptomata habentibus, sive malignis (§. CCXI.), aut in putridis, & ad corruptionem vergentibus (§. CCXII.) irritus cedit quicumque artis (a) conatus.

*Discretæ
plerumque
beni-
gnæ.
Confluen-
tes con-
tra.
Inflam-
matoriæ
minus pe-
riculosæ
malignis,
& putri-
dis.*

(*) LUDWIGIUS contra opinatur, variolas æstate & hyeme ut plurimum benigniores esse, quam vere; & autumnio (1). Idcirco temporum & epidemiæ constitutionem inspicere oportet. Nihil enim tam perpetuum in Medicina est, ut aliter interdum non accadat (1) *Inst. med. Clinic. §. CLXXXII.*

(a) STORCK *Instruz. med. practic. P. I. p. 278.*

§. CCXVI.

Dum singularum historiam supra tradidimus, notasque cujus generis proprias enumeravimus, subinde non prætermisimus eas, quoque attingere, quæ mitiorem, aut graviores morbi gradum, & prosperiorem, aut funestiores eventum significant. Quare non est, cur ea omnia, quæ ad hunc locum spectarent, repetamus; cum quilibet illino sibi ea comparare possit. Ibi quæ

maligna. ex confluentibus perniciosiores sunt, nimirum
rum va- *erysipelatoſa* (§. CXCIII. CXCIV.), *morbiloſa*
ria ſpe- (§. CXCIV.), *coherentes* (§. CXCVI.), *sangui-*
cies, & *neæ*, *gangrenosa*, & *putrida* (§. CXCVII.
earum pe- CXCVIII.), *crystallina*, ſive *lymphatica*, & *ſi-*
riculum. *liquosa* (§. CXCIX.), & reliquæ, ſatis abunde-
 que, ni fallor, eas explicavimus. Quod vero
 ſpeciatim attinet ad *sanguineas*, hæ multo peri-
 culosiores *crystallinis* habentur; *verrucoſa* autem
crystallinis, ubi vere maligna ſint: *crystallina*
 videlicet, quia nunquam ſuppurant. Scire tamen
 convenit, has interdum vel cutanea exſpiratione
 evaneſcere, vel urinæ copia denſiorem earum
 materiam excerni poſſe. Atqui *verrucoſa* majus
 periculum afferre dicuntur, quia nec ſuppuratio-
 ne, nec aliis excretionibus ſolvi queunt. Hinc
 RHASES (a), & MEADIUS (b) mortiferas eas de-
 clarare non dubitarunt; quod tamen de malignis
 intelligendum puto.

(a) *De Variol. cap. VIII.*

(b) *L. c. cap. 3.*

§. CCXVII.

prognosti- His generatim præcognitis ad ea tranſeundum
ca cujuſ- est, quæ ſpeciatim in quolibet variolarum cujuſ-
que Ra- que generis ſtadio præſagitionum adjuvant ſcien-
zæ. tiam. In primo ſtadio rarum periculum perhibe-
 tur (a), niſi a dentitione, vermibus, aut aliis
Primi morbis conjunctis impendeat. In eo autem dolor
ſtadii. capitis, & dorſi levis; calor mitis; ſitis mode-
ſigna ſa- rata; pulſus æqualis, parum a naturali recedens;
luctaria. vires validæ; nullus, aut parvus vomitus; respi-
 ratio facilis, & lenis; ſomnus tranquillus, &

re-

reficiens; nulla ægritudo; aut jactatio; appetitus
 satis bonus, nulla in abdomine molestia mitissi-
 mas, benignissimasque variolas (§. CLXIX.) *signa cū*
 præmonstrant (b), ut manifestum plane est. Quo *xibiosa:*
 longius ab hoc placidissimo genere discedit mor-
 bus, eo gravior. Hinc acuti capitis, & lumbo-
 rum dolores; sitis ingens; sudores profusi; vo-
 mitus creber, & permolestus, jactatio, ægritu-
 do, vigilia, aut sopor, pulsus vehemens, varius,
 aut quod deterius est, parvus, inæqualis, debi-
 lis cum virium prostratione; pedum, & manuum
 tremores, præsertim quando aut tanguntur, aut
 moventur; ventris tormina; nausea; ciborum fa-
 stidium; respiratio difficilis, anxia, anhelosa gra-
 vitatem, malignitatemque (c) patefaciunt. Sed
 maxime animum advertere debemus ad dolores;
 si qui sunt, in aliqua parte defixos, qui pleuri-
 ticum; colicum; ischidiacum; aliumve a variola-
 rum symptomatibus alienum simulant. Nam hi,
 quod sæpè vidi, non modo variolarum eruptio-
 nem ad nonum internum diem usque retardant,
 verum etiam malignissimas, & pene lethiferas
 variolas antecedunt. De ciborum vero fastidio,
 dummodo alia prava symptomata absint, non val-
 de sollicitos nos esse oportet, nam pluries vario-
 læ satis benignæ occurrunt, in quibus ad morbi
 usque finem sine ullo detrimento vix quidquam
 cibi præter potum, aut vini tantillum ab ægris
 capitur. Quod ad febrem attinet, cavendum est,
 ne prima accessionis species benignior decipiat:
 sed tota ejus ab exordio ad eruptionem usque
 pustularum ratio, & progressu (d) perpendenda
 est. Pro longiori, aut breviori primi stadii ex-
 tensione benignior, aut malignior variolarum na-
 tura, Homo (e) asseverante, se habet. Sed id
Inappe-
tentia in-
terdum
innocua.
Febris
quomodo
conhide-
randa.
Brevitas
aut lon-
gius pri-
mum sta-
dium quid
indicas.

universum nequaquam verum est. In discreto potius genere monitum ejusmodi locum obtinet, Defectum vomitus, & jactationis, & quamdam quietis speciem cum MORTONO supra (§. CXCXIII.)

Quando vomitus, & jactationis defectus bonus, aut malus:

retulimus inter signa variolarum pessimi moris, Verum cum solum eventu hæc comprobantur, cum æger vim morbi non percipit ob summum naturæ languorem, & quasi attonitus jacet, comate oppressus cum pulsu debili, urina tenui, reliquisque pravis, malignisque signis ibidem (§. CXCI. CXCIIV.) memoratis. Ceterum urina

Urina significatio:

notæ (f) censetur, præsertim cum anxoremate, aut hypostasi lævi, alba, copiosa sine aliis malis signis. In hoc quoque stadio, aut initio sequentis interdum peticulæ, & maculæ purpureæ erumpunt, itemque sanguineus mictus, hæmoptisive accedit mala semper significatione, sed non nunquam adeo exitiosa signa hæc sunt, ut ante eruptionem variolarum, aut ea vix apparente ægri (g) intereant. Id in primis evenit in variolis epidemicis anni 1681. in quibus maculæ purpureæ, antequam variolæ prodirent, apparebant, & præmaturam mortem (h) afferebant.

Quantum materia, quid?

(a) SCHACHT. *l. c. cap. XIII. §. VIII.*

(b) LOBB. *de la petit. verol. Tom. I. Introduct. p. XLIX.* ROSEN. *Malad. des enfans p. 130.*

(c) *Idem. l. c.*

(d) AZZOGUID. *l. c. p. XIV.*

(e) *Loco cit.*

(f) LOBB. *l. c.*

(g) SYDENH. *Diff. epist. p. 404.*

(h) *Idem ibid.*

§. CCXVIII.

In altero stadio pro symptomatum varietate varios quoque discriminis gradus habent (a) Variolæ. Pustularum eruptio præceps, præniatura, nempe intra sexaginta horas conspicua, conferta, minuta, & copiosa, præsertim in facie reprobatum; itemque, si statim confluant, aut acriter pruriant, malæ habentur, & contra (b). Quo pauciores faciem impetunt, ut plurimum eo mitiores esse (c) consueverunt. Si incipiente eruptione alvus laxetur, profluatque, malum (d), in primis in discretis, aut confluentibus adultorum: quamquam hoc minime perpetuum est. Interdum enim ejusmodi alvi fluxu gastrica, & biliosa cacochylia, quæ morbum graviolem redderet, utiliter subduci visa est. Quo magis pustulæ deprimuntur, & quo minus post eruptionem febris se se remittit, eo gravius imminet periculum, & contra. Delirium, quod eruptionem subsequitur, terrere (e) debet, & multo magis phrenitis quarto post exclusas variolas die superveniens, quia perniciem ominatur. Nec delirio remittenti licet confidere, & spem inde alere, si eadem febris vis (g) perseveret. In hoc ipso stadio inflammatio faucium, difficilis deglutitio, respiratio frequens, anxiosa, intercisa interiores quoque partes variolosa materia occupari non sine periculo, significant (h), in primis si ore hiante, & naribus obstructis spirare æger cogatur. Contra nares, & fauces liberæ, & circa nasum paucae pustulæ bonum præsagium (i) præbent.

*Secundi
stadii
præniatura
signa.*

*Pauca
variola
in facie,
bonum.*

*Quando
alvus la-
xa non
damnan-
da.*

*Pustula-
rum de-
pressio,
& febris
continua-
tio mala.
Delirium
post eru-
ptionem
pessimum
Infida
delirii
remissio.*

*Præsagium
ex fau-
cium &
naribus
statim.*

- (a) SCHACHT. *l. c.* §. XXI.
- (b) ROSEN. *l. c.*
- (c) HOM. *l. c.*
- (d) ROSEN. *l. c.*
- (e) HOM. *l. c.*
- (f) MEAD. *l. c. cap. 3.*
- (g) HOM. *l. c.*
- (h) LOBB. *l. c. p. LIII.*
- (i) ROSEN. *l. c.*

§. CCIX.

*Tertii
stadii si-
gna pro-
gnostica.
Suppura-
tio bona,
aut mala.*

Tertii stadii prædictiones ex suppurationis ratione potissimum ducuntur. Optimum, & naturæ legibus consentaneum est suppurationem diebus septimo, octavo, nono, decimo, undecimoque in pustulis faciei; deinde in reliquis partibus duodecimo, & decimo tertio die fieri cum sensu doloris, aut cum magna sensibilitate in locis, ubi pustulæ sitæ sunt; bonumque indicium est, eas turgere, plenas humore tendi, reniti, dolere (a). Hinc eo major salutis spes affulget, quo variolæ ad suppurandum paratiores (b) existunt, quoque magis earum intervalla rubent, colore videlicet rosæ Damascenis (c) simili. Contra si pustulæ, aut earum interstitia palleant, aut liveant, aut variolæ rugosæ sint, flaccidæ, & dolore vacuæ, aut in medio subsistant, aut nigricent, aut peticulis ex atro purpureis stipentur, mortem in propinquo esse (d) scito. Pus vero album, viscidum, lente flavescens, vesiculas perfecte opplens bene auguratur; male fuscum, tenue, aut præmature flavum, aut nimis paucum. Palpebrarum tumor circa diem octavam, & capitis inflatio circa

nonæ diei initium, atque ad undecimam usque protracta faustum eventum (e) promittit.

(a) LOOB. *l. c. p. XLIX.* ROSEN. *l. c.*

(b) MEAD. *l. c. cap. 3.*

(c) SYDENH. MORTON. *l. c.*

(d) HOM. *l. c.* ROSEN. *l. c.* SAGAR. *l. c. p. 20.*

(e) LOBB. *l. c. p. L.*

§. CCXX.

Facies quoque sua signa habet: hanc æqualiter tumere, ut oculi occludantur, aut vix ullo tumore affici, quod quidem in benignissimis variolis plerumque evenit, bonum. At copiosissimis pustulis obsitam esse, nec tamen inde intumescere, aut sola labia, & palpebras tantum inflari (a), malum. Quod si facile detumescere, aut ptyalismo cessante, quod die undecima ut plurimum contigit, non cito primum brachia, & manus, deinde crura, & pedes successive intumescant, pene mortiferum (b) est. Collapsus variolarum, nisi ptyalismus, aut alia copiosior excretio opem ferat; itemque ptyalismi defectus in confluentibus adultorum augurium triste dabit; nam ptyalismus summopere necessarius atque utilis est non modo in confluentibus, sed etiam utilitate non caret in discretis, si his, ut interdum accidit, superveniat. Stridor quoque dentium in infantibus, & pueris cum dormientibus, tum vigilantibus, aut convulsio quæcunque alia huic stadio superveniens, jure (c) metuenda est. In variolis discretis dies plerumque fatalior esse solet octava; in confluentibus, ut alias diximus, undecima (d). Quod ingens vitæ periculum, die

*Ex facie
præsa-
gia.*

*Signa ex
ptyalismo.*

*Ex stridore den-
tium.*

*Dies fa-
talior
qualis e*

undecima futurum, omnemque fere medelam spernens multo prius prædici potest ex sola pustularum exiguitate, multitudine & frequentia.

Quid variolarum copia, aut paucitas? Siquidem in multitudine, aut paucitate exanthematum magna ex parte discrimen, aut spes salutis consistere sæpe (e) videtur. Salivæ fluxus ab ipsa eruptione exortus, huc usque perdurans, facilis, liquidus in confluentibus adu-
Pryalismi bona, aut mala nota. lorum, aut in puerorum variolis nullus, aut parvus ut salutis spem facit, sic difficilis, viscidus, cito desinens, aut repente suppressus exitium (f) minatur. Sed maximum periculum est tam in discretis, quam in confluentibus variolis a febre suppuratoria. Hæc si vehemens est cum dolore ca-

Febris suppuratoria quid periculi habeat.

pititis, virium defectu, oculorum rubore, anxietate, jactatione, delirio, pectoris oppressione, atque angustia mortem fere certam (g) intentat.

Ejus absentia cum tranquillo somno, & facili respiratione.

Contra tutissimum est toto hocce stadio parvam, vel nullam febrem esse, somnum tranquillum, respirationem facilem, & (h) æqualem.

(a) ROSEN. l. c.

(b) SYDENH. MORTON. HOM., ROSEN. l. c.

(c) SAGAR. l. c. n. 55.

(d) SYDENH. Dissert. epist. p. 407.

(e) Id. ib. p. 404.

(f) MORTON. ROSEN. SCHACHT. l. c. §. XXIX.

(g) SYDENH. ROSEN. l. c. SCHACHT.

(h) ROSEN. l. c. *Bona respiratio*, inquit BAGLIVIVS, *in variolis est unum ex optimis signis, licet sint gravia cetera, ut centies observavi. De respirat. in acutis.*

§. CCXXI.

Ut in duobus primis stadiis, sic in tertio alvi ^{Tertii} fluxus, nisi ex cacoehylia gastrica fuerit, quod ^{Radii} jam supra monitum est, plerumque ut noxius in ^{præfagia.} discretis, & benignis (a) damnatur. In confluentibus vero puerorum non modo totum fere mor- ^{Alvi flu-} bi cursum comitatur, ut suo loco notavimus, ^{xus.} verum etiam utilis esse consuevit, subtrahendo aliquam exuberantis materiæ variolosæ portionem. Frigore suscepto si supprimatur ptyalismus, ^{Ptyalismi} periculosum. Hoc ipso tempore dolorem osteoc- ^{suppresso.} pum cum magna inquietudine interdum supervenientem, si viginti quatuor horas non excesse- ^{Dolor} rit, salutarem; ultra vero hunc terminum pro- ^{osteoco-} tensum, lethiferum jam supra (§. CCIX.) ex ^{pus.} SAGARIO (b) pronunciavimus. Singultum quoque ^{Singul-} sub finem hujusce stadii, vel circa initium se- ^{tus, &} quentis moveri, aut ulcera in ore, & faucibus ^{ulcera} nasci, haud vacat (c) periculo. Funesti quoque ^{oris, &} habentur horrores, aut rigores, qui in augmen- ^{faucium,} to morbi, aut sub ipsa febre secundaria ægros (d) corripunt.

(a) LOBB. l. c. p. L.

(b) L. c. pag. 19.

(c) LOBB. l. c. p. LIV.

(d) HUXHAM. de aere, & morb. epid. T. I. pag. 37.

§. CCXXII.

Calor temperatus non modo in tertio, sed ^{Quarti} etiam in quarto stadio notis salutaribus adnume- ^{Radia} ratur. Alvus die duodecimo, aut decimo tertio ^{præfagi-} mo. ^{ones.} Calor.

moderate fluens, & laxata ita, ut vires non poterat, cum in variolis confluentibus, tum in discretis malignis plurimum morbo levando, solvendoque (a) confert. Contra nimius alvi fluxus cum torminibus sine levamine; dejectiones putre, aut sanguine mixtæ; epigastrii tumor, & dolor gangrænam ventriculi, aut intestinorum indicans; aut alvi adstrictio pertinax, item lingua nigra, aphtosa, arida, siticulosa; humidi desiderium, & ejusdem avida suctio periculi magnitudinem, & quidem quam proximi ostendunt. Sed exitiosa fere sunt urinx paucæ; raræ, pallidæ; inanis micturitio; delirium, convulsiones; & demum arteriarum carotidum, & temporalium mictus crebriores, patentioresque, dum in carpis languent, deficientque. His enim non modo phrenitis, verum mors ipsa indicatur. Salutem vero sperare licet, si deglutitio facilis sit, si lingua naturalem modum servet, si nullus interior dolor (b) discruciet; si pustularum exsiccatio eodem prope ordine, quem tenuit eruptio; procedat. Pustularum vero exsiccatio vel nulla, vel tarda nimis, itemque repetita crustarum (c) repullulatio, non expers sane discriminis est.

(a) LOBB. l. c. p. LI. ROSEN. l. c.

(b) Id. ib.

(c) Id. ib.

§. CCXXIII.

Quædam alia observatio-
nes circa prognosim.
At supersunt quædam aliæ observationes generaliores, quas scire maxime expedit, ut præstigiorum doctrina cumulatior habeatur. In universum peticulæ, & mictus cruentes, quocumque

sta-

Radio accesserint, item suppressa ex toto vario-
 larum eruptio, febrisque secundaria, quæ ratio-
 nem multitudinis pustularum sequitur, sunt adi-
 tus præcipui, quibus ad interim (a) ducitur. Gra-
 vidæ mulieres, si variolisprehendantur genera-
 tim non modo facile abortiunt, verum etiam
 cum ob *febrem puerperalem*, quæ sæpe eas inva-
 dit, tum ob hæmorrhagiæ metum gravissime ple-
 rumque vita periclitantur. Hystericæ affectiones,
 spasmi, frigus horrificum, rigore pessime (b) au-
 diunt. Urinæ emissio, aut alvi dejectio inscio-
 ægrotante; sudores profusi, aut visceri & frigi-
 di, aut ephidrosis, sive sudatuncula tenuis, aut
 guttatiim exstillans fere mortis prodromi (c) ha-
 bentur. Tubercula, sive phymata rubra, crebro
 sub finem morbi exterius se produnt, membra-
 namque adiposam occupare consueverunt. Si sup-
 purationem subeant, citoque aperiantur, ut plu-
 rimum criticæ evacuationis vice funguntur: at
 non suppurantia, aut non opportune, & in tem-
 pore aperta alterutrum denotant, videlicet vel
 deficientis naturæ conatum, vel materiæ puru-
 lentæ (d) ad interiora regressum. His vero tu-
 berculis frequentius obnoxii sunt illi, qui mictu
 cruento laborarunt, & ope acidi vitriolici, &
 vesicantium, ut animadvertit (e) MEADUS, eva-
 serunt. Sed hi in tumores etiam glandularum
 non suppurantes, & gangrænosa tonsillarum ul-
 cera incidunt. Ex quo patet, virus variolosum
 nulla alia ratione tutius, meliusque e corpore
 efferri (f), externique, quam suppurationis via,
 atque adjumento. Non nullos SAGARIUS vidit,
 qui præter variolas suppurate solitas *crystallinis*,
 & *verrucosis* simul affecti erant. Hi suppurationis
 tempore sui quasi obliti, incuriique jacebant,
 do-

*Peticulæ,
mictus
cruentus,
variola-
rum sup-
pressio,
febris se-
cundaria.
Gravidi-
tas.*

*Urina in-
scio ægro
reddita.
Sudores.*

Phymata.

*Quinam
phymatis
magis ob-
noxii.*

*Tumores
glandu-
larum,
ulcera
tonsilia-
rum.*

*Observa-
tio Sagar-
rii.*

donec inopinato quasi e vita excederent ; quod supra (§. CXCLIX.) jam ex eodem retulimus . Mirabatur autem , eos neque tum febricitasse ; neque unquam facie intumuisse ; neque ullum ferme salivæ fluxum expertos fuisse .

(a) SYDENH. *l. c. p. 413.*

(b) LOBB. *l. c. p. LIII.*

(c) *Id. p. LIV.* ROSEN. *l. c.*

(d) *Id. ib. SAGAR. l. c. p. 20.*

(e) *l. c. cap. 2.*

(f) *L. c. p. 21.*

Curatio .

§. CCXXIV.

Curatio in apparatu . Absoluta ; ut potui , accuratissime variolarum historia , conquisitisque undique illustrium Medicorum observationibus , in quibus prolixitate , & copîa maluimus ; quam inopi brevitate peccare : nunc , qua ratione earum curatio instituenda sit , exponere aggrediar . Sed primum animadvertendum est , naturam ut in ceteris exanthematicis morbis , sic quoque in variolis summa ope nitî , ut principium illud heterogeneousum , quò ipsa instigatur , ad cutim (§. IV.) critice protrudat , seque exiguis phlegmonibus ibi inductis , atque in pus bonæ notæ conversis ab omni noxio humore liberet . Id autem etsi non nunquam leni , & ferme insensibili motu moliatur , plerumque tamen febris cujusdam manifestæ concitatione ipsa consequitur : quæ febris apparatus , sive contagii (§. CLXVII.) appellari solet . Hæc vero quodam gradu , & tempore eget , quo miasma variolosum præparari , extricari , & expelli queat , non secus

ac in fermentationibus usu venit, ut liquor fermentans heterogeneas, impuras; inutilesque substantias secernat, ac dimittat. At illud miasmatis variolosi proprium videtur, quod non modo quamdam fermentationis veluti speciem exfusci-
 tet, verum etiam fermenti instar plus minus sanos humores in sui naturam transmutet, sibi-
 que assimilet. Hinc consequens plane est, ut, si naturæ motus iste neque excedat, neque deficiat, nullo unquam artis auxilio perturbari debeat, sed fini, donec suum opus perficiat, & compleat. Si vero aut torpeat nimis, & præter modum cunctetur inefficax, aut contra vehementius, quam oportet, concitetur, turbasque cieat; tunc eum prudenter, & caute sollicitari, aut cohiberi conveniat *. Sed in primis quam diligentissime curandum est, ut, quoad fieri potest, minima humorum assimilatio a varioloso fermento præste-
 tur; id quod in regimine potissimum diætetico rite instituto pene totum contineri, vix est hodie, qui ultro non fateatur.

Motu quodam simili fermentationi. Miasma variolosum agit fermenti instar.

Motus naturæ quomodo regendi?

Maxima cura paræ in diætetico regimine.

* Hæc respondet optimis documentis, quæ SYDENHAMIIUS de variolis regularibus ann. 1667. 68. 69. scribens (*Oper. sect. 2. cap. 2. p. 159. edit. Patav.*) nobis reliquit, ubi ait indicationes esse; ut æqualis ille tenor ebullitionis in sanguine conservetur, qui neque nimis prope separationem nimia sua vi perficiat, neque tamen tortido nimis motu eandem remoretur, vel non satis idoneam præstet; 2. ut abscessuli; postulare summa cura sustineantur, quo debita tempora percurrentes, tandem contentam in se materiam omnino ardebant, ipsæque etiam evanescant.

§. CCXXV.

*Damna
caloris
lecti, &
cubiculi.*

Nihil enim magis conferre ad febrim præter modum augendam, humoresque sanos varioloso tabo assimilandos asseritur, quam lecti, & cubiculi nimius calor (a). Hoc scilicet sanguinis æstus, & fervor, qui in *Variolarum apparatu* motui, & fervori fermentationis valde æffinis est, sic excandescit, intenditurque, ut cuncti prope humores, amissa priore blanda natura, novam, pravam, analogamque varioloso fermento qualitatem adipiscantur. Quapropter SYDENHAMIVS

*Quamdiu
extra lectum
ma-
nere agri
debeant.*

suadere passim non desinit, ægros non ante lectulo addicendos esse, quam tota variolarum eruptio in conspectum venerit; id est non ante sextum ab initio morbi diem, sive ab eruptione incepta tertium, aut quartum. Quin etiam post hosce terminos lecti calorem ita suspectum habet, ut ex eo vigilias, phrenitidem, aliaque periculosa symptomata derivare (b) non dubitet. Quamobrem continuo subjicit, ægrum post sextum etiam diem extra lectum interdiu, quoad per vires licuerit, detinendum esse, præsertim cum pustularum frequentia, & copia tanta sit, ut fræno, & moderamine coerceri debeat. Tunc

*Exceptiones
quædam.*

vero non amplius e lecto eximendum, cum acrior pustularum dolor, aut animi ad deficientem propensio decubare, & quiescere eum cõgat. Concedit tamen in variolis discretis benignis (c), itemque ubi sanguinis copia per venam sectam minuta est, minorem esse extra lectum manendi necessitatem; quandoquidem in his non adeo vehementer effervesceat sanguis, ne-

que

que tantus est memoratae assimilationis timor. Ex-
cipit quoque casum, in quo ante variolarum eru-
ptionem eclampsia, sive morbus comitialis acces-
serit; nam tunc lecto tradendum esse ægrum, &
cardiacis medicamentis cum paregoricis junctis,
in primis laudano liquido ad paucas guttas pro-
pinato, & cantharidibus nuchæ impositis variolas
ad cutim alliciendas (d) jubet. Neque pariter eos
e lecto eximendos existimat, qui *agritudine ve-*
hementiori, intensiori febre, vomitu enormi, ver-
rigine, artuum dolore, quasi rheumatismo labo-
rarunt, & *similibus contra indicantibus* afficiun-
tur. His enim, ubi maxime sanguinei, ætateque
florentes sunt, quia lecto abstinere non possunt,
opem fere nitebatur sanguinis e brachio missione
primum, & deinde aliquot post horis emetico;
quibus sic eos revelari vidit, ut *quasi sani lectu-*
lo abesse (e) possent.

*Quibus
extra le-
ctum ma-
nere non
licet,
quodnam
aliud au-
xilium
adhiben-
dum?*

(a) *Dis. epist. pas.* 406. (b) *Ibid.* p. 403. &
p. 406. (c) *Ib.* p. 407. (b) *Ibid.* p. 415. & 420.
(e) *Ib.* p. 422.

§. CCXXVI.

Non modo assidua in lecto cubatio vitanda
est, verum etiam cubiculi calor nimius, & diu-
tina in eodem aere, non renovato, præsertim
tempore æstivo, mora. Pernecessarium enim præ-
dicat idem SYDENHAMIVS (a) aeris puri, & re-
centis accessum. Nec ab eo dissentit MEADIVS
(b), ubi aeris puri, novi, & subfrigidi laudes;
calidi vero, clausi, halitibusque infecti noxas
commemorat, utpote qui respirationem anxiam,
& difficilem reddit, febrim, & pustularum nu-

*Noxa ca-
lidi cubi-
culi, &
aeris non
renovati?*

merum adauget, unde inflammationes, & gangrænæ postremo insequuntur. Confirmantur hæc omnia a fidissimo SYDENHAMII sectatore, & clinico expertissimo ANTONIO HAENIO (c), qui non cessat summis celebrare laudibus crebram aeris renovationem, & diligentem lecti mutationem, stragulorumque, & cubiculi ventilationem. Nihil enim præstantius se nosse affirmat, & cum eo affirmant omnes fere nuperi scriptores, in primis ii, qui inoculationis utilitatem experti sunt, ad variolarum malignitatem cum præcavendam, tum inhibendam, quam longiorem extra lectum interdium moram, lecti, indumentorumque munditiam, animi hilaritatem, oblectationem, jocos, musicos concentus, & præ ceteri lenem in aere libero (d) deambulationem. Deambulationis vero hujusce saluberrimos, indubiosque effectus a nemine satis mente concipi posse dicunt, nisi ab eo, qui ejus periculum (e) fecerit. Asseverant enim, languentes, anxios, immani æstu, & febris prope conflagrantes, statim ac in aerem apertum transferuntur, & manibus assistentium suffulti ad deambulandum leniter impelluntur, brevissimo temporis spatio recreari, alacres fieri, vires resumere, spiritum liberius ducere, exhilarari, & sensim sine ullius subsidio huc illuc vagari; febrimque quam plurimum defervescente, pulsu arteriarum citissime ad pacatiorem rhythmum (f) restitutio.

Nihil utilius aeris apertiti, & renovati usu, hilaritate, musica, deambulatione &c.

Effectus aeris aperti.

(a) L. c. p. 407. (b) De variol. c. 3.

(c) Rat. contin. T. I. cap. V. §. VII. n. 4.

(d) Id. ib. nam. 9. (e) STORCK. Instruz. med. practic. T. I. p. 371. Id. ib.

§. CCXXVII.

Neque mirum cuiquam videatur, tot emolu-
 menta a puriore, liberioreque aere permanere;
 quandoquidem nemini in hac physices, ac physio-
 logiæ luce ignotum esse potest, puti & novis ea-
 ris accessu non modo calentem, atque effluviis
 refertam ægrotantis atmosphæram, quæ respiratio-
 ni non minus, quam expirationi insensibili fere
 inepta reddita est, procul ab ejus corpore disper-
 gi, calorem paullatim contemperari; & minui;
 pulmones facilius ad ducendum spiritum dilata-
 ri, & sanguinis fervorem, & quasi dixerim fermén-
 tationis speciem; qua ebullit, effervescitque,
 compefci: verum etiam utramque insensibilem ex-
 spirationem, cutaneam videlicet, & pulmonarem
 promoveri, extrorsum quodammodo allici, attra-
 hique lege affinitatis, & chymicæ cujusdam solu-
 tionis, quam præstat aer purus & recens, sicque
 variolosi miasmatis fortasse partem quod sano ma-
 gni refert, insensibili exhalatione efferre, ac di-
 sperdi. Quæ omnia tanto in pretio habentur a
 magnis viris, ut inanem timorem eorum, qui
 ab aere libero, & aperto variolarum eruptionem
 impediri, aut earundem retrocessum induci cre-
 dunt, fidenter aspernentur; ac derideant; constan-
 ti, & diutina, ut ipsis videtur, experientia con-
 victi, variolas in ejusmodi aere facilius, certius,
 tutius, ac magis regulariter (a) ad cutem prodi-
 re solitas esse. Si quis tamen objiciat, ab ejus-
 modi regimine interdum pustularum eruptionem
 retardari visam, quod negari omnino nequit, &

*Qua ra-
 tione aer
 recens
 tam bo-
 nos effe-
 ctus præ-
 stet.*

*Variola
 in aere a-
 perto faci-
 lius pro-
 deunt.*

*Si tamen
 interdum
 eruptio
 retarde-
 tur, non
 valde id
 nocet.*

hoc minus periculi pendere asseverat SYDENHAMUS, quam ex illa humorum depravatione, quæ regimen contrarium subsequitur, quæque incaussa est, ut die porro undecima ob innumeras variolas suppurationem subeuntes exorta vehementior febris agrotantem occidat (b).

(a) STORCK. *l. c.* p. 272. 273.

(b) *L. c.* p. 413.

§. CCXXVIII.

Cuncta igitur hæc, quæ de recta lecti, cuticuli, aerisque procuratione, & de aura liberiore captanda, ac de ambulationibus, aliisque animi oblectamentis interdiu, assidueque adhibendis ex magnorum virorum sententia, & præceptionibus hætenus (§. CCXXV. ad §. CCXXVII.) exposuimus, semper præ oculis ita habenda sunt perfectio, ut nunquam nobis e memoria excidant, utpote & rationi consona, & multorum firmata experimentis. Nolim tamen quis credat, hoc regiminis genus indiscriminatim, & sine ulla limitatione, & quovis anni tempore observandum esse, aut, quia universim in variolis insititiis, & artificialibus felicissime cedit, pari semper eventu in naturalibus, sive spontaneis esse cessurum. Non leve enim inter utrasque discrimen intercedere videtur, quo maxime fit, ut non eadem omnino regiminis, & curationis ratio semper eis accommodari queat. Namque exigua admodum puris variolosi, & quidem benignioris, meliorisque notæ particula ad insititias procreandas adhibetur; quod sane plurimum inte rest. Lo-

*Præcepta
tradita
limitan-
tur.*

*Discrimen
inter va-
riolas in-
sititias,
& natu-
rales.*

to etiam tutissimo, atque a vitalibus, interioribusque sedibus valde diffuso, quasi pedetentim contagiosum miasma inferitur. Corpus, quoad fieri potest, sanissimum, ætas magis propitia, anni tempus temperatissimum, vernum videlicet, aut autumnale ad inoculationem sèliguntur. Quas ob res non solum febris, quæ a *contagio*, sive *apparatu* nomen habet, mitissima esse consuevit; verum vires etiam, appetitus, & reliquæ functiones modice læduntur; variolæ ut plurimum numero paucæ, discretæ, & benignæ erumpunt, ac demum placidissime cetera morbi stadia transiguntur. Non ideo mirandum nobis est, si in aere libero versari, & deambulare sine molestia, atque a lecto interdiu abstinere, & vigilare sine detrimento inoculari tum possint. Contra in variolis naturalibus major plerumque variolosi contagii vis corpus ingreditur, humores inficit, ac depravat. Ore, naribusque potissimum recipitur, atque adeo caput, cerebrum, pulmones, & ventriculis, viscera certe nobilissima præcipue afficiuntur. Hinc gravior functionum omnium labe factatio. Præterea omnes cujuscunque valetudinis, habitus, ætatis sine defectu morbo subjiciuntur. Quolibet item tempore; etiam minus salubri, uti æstivo, & fervido, aut hiemali, & perfrigido, aut ob alios perniciosos morbos grassantes, malignioremque aliquam epidemicam constitutionem inopportuno hujusmodi pestilitate corripiuntur. Quapropter & febris, quæ inde sequitur, sæpe vehementior, & graviora symptomata, & major virium defectio, ut ægri nec stare extra lectum & multo minus incedere, & gradum sine animi deliquio possit, præsertim si malignæ, & confluentes: variolæ futuræ sint, & pessimæ

*Hinc curatio di-
versa.* cum peticulis, aut exanthematis miliaribus complicatio, aliaque ejusmodi non raro faciunt, ut non modo naturales ab institutis longe differant, sed etiam aliam cum regiminis, tum curationis rationem exposcant.

§. CCXXIX.

*Qua diligenter
attendi
debeant,
ut regimen rite
institua-
tur.*

Qua & valetudinis statum, & ætatem, & anni tempus, & morborum vagantium constitutio-
nem, & contagii quantitatem, magnitudinem-
que, & vitalem virtutem sedulo considerari, expendique oportet, & pro singulorum ratione quod
magis conveniat, consilium capi. Tuto, exempli
caussa, quædam possunt æstate fieri, quæ hie-
me non sine periculo tentantur; commodeque id
ferri a bene valente, aut juvene, aut viro robusto,
quod imbecillum, aut infantem, aut tene-
rum feminae corpus, ut scite admonet MEADUS,
everteret. Sed paullo distinctius rem, prout ego
quidem sentio, proponam. In universum biemale
frigus accommodatis, cautisque præsiidiis temperan-
dum est, ne corrugata, contractaque cutis vario-
losæ materiæ appulsuræ enixe obnitatur, aut jam
appulsam improvide repellat; itemque ne febrilis
motus, quo natura utitur ad eam secernendam,
excernendamque, ita sufflaminetur, supprimatur-
ve, ut irritus, atque inanis fiat. Opportunum
igitur quandoque erit aures præbere MORTONO,
& MEADIO jubentibus, ægros primis ante eruptionem
diebus lecto concedendos esse, ut leni tempore
cutis universa laxetur. Quod etiam fieri
expediet, ubi aut ætate, aut habitu, aut vitæ

*Quid
hieme,
quid æ-
state præ-
stet.*

genere, aut morbo densata cutis nimium obriguerit. Nimius vero calor æstivus levibus indumentis, atque aura frigidiore, aut mora aliqua extra lectum temperetur; eademque providentia curabitur, ut ardentior febris, si modum excefferit, intra justos limites redigatur. Æque temerarium est tempore hiberno, aut tempestate argenti perfrigesfacere ægrotantes, aut eorum languidam vitalitatem restinguere, * quam æstate eos præposcere torrere, & flammæ quasi oleum adjicere.

* Quæ scripsit C. LORRYUS in *Commentario* morborum, qui Parisiis anno 1777. regnarunt, adeo ad rem mihi facere videntur, ut me continere non possim, quin ea e Gallico in Latinum idioma versa huc transferam: „Omnino, mihi persuadeo, in re adeo „gravi, uti est vita hominum, unumquemque eorum, qui nostram artem necessariis cognitionibus, „ac debita probitate profitentur, serio veri studium „sequi. Sed quis ab entusiasmo temperare possit? „Timeo equidem, ne aliquid ejus irrepperit in variolarum curationem. Antiqui præter modum cardiacis, & alexipharmacis insisterunt. Non laboro, ut refellam systema jure jam proscriptum. „BALLONIUS, FERNELLUS, & SANCTUSMARTIUS „ipse, quin esset medicus, in suo poemate de PÆDOTROPHIA, declamarunt contra hujusmodi abusum, & differuerunt de vena vel in media variolarum eruptione incidenda. Proxime elapso sæculo SYDENHAM. regulas fancivit certissimas, quibus medeamur variolis. FREINDIUS, & MEADIUS, qui antiquissimam medendi rationem a RHASI commendatam restituerunt, itemque HELVETIUS, SIDOBIUS, & HEQUETUS ostenderunt, quanti facienda sit aeris frigidi introductio, lecti, & vestimentorum mundities, ususque potionum refrigerantium in morbo hoc, qui in omnibus suis stadiis vere inflammatorius est. Verum ab aliquo jam

tempore nonne medici abusi sunt hisce dogmatibus, ægros exponendo frigori immoderato glacialis atmosphæræ, & non ne possibili ad interiora variolarum repulsioni anteposuerunt falsam cutis præservandæ sedulitatem, & persuasione? Tumor faciei, & manuum non ne postulat certum teporem, & harum partium dispositionem quamdam ad evaporationem, blandumque sudorem? Expiratio ista, quæ certe in atmosphæra glaciali vix obtineri potest, impedita, per lentas, & pravas successiones nonne modo ad pectus, modo ad articulos, modo ad oculos transfertur? In eonvalescentibus, tempore nimirum, quo tota humorum massa purificari consuevit, nonne regimen diutissime tam quod ad diætam, quam ad atmosphæram summam in autumno variationem observandum esset? Sed &c. *“ Histor. de la Societ. Royal. de Medecin, T. 3. p. 11.*

§. CCXXX.

Media
via tenenda.

Media igitur via tutissimus ibis, videlicet si neque calore, neque vestimentis ægros suffocaveris, neque frigore, aut nuditate sic affligeris, ut cutanea vasa prope occludantur, aut necessarii naturæ motus penitus intercidant. Vidi multoties

Calor
auctus
quando
profit.

algida tempestate tardam, cunctantemque variolarum eruptionem, pustulasque fessiles, aut umbilicatas, ægro se attollentes, quas feliciter explicavit, erexitque lecti, cubiculi calor moderate,

Quando
aeris li-
beri ac-
cessus no-
ceat.

prudenterque auctus. Nec caruit semper periculo, vel in ipsa æstate, aeris accessus, temere, aut improvide admissus, præsertim cum variolæ suppurerent, aut accrescerent. Metastases ex hac sola causa, in discreto etiam, & benigno genere, celeriter lethiferas interdum demirati sumus. Funesta ejusmodi exempla nullibi frequentius vider-

re est ; quam in plebejorum filiis , quibus res domi angustior est. Hi ut plurimum in conclavibus minus spatiosis quidem , sed male ab externis injuriis defensis , & fere undique aeri , vento , & frigori perviis degunt , vixque habent , quo se in lectulis contegant , aut in atriis apertis , aut ante domunculas sub dio versantur , aut huc illuc per publicas vias circumferuntur . Proh quantam stragem in his edunt variolæ ! Itaque , quando , & quantum præcepta supra exposita usum habeant , quando deferendus lectus sit , quando cubiculum ventilandum , quando in aerem apertum prodire liceat , prudentissimi , & sagacissimi Medici omnino est decernere . Generatim lecti , & cubiculi calor modum non excedat , potiusque ad frigidiusculum inclinet , præsertim quando æstas est , aut febris vehementius exardet , & pustulæ multæ , & quasi furentes prorumpunt . Tumque si nimia siccitas calori aeris juncta sit , magno quoque usui erit cubiculi pavementum aqua frigida aspergere , & vegetabilia virentia in eodem collocare , quæ putrida , & phlogistica effluvia absorbere , sicque aerem purificare dicuntur . In aere vero liberiore & puro admittendo , quoniam cubiculum ab impuris , phlogisticis , putribusque halitibus repurgari subinde convenit , temperamentum aliquod adhibendum est , ne subitum frigus , aut ventus , humiditas expirationi adversa irrumpat , & variolas emicare vetet , aut jam præsentis reprimat . Hæ-

*Cautio-
nes , &
præcepta
utiliora*

nius ipse , si quis alius aeris renovandi , & re-

*Hæni-
monita*

frigerandi laudator amplissimus , summa cautione opus esse fatetur . Vult enim , ut dum ventilandum cubiculum est , æger in proximum aliud bene clausum se recipiat , quo tutius fenestræ , & valvæ aperiri possint , quin ipse aer frigoris in-

cle.

clementia , aut novi aeris afflatu offendatur. Ad-
dit etiam, grabatum quo cubare solet , ita locan-
dum esse, ut fenestra , aut janua aperta ad aeris
renovationem , eum nequaquam directe (a) feriat.

(a) *Rat. contin. T. I. cap. V. 9. VII. n. 4.*

§. CCXXXI.

*Victus ra-
tio qua-
lis?* Diæteticæ vero (§. CCXXIV.) cum pars non
infima sit ipsa victus ratio , de hac quoque ali-
quid dicere oportet , ut quænam variolis oppor-
tunior existimetur, facile cognoscatur. Infantibus
*In La-
trentibus.* adhuc lactentibus non alio alimenti genere opus
est, quam consueta lactis functione. Ad summum
si vehementer sitiant , & caleant , ne nimia se
lactis copia repleant , concedi iis potest aquæ po-
tus frustulo panis triticei tosti infuso temperatæ,
aut ex hordeo, aut oryza, aut gramine decoctæ,
aut etiam purissimæ , qua non solum sitis extin-
guatur , verum humores etiam omnes diluantur,
*In nutri-
sibus.* & refrigerentur. Nutricibus vero imperandum est,
ut a vino, a nimio carniû usu, a pinguibus ,
acribus , salitis, aromaticis, aliisque calefacienti-
bus abstineant , & cibis vescantur blandis magnam
partem vegetabilibus, non valde jurulentis, ovis
recentibus, piscibus fluviatilibus tenerioris textu-
ræ; & potui plurimo, temperatissimo , & diluen-
ti indulgeant. Præ primis autem animi tranquil-
litati, hilaritatique , quoad possunt, impense dare
operam debent.

§. CCXXXII.

Pueris vero, adolescentibus, atque adultioribus, si tamen cibum appetant, (nam interdum ab eo sumnopere abhorrent, ut nihil per aliquot dies sumant) alimenta dentur tenuissima, humectantia, &, ut vulgo vocantur, refrigerantia; cujusmodi sunt cremores hordei, aut oryzæ liquidiores, decoctum panis albi, fructus dulces, vel subacidi, uti pruna, cerasa, fraga, pyria, poma præsertim cocta, & saccharo condita, & similia, quibus etiam alvus blande leniter, quod primis potissimum diebus maxime conducit. Quod si ab his quoque abhorreant, aliquid identidem juris tenuioris ex panis, aut ex pulli, vitulique carnibus largiri sine ulla noxa licebit. Novi quosdam omne alimenti genus sine ullo detrimento ad perfectam usque variolarum inclinationem respuisse præter quædam panis frustula vino dilutiori intincta, & subinde vorata: quod in primis usui esse potest in summa nausea, & vomitione perpetua, viriumque languore magno. Ceterum potui opportuna sunt aqua cum succo mali medici, citrei, aut aurantii, pauco edulcata saccharo; decocta pomorum; emulsa tenuiora ex amygdalis dulcibus, aut seminibus melonum; serum lactis defœcatissimum, atque alia hujusmodi, æstate naturaliter frigida, hieme vero tepentia, aut certe egelida.

In pueris, juvenibus, adultisque.

§. CCXXXIII.

*Curatio
chirurgi-
ca, &
pharma-
ceutica
in primo
variola-
rum sta-
dio.*

*In mitis-
simo ge-
nere nihil
moven-
dum.*

*Naturæ
quomodo
obsecun-
dandum.*

Quod ad diæteticum regimen, hæcenus satis. Reliquum curationis, quod ex fonte chirurgico, & pharmaceutico promi solet, ordinatim modo persequar, singula, quæ cuique variolarum stadio, generi, & symptomatibus administrari debeant, diligentissime, ut par est, enumerans, atque ad æquam lancem expendens. Itaque in primo variolarum stadio si mitissimus morbus sit, ut in benignissimo, & discreto genere (§. CLXIX. & seq.) est, ubi nimirum vel nulla, vel exigua febris cum eo conjungitur, vel ejusmodi ea est, ut pulsus moderatus, atque æqualis, calor mitis, respiratio facilis, & lenis, caput liberum, mens integra, & reliqua symptomata pacatiora non modo plenam variolosæ materiæ separationem, verum etiam pustularum debito tempore suppurationem, exsiccationemque sperandam esse significant; totum negotium Naturæ relinqui oportet, & solo diætetico regimine, blandisque diluentibus eadem recte operanti succurrere satis est. Ad summum si alvus adstrictior fuerit, enemate aliquo emollienti laxari poterit, ut a sordibus, quæ retentæ molestiam parerent, intestina mature liberentur.

§. CCXXXIV.

*Quando
sanguis
mitti de-
beat.*

Verum si æger plethoricus vere sit, febris vehementior, pulsus magnus, plenus, & durus, aut ob vasorum plenitudinem nimiam obscurus, & suppressus, calor ingens, cutis arida, respiratio anxia, facies rubra, capitis dolor acerbus, aut

ejus

ejus stupor insolitus, aut sopor comatosus, aut delirium, & cetera respondeant, ut in morbo inflammatorio. (§. CCX.), & præterea constitutio aeris, morborumque antecedens, & comitans diathesim inflammatoriam ostenderit, tunc sanguinis missio necessaria est. Juvenibus, adultis, atque ætate florentibus non raro evenit, ut ob febris vehementioris, symptomatumque continuationem bis, vel ter * detrahi sanguis debeat. Id autem in quovis alio etiam morbi stadio fieri licet, si quod grave symptoma sanguinis missionem indicet, & vires eam ferre (a) possint. Neque timendum est, dummodò debita virium ratio habeatur, ne per sanguinis detractionem futura variolarum eruptio impediatur; nam vasorum nimia plenitudine ablata, aut laxata sanguinis compage, a quibus interdum eruptio retardatur, plerumque facilius redditur variolosæ materiæ separatio, atque ad cutim expulsio; immo multa mala, quæ procedente morbo supervenirent, uti phrenitis, convulsiones, peripneumonix, sic provide avertuntur. Infantibus tenerimis raro accidit, ut sanguinis missione egeant. Si quando tamen plethora, convulsiones, aut alia symptomata, præsertim inflammatoria in his quoque eam postulent, nec ex venis jugularibus, aut brachii, aut manuum sanguis educi potuit, hirudines temporibus, vel pene aures applicitæ venæ sectionem quodammodo supplent. Non vero sine consideratione, atque examine pro uno, vel altero signo indicante phlebotomiam, protinus ad eam properandum est, nisi constans, & vehemens persistat, aut ejus generis sit, quod nullum dubitandi locum de sanguine mittendo relinquat. Interdum enim omitti hæc potest, aut differri sine ullo noxæ metu; immo

*Infantes
raro egent
sanguinis
missione.*

*Quomodo
omitti S.
M. possit,*

febris, calor, anxietas; delirium sæpe visa sunt solo medicamentorum diluentium, attenuantiumque antiphlogisticorum, atque aeris puri, & liberi usu, & indumentorum imminutione (b) mitigari.

(*) Non possum hic prætermittere animadversionem in Cl. ARCHIBALDUM PITCARNIUM, qui inter *opuscula medica* cap. de Variolis (Vid. *Ejus elem. Medicin. Physic. Mathem. Ed. Ven. ann. 1773. p. 174.*) non timet in primo stadio variolarum febricitantibus jubere sanguinem mitti; quamdiu febricitant; & si variolæ eruperint, adhuc mitti; donec febris cessaverit. Nemo enim non videt, quantum ejusmodi præceptum universum, & absolute traditum a vera, rectaque medendi ratione tirones abducere possit. Caveant igitur a sanguinis missione instituenda; aut iteranda, nisi vera indicantia præsto sint; & quidem urgeant; neque ea abutantur quousque febris cesset, nam prius æger vitam amittet, quam febris desinat. Neque adeo formidanda febris est, si intra mediocritatis limites consistat; quia ejus ope, ut supra ostensam est, natura variolosam materiam ad cutim propellit, seque ab eadem provide liberat. Quam ob rem non facile etiam SIDOBRIO parendum est; qui in primo itidem stadio sanguinis missionem sine limitatione ulla commedat, eamque iterandam bis, ter, quater, quinquies; immo sexies, & octies pro symptomatum ingruentium ratione, viriumque & ætatis modo præcipit. *De variol. §. XXVIII.* Namque rarissime tanta sanguinis profusio ferri potest, aut vix unquam necessaria est. Sapienter & recte de sanguinis missione in variolis sic scripsit TISSOTIUS: *in miti morbo inutilis; in mitissimo, aut maligno noxia; in gravi repetenda initio, donec ex pulsu, laxitate cutis, & remissione symptomatum phlogosim imminutam noscas. Ep. v. arg. p. 38.*

(a) MEAD. *l. c. rap. 3.*

(b) STORCK. *l. c. p. 271.*

§. CCXXXV.

Post sanguinis missionem, ubi ea opus fuerit, si febris, & symptomata inflammatoria nihilominus perseverent, antiphlogisticis remediis utendum est, speciatim potu diluente, attenuante, & compescente, uti decocto hordei, cui nittum, oxymel, aut subacidi vegetabilium succi additi sint; donec febris & symptomata remittant (a); nec alienum est interdum in summo humorum fervore, & præter modum furente cordis, atque arteriarum irritabilitate, potui aliquid spiritus vi-
 trioli, aut nitri adjicere ad gratam aciditatem. Animadversum quandoque est, vires quæ a principio validiores, concitatioresque apparuerant, sub horum remediorum adhibitione, vel etiam sponte, illico, & repente corruiere, vix suffecturas reliquo morbi cursui; tunc omissis refrigerantibus, & compescentibus, mox ad excitantia; & leniter cardiaca confugere oportet; hisque tam-
 diu insistere, donec vires satis erectæ admoneant, deferenda ea esse. Dum hæc aguntur; negligi haud debent præcepta, quæ supra de mora extra lectum, & de aeris liberioris usura tradita (b) fuerunt. Neque aliter in quovis alio stadio, si hujusmodi virium lapsus incidat, se gerere debet Medicus.

*Dilu-
entia anti-
phlogisti-
ca.*

*Acida
minera-
lia.*

*Quando
cardiaca
substitu-
enda sunt.*

(a) STORCK. l. c. p. 270.

(b) Id. ib. pag. 279. 280.

§. CCXXXVI.

Vbi purga-
re oppor-
tunum sit.
 Misso, aut omisso, prout res poposcerit, san-
 guine; præscriptisque opportunis secundum indi-
 cationes internis medicamentis, decernendum re-
 manet, utrum purgari ægrum expediat. Si ex an-
 tecedenti victus ratione, aut ex signis bilis, aut
 pituitæ in primis viis exuberantis, quæ pluries
 alibi, sed speciatim capite de *Febre gastrica acuta*
 (Vol. II. §. CCCLXXIII.) retulimus, conjici pos-
 sit, ventriculum, aut intestina sordibus crudis,
 corruptis, biliosis, aut mucosis scatere, nemo du-
 bitat, quin eæ vel vomitu, vel alvi ductione,
 prout facilius, promptius, opportuniussque videbi-
 tur (Vol. II. §. CCCXCI. CCCXCII.) expellendæ
 (a) sint. Interdum constitutio ipsa epidemica, ad
 quam semper attente respiciendum est, aut mia-
 smatis variolosi in ventriculum ingressi copia, &
 molesta ibidem retentio, quæ sola nauseas, &
 vomituritiones pene inanes ciere apta est, expo-
 stulant, ut vomitu aliquanto validiori primæ viæ
 excutiantur, quemadmodum utilissime non nun-
 quam factum esse perhibent Clinicorum quam plu-
 rimi; & speciatim in illa constitutione epidemica,
 quam supra ex HALLERO (§. CXCVIII.) memo-
 ravimus. Vomitus enim adjuvit Vir clarissimus
 emeticus sic, ut *œtius ad minimum larga emesis se-*
queretur; observaverat enim *quoties vomitus*, qui
fere perpetuum symptoma erat, supprimeretur, fu-
 nestiorem eventum subsequutum fuisse (b). Quod
 si emetica aliunde vetita aut suspecta videantur, tu-
 tissimum tunc plane est, saburram gastricam miti-
ali-

Quando
 Emesis,
 quando
 catharsis
 magis con-
 veniat.

aliquo eccoprotico , uti manna , syrupo , ejusdem , vel cichorei cum Rhabarbaro , aut florum perfici , aut sale quodam medio leniter dejectere , aut clysteribus , qui innocui fere sunt , evocare . Leniter , inquam ; nam omnis immodica ventris turbatio vitari hic debet . Sed si ve emesis , si ve catharsis in usum veniat , alterutra semper ante variolarum apparitionem (c) tentanda plane est *.

Ab utraque tamen temperandum est , si vomitum , ritio , nausea , & dolor cardialgicus , aut colicus non a saburra gastrica , nec a verminosa affectione , cujus signa supra (§. CCVIII.) tetigimus , nec a contagiosis miasmatis copia ventriculum ingressi & vellicantis , sed a sola febrili commotione , aut a nervosa ataxia (§. CCVIII.) ut in tenellis , sensibilibusque corporibus ut plurimum evenit , nasci cognoscantur . Tunc enim hæc symptomata , simul ac omne miasma extrorsum eruperit , conquiescere , ac sedari sponte solent . Cavere etiam ab emeticis , catharticisque oportet , si , levioris licet , ventriculi , aut intestinorum inflammationis indicia aliqua se præbeant . Patent enim omnia , quæ irritationem inferunt , vitanda esse , lenissimisque tantum medicamentis , quæ temperent , demulceant , diluant , & molliant , tam intrinsecus , quam extrinsecus esse utendum . Quoniam vero cum primarum viarum sordibus , præsertim in pueris , vermes etiam non raro complicantur , solo alvum laxantibus aliquod antbelmanticum , uti semen fantonici , corallinam maritimam , aut aliud ejusmodi adjicere , quo illi deturbentur facilius .

*Quando
ab utra-
que absti-
nendum*

(a) *Id. ib. p. 270.*

(a) *Opusc. pathol. cit. p. 114. 115. MEAD. loc. cit.*

cap. 3.

* Si in variolis benignis, inquit TISSOTIUS, tetra symptomata ex cacochylia accedant, jam initio morbi purgandum est cremore Tartari, & tamarindis, & sic deinceps, donec omnia illa ex hac causa genita evanescant. *Epist. var. argum. p. 50.* in morosis, & difficulter purgantia fumentibus potest exigua tartari emetici dosis potui addi, non ut vomitum excitet, sed ut alvum moveat. Id bene cedit. *Id. l. c. p. 51.* Tentanda purgatio est etiam morbo provento, si cacochyliæ signa adsint. *Id. ib.* Signa autem cacochyliæ ab eodem (*pag. 50.*) recensentur 1. cephalalgia, aut sopor supra vim febris; 2. oris foetor, fastidium cibi, & nausea post etiam eruptionem superstites; 3. febris post eruptionem in benignis adhuc permanens cum anxietate; 4. fecum foetor, & sæpe diarrhœa foetida sine depressione pustularum; 5. delirium; 6. lotium crudum, turbidum; & venter tumidus.

§. CCXXXVII.

Quæ curatio in hoc stadio malignis, & putridis? At quando vires in hoc ipso apparatus stadio valde languent, & nervosum systema in primis afficitur, uti in febre lenta nervosa, sive maligna cum symptomatibus alibi (§. CCXI.) descriptis accidit; aut sanguis ad liquescendum, putrescendumque præcipiti prope passu contendit (§. CCXII.) uti in quibusdam Variolis discretis malignis, speciatim earum, quæ cum peticulis, exanthematibus miliaribus, maculisque nigris, aut lividis complicantur (§. CLXXVIII.) vel uti in illis confluentibus malignis (§. CXCII. ad CXCIX.) quæ cito in universalem fere gangrænam terminantur; fieri consuevit; profecto alia est opus curandi ratio. Primo casu regimen

qui-

quidem temperatum esse debet, sed tale, ut nequaquam febrilem motum nimis infringat, neque vim vitæ; & nervorum magis magisque deiciat, nec demum exanthemata tam peticularia, quam miliaria introrsum repellat. Quare paullo plus lecto æger indulgeat, atque indumentis se contegat aliquanto gravioribus, neque se aeri liberi, & frigido temere committat, cautiusque in lecto permutando, aut ventilando cubiculo se gerat. *Diluentia cum excitantibus*

Intrinscus vero ei dentur quæ quidem diluunt, sed una moderate excitant, & motum cordis, atque arteriarum leniter sollicitant. Potui igitur aptissima erunt diluta florum Sambuci, Tiliæ, summitatum Cardui Benedicti, aut foliorum Scordii, vel decocta radicum Scorzoneræ, & graminis, vel hordei, adjecto vini tantillo, vel serum lactis vini ope paratum. Præterea si validius adhuc torpens natura movenda est, prudenter & caute aliquid cardiaci, & alexipharmaci subinde intermiscere haud erit alienum*. Eo respicit alimenti genus paullo generosius, uti jura *Cardiata moderata.*

carnium, & vitelli ovorum, acido succo mali citrei correcta, atque animata. In altero autem casu, si tamen, primo jam stadio ineunte, signa dissolutionis putridæ se prodant, aut in eam prior constitutio epidemica se ostenderit, mature contra pugnandum est antisepticiis proprie dictis, *Antiseptica.*

uti acidis validioribus, camphora, cortice peruviano, aliisque, de quibus jam toties memoratum est, non neglecta interim cubiculi, & lecti ventilatione & mora, si fieri potest, aliqua extra lectum in aere puro, aperto, & subfrigido. In neutro vero horum casuum sanguinis missio locum habet; quia vires illico exsolvit, putredinem accelerat, & mortem.

Aeris renovatio, & mora extra lectum.

* Hic ad rem maxime facit MORTONI locus ; qui
 ejus exercitatione tertia de Febr. inflammator.
 cap. VII. p. 65. reperitur. Ibi sic inquit ipse: „ Si-
 „ cuti enim a multis stragulis impositis, & medica-
 „ mentis calidioribus perperam, atque sine necessita-
 „ te ministratis spiritus in fluorem nimium, & mo-
 „ tus efferatos adacti (sit venia ætiologiæ) non
 „ possunt non dissipari ; ita a frigore nimio, & am-
 „ bientis aeris injuriis coacti, & obruti nequeunt
 „ prorsus se se satis expandere, atque robore nati-
 „ vo hostem adoriri. Quo nomine nunquam hætenus
 „ in sententiam clarissimi, doctissimi que nostri. SY-
 „ DENHAMII deduci potui, qui frigidum regimen in
 „ variolarum curatione (cujuscunque fuerint gene-
 „ ris) ubique, idque indiscriminatim adhibendam a-
 „ criter contendet, & spiritu vitrioli, decocto albo,
 „ syrupo de meconio, ceterisque id genus infrigi-
 „ dantibus, & aere ipso cubiculi frigido utramque
 „ curationis paginam adimplet ; adeo autem ab usu
 „ alexipharmacorum abhorret, ut ægre admodum vel
 „ tantillum aquæ epidemicæ, theriacæ, pulveris e
 „ chelis cancrorum compositi, vel quidem liquoris
 „ possetici floribus calendulæ, & rasura corni cervi
 „ alterati (ut ut pestilentialis, vel deterius fuerit
 „ morbi genus) concedendum opinatur. Et paucis
 „ verbis interiectis, quæ, ut brevior sermo fiat,
 „ omitto, sic prosequitur: Cum hic morbus funestis-
 „ simus animadvertitur, spiritus prorsus a veneno
 „ delentur, ac superantur, unde calori vegeti defe-
 „ ctus magis, quam excessus ex vibratione arteria-
 „ rum debili, & irregulari, atque pallido urinæ co-
 „ lore se se palam prodit. Ecquis autem frigidum
 „ regimen in curatione jam adhibendum duxerit ?
 „ Præterea ipse auctor cl. sæpe sæpius agnoscit va-
 „ riolas confluentes non nunquam pestis ipsius viru-
 „ lentiam æquare, vel quidem superare. Quis au-
 „ tem huc usque pestis curationem frigido regimine
 „ absolvit, vel tentando aggressus est ? Quod ad hi-
 „ storias curationum hoc pacto feliciter absolutarum
 „ a clarissimo Auctore relatas attinet, nullus dubi-

„ to, quin ubi spiritus nimio calore præsertim ex-
 „ terius prius adhibito, diu, & perperam attriti,
 „ & dissipati fuerint, ad ægrotantem a lecto dere-
 „ pente exsuscitatum, vel saltem ab onere stragulo-
 „ rum liberatum, aliquid refrigerii, & emolumen-
 „ ti accesserit, unde spiritus temperie mitti postli-
 „ minio quadantenus reducere potiti, magis strenue,
 „ & feliciter hostem adoriri potuerint; vel in beni-
 „ gno morbo ubi spiritus venenum longe superarint,
 „ injurias hujusce regiminis absque damno quovis in-
 „ figni tolerarint. Inde autem regimen frigidum a
 „ primordiis ipsis morbi consulto, ac perpetuo, vel
 „ ubi ex apyrexia præsentī, & pulsu debili constet,
 „ a veneno spiritus plane prostratus esse, insitui
 „ debere pernego. Siquidem Variolas sæpissime vidi
 „ confluentes, & maxime funestas, ubi ne minima
 „ guttula, vel granum medicamenti cujuscumque ale-
 „ xipharmaci, vel regimen quovis modo calidum
 „ durante apparatu, vel eruptione adhibitum fuisset,
 „ & non alia de causa funestas, & mali mor-
 „ ris evasisse vehementer suspicatus sum, quam quod
 „ durante apparatu, scilicet priusquam spiritus ne-
 „ crosi afficerentur, eorum vires hujusmodi reme-
 „ diis non satis tempestive exsuscitatae fuerunt, quod
 „ multo magis accidit, ubi regimine frigido coactae
 „ deprimantur. In qua sententia eo magis persisto,
 „ quia (quod ceteros Professores latere haud autu-
 „ mo) centies forsan nemini ægrotantes regimine
 „ nimis frigido prius utentes, atque inde in proxi-
 „ mis morbi stadiis, vigiliis, deliriis, fluxu alvi enor-
 „ mi, frequentibus deliquiis, madore colliquativo,
 „ aliisque funestissimis symptomatibus male multa-
 „ tos, & petechiis, atque exanthematibus ubique de-
 „ pressis, & aridis, carbone quasi nigro notatos,
 „ ope alexipharmacorum cum opiatis conjunctorum,
 „ & vesicatorium tandem, ab ipsis orci faucibus ali-
 „ quando derepente, aliquando sensim ereptos. Cui
 „ observationi fidem faciunt historiae aliquot huc spe-
 „ ctantes, e multis aliis selectae, quas in calce hu-
 „ jus tractatus haud pigebit graphice, & sincere

„ depingere ; (*sunt autem* 19 , 21 , 22 , 25 , 27 ,
 „ 29 , 31 , 47 , 48 , 49 , 50.) non tamen in istis
 „ historiis intelligi volo variolas intensissime mali-
 „ gnas , quarum venenum ad summum gradum exal-
 „ tatum est . Est enim ubi venenum a primo insultu ,
 „ sive postea a quodam infausto accidente adeo
 „ prostermit , & quasi sphacelo afficit , ut compage
 „ humorum soluta mors hæmorrhagia effræni , &
 „ maculis nigris in cuticula sparsis denunciata præ
 „ foribus adest , quam neque alexipharmaca , nec
 „ alia quæcunque artis subsidia (*consistente ipso cla-*
 „ *riss. Auctore*) unquam averruncare valeant Sileo
 „ jam infaustum , ne dicam funestum hujusce fri-
 „ gidi regiminis eventum , quem non tantum ejus
 „ affecclæ , & fautores , sed etiam vir ipse doctissi-
 „ mus **NON SINE OPPROBRIQ SUO** non nun-
 „ quam expertus est , quam ob causam in postremis
 „ vitæ annis (ut mihi narratum est) disciplinæ hu-
 „ jus rigorem ipse quadantenus relaxavit . Liceat igi-
 „ tur mihi veritatis ergo , renitenti licet animo , a
 „ magni Sydenhamii sententia de regimine in hoc
 „ morbo discedere . Regimen igitur moderate cali-
 „ dum ita ordinetur , ut calor quam proxime ad i-
 „ psam spirituum temperiem accedat , & æqualem
 „ tenorem servet . Quam primum igitur morbo isto
 „ corripitur æger , lectum petat , ibidemque decum-
 „ bat stragulis solitis ab aeris iniuriis munitus ; haud
 „ tamen nimis opprimatur . A curis , timore , cete-
 „ risque animi pathematibus , quantum fieri possit ,
 „ immunem se servet , neque colloquiis quorumcun-
 „ que interpellatur , verum somnum , aut saltem
 „ quietem quocunque modo captet . Aer cubiculi
 „ tempestate hiemali luculento foco accenso tempe-
 „ retur , fervente autem æstate in lecto , ut in er-
 „ gastulo æger minime incarcerationetur . In reliquis re-
 „ giminis partibus omnia manu adeo æquabili ordi-
 „ nentur , ut spiritus in efferatos motus minime adi-
 „ gantur , vel dissipentur , aut nimium coacti in ho-
 „ ste adoriendo deficient . Hactenus MORTONUS ,
 „ & quidem ratione experientiaque confusus . MOR-

TONI sententiam non modo MEADIIUS, atque HUX-
 HAMIIUS, ambo angli, ab omnique partium studio
 alieni amplexi deinde, tuitique sunt, verum etiam
 SYDENHAMII æqualis, idemque celebratissimus Lon-
 dini Regius Medicus GEDRON HARVEJUS, acer ille
 errorum medicorum censor, castigatque ante jam
 approbaverat, a quo peculiarem historiam, ut regi-
 minis Sydenhamiani nocumenta patefiant, mutuabi-
 mur, infraque opportunius subnectemus.

§. CCXXXVIII.

Cum vero quædam existant hujusce stadii ve-
 luti propria symptomata, horum præcipuis quæ
 peculiaris medicatio præstanda sit, nunc singilla-
 tim explicabo. Dolori capitis assiduo, atque acu-
 to, si urgeat, nec quidquam aliis administratis
 auxiliis cesserit, levando plurimum valent balnea
 tepida, aut moderate calida pedum, mane, &
 vesperi ad semihoram saltem iteranda; intervallis
 vero reliquis postea fermenti panicalens, & mol-
 lis, aut pulpa caricarum pinguium plantis pedum
 adnota. Hæc non nulli continuanda esse volunt
 (a) ad eruptionis usque initium tantummodo.
 Sed HAENIUS revellendi causa, dolore ca-
 pitis etiam non urgente, artus superiores, infe-
 rioreque in calidam demitti quotidie saltem se-
 mihoræ spatio non modo in primo stadio, verum
 etiam toto reliquo morbo ad finem usque jube-
 bat, magna sibi inde emolumenta promittens
 præter illud, quod a mora extra lectum tali oc-
 casione ægri percipiunt. Absorpto enim per cu-
 tis venam, meatusque lymphaticos aqueo humo-
 re diluitur egregie, & temperatur universus san-
 guineus latex, a capite, & facie revellitur mor-
 bi vis, atque ab interioribus ad exteriora (b)

*Dolori
capitis
levando
balnea
pedum.*

*Cataplas-
mata ad
plantas
pedum.*

*Balnea
artuum
superio-
rum &
inferio-
rum.*

*Emolu-
menta.*

avocatur , ut copiosiores ut plurimum ad partes balneo laxatas & fotas variolæ exortæ * declarare videntur .

(a) STORCK. *l.c.* p. 270.

(b) *Rat. continuat. T. I. cap. V. §. VII. n. 5.*

* De balneorum hujusmodi tam particularium , quam universalium utilitate , usuque in variolis nondum plane convenit inter medicorum primiores. Video in primis cl. LUDWIGIUM (*De Topic. medicam. usu in Variol. vid. advers. Med. Pract. Vol. I. P. 3. pag. 473.*) multis rationibus pugnare , ut demonstret , balnea , pediluvia ; & fomentationes tam in variolarum apparatu , quam in ipsa eruptione imminente esse vel supervacua , vel etiam ad eruptionem adjuvandam inepta ; atque experientia comperisse , minori variolarum numero eas partes corripere , quas balneum fovit , quam reliquas , & contra earum eruptionem aere sicco , & frigido felicius , sæpiusque promoveri . Multo vero apertius balneorum , fomentationumque usum a clarissimo Neapolitano Medico reprobatum (*De sedib. variolarum*) jam pridem scimus , fidenter tradente , variolarum eruptionem humiditate impediri , siccitate adjuvari . Hisce autem balneorum , fomentationumque vituperatoribus longe major se se opponit numerus laudatorum . In primis in *expositione morborum* , qui frequentiores fuerunt Edimburgi anno 1773. (*Essay de medec. Vol. 3.*) lego compluribus ex balneo calido pedum semel aut bis in die adhibito usque ad absolutam variolarum eruptionem non modo caput mirifice levatum esse , verum etiam copiosiores variolarum numerum ad crura , pedesque prolectum . Quod eo pluris faciendum , quo non opinione , sed experientia magis innuitur . HAENIUS non modo memorat NICOLAUM FLORENTINUM , ASTATIUM Papiensem , PETRUM FORESTUM , SYDENHAMIIUM , BOERHAAVIUM , aliosque locupletissimos testes , qui balneis hujusmodi eruptionem variolarum promoverunt , verum etiam

etiam propriam experientiam adducit, qua pluries se didicisse ait, copiosiores ut plurimum variolas balneo ad brachia, & crura provocari; quamquam non diffiteatur, interdum id nequaquam contigisset. Nul-
lus vero æquus rerum æstimator ex eo, quod balnea quandoque effectu caruerint, temere unquam concludet, uti supervacua, aut inepta, contra multo plura salubrium effectuum exempla, esse ableganda. Ad HAENII partes omnino nuper accessit Cl. AZZOGUIDIUS (*Lettera sopra il Vajuolo p. XXIV.*) qui præterea animadvertit, universum quandoque corpus balneo immergi debere, eoque fieri, ut mirifice præsertim in pueris variolarum eruptio succedat. Addit demum, multis abhinc annis a BOUVARDO hanc methodum commendatam fuisse, eamque diu quasi oblivioni traditam, a SENACIO, aliisque tandem medicis in lucem e tenebris quodammodo revocatam jure esse. Verum jam apud RHASEN, AVICENNAM & DIOSCORIDEM vaporum, fotuumque humidorum in variolis curandis adhibitorum mentionem factam esse, ex FREINDII testimonio refert OCTAVIUS NERUCCIUS, qui anno 1748. epistol. *de balneo tepido* ad variolarum curationem vernacula lingua conscriptum evulgavit. In hac tam suis, quam aliorum periclitationibus ostendit summam balnei universalis ad semihoram singulis diebus a principio ad finem morbi usque instituti utilitatem in curandis variolis, FISCHERI præsertim usus auctoritate, & consilio, qui anno 1721. in comitatu Argæ Oppidi in Hungaria superiore siti balnea istiusmodi vidit prosperrimo evento universim adhibita, & deinde annis 1727. 1728. sua in regione eadem ipsemet ad Variolas epidemicas non minus feliciter adhibuit. Ipse autem simul ac infantes, pueros, aut adolescentes febris correptos cernebat, eos mox in balneum aquæ simplicis moderate calidæ demittebat, idque bis in die, mane nimirum, & vespere hora quarta pomeridiana iterabat, balnei usum quavis vice ab horam cum dimidia plerumque produ-
cens. Altero ut plurimum die, raro quarto erum-

pebant variolæ quasi uno impetu per totum corpus ; cito turgebant , ad debitam magnitudinem perductæ , & quinto , sexto , & rarissime post septimum diem disrumpebantur ; & tunc non ex aqua , sed ex sero lactis , aut ex lacte duabus tertiis partibus aquæ diluto balneum administrabat , quo non secus , ac priore uti pergebat ad perfectam exsiccationem , quæ fere nono , aut duodecimo die contingebat . Rem confirmavit iteratis experimentis ex nostratibus pariter MORANDUS MORANDIUS (*Della cura del Vajuolo . Ancona 1753. p. 32. §. XIII.*) in pessimis malignisque variolis epidemicis ann. 1737. & 1741. in quibus , cum quamcunque aliam curandi rationem inefficacem deprehendisset , balneo tepido a principio ad finem usque ad FISCHERI mentem usus felicissime est . Balnei quoque tepidi , aut moderate calidi utilitatem tam ad variolarum eruptionem adjuvandam , quam ad suppurationem leniter promovendam expertus est in Gallia cl. MARTEU , ut ex quinque historiis anno 1768. in *Diarii Medici T. 28. pag. 314.* editis elucescit . Immo ejus usum cum CLIFTONO ad febrem secundariam mitigandam commendare non dubitavit . His unum , ut multos alios prætermittam , celeberrimum TISSOTIUM adjiciam , qui in Variolarum curatione nedum pediluvia , vaporemque aquæ tepidæ toto corpore exceptum , verum balneum etiam universale (*Epist. var. argum. p. 39. & seqq.*) tam revellendi a capite , quam extrorsum avocandi consilio approbavit . Quibus de causis satis evinci videtur , quotiescunque aut in caput humores vehementius feruntur , aut lente , & tarde ob vires vitæ languidas variolæ erumpunt , aut arida , & densa cutis eruptioni renititur , aut pustulæ ob frigore susceptum , aut subitum terrorem , aut imminutam cordis , arteriarumque vim propellentem repente deprimuntur , & concidunt , pedum , manuum , immo totius quoque corporis balnea tepida , aut certe non valde calida non modo opportuna fore , verum etiam necessaria .

§. CCXXXIX.

Neque huic stadio aliena interdum est *phrenitis* (§. CCV.) quæ si cum plethoræ signis, calore ingenti, auctaque virium vitalium actione (§. CCXXXIV.) conpuetur, sic ut a nimia sanguinis copia, ejusque concitatore motu pendere videatur, præter phlebotomiam, temperantia, diluentia, antiphlogistica; exposcit etiam balnea pedum tepida modo (§. CCXXXVIII.) laudata. Si vero his furor non conquieverit, caputque ob nimium calorem quasi effervesce, atque æstuarere pergat, capillorum sectionem non nulli proponunt, quæ plurimum levaminis quandoque attulisse (a) narratur. Similibus quoque ex causis *coma vigil*, aut *somnolentum* (§. CCV.) non nunquam exoritur: quod ubi incidit, eadem prope curatio opportuna est, sed tum post quodvis pedum balneum cataplasmata, quæ plantis ad revelendum, excitandumque admoventur, sinapios pulvere, aut aceto scillitico acui debent. Immo si prævideantur variolæ confluentes futuræ, non solum lecti calor diligentius vitandus est, verum etiam vesicatorium nuchæ apponentur (b).

Phrenitidis eadem prope curatio convenit.

Capillorum sectio utilis.

Comate si affectus non aliter curandi.

Sinapismi.

(a) MORANDIUS *della cura del Vajuolo* p. 43.

(b) SYDENH. *Diff. Epist.* p. 421.

§. CCXL.

De eclampsia, sive epilepticis insultibus, uti symptomate hujus stadii, eruptionem interdum præcedente, supra (§. CLXIX.) loquuti sumus. Ple-

Epilepticis insultibus quomodo occurrendum.

Plerumque hoc symptomatis genus cito evanescit, subsequente paullo post variolarum benignarum, & discretarum eruptione, sic ut vix ullo medicamento egeat, nisi diutius trahatur, aut ex alia causa, quam a varioloso contagio dependeat.

Attamen SYDENHAMIVS, quo facilius nervorum systema ab irritante varioloso principio liberetur, author est, ut (a) continuo æger lectulo tradatur; quandoquidem variolæ, quæ subsequi solent, quia discretæ, & benignæ ut plurimum sunt, lecti calorem innoxie ferunt; & epispasticum nuchæ, sive occipiti applicetur, deturque ei intrinsecus aliquod cardiacum, paregoricumque remedium, quo non solum nervosa sensibilitas minuitur, verum etiam variolarum imminens eruptio adjuvetur. Ipse autem trienni puero guttas quinque Laudani liquidi ex cochleari aquæ epidemiciæ, ut vocat, sive cardiacæ cujusdam dare solitus erat. Quæ dosis & imminui, & augeri non solum pro ætatis, & temperamenti, habitusque ratione potest, verum etiam prout saturatius, aut dilutius laudanum ipsum fuerit. Interdum solo tempore sic condensatur, ut quælibet gutta glus opii contineat, quam dum liquidius, tenuiusque erat. Præter hæc plantis pedum epispastica

Cautio circa laudanum si quidum.

Epispastica.

Fomenta. Liquor anodynus. Spiritus antepilepticus. Pezoldti.

admovenda suadet MEADIVS (b), quo certius a cerebro revellatur. Nonnunquam vidi plurimum profuisse calida, & humida fomenta cruribus circumvoluta, utpote quæ utramque peginam adimpleverunt. Laudano subrogatur liquor anodynus mineralis HOFFMANNI, aut spiritus vitrioli antepilepticus PEZOLDTI, uterque tutissimus, & sedandi facultate conspicuus. Quod si dentitio ipsa, uti causa epilepticæ convulsionis in suspicionem veniat, tum spiritus cornu cervi, aut li-

quor

quor cornu cervi succinatus ad paucas guttas ex aqua aliqua cephalica, aut syrupo aliquo gratiori datus multis aliis præfertur.

*Dentitio-
ni, si caus-
sa epilep-
sia, quid
magis pro-
sit?*

(a) *Dissert. epist. p. 420,*

(b) *De Variol. cap. 4.*

§. CCXLI.

Quemadmodum igitur in epilepticis convulsio-
nibus (§. CCXL.) & maxima systematis nervosi
ad spasmos proclivitate, absente tamen plethora,
depressisque viribus vitalibus licet ad paregorica,
atque opium habentia confugere; sic etiam, ubi
acutus aliquis dolor ægrum torqueat, & quasi
conficiat, uti non raro in variolis confluentibus
malignis (§. CLXXXVII.) usuenit, necessario
consequitur, ut ille opio sedetur, & natura pe-
ne obruta, & fatiscens cardiaca ejus facultate ex-
citetur. Est quoque, ubi alvi fluxus, ad quem
in primis pueri (§. CLXX. & CLXXXVI.) pro-
clives primo in stadio esse solent, aliquam sui
rationem requirit. Is si a saburra primarum via-
rum est, & vere stercoreus, & fœtidus, & fa-
cile toleratur, comprimi nullo modo debet, im-
mo leniter sustineri, dato subinde tantillo vini,
si opus fuerit, aut alio blando cardiaco, quo vi-
res recreantur, firmenturque (a). Sin vero ab
acri varioloso ab intestina præpostere delato fiat,
viresque prosterнат, ut in primo stadio confluen-
tium malignarum (§. CXCIII.) sæpe affolet,
aut serofus, & colliquans magna copia humor
prodeat cum virium jactura, cum opio sisti omni-
no (b) oportet, & quandoque etiam canthari-
dibus cuti impositis, ut extrorsum malus humor
avo-

*Paregori-
ca etiam
dolor acu-
tus ali-
quis ex-
poscit.*

*Alvi flu-
xus quo-
modo con-
sideran-
dus.*

*Quinam
curandus
& qua
ratione?*

Opium non avocetur. Hinc (§. CCXL. & CCLXI.) pa-
prorsus ex- tet, ni fallor, non absolute opii usum * in ap-
cludi po- paratu variolarum excludi posse, ut fortasse non
test in ap- nullis placuit.
paratu.

(a) VARNIER *Journal de Médecin. T. V. p. 152.*
Avout 1736.

(b) *Id. ib. & TISSOT. epist. var. argum. p. 52.*
 & MORTON. *exercit. 3. de Febr. inflam. cap. VII.*
pag. 71.

* Quamquam enim MEADIUS (*de Variol. cap. 3.*)
 & MORTONUS (*Exercit. 3. cap. VII. p. 71.*) alii
 que ante plenam variolarum eruptionem opii, narcotico-
 rumque usum reprobaverint, multis de causis,
 sed præcipue, quia materiæ variolosæ separationi ob-
 stare, deliriumque a febris impetu genitum augere,
 aut spiritus confopire, eorum vires minuere, & co-
 ercere creditur: tamen utrique post insultus epilepti-
 cos in hoc ipso stadio, in doloribus vehementioribus,
 & magna ad spasmos & convulsiones quorundam,
 sensibilitate, atque irritabilitate nimia præditorum,
 proclivitate, itemque in alvi fluxum immodico, & de-
 bilitante, pustularum eruptioni adverso, ut supra (§.
 CCXL. & CCLXI.) comprehensum est, a Laudano,
 paregoricisque non penitus abhorrent; cogunturque
 vel inviti Sydenhamianam doctrinam amplecti, qui
 Laudano suo vim tribuit non modo convulsiones se-
 dandi, evacuationesque nimias sistendi, verum etiam
 variolarum eruptionem (*Dissert. Epist. p. 420.*) ad-
 juvandi: Qua in re consentientes video cum STOR-
 CKIUM (*Instruz. Pratic. P. I. p. 288.*) qui somni-
 ferorum amicissimus sane est, tum cl. TISSOTIUM,
 qui, etsi ea plurimum vituperet sic, ut neque in fe-
 bre apparatus, neque post eam somniferum ullum
 dari (*Epist. var. arg. p. 17.*) velit; ob vires tamen
 cardiacas, & diaphoreticas, ubi in hoc stadio iis opus
 sit, non audeat rejicere. His subscribere etiam vide-
 tur cel. GATTUS, qui sedantia, & paregorica in sta-
 dio variolarum febrili ante eruptionem (*Novel. re-
 flex.*)

flex.) quodammodo admittit. Ceterum, quoniam de ejusmodi remediis multa in utramque partem disputantur, aliis effuse laudantibus, vituperantibus aliis, idcirco non deerit deinceps occasio auctorum dissidia commemorandi, nostramque super his opinionem apeririendi. Hoc loco tamen non prætermittam animadvertere, opio rarum in variolis locum relinqui, quod a viris celeberrimis quædam proprietates ei tribuuntur, propter quas noxium in ejusmodi morbis censeatur. Habetur enim 1. calidissimum sudoriferorum; 2. acerrimum; 3. septicum, & gangrænas facile inducens; 4. rarefaciens, & quasque excretiones, sudore excepto, supprimiens; 5. ptyalismum speciatim inhibens. & 6. somno inducto, qui noxius in variolis sæpe deprehenditur, calorem, febrem, capitisque affectus adaugens. Vid. *Tissot. Epist. var. arg. p. 8. ad 17.* In quibus etsi aliqua exaggerata videbuntur, in universum tamen veri habent plurimum.

§. CCXLII.

In hoc ipso *apparatus*, sive *contagii* statu accedunt non raro hæmorrhagiæ, quæ tamen non semper formidandæ; nam a plethora, & concitiori febris motu genitæ salutiferæ plerumque deprehenduntur. At si malignior morbus est, hæmorrhagiæ ejusmodi, narium videlicet, intestinorum, atque uteri, sed præ ceteris hæmoptysis, atque hæmaturia, sive mictus cruentus (§.CCVII.) fere lethales esse solent; quæ, si a nimia sanguinis tenuitate, & solutione profluunt, uti plerumque fit, præter regimen frigidum cogentia, in-crassantia, atque adstringentia requirunt. In his primum locum sibi vindicant acida quæcumque tam vegetabilia, quam e fossilibus educta, liberalius (a) haurienda. Deinde veniunt paregorica adstringentibus admixta. SYDENHAMIVS in hæmoptysi,

Hæmorrhagia quibus curandæ

Acidorum largior usus.

Paregorica adstringentibus mixta.

An san-
guis mit-
tendus?

Haustrum
ad spu-
tum san-
guinis, &
mictum
cruentum.
Adstrin-
gentia, &
mucilagi-
nosa.

Serum lac-
tis, va-
rio modo
medica-
tum.

Specifi-
cum Hel-
vetii.
Epispasti-
ca.

ptyli, & mictu cruento non timet sanguinem se-
mel e vena primum mittere aliquanto largius (b),
quod in plethoricis tantum, & viribus satis va-
lentibus licere existimaverim; nam in mictu cru-
ento, qui serius morbo provento supervenit, &
a soluto sanguine proficiscitur, venæ sectionem
nocuam alii experti sunt (c). Deinde haustum
commendat, qui habet aquæ florum papaveris er-
ratici uncias duas, Laudani liquidi guttas qua-
tuordecim, aceti stillati drachmas tres, Syrupi de
Meconio semunciam. Caveto tamen ne tota hæc
dosifis detur, nisi adulto. Postea ad vere adstrin-
gentia descendit, uti ad terram lemniam, sigilla-
tam, bolum armenum, corallium rubrum, masti-
chem demum & gummi arabicum, tamquam glu-
tinantia. HOFFMANNO in magno pretio erat se-
rum lactis, in quo gummi cerasorum, aut tra-
gacantha solutum esset (d). In summo vitæ di-
scrimine, & effreni sanguinis liquatione ad se-
rum lactis quod vocant, aluminosum, atque ad-
specificum HELVETII fas erit confugere. Sunt qui
epispastica etiam ex cantharidibus proponunt: in-
ter quo Angli primas tenent, utpote qui ne in
diabete quidem a cantharidibus abstinent.

(a) TISSOT. *Epist. var. arg. p. 31. & 32.* SYDENH.
De febr. putrid. Variol. confluent. superv. Oper. p.
637. & schedul. monit.

(b) *De febr. putrid. &c. ib.*

(c) SALISBURY *Epist. ad Rick. Mead.*

(d) *Capit. de febr. variol.*

§. CCXLIII.

Sudores immodici , præmatûri adultos exercent , magis in discreto tamen (§. CLXIX.) quam in confluenti (§. CLXXXVI.) genere . Hos , quia eruptioni , pustularumque elevationi impedimento sunt , compesci cito oportet mora extra lectum , aere subrigido , libero , puro , & levibus (a) tegumentis . De vigiliis vero , vomitibus , jactationibus , aliisque molestiis , quæ eruptionem necessario antecedunt , nisi ad summum gradum perveniant , atque ideo aliquo medicamento anodyno , & sedante mitigari debeant , nihil peculiariter dicam , cum sine noxa ut plurimum tolerari soleant , & sponte post eruptionem ex toto cessent , aut certe insigniter leniantur .

*Sudores
nimii us
compe-
scendi .*

*Aliorum
sympto-
matum
curatio
raro ne-
cessaria .*

(a) HOM. *Princ. med. de morb. febril. Sect. VII.*

E R U P T I O .

§. CCXLIV.

Eruptionis tempore omne studium eo spectet , ut natura se penitus exuat variolosa materia . Si per se id præstet , sic ut eruptio rite procedat , & regularis sit , ut in discretis (§. CLXXI. & CLXXII.) aut confluentibus non perniciosis (§. CLXXXVI.) , & ea apparente , aut facta febris , ejusque symptomata cessent , aut saltem multum leventur , nihil immutandum plane est si in regimine , si in medicamentis , quæ diluunt , & opportuna in primo stadio visa sunt ;

*Curatio
in secun-
do stadio .*

*Si eru-
ptio rite
procedit ,
nihil mo-
vendum .*

quæque continuari etiam poterunt ad finem usque morbi, nisi quidpiam insolidum incidat, quod peculiarem medelam postulet.

§. CCXLV.

Eruptio quando adjuvanda, & quibus auxiliis. At natura, ut in malignis tam lentis (§. CCXI.), quam putridis (§. CCXIII.), sæpe sic a venenato miasmate opprimitur, prosterniturque, ut ejus expulsionem moliendæ pene impar existat: quo casu evidens est, eam blandis cardiacis erigi, atque excitari oportere (a). Præterea multis aliis de causis, quas supra jam (§. CCVI.) indicavi, eruptio variolarum retardatur, aut imperfecte absolvitur. Harum autem major pars vires vitales deprimit, motumque a centro ad circumferentiam minuit, vel resistentem cutis vim adauget. Vires vitæ deficere demonstrat in primis pulsus debilis, parvus, mollis, & inæqualis. Multoque id luculentius apparet, si æger ipse langueat, simulque pallidus sit, anxius, & mente motus; aut si etiam hic illi aliqua pustula decolor se exserat, & cito evanescat, aut cutis in toto corpore flaccescat, & quodammodo frigeat (b). Inter cardiaca hic opportuna celebrantur præ ceteris diluta calida scordii, cardui benedicti, rutæ capraræ, florum tilia, sambuci, quibus additum sit aliquid syrupi contrayervæ, aut chinæ chinæ, aut corticis citrei, aut liquoris anodynæ mineralis, aut elixiri vitriolici, aut etiam acidi cujus am valentioris, si id ab imminenti sanguinis corruptione, ac liquatione exigatur. Quo casu etiam mirifice prodest camphora, & vini tantillum.

(a) HOM. Princ. med. Sect. VII.

(b) STORCK: P. 1. p. 28.

§. CCXLVI.

Quod si sanguinis missio temere instituta, aut catharsis vires fregerit, aut nimiae aliae evacuationes etiam spontaneae huic malo (§. CCXLV.) causam dederint; cardiacis analepticis, & instaurantia adjicienda sunt; curandumque paregoricis, ut immodicae excretiones sistantur. Si vero frigus improvide admissum; aut tempestas praeter modum gelida; aut diutius corporis situs erectus; aut longior extra lectum mora, quo minus variolae libere erumperent; fecerint; tunc cubiculi calor prudenter auctus, quies, & mora in lecto, tegumenta paullo graviora, & potus moderate calidus remedio erunt. Hac ratione non semel cunctantem pustularum eruptionem promovi feliciter, aut pustulas scissiles, atque umbilicatas sic adjuvi, ut cito se attollerent, & perfecte turgerent. Hi saepenumero, ubi pallidiusculae, & justo aquosiores videbantur, magnam opem tulit tonica, cardiaca, & antiseptica sua facultate cortex peruvianus paullatim datus. Huc spectant vapores aquae calidae cute excepti, fomentationes, balnea tepida, quae egregiam plane operam praestant tum etiam, cum subitus terror, aut ira, aut aliud animi pathema, aut erratum aliquod sive aegri; sive assidentium eruptionem inhibuerit, aut pustulas jam natas represserit, in primis si una aliquid ex opio, aut papavere intrinsecus praebetur. Quotamen casu a calefacien-

Quando eruptio evacuationibus impeditur, quid praestet?

Quid agendum, ubi frigus, s. situs erectus, & mora extra lectum nocuit?

Mutari regiminis boni effectus.

Corticis peruviani mira vis.

Vapores calidi, fomenta, balnea, quando magis convalescant?

eibus abstinere satius est, & in aere puro, & libero versari, corpore vestibus caute contexto, & potu uti calido, aut tepefacto,

§. CCXLVII.

Quando cardiacis finis imponendus. Statim vero, ac vires erigi videantur, pulsus, & calor reviviscere, pustulæque non modo satis erupere, sed attolli, repleri, & rubere; non diutius urgenda cardiacorum, & calefacientis regiminis administratio, verum paulatim ad diluentia, & temperantia redeundum

Cardiaca interdum irrita.

Qualia cum symptomata.

est. Accedit tamen non raro, ut cardiacis vires, quæ deficiebant, nequaquam erigantur, & pustulæ, quæ erupere, humiles, ac depressæ maneant, color earum ad fuscum inclinet, in earum foveolis punctum nigrum appareat, interjecta cutis flaccida, & livida deprehendatur, immo maculis nigricantibus sparsim sædetur, urina subnigra; sætens, & tenui sanguine tincta excernatur, aliæque hæmorrhagiæ profusæ sanguinem dissolvi, corrumpi, atque ad necrosim vergere ostendant: tunc profecto ad valentiora antiseptica, cardiacis admixta properandum esse, atque in iis insistendum assidue plerique arbitrantur. Si jam ab initio *variolæ luridæ*, inquit HUXHAMUS (a), *livide*, & depressæ sunt, febrisque potius lenta est, *generosa cardiaca exhibenda*, & epispastica applicanda, qualia sunt crocus, pulvis contrayervæ compositus, moschus, & theriaca Andromachi, immo vinum dulce, quidquid contra reclamet SYDENHAMUS. Acetum, & acidum vitriolicum potui ordinatio,

rio, cui inserviet decoctum hordei, largiori manu adjici oportet, quo alkalescentia, acritasque colligans emendetur, & debita sanguini jam pene dissoluto crasis donetur. Vinum etiam aqua dilutum, serum lactis vinosum, cortex peruvianus, sed liberaliter adhibitus *, nec non camphora ipsa ** ceteris palmam præripiunt, non modo cardiacæ, sed antisepticæ etiam virtutis præstantia. Interea, præsertim si variolæ confluentes sint, ægri, si unquam, nunc certe aere libero, & puro egent, quo non modo graviora symptomata mitigantur, aut averuntur, verum etiam eruptio ipsa allicitur, & adjuvatur, aere puro *menstrui* veluti attrahentis vice fungente. Tantique æstimatur a STORCKIO (b) aeris liberi, & aperti hisce in casibus vis, ut ægros, si in aerem liberum translati de frigore, & horroribus vagis quætantur, non audiendos esse sentiat; qua in re tamen prudentia, & judicio, quo ipse præstat, opus esset, ne temeritatis notam medicus, æger vero pœnam incurrat.

*Quanam
magis u-
tilia.*

*Aer li-
ber. &
purus.*

*Ejus lau-
des.*

*Sed mo-
dus in co-
adhiben-
dus est.*

(a) De aere & morb. epidem. Tom. 2. pag. 122. ubi sequentia etiam habet: In variolis malignis; in quibus pustulæ parvæ, atræ, aut cum foveola nigra, aut ichorosæ sunt, si ulla spes est, est in alexipharmacis subausteris cum acido plurimo, qualia sunt tinctura corticis peruviani, alexipharmaca cum multo elixirio Vitrioli, sæpe vino addito his accidis, præsertim febre decedente cum potu copioso, acidulo, demulcente. Ibid.

* CL. TISSOTIUS (Epist. ver. argum. pag. 32. 33.) de cortice peruviano sic loquitur: Convenit tantum in malignis variolis; ubi laxæ fibræ, solutus, putridusque sanguis, summa debilitas, & metus gangræ-

næ. Tunc ad drachmas tres, vel quatuor, vel quinque quotidie datus summopere prodest.

** Camphora in malignis variolis utilis est, præsertim acidis admixta, uti aceto, in quo calido facile solvitur. Vires blande erigit, fibras exstimulat leniter; putridum virus arcet, aut coercet; atque ad cutim ducit. *Id. l. c. p. 33.*

(b) *Instruz. med. P. I. p. 273. & 281.*

§. CCXLV III.

*An vesicantia
hic locum
habeant?*

Dubitatur.

*Ubi liceat
his uti,
ubi non.*

In hac item tarda, & difficili eruptione (§. CCXLV. CCXLVI.) variolarum, aut earum depressione (§. CCXLVII.) ex virium vitalium defectu, morbiq; maligniore natura, ubi nimirum cardiaca, atque antiseptica necessaria censeantur, complures MORTONUM, MEADIUMQUE sequuti brachiis, & cruribus admovenda etiam vesicantia non dubitant. At ubi cum virium lapsu jam signa putridæ tenuitatis & liquationis se sistunt, & magna ubique ad corruptionem, gangrænamque (§. CCXLVII.) propensio cernitur, non sine matura deliberatione quidquam de vesicantibus ex cantharidibus decernendum est. Mihi vero, ut quod sentio dicam, tutum videtur his uti in magna debilitate, solidarum partium atonia, febris exigua, calore niti, integra sanguinis crasi, absente plethora, & gangræne metu, multoque magis, si variolosa materies, quæ extrorsum pelli debuit, intus resistans in caput, fauces, pectus, abdominisque viscera impetum faciat, earumque partium functiones lædat. Non tutum contra, immo noxium, si contraria his offendantur.

* Cl. TISSOTIUS generatim vesicantia in variolis damnat, 1. quia augent febrim inflammationem, calorem, putredinem; 2. quia cutim irritant, dum ejus phlogosis, tensio, dolorque demulceri debent; 3. quia urinas potius cohibeant, quam incitent; 4. quia dolores intendunt; atque adeo inquietudines; 5. quia alvi excretionem sufflaminant. Quas ob res vesicantium usum etiam in soporosis affectibus, quibus discutiendis vulgo adhiberi solent, omnino reprobant, si ipsi a vi febris ac vasorum plenitudine gignantur. Hinc liquet, quanta opus prudentia sit, quantoque examine, antequam vesicantia proponi possint. *Vid. Epist. var. argum. p. 26.* Nec minori cautione se explicat MEADIUS (*De variol. p. 72.*) de vesicantibus loquens; quando ea tum brachiis & cruribus imponi posse tradit, cum in variolis pessimæ notæ pulsus sit exiguus, languidus, sine ulla insigni manuum intumescencia, & torpēt magis æger, quam calore utitur.

§. CCXLIX.

At variolarum eruptio non a solis hisce causis (§. CCXLV. CCXLVI.) retardatur, aut deprimi-
 tur. Interdum vasorum plenitudo, motus sanguinis auctus, diathesisque phlogistica, quam pulsus magnus, validus, durusque, & quandoque respiratio difficilis indicat, impedimento est. Quo in casu non cardiaca, non excitantia, non calorifica medicamenta, sed sanguinis missio, refrigerantia, diluentia, verbo antiphlogistica eruptionem promoveant, ac (a) sustinent. Non nunquam primarum viarum saburra eruptioni quoque obnititur, spasmis videlicet inductis, cordisque motu infirmato, aut inhibito. Tunc nemo non intelligit, eruptionem sola cacochyliæ evacuatione promovendam fore. Hinc vel emetica, quæ ab HUXHA-

Eruptio ex contrariis quandoque causis retardatur, aut subsidet.

Sanguinis missio, & antiphlogistica, quando eam promoveant?

Quando purgatio?

MIO tamquam præstantissima ad variolosam materiam cutim versus propellendam prædicantur, vel lenia cathartica, præsertim in variolis confluentibus, in quibus commodissime pars exuberantis variolosi fomitis alvi dectione * educi potest, causam cunctantium, aut subsidentium variolarum evertunt.

(a) HOM. *Princ. med. de morb. febril. Sect. VII.* Item WINTRINGHAM (*Essays de Nèd. d' Edimb. Tom. 2. pag. 524.*) qui hanc fortasse ob causam numquam vidit, quæ antiphlogistica sunt, & moderate alvum apertam servant, Juvenibus robustis, & pletoricis, id est sanguine denso, & compacto abundantibus nocuisse, sed profuisse semper in variolarum morbo.

* Enimvero lenem purgationem a prima pustularum eruptione ad suppurationis usque tempus in variolis confluentibus utilem semper deprehendit, expertusque est SIMSNNUS. *Essay de Med. d' Edimb. Tom. 6. p. 144.*

§. CCL.

*Faucium
inflammationi
quid
profit?*

Quod si fauces in hoc stadio, uti plerumque evenit (§. CLXXI.), doleant, tumeant, inflammantur, pustulis nempe ibi obortis, difficilemque deglutitionem reddant, leniri assidue debent eclegmate mucilaginoso, potu tepido, mollienti, blando, crebro, & gargarismata ejusdem naturæ. Decocta radicis althææ, hordei, florum malvæ vel sola, vel lacti admixta utrique scopo satisfaciunt. Hi vero non proficientibus si malum increseat, anginaeque instar inflammatoriae deglutitionem, aut spiritum jam jam intercipere videatur magno cum ægri cruciatu, & reliqua non repugnent, sanguinis missione tam magno discrimi-

ni succurrendum est *. Post hanc etiam, si opus sit, a faucibus revellere licet leni eccoprotico ex cassia, aut manna, balneis pedum, & in graviori casu epispastico nuchæ applicato, aut cataplasmate moliente collo circum ducto.

* Mirabitur fortasse lector, mēneque hic, neque alibi de Variolarum curatione differentem quidquam de cucurbitulis, quas complures hoc in morbo adhibendas volunt, memorasse. Causam si quæras, obvia plane est. Tutius educi sanguinem puto venæ incisione, quam sacrficatione cutis, in morbis, in quibus sanguinis nimia tenuitas lethales hæmorrhagias procreare potest.

§. CCLI.

Ratio quoque habenda est ptyalismi, qui ab initio eruptionis, vel paullo post certe adultos variolis speciatim confluentibus laborantes (§. CLXXXVII.) adoritur, copiosusque esse solet, & debet, ut humoris variolosi pars magno ægri emolumento via hac excernatur. Cautio igitur adhibeatur, ne per subitum frigus, aut frigidam potionem, aut alvi fluxum, aut narcotica, aut adstringentia medicamenta supprimatur. Actum enim fere esset de ægri vita. Nihil autem certius hunc salivæ fluxum promovet, & conservat, quam diluentia crebro, & tepide epota. Interdum salivalis iste liquor, qui assidue manat, tanta acrimonia præditus est, ut caustici instar erodere, & ulcerare queat. Tunc non modo os, & fauces sæpe colluendæ sunt lacte dilutissimo, aut decocto hordei, aut radicis althææ, verum etiam cavere diligenter oportet, ne acerrimus ejusmodi humor voretur, descendatque in ven-

Ptyalismus quæ ratione romo-vendus.

Saliva non vcranda est.

triculum; si mala effugere velimus, quæ ex SAGARII observatione jam alibi (§. CLXXXVIII.) memoravimus.

§. CCLII.

Symptomata quædam huic quoque stadio communia.

Eorum peculiaris curatio.

Vigilia protractæ an somniferis oppugnanda?

Somniferorum laudes.

Neque desunt huic stadio quandoque hæmorrhagiæ, phrenitides, deliria, soporosi affectus, convulsivi motus, anxietates, vigiliæ, aliaque gravissima symptomata, præsertim in confluentibus malignis, in quibus variolosa materies non penitus expulsa huc illuc vagatur, interioresque partes adoritur, febremque cum suis symptomatibus intensius exasperat. Quæ curatio hæmorrhagiis, phrenitidi, comati utrique, convulsivisque affectionibus adhibenda sit, jam supra (§. CCXXXIX. CCXL. CCXLII.) exposuimus. At vigiliæ plerumque protractæ, anxietates, corporisque jactationes irrequietæ, si quando accesserint, quod variolarum confluentium, & malignarum fere proprium est, sine aliqua medici opera vix præteriri possunt. Harum igitur causa plerique ex SYDENHAMII sententia * laugum, & crebrum hoc in stadio hypnoticorum usum inculcant. Mox enim post primum stadium singulis noctibus dari jubent vel syrupum Diacodii; vel emulsionem cum Syrupo papaveris albi, sive de Meconio, vel laudanum liquidum, vel solidum, vel opium purum, vel pilulas de cynoglossio congrua ætati cujusque dosi. Sic non modo pervigilio, inquietudini, ac delirio, verum etiam pustularum incremento, & repletioni prospicere se affirmant; tantaque id confidentia sibi pollicentur, ut si vespertina hypnotici exhibitione quietem, & somnum non assequantur, remedium

mane repetant, & etiam interdiu, donec somnus inducatur. Id autem in juvenibus, adultisque præcipue licere monent, cum tenera ætas (a) ab hypnoticis facile lædatur, nisi cautissime adhibeantur. At contrariam huic sententiam tuentur alii, cautoque opus esse volunt in hypnoticorum usu imperando, quod experientia didicerint, humores eo versus caput uberius pelli, cerebrum gravari, pyalissimum adeo necessarium suppressi, utilesque ventris excretiones sæpe sisti. Immo addit SIMSONUS (b) ægrotantes die octava, & nona per continuatum vel Syrupi papaveris albi usum, quem Sydenhamiani commendant, interire delirio, angina, aut peripneumonia oppressus. Nocua quoque SACARIUS in Epidemia Iglaviensi (c) somnifera fuisse aperte experimentis edoctus profitetur **.

Somniferorum
damna-
tio.

(a) MEAD. de Variol. cap. 3.

* SYDENHAMIUS (Dissert. epist.) in variolarum confluentium curatione sic paregoricis confidit, ut non dubitet ea quasi specifica ostentare, non secus ac in febris intermittentibus corticem peruvianum.

(b) Essays de Mèdec. d' Edimburg. T. VI. p. 144.

(c) L. c.

** Interdum in benignissimis Infantum variolis datus Syrupus Diacodii eo consilio, ut fletus gemitusque eorum ob pustularum molestiam sedarentur, quamquam innoxius reputaretur, fecit tamen, ut caput sanguine oppleret, & oculi, ac palpebræ extumescerent. TISSOT. l. c. p. 11.

§. CCLIII.

Qui de hac sententiarum discrepantia sentiendum. In hac sententiarum discrepantia, si quid iudico, illud evidens est, non esse, nisi caute, & necessitate urgente, ad somnifera procedendum.

Itaque si vigiliæ ita pertinaciter teneant, ut mens aberret, viresque dejiciantur, si anxii, atque inquieti vehementer evadant ægrotantes, si id aut ex pruritu ingenti, aut dolore pustularum contingat, si ataxia potius nervorum, & summa sensibilitas, quam phlogosis sanguinis, interiorumque partium in causa esse videatur, tum certe, si diluentia, temperantia, demulcentia nihil profecerint, licebit hasce turbas sedare mitiori aliquo paregorico, idque prudenter, prout res postulabit, repetere; cum in hujusmodi casu a blandis hypnoticis vel cautissimi medicorum omnino non * abhorreant. Verum animadvertendum est, non nimis præcipiti consilio quasque vigilias somniferis medicamentis profligari oportere, cum sæpe in variolis confluentibus sex, vel septem dies insomnes sine damno præterlabi soleant, ut TISSOTIUS (a) admonet, salivæ fluxu interim rite, utiliterque prosequente, qui alias per somnum magno cum detrimento sisti posset. Magni quoque intererit prænoscere, num ægri a medicamentis narcoticis lædi soleant. Nam sunt aliqui, quorum idiosyncrasia tam adversa iis est, ut exagitentur potius, atque excalescant præter modum, quam consopiantur. Quare in his præstat ab ejusmodi medicamentis abstinere, ultro consentientibus eorum alias (b) propugnatoribus.

* Apposite SIMSONUS ipse, apud quem omne genus paregoricorum male audit; in pervigilio tamen ingenti; aut in pruritu intolerabili; aut dolore per-molesto pustularum concedit dare posse aliquid syr-
rupi papaveris albi, dummodo ab ejus abusu, quem fecit SYDENHAMIUS, faciuntque ejus affeclæ, ca-
veatur. *Essays de Méd. d'Edimb. T. VI. p. 144.*

(a) *Epist. var. arg. p. 16.*

(b) STORCK. *l. c. p. 288.*

SUPPURATIO.

§. CCLIV.

Quibus auxiliis promoveri, sustinerique debeat *Curatio*
variolarum eruptio, hætenus comprehensum est. *variolar.*
Restat, ut qua ratione earum suppuratio procu- *in tertio*
randa sit, quoniam gravissimis symptomatibus sæ- *stadio.*
pe summum vitæ periculum intentat, dicere non
omittamus. In discreto, & benigno genere, ut *Suppura-*
priora stadia, sic tertium hoc sine magna mole- *tio in di-*
stia transigitur. Dum tamen pustulæ inflammantur, *creto ge-*
& pus conficiunt, præsertim si copiosiores *nere, &*
fuerint, cutis tenditur, dolet, febris redit, aut *benigno*
invalescit, sed cito absoluta suppuratione desinit. *vix ali-*
Eo tempore ægri inquieti fiunt, somno sæpe ca- *quid exi-*
rent, pustularum dolorem, & quandoque etiam *git præter-*
pruritum queruntur, & si quando somnum ca- *diluen-*
piunt, cito evigilant, & obloquuntur, interdum- *tia, &*
que mente etiam moventur. Plerumque solis di- *subacida.*
luentibus, subacidis, & temperantibus, tenuio-
rique victu hæc omnia sedantur. Si tamen vigi-
liæ, jactationes, querelæ aliquanto molestiores
videantur, certum solamen præbent paregorica
prudenti manu sub vesperam data. Fereque sus-
ficiunt

ficiunt ea, quæ ex papavere albo multimodis parantur. Raro valentioribus opus est. Non nunquam tanta est suppurationis vis, ubi variolæ confertissimæ sunt, sanguisque bonus, & fibrosus abundat, ut febris acutior exsurgat cum pulsu vehementi, duro; magno; calore æstuque ingenti, delirio perpetuo, & summa corporis inquietudine; aut difficili respiratione, aut gravi faucium inflammatione, tunc præter medicamenta antiphlogistica; regimen frigidum, aeris liberioris admissionem, sanguis utiliter detrahi * potest; nec quidquam inde nocumenti variolarum suppurationi, & maturationi obvenit, si id solum sanguinis detrahatur; quod nimiam inflammationem refrenet, vasorumque plenitudinem minuatur, non vires ultra modum prosternat. Non rara apud Clinicos hujusce rei exempla occurrunt, longo usu, iteratisque periculis confirmata. In magna alvi siccitate non erit quoque inutile eam leni antiphlogistico Eccoproptico laxare, aut saltem enematibus aperire. Dolor, & tensio cutis si alicubi acerbior, uti in facie, aut manibus, percipiatur; foveri pars lacte tepido aquæ admixto poterit, quo non modo ea mollitur, dolorque placatur, verum suppuratio ipsa felicius absolvitur. Pruritui vero permolesto prodest loca leniter herba aliqua virenti, uti malva, mentha, ruta, vel simili percutere; sed simul curandum est, ut ægri manus sic contineantur, ne scabendo cutim facient.

*Interdum
paregori-
co opus
est ves-
pertino.
Si vero
vehemen-
tior sup-
puratio
cum signis
inflam-
matoriis
sanguis
mitti po-
test.*

*Etiam al-
vus leni-
enda.
Dolorem,
& cuti-
sensationem
fomenta-
tio tollit,
adjuvat-
que sup-
puratio-
nem.*

* Nemini ignotum sit oportet, sanguinem mitti posse quocunque morbi tempore, si signa inflammatoria vera, & non fallacia se ostendat. TISSOTIUS, quem alias in decernenda sanguinis missione cautissi-

mum

num novimus, toties in variolarum progressu eam instituendam putat, quoties veræ inflammationis motus insurgit, idque etiam post plenam earum eruptionem. *Epist. var. arg. p. 38.* Præsentibus jam variolis tres maximos reges, nempe CAROLUM II. Hispaniæ; LUDOVICUM XIV. Galliæ, & CAROLUM II. Britanniæ eisdem prope temporibus venæ sectione servatos fuisse memorat FREINDIUS, *Epist. de Purgant. in secund. variol. confluent. febr. adhibend. Hist. 2.* Item HAENIUS non modo in quovis variolarum tempore, sed etiam variolis jam siccatis, & decidentibus ejus utilitatem expertus est. *Reat. continuat. T. I. Cap. V. §. VII. n. 7.*

§. CCLV.

Sed nihil utilius est, pustulis jam maturitatem adeptis, & pure plenis, ad dolorem sedandum, puris resorptionem impediendam, cutisque foveas avertendas; quas puris acritas excavare solet, pustularum ipsarum incisione (a); quod non modo Arabibus in usu fuit, sed etiam subsequentibus temporibus repetita plerorumque medicorum experientia confirmatum *. Pustulæ autem vel acu, vel forfice, cum pure turgent, aperiuntur, pus exprimitur, & pure expresso spongia lacte, & aqua tepida imbuta absterguntur. Idque repetitur, quoties iterum pure repleti videantur (b). Alii sic apertas vino, aqua, & melle abluunt, & detergunt (c), quod maxime usum habebit, ubi magnus fœtor, cutis livor, aut nigredo, & puris tenuitas de magna ad putredinem proclivitate fidem faciant. Quo casu etiam vino aliquid aromatici non nulli (d) adjiciunt. Deterfis, uti opportunius visum est, pustulis, præsertim si cucicula per forficem resecta fuerit, ut quandoque

Variolarum maturarum incisio.

ad pus omnes educendum opus est, sæpe optimo eventu illini curavi oleum e vitellis ovorum leviter tostis recentissime expressum, quod dolorem ulceris mitigat, acrimoniam humoris demulcet, noxas aeris arcet, & cutis coalitum adjuvat. Incisio autem ejusmodi non solum convenit variolis pure bonæ notæ refertis, verum illis quoque, quæ saniem, aut tenuem humorem continet, facileque concidunt, & subsidunt. Nam educto per incisionem varioloso humore, metastases pessimæ præcaventur, & magna pars fomitis detrahatur, quo intro refluxente febris secundaria augeretur.

(a) TISSOT. *Epist. var. arg. p. 42. 43.*

* Duobus abhinc sæculis, & quod excurrit, MARQUARDUS Vienn. Professor, deinde RAYMUNDUS Jo: FORTIS Professor Patavinus, & jamdudum Galli, Italique feliciter hac incisione nisi sunt, teste HAENIO. *Rat. contin. T. I. cap. V. §. VII. num. 6.* Ab HOLLANDIO, postquam defuevisset, revocatam, adhibitamque a SENACIO, TISSOTIO, HAENIO, SWIETENIO, HOMIO, aliisque commendat AZZOCUIDIUS, *Lett. citat. p. XLII.* His addendi sunt SIDOBRIUS, (*De variol.*) & WINTRINGHAM (*Comment. Nosolog.*) (Vid. *Essays de Mèd. d'Edimburg. T. 2. p. 504.*), & non pauci alii; inter quos VERNIERIUS reticendus non est, qui (*Journal. de Mèdec. T. V. p. 152. Aout 1756.*) eum viderit sæpe variolis confluentibus in ægris obesioribus supervenire gangrænam, & putridam corruptionem, ideo non modo antiseptica valentiora tum adhibuit, verum postulas maturas aperiri, & totum corpus ablui vino aromatico suavit. Quod ad me attinet, multoties equidem pustulas maturas, & turgentes, itemque deprimi, & subsidere cœptas aperiendas curavi, nec unquam quidquam nocumenti, immo plurimum utilitatis inde mansisse vidi. Non igitur audiendi videntur DIE-

MERBROECKIUS, aliique perpauci, qui variolarum incisionem rejiciunt: multoque minus LUDWIGIUS, qui etſi in *Adverſ. med. Pract. Vol. I. P. 3. p. 373.* eam reprobavit, alibi tamen (*Inſtit. med. Clinic. P. I. cap. 1. §. CCIV.*) ſaniori conſilio malignas, & confluentes incidi, ut pus effluat, ſatius exiſtimat.

(b) QUARIN. *Method. medend. febr. cap. VIII. pag. 99.*

(c) AZZOGUID. *l. c.*

(d) VARNIER. *l. c.*

§. CCLVI.

Atque hæc quidem (§. CCLIV. CCLV.) in ſuppuratione variolarum, quæ ex lege, atque inſtituto naturæ ſuccedit, locum, & uſum habent. At ubi variolæ malignæ, atque anomalæ ſunt, in primis confluentes, aut ad eas proprius accedentes, majus proſecto negotium faciſſunt. Nam ſæpe aut nullo modo, aut ægre admodum ſuppuratum eunt (§. CLXXX. CLXXXI. CLXXXII. CLXXXIII. CCII.); aut ſub ipſamet ſuppuratione repente concidunt, & pure intro regreſſo vacuæ fiunt (§. CLXXXIII.); aut quæ jam ſeſſiles, & depreſſæ, ac marginibus lividæ erant, hoc in ſtadio apicibus tantum albicant, humore propemodum inanes (§. CLXXXII. CXCIX.); aut depreſſæ, ut ante, omnino manent, nec unquam elevantur, ſcuſcum verocolorem induunt (§. CLXXXIX); aut puſtulis flaccidis, humili-
bus, & circulo rubro carentibus, cuteque circumpoſita pallida, & laxa, facies univerſa plumbeo, alboque colore ſædatur (§. CXCIV. CXCV. CXCVI.), aut, ſuppuratione deficiente, puſtulæ immaturæ in cruſtam quamdam primo ſanguineam, deinde nigram ſiccantur (*ibid.*); aut lividæ, &

*In malignis ſuppuratione ſæpe nulla, aut imperfe-
cta; multorum malorum origo.*

subcruentæ fiunt, sanguinemque facile effundentes
citi gangrena nigrescant (§. CXCVII. CXCVIII.)
Quæ ubi incidunt, gravissima sane symptomata,
uti phrenitis, angina, suffocatio, peripneumonia,
convulsiones, inictus, hæmaturia, aliaque su-
perestissima hujusmodi mala inpendunt*, immo ci-
tissima, & sæpe inopinata mors.

* Pleraque hæc symptomata aut omnino prece-
veri, aut multo mitiora reddi mors extra lectum,
leni deambulatione in aere libero, & puro, & diur-
ni somni abstinentia contendunt Sydenhamiani. Ne-
que quidquam, suppuratione præsentis, detrimenti
timendum esse ab aeris liberioris usura, cum citius
tam suppuratio, quam exsiccatio in aere aperto, &
libero perficiatur. Neque demum ab aere libero,
dummodo moderato, officii ne quidem illis, qui fe-
bre suppurationis durante salivæ fluxum habent, dif-
ficulterque deglutiunt; nam levare eos potius, ptya-
lismumque continuari affirmant. *Vid. STORCH. l. c.*
pag. 272. 273. 274. Et quod attinet ad moram pro-
tractam extra lectum, tum præcipue eam necessariam
existimat TISSOTIUS in gravi variolarum statu in-
flamatorio, aut vehementiore inflammatione. Ejus
enim effecta dicuntur; 1. febris imminutio; 2. re-
spiratio faciliior; 3. capitis levamen; 4. refrigeratio
lumborum; 5. avolutio putridorum effluviorum; 6. &
emolumenta ex continua aeris renovatione, sive æger
in amplo, & aperto conclavi sedeat, sive deambu-
let leniter. *Epist. variæ argum. pag. 39.* Concedunt
tamen (STORCH. *l. c. pag. 274.*) vitandum esse sub-
itum frigus, aeremque nimis ventosum, frigidum,
vehementiusque spirantem. Et quamquam largiamur,
pus in pustulis benignis, & maturis gemitum, non
facile, quia crassum, & densum est, introrsum re-
fluere aeris admissione, tamen hoc ipsum de ichore,
seriosque tenui humore, qui fere in variolis mali-
gnis, & confluentibus, difficulterque suppurantibus,

colligitur, æque dici haud potest. Levi enim ex causa eum resorberi, introque frigoris, aut aeris liberioris afflatu repelli, satis probabile videtur, GEDEON HARVEUS, cujus supra mentio facta est, narrat historiam hominis cujusdam variolis correpti, cui ante eruptionem ob catarrhum, & dolorem faucium venæ sectionem ipse suaserat. Hanc vero cum ille neglexisset, immo Pharmacopœi consilio usus multa sanorum instar exisset, deambulans in aere libero, etsi variolæ confluentes exstarent, & suppuratæ essent; ex hoc vitam cum morte commutavit. Vid. *Art. curand. mora. expectation. pag. 159.* Nec immunes ab hujusmodi infortunio omnino sunt variolæ discretæ, & benignæ. Nobilem puellam præsentem variolarum benignissimarum suppuratione ex fenestra temere aperta sic affectam recorder, ut brevi post metastasi ad cerebrum facta in lethalem eclampsiam inexpectato incideret. Puerum etiam vidi, qui paucis, & discretis variolis laborans, cum toto morbi cursu vix ægrotare visus esset; atque idcirco lectulo assidue resedisset, parum, aut certe leviter tectus: pustulis demum maturius resiccatis cynanche laryngea correptus est, quæ, nisi sanguinis missio celeriter succurrisset, eum fortasse strangulasset. Quare tempore suppurationis variolarum non temere, neque sine magna cautione, & prudentia ægri aeri liberiori, aut frigori exponendi videntur, cumque aeris renovatio necessaria tamen sit, & cubiculi ventilatio, in hoc ea servanda sunt, quæ supra, cum de ea consulto ageretur, exequuti sumus.

§. CCLVII.

In primis vero febris vehemens ad hæc (§. *Febris* CCLVI.) accedit, aut quæ jam erat, gravius, *tunc secundaria* intensiusque exscandescit, continua remittens, *vehemens.* valde periculosa, *secundaria* vulgo dicta, quæ nisi cito enecet, diu certe trahitur, atque ultra suppurationis tempus procurrat (§ CCL.), a

brevi illa , & post suppurationem evanescente ; utpote solius , & simplicis suppurationis sobole (§. CCLIV.) maxime , ni fallor , differens ; quam ideo *putridam* appellavit (a) SYDENHAMIVS , ve-

Quare differat a simplici febris suppurationis.

terum significatu vocem , ut mihi videtur , usurpans . Jure enim a suppuratoria febre , quæ variolarum maturationem consequitur , distinguenda ista videtur , quod variolis nequaquam suppurantibus , aut ægre , & imperfecte suppuratum euntibus concitatur . Quamobrem verissimilimum

Ejus causa.

profecto est , eam a variolosa materie in sanguine resistante , aut ab humorum omnium , sed præsertim adipis per virus variolosum depravata , assimilataque natura , aut a resorpto pustularum ichore , aut quod non infrequens est , ab inflammatione alicujus interiorum sedium , aut ab omnibus , aut plerisque hisce causis simul junctis proficisci . Hinc quisque perspicet , omni studio tum

Indicationes, & cura.

(§. CCLVI. CCLVII.) curandum esse , ut humor variolosus ad cutim omnis feratur , & , quoad fieri potest , suppuratione in pus bonæ notæ coquatur , aut si id fieri nequeat , aliqua alia via confestim emittatur . Quod plerique efficere nituntur cardiacis lenibus , tonicis , antisepticis , itemque omnibus evacuationem , & revulsionum generibus ; de quibus pluries loquuti sumus , dicemusque deinceps , prout res poposcerit .

§. CCLVIII.

Curatio perficitur iis , quæ alibi retroposita jam sunt.

Sed in primis illud teneri debet , eisdem pro-
pemodum auxiliis ad implendas , sustinendasque
variolas , aut earum suppurationem promovendam
opus esse , quibus eruptionem ipsam adjuvari ,
aut postularum depressionem emendari supra

(§.

(§. CCXLV. ad CCLIX.) docuimus, dummodo animadversiones, cautionesque, quas ibi tradidimus, adamussim feruntur *. Quare huc ea revocari oportet. Dicit autem vix potest, quantum somniferis, atque opium habentibus medicamentis hoc in stadio cum SYDENHAMIO confidant doctissimi quidam viri. Si enim, quod sæpe octavo, aut nono die in variolis maxime usuvenit, pustulæ concidant, & fuscae, aut nigricantes fiant, cuti reliqua interim flaccescente, & livida cum pulsu languidissimo, extremis modo frigentibus, modo recalescentibus, faciei pallore, & rubore se mutuo excipientibus, motibusque demum quarundam partium spasticis obortis; tunc præter alia jam indicata præsidia non dubitant in largiore, sæpiusque iterato opii, aut aliorum narcoticorum usu spem omnem, ut alias innui, collocare.

*Quantum
hic Sy-
denha-
miani so-
mniferis
confidant.*

* Sed non omnes ibi cautiones attulimus. Hic unam maximi usus, & summopere notatu dignam ut adjiciam necesse est, quam mihi SYDENHAMIVS supeditat. Is admonet, depressionem pustularum in confluentibus non semper tribuendam causis externis, aut frigori, cum nihil in ea sit, quod non a morbi natura, & more profluat; atque idcirco ex ea sola, ubi morbi morem servat, mali mihi impendet. Cavere igitur oportet, ne naturalis humilitas, & depressio accipiat pro morbosa subsidentia, aut retropulsione. In distincto vero genere, cavendum quoque est, ne ante debitum diem eruptionem, atque argumentum variolarum expectemus, sed attendamus ad tempus, quo natura id præstare debet. SYDENH. *Op. Sect. 2. cap. 2. p. 179. 180.*

§. CCLIX.

*Somnia-
ra quo-
modo ad-
hibeant.*

Hinc eorum nonnulli auctores sunt, ut quinta, vel sexta quavis hora dentur guttæ octo vel decem, adultis ut puto, Laudani liquidi Sydenhamii, vel, quando minus vel agere volunt, singulis binis, ternis, aut quaternis horis duo cochlearia mixturæ cujusdam paregoricæ, & cardiacæ, quæ habet aquæ florum tilia uncias septem, syrupi Diacodii sesqui unciam, cui pro re nata ad compescendum sanguinis fervorem, ejusque dissolutionem coercendam adjiciunt interdum tantum spiritus vitrioli, quantum satis sit ad gratum acorem. Hac ipsa Mixtura audacter utuntur etiam, si suppurationis tempore ægri sint anxii, inquietique, aut acerbè doleant, & sanguinis insolito fervore exardeant; dummodo eorum pulsus molles revera sint, omnisque duritiei, aut tensionis expertes. Sic enim cito vires erigi, pustulas attolli, rubere, suppurare, symptomata prava mitescere, atque imminens vitæ discrimen fugari dicunt. Illud tamen prudentissime præcipiunt, ut, quoties effectum, quem volunt, obtinuerint, paregorica ista interdum omitantur, & vesperi duntaxat, ut mox tranquilla reddatur, locum (a) habeant. Verum alii cautius in opii usu se gerunt. Tissotius, qui somnifera in duobus prioribus variolarum stadiis fere damnavit, non ea pluris facit in tertio, in quo suppuratio, & secundaria febris ægros premit (b). Animadvertit enim, tunc præcipue lethargum, comam, orthopnoeamque ex materiæ variolosæ metastasi, humorumque congestione urgere,

*Aliorum
dissenso.*

*Tissotii
animad-
versio.*

gere, manifestumque esse, terrifica ejusmodi symptomata à narcoticis augeri debere, excretionefque omnes, tum maxime necessarias cum summo detrimento sisti. Immo vehementer timendum esse, ut non ab earum usu anxietas, delirium, calor, & suis jam permolesta intendantur, aut phrenitis, peripneumonia, hepaticis, ischuria, intestinorum gangræna, aliaque lethalia mala inducantur. MEADII ipse (c) morbo ad finem tendente; si spiritus difficultas accedat, faucesque oppleat pituita viscida suffocationem minitans, quod sæpe evenit ptyalismo cessante, opii usum omnino ut noxium rejicit. Non tamen ex hac sententiarum varietate velim quis credat, liberum esse alterutram sequi, aut uni potius quam alteri adhærere, sine ulla deliberatione; cum rationi consonum omnino videatur, ut alibi jam indicatum est, opii usum modo saluberrimum fore, modo noxium, prout nimirum vel incitanda vitæ vires sunt, vel compescenda nimia sensibilitas, coercendaque nervorum ataxia. Utroque tamen casu temperamentum adhiberi oportet, ne in opio sive dando, sive rejiciendo modum excedamus, ad singulas sedulo, matureque respicientes.

*Meadii
prudens
cautio.*

*Opiata
nec nimis
profundenda,
nec nimis
formidanda.*

(a) STORCK. *l. c. P. I. p. 287.*

(b) *L. c. p. 17.*

(c) *De variol. cap. 3.*

* Quamquam opii usum in variolis TISSOTIUS sæpe damnare videatur, non tamen ab eo ita alienum se declarat, ut nunquam ei locum superesse velit, jure, & merito limitandam ejus adhibitionem contendit, & satis opportune decernit, quando ad hypnoticis abstinere præstet, quando is uti tuto liceat. Quare non erit supervacuum, neque inutile cum

tanto viro casus percensere, in quibus somnifera in variolarum curatione adhiberi vetitum minime est; videlicet 1. quando debiles vires sunt, & cardiacis egent, & quando a centro ad peripheriam ducere oportet, uti in primo variolarum stadio, si pulsus sit debilis, atque inæqualis, æger frigeat, & in lymphothymiam propendeat; 2. quando spasmi ex nimia mobilitate orti sedandi sunt, 3. ubi dolor pustularum intolerabilis est; 4. ubi eruptionis tempore humores confluent ad intestina, alvusque liquidior minatur virium exsolutionem; 5. in diarrhœa colliquante cum animi defectionibus, extremorumque refrigeratione; 6. in alvi fluxu tempore exsiccationis superveniente, si is nimius sit, vires dejiciat; pustulas pallidas, & exsuccas reddat, syncopem, aut delirium inferat, atque extrema frigefaciat; 7. in doloribus colicis sub finem morbi longum, & liberalem acidorum usum subsequenter; 8. post catharticum in ultimo stadio datum. *Vid. TISSOT. l. c. p. 22. ad 26.*

§. CCXLX.

*Natura
depressas
Variolas
supplet
ptyalif-
mo, &
diarrhœa.*

At natura ipsa pustularum imperfectam maturitatem, aut depressionem in variolis confluentibus supplere tentat ptyalismo, aut alvi fluxu, illo in adultis, hoc in pueris, ut alias expositum est. Ergo enitendum omni cura est, ut istæ salivæ fluxus, quoad fieri potest, perseveret, quod in primis potu tepido, crebro, diluenti, mellito præstatur. Si vero salivæ humor viscidus, & tenax ita sit, ut egerrime e faucibus, & ora educatur cum suffocationis periculo, id quod circa diem undecimam non infrequens est; eum solvi, attenuarique oportet gargarismate ex aqua florum sambuci, aut decocto ficorum, aut radicis glycyrrhizæ addito pauxillo mellis rosati, aut oxymelitis simplicis, aut syrupi de moris. Quod

*Quomodo
utraque
evacuatio
sustinen-
da.*

si gargarizare nequeat, aut nolit æger, aut id satis non sit; eadem ope syringæ sæpe die, & nocte in os, faucesque injicienda (a) sunt, quidquid non nulli contra dictitent. SYDENHAMIVS (b) gargarisma e cerevisia tenui, vel aqua hordei cum melle rosarum compositum proponit, vel illud, quod sic habet:

R. Corticis ulmi drachmas sex, glycyrrhizæ unciam semis, passularum enucleat. N. XX. rosar. rubrar. pug. duos. Coq. f. q. aq. ad lib. unum, & semis. Colat. dissolv. oxymel. simplic. & melis rosar. ana unc. duas. M. f. garg.

Ægro vero suffocationi proximo dandum etiam suadet emeticum, quo nihil interdum præstantius; licet fateatur, id non semper saluti esse. At humor salivialis interdum acerrimus est, ex quo os interius ulceratur, & quasi igne exardet, doletque acerbe. Tunc gargarizandum ex aqua hordei lacti admixta, aut decocto radicis althææ, aut simili demulcenti liquore; cui aliquid succi sedî majoris (c), vel mali cotonei, utiliter adjici potest. Ulcusculis vero opportuna etiam sunt ea, de quibus, ubi aphthas explicuimus (d), mentio facta jam est. Quemadmodum autem pyalismi continuatio summopere in adultis necessaria est, sic alvi fluxum, qui pueros corripit, sinere expedit, quamdiu vires eum ferunt; immo, si casu sistatur, enematis blandis revocare, nec ulla ratione unquam in hocce stadio cohibere, nisi nimius, & colliquans sit. Ad summum si acer humor descendens intestina arrodât, & torminat citet, ut interdum, quando dysenteriae epidemice regnant, accidit; nam tum solum variolæ dysenteria comitantur; ad demul-

Qua salivam acrem corrigan.

Qua ulcusculis oris remediis.

Diarrhæa quibus gubernanda.

Quid si in dysenteriam transeat.

cen-

cantia licet confugere, atque ea; quæ dysenteria non aliena sunt.

(a) SYDENHAM. *op. omn. Sect. 2. cap. 2. p. 177.*
TISSOT. *épist. cit. p. 42.* STORCK. *l.c. P. i. p. 274.*

(b) *L. c. ib. p. 177. 178.*

(c) STORCK. *l. c.*

(d) *Vol. I. §. CCXCVI.*

§. CCLXI.

*Crusta
oris, &
narium
fovenda
atque hu-
mectan-
da, ut
decidant.*

Inter hæc quibusdam os, faucesque ex pustulis variolosis ibi natis crusta dura, & crassa obducuntur sic, ut respiratio, & deglutitio summo-
pere lædantur. Tunc assidue os, faucesque fovendæ sunt iis, quæ molliunt, uti aqua tepida lacte remixta, ut crusta decidat. Nares quoque eadem ex causa sæpe obstruuntur. Has autem referat vapor aquæ calidæ naribus, aut ore attractus, aut aqua mellita per siphonem, aut syringam in nares injecta, a qua crustæ emollitæ separantur, & summum inde levamen percipitur

*Facies
nigrescens
quid po-
stulet?*

(a). Interdum etiam in variolis malignis, & confluentibus, cum maturescere deberent, facies nigra evadit, aridaque crusta obtegitur, vere gangranosa (§. CXCV.). Tunc incidenda crebris vulnusculis altius cutis est ad sanam usque carnem, & deinde fovenda decocto emolliente calido, cui spiritus vini cum camphora adjectus sit.

*Incisiones
feliciter
adhibitæ.*

Hinc pus multum, & foetidissimum ex incisionibus manare solet, emortuæque partes separari. Absoluta gangrænæ digestionem, cathartico alvus ducenda est. Exemplum felicitis ejusmodi curationis habet MEADIVS (b), nobisque aliud simile

notum est de GUATTANIO non ignobili chirurgo romano, qui cum puer pessimo, & gangrænosus variolarum genere laboraret, a Patre simili chirurgia servatus est, ex quo turpes in facie ei cicatrices tota vita remanserunt, conspicuæ paternæ audaciæ, & miræ curationis testes. Nec alia ratione curandæ sunt aliarum partium gangrænæ, si alicubi forte enascantur.

- (a) SYDENHAM. *Op. Sect. 3. pag. 177.* TISSOT. *l. c. ib.* STORCH. *l. c. p. 275.*
 (b) *L. c. p. 3.*

§. CCLXII.

Per sæpe hoc stadio nimium facies, manus, pedesque tument, tenduntur, dolent, & rubent. Auxilio sunt foci ex aqua, & lacte tepidis, aut mollissima cataplasmata. His enim non modo dolor, & tensio mitescunt, verum pustularum etiam suppuratio facilius absolvitur (a). Sed in primis ab febre secundariam, ejusque symptomata in hoc suppurætionis stadio animum, curamque omnem communiter convertere consueverunt medicorum experientissimi. SYDENHAMUS certe hanc valide oppugnandam esse duxit larga illico sanguinis missione, & catharsi, alternatim adhibitis, sic tamen ut catharsi post sanguinis missionem tantum, & non ante decimam tertiam morbi diem uti auderet. Utraque evacuatione sanguinis inflammatoriam indolem, & purulentæ materiæ quantitatem minuere (b) sibi pollicebatur. Verum non sine aliquâ distinctione Sydenhamiano præcepto adhærere licet. Non enim semper, nec in quavis febre secundaria tutum est san-

*Tumori,
& tensio-
ni faciei,
& ma-
num
quantum
prodest?*

*Febris se-
cundaria
peculiaris
curatio.
Sydenha-
mii me-
thodus.*

*Quando
venæ se-
ctio, quan-
do cathar-
sis locum
habent.*

sanguinem mittere, aut alvum medicamento ducere; nec opus est semper, ut sanguinis missio catharsim, ubi hæc locum habet, præcedat; nec semper decimam tertiam diem expectari oportet, ut purgatio instituat, cum ante hunc etiam terminum, & quandoque nona, vel decima die illa necessaria esse possit (c). Sed de utroque evacuationis genere quid sentiendum nobis videatur, & quando utraque, aut ulterutra admitti, aut omitti debeat, mox explicare instituo.

(a) STORCH. *l. c.*

(b) *De Febr. putrid. Variol. confluent. superven. nob. p. 628. & p. 633. ad 636.*

(c) FREIND. *de Febr. comment. VII. & MEAD. l. c. cap. 3.*

§. CCLXIII.

*Vena sectionem
qua indicent.*

Itaque ut a sanguinis missione ordiar, querendum sedulo est, utrum symptomata ejusmodi sint, quæ variolas inflammatorias (§. CCX.) designent; aut febris vehementius exardeat, cum pulsu valido, & duro, calore magno, ac siti ingenti; an corpus firmum, juvenile, exercitatumque sit; victui, & potui calefacienti deditum; aut regimine calidiori usum; aut inter initia venæ incisio neglecta fuerit; tunc utique sanguinem mitti oportebit, præsertim si symptomata gravia, uti phrenitis, coma, convulsio, faucium præfocatio, peripneumonia, sanguinis detractio- nem suadeant. Neque ab ea absterreat, si a reliquis indicetur, pulsum parvitas, aut debilitas, quia tum sæpe non a virium defectu, sed oppres- sione arteriæ subeunt, & detracta sarcina, ple-
rum-

rumque attolluntur, & validius emicant. Itemque notandum est, inflammatoria sanguinis diathesi prævalente, interiores sedes sæpe inflammatione tentari, atque hinc febrim secundariam prodisci, quin variolæ deprimantur; quod indicio est, non a depressione earum, neque a pure resorpto, cum variolæ extent, & pure bonoturgeant, illam ortum trahere, sed a vitæ in aliquorum inflammatione. Hoc etiam casu summum præsidium in cita, & larga sanguinis missione positum est. Contra ubi symptomata nervosæ febris, siue malignæ propria occurrunt (§. CCXI.), aut, quod deterius est, putridæ dissolutionis signa (§. CCXII.) appareant, uti in variolis confluentibus malignis, & quibusdam discretis, sed gangrænosus, & mali moris, in primis epidemicis, contingit, profecto a sanguinis missione, quamquam secundaria febris invaluerit, abstinere omnino convenit. In his enim noxiam esse, experimenta etiam SAGARII (a) confirmarunt.

Interdum febris secundaria oritur ab aliqua interiori inflammatione.

Tum variolæ extant.

Sanguinis missionem quæ vent.

(a) *De Variol. Iglaviens. p. 44. 45.*

§. CCLXIV.

Alterum erat, ut de cathartics in febre secundaria adhibendis dicerem. Plerique post SYDENHAMIIUM, FREINDIIUM, MEADIIUM, HUXHAMIIUM, aliosque his eam non solum depelli, verum etiam præcaveri tradunt. Immo interdum nullam aliam medicinam profecisse (a) testantur, in primis addito opportune in quibusdam casibus

Catharsis a plerisque extollitur non modo in confluentibus, sed etiam in discretis copiosis.

calomelano , & interpositis paregoricis , TISSOTIUS non modo in confluentibus variolis primo febris secundariæ impetu ; verum etiam in discretis , sed copiosis , ingruente feбри suppuratoria mannam præbendam esse ea dosi , ut alvus ter , quater , aut quinquies solvatur , præcipit ; quod nono , vel decimo die plerumque usus est , pergendumque esse in alvo lenienda diebus etiam sequentibus . Adeo quippe huic medicinæ confidit . Nec profecto sine causa ; nam notum est , quanta sit inter cutim , atque intestina consensus ; & quam facile , juxta illud HIPPOCRATES ; *cutis laxitas , alvi adstrictio , & e converso* : harum partium excretiones se mutuo excipiant , & suppleant .

(a) HUXHAM. *de æere , & morbis epidem. T. I. pag. 37.*

§. CCLXV.

Limitantur ejus laudes intra justos fines.

Casus in quibus purgare licet.

Attamen non promiscue , nec universum hæc purgandi præceptio arripienda est , ac si nullis obligata legibus esset ; nam certos & ipsa , uti sanguinis missio , limites habet , quos ultra nequit recte consistere . Hoc igitur fere perpetuum est , ut in febre secundaria , quæ nulla variolarum suppuratione facta , aut præmature pustulis , faciei præsertim , arescentibus , ejusque tumore evanescente accedit , purgatio necessaria (a) communiter habeatur , multoque magis , si ex materia intus resistente febris ardens oriatur cum corporis jactatione , respiratione brevi , & crebra , urina tenui , vigiliisque continuis . Tunc enim post sanguinis missionem ; si recte (§. CCLXIV.) indi-

cata fuerit, lenia purgantia ad intervalla repetita variolosam colluviem feliciter (b) detrahunt. Verum id etiam convenientissimum est, cum pustulæ jam ritè suppurarint, & pure turgeant, nec tamen aliquid putis e pustulis exstillet, nec per urinas feratur, neque in his sedimentum spectetur (c); vel demum si cito, aut repente variolæ subsederint, & pus intro refluxerit. Purgatione item opus est, si ptyalismo cessante, detumescenteque facie non succedat extremorum tumor, nec urinarum copia sedimentum habentium, nec alvi solutio spontanea; aut, quod deterius est, coma, aut delirium, aut utrumque supervenerit (d). Superveniente vero delirio, aut comate, aut angina, aut peripneumonia sic idonea purgatio est, ut ab ea nos deterrere non debeat metus, ne alvi ductione ptyalismus sistatur, cum eo in casu præsentiozem, majoremque opem expectandam ab alvo soluta putet TISSOTIUS (e), quam damnum a ptyalismi tum non satis levantis suppressione; maxime si venæ sectio, aut cucurbitulæ adhibitæ jam fuerint, & nihil juverint (f). Neque temper pulsum humilitas, aut depressio purgationem prohibet; cum sæpe post eam eleventur, & vires (g) acquiritunt. Compertum est experientia, utiliter etiam alvum solutam esse, ubi humor acerrimus, quo variolæ arescentes scatebant, gangrænam cuti (h) induceret.

Quando purgandum estiam præsentente ptyalismo.

Nec obscurum semper pulsum depressio, nec humorum acrimonia.

- (a) MEAD. l. c. cap. 3.
- (b) SALISBURY CADE *epist. ad FREINDIUM scripta.*
- (c) FREIND. *De Purg. in secund. Variol. conf. febr. adhib. epist. ad RICHARD. MEAD.*
- (d) *Idem l. c. hist. 3.*

(e) TISSOT. *Epist. var. arg.* p. 46.

(f) FREIND. *l. c. histor.* 2.

(g) FREIND. *De febr. cap. VII.*

(h) *Idem. de purgant. in secund. variol. conf. &c. hist.* 3.

§. CCLXVI.

*Quando
a catharsi
abstinere
convenit.*

A catharsi contra abstinere omnino satius est, quamdiu tumor faciei, atque pustularum inflammatio permanet, & saliva rite effluit, sine graviore alio symptomate (a). Quod si facies detumescere incipiat, & ptyalismus minuatur, ut die nono, vel undecimo ab eruptione accidit in variolis confluentibus, & eodem tempore manus debito modo tumeant, & nulla deterioris notæ symptomata appareant, totum negotium naturæ committendum est (b), aut solis interim clysteribus alvum, si adstricta sit, lenire satis erit. Omitti quoque debent cathartica, si alvus sponte fluat, aut enematis ante adhibitis laxata sit, vel saltem differri ad aliquot dies possunt, ne vires penitus dejiciantur (c); multoque magis, si ita lique scat alvus, ut hac via corpus exhaustiri timeatur, quod in putrida potissimum humorum omnium dissolutione adeo in malignis frequenti incidere consuevit.

(a) SALISBURY *epist. citat.*

(b) *Id. ib.*

(c) MEAD.

§. CCLXVII.

Non vero satis eo disquirere, sanguisne mit-
 ti, aut alvus duci, aut utrumque fieri debeat in
 ejusmodi febre secundaria. Oportet etiam inda-
 gare sedulo, utrum alicubi sanies variolosa sub
 arefacta jam cuticula lateat? Quod facile tactu,
 aut disrupta epidermide cognoscitur; presso enim,
 aut incisione pus erumpit. Tunc igitur puri exi-
 tus citissime parandus est, cibisque idoneis cor-
 pus nutriendum, antisepticisque muniendum, ut
 morbum ferre possit, donec omnis materia puru-
 lenta exstillaverit, quam interdum ad diem vige-
 simum, ampliusque manare salvis ægri viribus vi-
 dit MEADIVS. Dum autem ex cute, discissa cuti-
 cula, purulentus humor effluit, ac via hac cor-
 pus repurgatur, ne quidquam temere quis molia-
 tur, nec sanguinis missione, aut catharsi saluta-
 rem ejusmodi evacuationem pervertat. Interea,
 quod semper in tertio variolarum stadio, nec
 non in sequenti semper faciendum est, universa
 cutis a pure, putridisque halitibus munda serve-
 tur frequenti indusiorum, ac linteaminum muta-
 tione, conclaviumque prudenti ventilatione (a).
 Hic non omitam in memoriam revocare, inter-
 dum sub finem suppurationis, aut initium exsic-
 cationis atrocissimos dolores osteocopos accedere,
 ut supra (§. CCIX.) ex SAGARIO retulimus,
 qui si horas duodecim, aut viginti quatuor ex-
 cedant, certam necem afferunt. Hos leniri opor-
 tet sctibus anodynis ex lacte repenti, potu ex
 diluto florum tilia, & papaveris rheados, item-

*Sanies
sub cuti-
cula la-
tens edu-
cenda.*

*Frequens
indusio-
rum mu-
tatio.*

que syrupo diacodii in aqua florum sambucci; uti experientia compertum (b) est.

(a) TISSOT *ep. cit. p. 40.*

(b) SAGAR. *De variol. Iglav. p. 19.*

§. CCLXVIII.

Curatio specialis quarumdam Variolarum. Sydenhamii *curatio variolarum confluentium anomalarum.* Atque hæc omnia memoranda, animadvertendaque in ista periodo generatim erant. Nunc etiam de quibusdam peculiaribus variolarum generibus, earumque curatione speciatim aliqua subnectere non alienum a proposito mihi videtur. Quas supra (§. CXCV.) descripsi ex SYDENHAMIO (a); *variolas confluentes anomalas*, eas sic ipse curabat. In illis effrænis sanguinis fervor, acritasque quasi exurens, atque omnia pene colliquans, & corrupiens deprehendebatur. Ergo hæc temperanda, continendaque quam efficacissime fuit. Itaque præter hypnotica in reliquis confluentibus alias adhiberi solita, & commendata, utebatur *regimine temperato*, potuque liberaliore ex iis, quæ non calefaciunt, sed æstum, fervoremque ferocissimum illico mitigant.

Decoctum album. Ad id commendabat *decoctum album*, ex pane videlicet, & cornu cervi *calcinati* exigua quantitate in multa aqua factum, & saccharo leviter edulcatum. Adhibuit etiam eundem in finem

Hydrogalem. hydrogalem e tribus aquæ partibus, & lactis una simul coctis, quæ agri palato, & votis, magis refrigerando, ut plurimum respondit. Nec copia potus tantummodo juvit insignem calorem sub maturationis tempore cum febre exaltatum exinguendò, verum ptyalissimum etiam promovendo,

do, & protrahendo diutius, quam exæfluante ægro non contigisset. Profuit etiam immedico mensium fluxui supervenienti, dummodo ab hujusmodi sanguinis profusione pustularum depressio non timeretur, neque ideo calida remedia, quæ magis sanguinem colliquant, temere, & præpostere in usum vocarentur.

(a) *Oper. sect. 3. cap. 6. p. 231.*

§. CCLXIX.

In ferali vero illa epidemica variolarum malignarum, & confluentium constitutione, quæ octavo, vel nono die subsidentes exitum afferebant, & putridi generis vere erant (§. CXCVIII.) cum videret Cl. HALLERUS (b) hoc symptoma funestum universim esse, cœpit cogitare, qua ratione tantum malum averti posset. Acida, & refrigerantia ob facilem pustularum, quam dixi, depressionem, ei videbantur ancipitis eventus. Ab emulsionibus, clysteribus, catharticis, quibus alii medici magna confidentia utebantur, natas vidit cito paralyses, aphonias, hydropes, aut etiam præcipitem ex retropulsis variolis mortem; nec minus exitialem calidorum medicamentorum usum expertus est. *Aderat, ut ipse scribit, summa humorum alcaliescentia, hinc factor horridus tum pustularum, tum animæ agrotorum. Aderunt humorum funesta stasis, quam arguebant macule, quæ exigui sphaceli sunt, tum dolores lumborum, urinae paucæ, viridesque.* Medicamento igitur opus erat, quod solveret, impacta, neque vasa diffringeret, quod motum versus peripheriam sustineret, febrem tamen non augeret, & pustulas

*Halleri
curatio
confluen-
tium ma-
lignarum.*

retrocessuras foras elevaret, non alkalescentiam incitaret. Id visum ei est Camphoras. Itaque quoties occurrebant symptomata variolas mali moris præsagientia, *delirium primum diei, febris valida, punctorius lumborum, pectorisve dolor, respiratio difficilis, corpus succulentum, ætas adultior, plethora, protinus dedit decoctum diluens copiose, & ad aliquot quotidie libras hauriendum, ex aperientibus sparsa, radice graminis, adiantho, hellide, ficubus.* A sanguinis vero missione, etsi primo intuitu alicui posset videri opportuna, ipse tamen abstinuit, quia fortasse summa putredinem proclivitas, quam in morbo agnoverat, ab ejusmodi præsidio ut nocuo eum deterruit. At *emetici laudes.* vomitum fere perpetuum symptoma promovit emetico, ut oñies ad minimum larga emesis sequeretur. Si enim vomitum quis compressisset, funestiores eventum compererat. Quamquam vero a sanguinis missione sedulo caveret, non tamen hæmorrhagias timendas cognoverat: cum usus docuisset, eas quodammodo expetendas fuisse. Si-
*Hæmorrhagiarum uti-
 litas.* quidem vidit in puero speciatim septenni copiosam ex ano sanguinis jacturam ante variolarum eruptionem, subsequente benignissimo morbo.

(a) *Opusc. pathol. observ. XLIV. Hist. constit. variol. anni 1737. p. 113.*

§. CCLXX.

*Calidis
 regiminis
 effecta.*

Cum vero calidis remediis variolæ domesticorum, & familiarium consilio, aut agrorum culpa urgerentur, hæc tum post ingentem anxietatem

tem præmaturo impetu erumpebant nigerrimæ ; si vero sponte die tertia prodiissent , & symptomata ipsa inde mitescerent , tamen die sexta pustulæ subsidebant , & puncto nigro notabantur , uti confluentibus malignioribus solemne est . Quando igitur alterutrum ex hisce infortuniis ægrum corripuit , mox ipse præbuit camphoram in emulsione aliqua solutam , ita ut intra duodecim horas grana viginti absumerentur . Incipiebat autem *Camphora præstantia.* ejus usum a media nocte , febre nimirum inclinare cœpta , protrahebatque ad meridiem usque sequentis diei , in sex partes totam dosim tribuens , ut una singulis binis horis sumeretur . Hora vero tertia , aut quarta , ad summum quinta pomeridiana dedit syrupum papaveris albi cum nitro , & tantillo succi crudi ex malo citreo expressi . Adulto graviter laboranti dosis syrupi erat sesqui uncia , succi citrei drachmæ sex . Sic delirium sedebatur . Hanc medendi rationem persequebatur ad pustularum usque exsiccationem . Simul ac vero ptyalissimum imminui in adultis , & fauces arefcere , angique deprehendebat , quod a die nona ad decimam , aut undecimam eveniebat accedente simul pustularum exsiccatione , mox toto hoc intervallo anginam funestam arcere , & ptyalissimum prolicere nitebatur frequenti injectione per siphonem in fauces mellis ex rosa , & nitri , quamquam ab HOFFMANNO , sed injuria , *Injectiones in fauces.* reprobata . Interea diluentia affatim potui dabat cum acidis , & demulcentibus . Camphoræ autem quantitatē sensim minuebat , sic ut post diem nonam prorsus omitteret ejus usum , cum nihil tum , quod expelleretur , superesset , & febris secundaria immineret . Si pustulæ nigræ circa octavam

Alvus lubrica. diem evanescebant, & paulatim per rubedinem in pallorem languere incipiebant. Hoc ipso temporis stadio enemate cum nitro alvum laxabat, cum experientia didicisset, alvo lubrica febrim secundariam diei undecimæ, & duodecimæ mitem reddi, dum hæc alioquin funesta cum novo delirio, anxietate, angina, pulsu molli, inæquali, celeri, fœtore totius corporis summo evadebat.

Catharticum. Quod si febris gravior accederet, hanc compescebat dato cathartico, quod tamarindos reciperet, nec id omittebat vel in summa virium debilitate, quin immo repetebat die duodecima, & decima etiam tertia, si opus erat. His fere jugulabat, ut ipse ait, durum morbum, ut & papaveraceis, & succo mali citrei, & omni alio medicamento commode æger careret. Religiose autem ab omni carneo, jurulentoque victu abstinebat per omnia stadia, concessis tantummodo olesibus, fructibusque, imperatoque potu semper eodem, sed largiore, & crebro.

Vitus.

§. CCLXXI.

De acidi vitriolici usu in tertio stadio. Mirum profecto videbitur, SYDENHAMII, qui primus omnium acidum vitriolicum adhibuit (a) in variolis malignis, & gangrænosis in potu ad gratam aciditatem toto primo, & secundo stadio, suppurationis vero tempore, & in ipsa febre secundaria aut reprobasse; aut, ut supra (§. CCXVIII.) vidimus, prætermisisse, HALLERUMQUE in putridissimo variolarum genere modo memorato uti suspectum, aut noxium

xium (§. CCLIX.) habuisse , immo in hoc eodem tertio stadio , cujus curationem exsequimur , ab acidis etiam vegetabilibus prope abstinuisse ; cum tamen nihil ad cohibendam sanguinis dissolutionem , avertendamque putredinem præstantius , valentiusque habeat Medicinæ ars universa . Acidi autem vitriolici vis singularis eminet in sanguinis mictu , quem in hoc in primis stadio soluta , & diffuens sanguinis compages excitat ; nam hoc lethalissimum symptoma si cuiquam remedio obtemperat , largiori certe acidorum validiorum in potu usui cessurum , spes unica est . Sed hoc in casu non prætermittenda quoque sunt ea omnia , quæ ejusmodi hæmorrhagias coercere alibi (§. CCXLII.) docuimus , uti serum lactis , quod vocant *aluminosum* * , & alumen ipsum , & specificum HELVETII ** , ubi nimirum cetera irrita fuerint , nec ulla in pulmonibus , aut aliis visceribus congestio adstringentium adhibitionem vetet . Metus vero , ne salivæ fluxus acidis ejusmodi supprimatur , aut vitales vires dejiciantur , prope inanis *** est , si expertis fidem habemus , atque haud negligamus in posteriore casu acida cum cardiacis , leviterque aromaticis opportune conjungere , qualia sunt radix serpentariæ virginianæ , contrayervæ , camphora , & præ ceteris cortex peruvianus , qui etiam antisepticæ facultatis nomine vix sine piaculo in variolis putridis , gangrænosis , aut quacumque alia ratione ad corruptionem ducentibus prætermitti potest .

Sanguinis mictus acido vitrioli præcipue oppugnandus est.

Adstringentia validiora.

Cautio. Acida hæc non supprimunt pyralismum.

Conjungi cum cardiacis debent , si vires languent.

Ubi Cortex peruvianus ceteris antecellit?

(a) Oper. sect. V. cap. IV.

* Serum aluminosum Phar. Lond.

℞. Lactis vaccini lib. j.

Y

Alu-

*Alumin. erud. in pulver. redacti
drachm. ij.*

*Coque, ut fiat serum lactis
probe a coagulo separandum.*

**** Specificum Helvetii.**

℞. Alumin. crud. pulv. unc. ij.

sang. dracon. in lacrym. unc. ss.

*Liquetur alumen ad ignem in vase argenteo,
aut fictili vitreato; fuso insperge sanguin. drac. in
pollin. tenuis. redact. Frigefacta massa servetur in
vase clauso ad usum. Dosis a drachma semis ad
unam.*

***** De Acidorum usu in curatione Variolarum ita
apposite, sapienterque differuit Cl. TISSOTIUS, ut e
re fore existimem ea in summam redacta hic tironi-
bus exhibere. Acida vegetabilia ab Arabibus primum,
deinde a posteris in hanc usque diem ad variolas cu-
randas adhibita, & commendata fuere. Acidum ve-
ro vitriolicum nemo ante SYDENHAMIIUM potioni ad-
gratum acorem commiscuit in variolis malignis, &
gangrænosis, sed incipiente suppurationis stadio, &
in febre secundaria, ut noxium, ab eodem videtur
reprobatum. Sed perperam TISSOTIO iudice; nam
acida putredini resistunt; calorem, febrim, anxietate-
tem, & pruritus minuunt; diarrhæam colliquantem
præcavent, nec tamen alvi libertati obstant; angina-
m, delirium, & phrenitidem avertunt; maligni-
tatem inhibent; impediuntque ne variolæ benignæ
in malignas degenerent; ptyalismum non suppri-
munt, urinas cient, in primis acida nitrosa potui
largius admixta, purisque metastasim emendant. Spe-
ciatim laudantur in mictu sanguineo, & variolis ni-
gris, itemque in alcalëscencia humorum, & calida
eorum dissolutione. *Epist. var. arg. a pag. 28. ad 36.
usque.* Acidi mineralis dosis vulgatio, inquit QUAR-
RINUS (*Methca. med. febr. cap. VIII. p. 96.*) est
drachma una in die: interdum vero opus est eam
augere ad unciam semis, aut etiam ad sex drachmas
Infantibus, si in potu spiritum vitrioli respuant, da-
ri eum posse syrupo alicui admixtum, ut cochleatim**

sumatur, idem subicit. At TISSOTIUS se liberaliori adhuc manu eum dedisse narrat. Interdum enim intra quatuor horarum spatium dedit tres drachmas spiritus vitrioli, aut sulphuris copioso potu dilutas, ut febrim vehementiorem, delirium, & anxietates compesceret. Alia vice in quadam muliere variolis laborante consumpsit spiritus sulphuris binas integras uncias quadraginta horarum intervallo. Concedit tamen ex longo, & largo acidorum ejusmodi usu interdum sub finem morbi oriri colicos dolores, quos opio sedari oporteat (*l. c. p. 23. ad 25.*). Quamquam vero acidorum amicissimus sit, ea tamen reprobat in vapida sanguinis diathesi, & solidarum partium laxitate, nisi acidis subjungantur cardiaca, uti camphora, cortex peruvianus, radix serpentariæ virginianæ, mixtura simplex, aut sulphur auratum antimonii camphoræ nuptum. At FARRIUS (*De acid. virib. p. 101.*) non nihil a TISSOTIO dissentit, cum admonet, non danda quidem acida, ubi circulatio sanguinis languet, sed neque ubi solidæ partes nimis rigent, & fluidæ nimis coactæ; & densæ sunt. Si quid tamen iudico, non omnia acida hic comprehendendi debent; nam vegetabilia, in primis diluta, attenuant, & solvunt; uti pariter nitrosa; nec a vero alienum est, acida etiam vitriolica, dum irritabilitatem minuunt, & fortasse terreum elementum, glutenque connectens extenuant, abripiuntque, laxitatem fibræ conciliare posse; nec proinde ableganda, ubi solidæ partes rigescere videantur.

§. CCLXXII.

Aliquid quoque dicendum est de peculiari variolarum, quas *sanguineas* supra (§. CXCVII.) nominavimus, curatione. Quoniam autem hæc nequaquam suppurant, sed lividæ, & subcruentæ evadunt, maculis nigris, vibicibus, & peticulis ubique comitatæ, atque in iis colliquescit sanguis,

Curatio
Variolarum
sanguinearum.

guis , & undique diffluit , & hæmorrhagiarum varia genera efficit ; perspicuum sane est , ad putridissimum genus eas spectare , egereque quam validissimis antiseptis , incrassantibus , cogentibus , stypticis . In his præferri speciatim debent cortex peruvianus , vitriolata , atque aluminosa . Hinc utilissimum est corticis peruviani drachmam , vel scrupula quatuor quarta , vel sexta quavis hora dare , mediis vero intervallis aluminis eam dosim , quæ idonea videbitur ætati , & ægri constitutioni ; aut serum lactis aluminosum , aut *specificum* HELVETII ad scrupulum unum ex conserva rosarum , quod est efficacissimum . Prodest etiam quam maxime *tinctura rosarum vitriolata* , cujus cochlearia quinque , vel sex subinde sumpta pro adultis sufficient ; nec sua laude caret vinum rubrum gallicum , aut quodcumque aliud subacidum , atque austerum , cujus etiam mira ad vires erigendas facultas celebratur .

Acida vero quæcunque si unquam , hic certe præcipuam opem præstant . Spiritus igitur vitrioli , etiam meracissimus ceteris palmam præripere dicitur , præsertim potui instillatus , tum maxime , cum maculæ nigræ , aut lividæ variolis interspersæ (a) sint . Neque hic reticenda est camphoræ vis antiseptica , in primis si acidis vegetabilibus admixta in usum veniat . Quod si delirium , aut sopor hoc in genere accesserit , vesicantia etiam tuto admoveri affirmat MEADUS (b) , quod quidem mirum videbitur iis , qui in ea sanguinis dissolutione , atque ad putrescendum proclivitate suspectam cantharidum vim habere non sine causa solent . Sed interdum revellendi necessitas tanta est , ut in hac una conquiescere oporteat ; quamquam tutiora tunc habent.

Vitriolata , & aluminosa .
Cortex
peruvianus .

Serum aluminosum .
Specificum Helvetii .

Acidum vitrioli meracum .

Camphora .

De vesicantibus animadvertendo .

benda sint epispastica ; & ex sinapi parata cata-
plasmata .

(a) MEAD. de Variol. cap. 3.

(b) Id. ib.

§. CCLXXIII.

In *crystallinis* quoque, & *filiquosis* (§. CLXXXIII. *Curatio*
& CXCIX.), quæ processu flaccidæ , inanisque *crystalli-*
fiunt ; inopina sæpe morte subsequente , nisi eva-
cuatio aliqua succurrat ; aquosus humor , quem
primo continent , in pus nequam convertitur . Is
ergo partim expiratione difflandus est , partim ad
urinæ vias derivandus . Quod præstatur blandis *Diapho-*
diaphoreticis , cardiacis , ac diureticis medicamen-
tis . Hinc pulveres bezoartici , e chelis cancro-
rum compositus , radix contrayervæ , spiritus Min-
dereri , confectio alkermes , & in primis cortex *Cardiaca.*
peruviana primæ , & secundæ indicationi satisfac-
iunt ; tertiæ vero potissimum nitrum a scrupulo *Diureti-*
ad drachmam semis ter , quaterve in die datum ,
reliquisque remediis , quæ dixi , interpositum .
Quibusdam (a) placet nitrum in vino dilutiori
solvere , quod sub finem ad vires resciciendas ali-
quanto meracius adhibent . Nitri quoque spiritus ,
qui dicitur dulcis , liquor terræ *foliatæ* tartari ,
syrupus althææ , aliaque ejusmodi incidunt egre-
giæ , attenuant , atque ad urinæ vias ducunt .
Præterea die a prima eruptione quinto , vel sex-
to imponenda jubent tum inæ colli vertebræ ,
tum brachiis , & tibiis vesicantia , ut morbi for-
mes , quo febris intendi potest , aut interior se-
des occupari , extrorsum ducatur , excernaturque . *Vesican-*
Quod si tamen variolosus humor oberret , nec
ulla

Cathartica ulla naturali, aut artificiosa via extra feratur, ad cathartica hic quoque confugere necessarium fere est. Nec dispar curationis ratio a variolis verrucosis (§. CLXXXIII.) exigitur. Digerenda enim est crassa earum materies, & paullatim evacuanda. Hinc alexipharmacis, cardiacis, sudoriferis, diureticis, atque epispasticis ut plurimum ad id opus est; &, ni hæc satis sint, demum alvum ducentibus. Quæ vero *medie nature* sunt (§. CCII.), & difficulter, aut sero nimis suppurant variolæ, non aliam curationem postulant, quam quæ supra generatim exposita est. Sed jam modum excederet, nisi tandem finem faciam, sermonis prolixitas, si quæcunque huc spectant, distincte, & minute singula complecti vellem. Quapropter tertio variolarum stadio relicto ad quartum, sive postremum properabo.

(a) MEAD. l. c. cap. 3.

EXSICCATIO.

§. CCLXXIV.

Exsiccatio in benignis vix medica ope eget. Suppuratione absoluta, & decedente febre, evanescuntque symptomatibus, quod in discretis, & benignis variolis regulariter evenit, pustulæ jam flavescent, & in crustas continuo siccantur. Tunc vix quidquam est, quod medici ope egeat. Morbus enim jam finem assequitur, & pristina corpori valetudo redit. Diluentia tamen, & subacida, cubiculi ventilatio, atque extra lectum mora, regimenque diætetikum alias laudatum nequaquam negligenda sunt: sic enim

felicior pustularum siccatio consequitur . Si vero *Difficilius*
 pustulae pure plenae, ut quandoque usuvenit, ali *crescentes*
 cubi serius arescant, eas aperiri, atque exprimi, *aperian-*
 quod supra jam proposui; convenit; crustas con- *tur.*
 tra, si diutius hæreant, & duriores sint, lotio- *Crusta*
 nibus, fomentationibusque tepidis molliri, ut se- *diu hæ-*
 cedant, & delabantur. In his vero benigniori *rentes*
 bus variolis, cum ad exsiccationis finem perve- *mollien-*
 nerint, vulgatiores medicorum sententia est, al- *dæ, &*
 vum leniendam eccoproto aliquo medicamento *fomentis*
 esse, aut clysteribus laxandam, idque tertio, aut *tepidis*
 quarto quoque die ad tertiam, aut quartam us- *separan-*
 que videm iterandum, multoque magis, quod
 suppurationis tempore, quoniam febris secundaria
 vel omnino absuit, vel minimissima exstitit, alvum
 nequaquam ductam fuisse, pro certo assumi po-
 test. Si quid enim variolosae materiae intus re-
 manserit, aut non omne pus e pustulis emanave-
 rit, id purgatione detrahi, expellique creditur.
 Immo Tissotius non expectandam perfectam ex- *Tissotii*
 siccationem putat, sed mature, nempe simul ac *monitum*
 variolae in facie flavescunt, purgandum esse. Tem- *de matur-*
 pestiva enim purgatione optime præcaveri ea ma- *randa*
 la, quae saepe a variolis relinquuntur; illoque *purgatio-*
 tempore plus unicam alvi ductionem, dum mate- *ne.*
 ria mobilis adhuc est, & fluitat, proficere, quam
 tres, aut quatuor serius (a) institutas. Non ta- *Anmad-*
 men hinc quisquam credat, in manu, arbitrio- *versio in*
 que medici, ejusque medicamentorum potestate *purgatio-*
 positum esse, residuas morbi reliquias sive in cu- *nis vim,*
 te adhuc hærentes, sive per corpus in circuitum *& facul-*
 actas a sanis humoribus, prout libuerit, secer- *tatem.*
 nere, & quo conferat, evocare. Illud tantum-
 modo certum quidem videtur, quod sordes in
 ventriculo, intestinisque toto morbi curriculo

Certe pri-
 marum
 viarum

*Sordes
tantum-
modò de-
jici, pos-
sunt.
Interdum
e penitio-
ribus locis
prævus
humor ex-
cutitur.*

coacervatæ, ac collectæ, aut eo paulatim delatæ utiliter, & commode detrahi possunt, dum retentæ ibi diutius, aut in sanguinem iterum refluentes nova mala inferrent. Neque inficiamur ta-

*Sed id
minime
certum.*

men, quandoque e penitioribus corporis latibulis pravos, noxiosque humores excuti, atque ad intestina prolici, ut inde magno ægri emolumento emittatur; sed quis possit sibi certo polliceri, hoc ipsum semper ex animi sententia cessurum, ita ut omne malum, quod impendeat, purgatione aver-
tatur, aut omissæ purgationi, si qua pejora succedant, jure attribui quæant? Quid si cathartici actione a peripheria variolosum tabum intro revocatum, in aliqua interiori sede consistat, lethalemque metastasim faciat? Peritissimi igitur, & cautissime omnia perpenderit medici erit ita in purgatione exsequenda se gerere, ut nulla inde noxa oriatur.

*Immo in-
terdum
metasta-
ses a pur-
gatione
fiunt.*

(a) *Epist. cit. p. 46.*

§. CCLXXV.

*Curatio
febris se-
cundaria
quousque
continu-
anda in
ipsa exsic-
catione.*

At in confluentibus malignisque variolis, quodnam febris secundaria cum tetrīs symptomatibus plerumque sub earum adhuc exsiccatione protrahitur, continuanda omnino est ea curationis ratio, quam supra (§. CCLXII. ad CCLXVIII.) pluribus verbis explicui; scilicet si febris adhuc urgeat, & spiritus difficulter trahatur, aut metastasis aliqua immineat, aut fauces pituita oppletæ suffocationem comminentur, simulque alvus adstricta, aut pigra sit; tunc non solum altero, aut tertio quovis die ea clystere, aut fero lactis, aut tamarindorum decocto, aut cremore

tar-

tartari caute molliri, & laxari debet, aperta-
 serviari, sed etiam, ni jam ante id satis pera-
 ctum fuerit, aliquanto validius duci syrupo au-
 reo ex fenna, manna & tartaro, aut electuario
 lenitivo, aut sale polychresto, aut foliorum fen-
 næ diluto, similive alio medicamento, non omif-
 sis interea diluentibus, uti decocto hordei, radi-
 cis graminis, & althææ cum oxymelle, nitro,
 roob baccarum sambuci copiose hauriendo, cui
 pro re nata acidi vitriolici aliquid (a) adjectum
 fit. Nec alienum quoque est, si sanguis antea
 missus non fuerit, aut non satis detractus, & cal-
 or vehemens extorreat, pulsusque duri deprehen-
 dantur, nec vires fractæ sint, sanguinis missio-
 nem tentare, aut repetere (b). Nec desunt ma-
 gni viri, qui die demum vigesima prima, abso-
 luta videlicet exsiccationis variolarum confluen-
 tium periodo, ubi scilicet gravior, & acutior fue-
 rit (c) morbus, sanguinem mittendum, alvumque
 ciendam judicent. Verum tam in venæ sectione,
 quam catharsi decernenda semper ea præ oculis
 habeantur, quæ alias, & maxime superioribus
 paragraphis in utramque partem disputata fuere,
 ne quid temere, & cum ægri perniciæ delibere-
 tur.

Potissi-
 mum al-
 vus la-
 xanda ad
 interval-
 la.

Quando
 etiam
 sanguis
 mitti pos-
 sit.

Sanguinis
 missio, &
 alvi du-
 ctio præ-
 ponitur
 finita e-
 tiam exsic-
 catione.
 Sed non
 temere
 ultra de-
 cernenda.

(a) MEAD. l. c. cap. 3. & STORCK. l. c. p. 275.
 276.

(b) MEAD. l. c. ib.

(c) SYDENH. Oper. sect. 2. cap. 2. p. 180.

§. CCLXXVI.

*ulcera ves-
sicant-
ium diu
aperta
serventur.*

Quod si suppurationis stadio ob aliquod gra-
vius symptoma, uti coma, delirium, convulsio-
nes, difficilem, anhelosamque respirationem, re-
vellentia, epispastica, & speciatim vesicantia ad-
hibita fuerint, horum ulcera in hoc etiam po-
stremo stadio aperta, & quidem diu servari de-
bent, ut omne pus variolosum via hac excerna-
tur. Id quoque necessarium est, si in ipsa exsic-
catione similes ob causas ulceranda cantharidibus
brachia, aut crure fuerint. Alibi (§. CCIX.)
tussim variolis accedere, plerumque uti epigeno-
menon, dictum est. Quando id a principio in-
cidit, fere catarrhalis est, aut peripneumoniæ
symptomata. Tum iis, quæ catarrhis opportu-
na (a) sunt, aut quæ peripneumoniæ tollendæ
apta posuimus (§. CCXLIX. CCLIV.), curan-
da omnino est. Si in progressu morbi a pustu-
lis fauces, laryngemque obsidentibus oriatur; di-
luentibus, & demulcentibus, itemque mucosis,
oleosisque mitiganda (§. CCLIV.) est. At si
sub finem per metastasim materiæ variolosæ ac-
cesserit, disquirendum est, an pulmones male ha-
beant ex infarctu pituitæ multæ, & lentæ, an
vero a tenui, acrique humore tantum irritentur?
Primo casu sputa crassa, & viscida educuntur,
quæ difficilem respirationem, & pectoris oppres-
sionem, anxietatemque mirifice levant. Hæc tunc
promovenda sunt potu aperiente, atque attenu-
ante adjecto nitro, & melle, aut eclegmate ali-
quo ex manna, melle, atque oleo seminum lini,
aut amygdalino. Ubi valentius incidere, atque

*Tussis su-
perveni-
ens quo-
modo cu-
randa.*

anacatharsum adjuvare opus est, id præstabit oxymel scilliticum, stibium diaphoreticum non ablutum, kerme. minerale, minimæ sulphuris aurati antimonii doses, inspiratus aceti vapor, aliaque ejusmodi (b). Altero demum casu hordei decoctum, lac aqua dilutum, syrupus papaveris albi, mucilaginosus, aquæ tepidæ vapor opem ferunt. Interdum cum incidendi, tum revellendi causa in utroque casu vesicantibus uti oportet, ut nihil de sanguinis missione dicam, si peripneumonix signa adessent. Atque hæc fere eadem orthopnoæ, ex memoratis causis natæ adhiberi consueverunt.

Orthopnoæ peripneumonica eadem methodo.

(a) Vid. Vol. I. §. CCCXI.

(b) STORCK. l. c. pag. 278. TISSOT. l. c. pag. 25. & p. 37.

§. CCLXXVII.

Exsiccationi etiam variolarum interdum salivæ fluxus succedere visus est, salutem afferens; qui alias secundo tantum stadio supervenire, & plerumque tertio, ut notatum supra est, desinere solet. Eum igitur sustinere, & adjuvare par est potu calido, diluente, mellito sæpe dato, simulque cavere, ne critica ista evacuatio (a) cathartici, aut narcotici, aut frigore subito turbetur, supprimaturve. Nec rarum est suppuratione ad finem vergente, aut exsiccatione jam inchoata, immo interdum finita tumores quosdam, furunculis similes, sub cute variis corporis sedibus exoriri, quos efficit pus variolosum non satis per pustulas expurgatum. Hos anteverti dicunt, sicuti etiam variolas secundarias, quæ primas exsic-

Ptyalismus superueniens adjuvandus est.

Tumores subcutanei suppurandi, & aperiri.

caras sæpe excipiunt, catharsi maturius instituta. Quodcumque vero ejusmodi tumores prodeunt, considerandum mox est; num molles sint, & materia in ipsis liquida, & fluitans appareat. Tunc enim citissime, uti abscessus, sectione aperiendi sunt, diuque digerendi, ut omnis purulentus humor via hac efferatur. Sin vero duri reperiantur, & rubeant, & doleant; cataplasmate emollienti, & anodyno ex panis mica, & lacte, aut unguento althææ, & butyro, aut Diachylo simplici ad maturitatem perducī debent, & demum ferro incidi, quemadmodum de perioribus dictum est.

(a) MEAD. *l. c. cap. 3.*

§. CCLXXVIII.

Meta- Non nunquam morbidī humoris pars aliqua
ses ad os- transfertur ad articulos, aut ad ossa ipsa, ibique
sa & ar- defigitur atroces dolores excitans, quin tamen ul-
riculos. lus tumor exterior cernatur, aut rubor. Hinc
Resolutio sæpe, aut anchylosis, aut caries subsequitur prope
primum infanabilis. Quando illud accidit, ut tam dira,
sanguinis & pertinacia mala præcaveantur, si vires vigent,
missione & pulsus sit durus, tentanda est resolutio iterata
tentanda; sanguinis missione, interpositisque alternatim ido-
deinde ex- neis catharticis (a). Si tamen dolores osteocopi
serius, in- pertinaciter persistant, & ossium, aut articulo-
ternis que rum corruptionem intentent, præter externas fo-
remediis. mentationes, & cataplasmata anodyna, & discuti-
Storckia- entia, quæ apprimè indicata videntur, a STOR-
na cura- CKIO (b) intrinsecus danda proponuntur extracta
sio. cicutæ, aconiti, & flammulæ Jovis, methodo
jam ab eodem in peculiari Tractatu de horum

remediorum viribus, usuque tradita. Fereque hæc *Ulcera a*
 ipsa adhibenda suadet in ulceribus malignis; & *variolis*
 diuturnis crurum, aliarumque corporis partium, *relictæ se-*
 quæ variolas quandoquæ subsequuntur, corpusque *re eisdem*
 consumunt. Aliis verò magis arrident decocta *curantur.*
 sarsaparillæ, ligni sancti; radicis chinæ, & rubiæ *Quæ aliis*
 tinctorum; æthiops mineralis, antimonium cru- *magis ar-*
 dum, atque extrinsecus fricationes ex linimento *rideant.*
 mercuriali. Sed magni hic fieri debet camphora *Campho-*
 tam extrinsecus, quam intrinsecus adhibita, que- *ra, & cor-*
 madmodum a COLLINIO celebri Vindobonensi Me- *tex pe-*
 dico in singulari de Camphoræ usu libello propo- *ruvianus*
 nitur. Cui si corticis quoque peruviani adjeceris *vi trau-*
 opem, egregie traumaticam, major affulgebit spes, *matica*
 ulcera felicius coalitura esse. *pollens.*

(a) STORCK. *l.c. P. I. p. 283.*

(b) *Ibid. p. 286.*

§. CCLXXIX.

Dum autem hæc (§. CCLXXVII. CCLXXVIII.)
 accidunt, præsertim tumoribus, quos memoravi,
 suppurantibus; febris nunquam ex toto desinit,
 plerumque pomeridianis, aut vespertinis horis in- *Febris*
 valescens, matutino vero tempore plusminus re- *sympto-*
 mittens. Symptomata enim est, & a suppuran- *matica*
 tione procedens, ideoque suppuratione absoluta, *suppuran-*
 plerumque & ipsa evanescit. Nihilo tamen mi- *tium tra-*
 nus dum tenet, & urget, mitigari, & quodam- *morum.*
 modo coerceri ea potest temperantibus, nitrosis,
 & leviter antisepticis, nec non subinde alvum
 lenientibus. Quod si periodum intermittentium
 assumat, cortice peruviano eam plerique adoriun-
 tur; qui sane, ni febriuga vi hic profit, prode-

*Quibus
 auxiliis
 mitigan-
 dis.*

*Febres
vere in-
termittentes
cum va-
riolis
complica-
ta corti-
cem po-
stulant.*

rit tamen roborando, & putredinem arcendo, tum maxime, cum copia puris manantis universos fere sanos humores in pus converti, & putrefieri ostenderit. Certior vero, & tutior ejus effectus esse solet in febribus vere intermittentibus primariis, quas interdum complicari cum variolis vel ab ipso initio, supra (§. CCIX.) memoratum est. Has igitur, quocumque stadio se prodiderint, antidoto americana protinus sisti oportet, ne variolarum naturalis cursus pervertatur (a).

(a) MEAD. *l. c. cap. IV.*

§. CCLXXX.

*Viribus
languen-
tibus sub
finem quo-
modo pra-
spicien-
dum.*

Scire quoque licet, simul ac febris secundaria decedit, & variolæ exsiccantur, sæpenumero ægros viribus languere, destituique videri. Huic languori succurrit vinum aqua dilutum, aut serum lactis vinosum, aut simile aliud analepticum. Si vero ista virium defecto, finito etiam morbo, convalescentes diutius premat, ut difficillime ad pristinam integritatem redeant; nihil eos citius, efficaciusque restituit, quam lac, cortex peruvianus, & corporis exercitatio (a). Expiatis autem, ut supra præceptum est, primis viis, paullo largiori cibo sensim dato corpus alendum est, donec ad priorem vietus rationem perveniatur. Tandem exsiccatis, delapsisque penitus pustularum crustis universa cutis balneo tepido abluenda est, aut spongia ex decocto hordei lacti admixto, vel ex aqua sapone leviter imbuta, vel ex melicrato calentibus expressa leniter detergenda est, ut exspiratio insensibilis revocetur, omnisque morbi-

*Vitus
paullatim
augendum*

dus fomes, qui cuncti adhæserit, auferatur. Mundato sic corpore vestimenta, & lintheamina omnia, lectusque ipse permutentur, ut contagionis semina procul a sanis arceantur. Ad cicatrices quod attinet, si quæ profundius infuderint, deleri, aut saltem minui creduntur, si lacte asinino, aut aqua florum fabarum; aut amygdalarum dulcium emulsione, sæpe, & diu abluantur; vel linimentis mitissimis, inter quæ oleum e vitellis ovorum recentissime expressum in primis celebratur, penicilli ope illiniantur.

Dentium corpus abluendum; detergendumque.

Mutatio vestimentorum, & lecti.

Cicatrices faciores quibus auxiliis emendantur.

(a) TISSOT. *Epist. cit. p. 48.*

§. CCLXXXI.

Ex iis vero, quæ post exsiccatas variolas, morbo non perfecte soluto, relinquuntur, exercentque convalescentes, non nunquam est febricula quædam lenta, hæcticæ similis, quæ corpus paulatim depascitur, atque extenuat. Hac modo ab acri varioloso retento, modo a purulenta cacochymia, modo a puris copia ex cute, ejusque ulceribus manante, & alibilem succum subtrahente, modo ab interiorum viscerum labe, & præsertim physica pulmonum corruptione originem ducit. Pro causarum diversitate ejus quoque curatio varianda est. Generatim tamen, nisi interiores partes tale vitium ceperint, quod omnem artis opem aspernetur, oppugnanda est blandissimis eccoproticis; sero lactis defœcato; lacte, hocque solo, vel aqua diluto, vel decocto corticis peruviani, qui etiam per se a MOR-
TONO, aliisque hic præstantissimus perhibetur,

Febris lenta a variolis relicta.

Ejus multiplex origo.

Si curari possit; quam remedia id præstent.

*Meadius
interdum
utilem
sanguinis
missionem
prædicat.
Quando
ea locum
habeat.*

lactis pari, aut paullo majori quantitati nupto (a); emulsionibus feminum frigidiorum; cremore hordei, aut avenæ, victu vegetabili, sed præ ceteris aere puro, aprico, rurali; unctione, & moderata, lenique exercitatione. MEADIUS (b) auctor est, ut, præter alvi ductiones, sanguis etiam e vena mittatur; cujus consilii utilitatem SAGARIÏ quoque (c) experientia confirmatam legimus. Siquidem fieri interdum potest, ut a diathesi quadam sanguinis phlogistica isthæc febricula foveatur; quam tum pulsus durus, calor acer, atque alia id genus non obscure declarabunt.

(a) MORTON. *l. c.* TISSOT. *l. c.* p. 33. 47.

(b) *L. c.* cap. IV.

(c) *De Variol. Ignaviens.*

§. CCLXXXII.

*Oculorum
dolori.*

Oculòs etiam multifariam a variolis male affici, supra (§. CCVIII.) narratum est. Neque tantummodo variolis erumpentibus, aut suppurantibus id evenit, verum etiam iis jam superatis, & absolutis. Quoniam vero hætenus nihil a nobis traditum est de ejusmodi vitiorum, quibus oculi subjacent, curatione, nunc exponam; quid singulis eorum in utroque tempore convenientissimum sit. Incipiam vero ab iis, quæ exteriores partes, palpebrasque patiuntur. Hæ interdum intumescunt valde, tenduntur, dolent, oculosque occludunt. Sub his lymphæ lacrymalis acri varioloso infecta conjunctivam irritat, inflamat, unde dolor increscit, & lacrymæ calentes, acres, molestæ exprimuntur. Quando hoc incidit, hu-

*Tumori
palpebra-
rum, &
dolori quæ
utilia
sint.*

me-

meſtari, ſoverique oculi debent tenuiſſima; molliſſimaque ſpongia, aut linteolo aqua, & lacte tepido madefactis. Sic dolor, & tenſio mitelcit, acrimonia temperatur, acris materia reſtitans abhuitur, inflammatio diſcutitur, roſio avertitur, atque oculi aperiuntur. Quod ſi ejuſmodi fomentatio jam ab initio inſtituatur, & ſingulis horis repetatur, ſæpe fit, ut iſta mala præcaveantur, & nunquam penitus palpebræ claudantur, Ad id etiam decoctum hordei, aut ſeminum pſyllii accommodatum eſt. Egregie enim lenit, & demulcet. Alii ab ejuſmodi noxis oculos præſervare ſtudent ſola aqua roſarum albarum tepide, & crebro adhibita, vel aqua ſimplici frigida, aut ignito chalybe medicata, eo videlicet conſilio, ne variolæ palpebris, aut oculis innascantur (a). Quod ſi malo facto variolæ innascentur, tum aqua ſpermatis ranarum, malvæ, vel forum ſambuci (a), vel cataplaſmata leviffima ex lacte iis imponenda ſunt (c). Præſtantiffimum illud eſt, præſertim dolori leniendo; inflammationique compellendæ, quod ex pulpa pomorum dulcium, & lacte conficitur. Sed plerumque ſoli fatus ex aqua, & lacte ſufficiunt, ſedulo ſimul evitata luce, & quiete imperata. In graviore caſu, majore inflammationis metu, non prætermittenda ſunt diluentia intrinſecus, antiphlogiſtica, ſanguinis miſſio, balnea pedum, & reliqua ad revelandum idonea.

Quæ præſervent.

Puſtulis oculis innatis quomodo occurrendum.

Ophthalmia graviore etiam veng ſectio neceſſaria.

(a) AZZOGUID. *Lett. cit. pag. XXXII. XXXIII.*

(b) *Id. ibid.*

(c) TISSOT. *Epist. cit. p. 48.*

§. CCLXXXIII.

*Ophthalmia sub
finem or-
ta simili-
bus cura-
tur.*

Nec aliter succurrendum est, quam sanguinis missione, diluentibus, antiphlogicis, sero lactis, atque eccoproticis, ophthalmiæ illi, quæ sub finem variolarum interdum supervenit (a). Quo casu etiam cutim cantharidibus exulcerare ad revellendum plurimum confert, in primis si malum diu trahatur, aut recidivum fiat. Quod si tanta horum morborum vis fuerit, ut abscessus, hypopya, aut oculi destructio consequantur, horum curatio, si qua esse potest, e chirurgia petenda est. Communissima vero vitia, quæ a variolis

*Ceteris
oculorum
vitiis to-
tica ple-
rumque
noxia.*

*Temporis
et natu-
ræ vis
efficacissi-
ma.*

reliquantur in oculis, sunt potissimum albugines, leucomata, curneæ ulcera, phlyctænæ, epiphoræ, & chronicæ ophthalmiæ, scæpæ, & levi quavis causâ redeuntes. Multa, & varia singulis hisce morbis proponi solent cum a Medicis, tum a Chirurgis, quorum tamen maxima pars aut noxia, aut supervacua esse consuevit, Laucomata, albugines, ulcuscula cornea, phlyctænæ sæpissime sola naturæ ope, & temporis beneficio evanescere, aut saltem plurimum imminui visa sunt; collyriis vero, aquis ophthalmicis, linimentis, suffitibus, & præ ceteris pulveribus varii generis, qui in oculos insuffari, aut infundi solent, plurimum exasperari, augeri, atque in deterius prolabi. Maximum vero præsidium quæri debet in regimine diætetico, atque iis, quæ acres, prævosque humores emendant, ab oculis avocant, & leniter, paulatimque e corpore excernunt. In his excellunt succi herbarum refrigerantium, aut earundem decocta, aquæ minerales, balnea

*Internis
potius re-
mediis
confidere
oportet.*

*Horum
enumeratio.*

aquæ

aquæ dulcis, & repetita ad intervalla catharsis. Serum quoque lactis caprilli, lac asininum, decocta sarsaparillæ, & radicis chinæ hic commendatissima sunt pro varia temperamenti, anni temporis, habitusque corporis, aliarumque circumstantiarum ratione. In epiphoris contumacibus, ophthalmiisque recidivis, & chronicis non semel plurimum emolumenti perceptum vidi ex largo vesicanti inter scapulas applicito, & diu aperto, & postea cauterio in altero brachiorum inusto; quod quantum ad prophylaxim conferat, nemo nisi expertus noverit. Interdum in oculis remanent dolores diuturni, & permolesti, ad quos abigendos, sicuti etiam ad maculas corneæ discutendas laudatur a STORCKIO extractum pulsatillæ nigræ minima dosi magnesiæ albæ adjectum, & per vices datum (b). Animadvertendum tamen est, ab ejusmodi medicamento non nunquam oculos inflammari, & graviter affici, sic ut magna cautione, & prudentia ejus usus indigeat.

Vesicantia, & foniculi multum ad prophylaxim conferant.

Extractum pulsatillæ nigræ ad dolores, & maculas relinquitur.

(a) STORCK. *l. c.* P. I. p. 285.

(b) *Ibid.* & formul. n. 48. in Part. 2.

§. CCLXXXIV.

Nec desunt sua quoque auribus (§. CCVIII.) mala. Dolores, inflammationesque fere eadem requirunt, quæ oculis accommodata (§. CCLXXXIII.) laudavimus. Abscessus vero, atque ulcera subsequentia abstergi leniter debent, diuque manare fini, neque facile exsiccari, nisi tentatis prius incassum iis, quæ totius corporis malum habitum, sanguinisque dyscrasiam corrigere apta sunt. Cu-

Aurium vitia quomodo medentur.

*Ischuria
utraque
in vario-
lis non in-
frequens.*

*utrique
idonea
curatio.*

*Ardorem
urine que
leniant.*

hibito enim ante debitum tempus puris fluxu metastases plerumque fiunt, noxio humore ad cerebrum translato. Sed de malis variolas comitantibus, aut eas subsequenter satus. Superest tamen, ut de quodam peculiari symptomate variolis in quocunque stadio supervenire solito, sed præcipuè in eruptione, aut suppuratione frequenti, *Ischuria* nimirum, alibi (§. CCVII.) indicata, dicere aliquid non prætermittam. Huic plerumque remedio est, SYDENHAMIO (a) notante, e lecto surgere, & leniter per cubiculum deambulare: Quando id malum vitio vesicæ contingit, fomenta etiam hypogastrio, & perinæo imposita, itemque enemata, quæ molliunt, & laxant, urinam eliciunt. His vero postremis maxime utendum retur MEADIUS (b), ubi timor est, ne frigus surgendo susceptum variolas reprimat; demum, si vesica tumeat, doleat, nec cetera juverint, cathetere urina educi potest, maxime in adultis. Diuretica autem locum non habent, nisi in *Ischuria*, ut vocant, *spuria*, in qua nempe urina deficit, quia in renibus non secernitur. Si demum ardor simul cum stranguriosa difficultate molestiam creet, demulcendus is est internis, & externis laxantibus, & præsertim potu emulsionis seminum melonum, atque amygdalarum dulcium, addito syrupo althææ, aut decocti hordei, radicis althææ, glycyrrhizæ, florum malvæ, verbasci, similiumque.

(a) Oper. sect. 2. cap. 2. p. 176.

(b) L. c. cap. 4.

§. CCLXXXV.

Tandem aliquando eo perventum est, quo curationi variolarum naturalium verarum finem imponam. Fortasse justo longior fuisse videbor iis, qui in medendi arte jamdiu instituti, & enutriti rerum præcipuarum synopsis malunt, quam fusio-^{Admonitio.} rem de singulis tractationem. Sed hi veniam dabunt, cum sciverint, hæc non ipsis, sed tiro-nibus, quibus multa desiderantur, præscripta esse. Quorum in gratiam sane necessarium duxi, non solum quid in quovis stadio generatim usui esse possunt, verum etiam quid quibusdam in generibus, singularibusque symptomatis opportunum, ordinate, & distincte referre; quod gratum, commodumque iis futurum spero. Illud tamen dedita opera prætermisi, quod ad variolarum crebram cum *peticulis*, aut *miliaribus exanthematis* (§. CCV.) complicationem attinet. Nam quando hæc secundaria sunt, vix aliam curationem poscunt, quam ipsis variolis accommodatam. Ubi vero primaria; si quid aliud opus iis fuerit, id expositum cum exstet in sequentibus decimo, & undecimo capitibus, facile inde peti posse, arbitratus sum. Sed jam ad *variolas insititias* progrediamur, de quibus modo dicere ordo jubet.

VARIOLÆ INSITITIÆ.

CCLXXXVI.

*Inocula-
tio multi-
plex .*

*Inocula-
tionum
omnium
probatif-
sima .*

Jam de Variolis *insititiis*, sive *artificialibus*, quod supra (§. CLXVI.) recepi, dicere aliquid oportet. Ita vocant illas, quæ insitione, sive inoculatione procreantur. Inoculationis vero plura sunt genera, de quibus cum innumeri pene doctissimi Viri cumulatissime scripserint *, ut vix hodie ullus sit, qui inoculationem, ejusque insituendæ multiplicem rationem perspectam non habeat, nobis satis erit, eam e multis deligere, atque exponere, quæ simplicissima, commodissima, ac tutissima omnium nunc a plerisque existimatur.

* Ex multis sequentes legere poterit quisquis ubertius erudiri hac in re voluerit.

EMANUEL TICUONI *Epistola ad Jo. WODWARD.* 1713.

PILARINI *Nova, & tuta variolas excitandi per transplantationem methodus.* Venet. 1715.

J. KIRCKPATRICK *Analysis of inoculation &c.* London. 1754.

TISSOT. *l'Inoculation justifiée.* A. Lausann. 1754.

CONDAMINE *Memoria sull'inoculazione del vajuolo.* Livorno 1755. *Seconda Memoria del medesimo.* Livorno 1759.

SAVER. MANETTI *Della Inoculazione del Vajuolo.* Firenze 1761.

Reflexions sur les prejuge's qui s'apposent aux progrès, & à la perfection de l'Inoculation par Mr. GATTI Médecin consultant du Roi, & Professeur en Médec. dans l'Université de Pise. A Paris 1764.

ANGELO ZULATI *Notizie degl' Innesti del Vajuolo fatti in Cefalonia nel 1764. Vide Giornal Medico Venet. T. VI. N. XXXIV. & seqq.*

GIO: B. LUNARDI *Del metodo d' innestare il vajuolo. In Urbino 1766.*

Nouvelles reflexions sur la Pratique de l'Inoculation par Mr. Gatti. A Paris 1767.

The present method of inoculating for the small-Pox &c. e tradotta in Toscano dalla quarta edizione di Londra del 1768. Vedi Magazzino Toscano T. I. P. I, & seqq. ann. 1770. di TOMMASO DIMSDALE. PORTA il Juniore Discorso in favore dell' Innesto del vajuolo. Milano 1774.

§. CCLXXXVII.

Postquam hæc ab imperitissimarum gentium, atque empyricorum manibus ad Medicos traducta est, cogitari etiam cœptum est, qua ratione ad artis leges ea exigi posset, ut utilior, certiorque ejus usus redderetur. Tunc primum visum est rationi consentaneum corpora, quibus inoculatio subeunda esset, opportuniora, aptioraque facere. Hinc plethoram, aut cacochemiam, si qua erat, prius tollendum sanoguinis missione, purgatione, diæta, aliisque medicinæ præsiidiis, sancitum est. *Præparationem ad inoculationem dicunt.* Sed hodie hæc fere omnino exolevit. Nam inoculatorum peritissimi sic ratiocinantur: inoculandi vel sani sunt, vel ægroti. Si sani, præparatione non egent; possunt enim per eam sic alterari, ut a perfecta valetudine desciscant. Si ægroti, a morbo, quo laborant, priusquam inoculentur, liberari debent, ut valeant, atque adeo inoculationi idonei fiant. Quapropter omnem præparationem rejiciunt, uti supervacaneam, aut

A Medicis quando de præparatione cogitatum.

Sed hodie præparatio pene exolevit.

Quorumdam inoculato- rum ratione. noxiam , nisi hac voce intelligendam velimus ipsam valetudinis redintegrationem , quoties ipsa labefactata fuerit :

§. CCLXXXVIII.

Quinam sani dicendi ? Itaque sani , & bene valentes infitioni subjiciantur . Sanos autem dices , qui facile , alacriter , & sine ulli molestia , aut lassitudine actiones œconomix animalis obeunt ; qui bono habitu præditi sunt ; qui leniter spirant ; quibus halitus oris inodorus est , & minime fœtet ; qui nec convulsionibus , nec morbis cutaneis obnoxii , qui viribus pollent , bene appetunt , digerunt , egerunt , somnoque placido utuntur ; qui cutim mollem , teneramque habent , & facile , si casu sauciatur , consanescentem ; qui neque scorbutica , neque venerea , neque scrophulari labe , neque alio quocunque notabili humorum vitio contaminantur . Hi ergo ad inoculationem aptissimi reputantur , quamquam dissimulandum non est , inoculatos interdum fuisse non perfecte sanos , sed valetudinarios , atque infirmos , qui tamen variolis benignissimis (a) affecti sunt .

Sani ad inoculationem eligendi.

(a) STORCK. " *Diatrise de infitione variolarum e germanico in latinum idioma versa .* Vid. FRANC. XAVER. DE WASSERBERG *Fascicul. 1. pag. 2.* Item *Instruz. med. pratic. P. I. p. 293.*

§. CCLXXXIX.

Nulla ætas , nullus sexus , nullumque anni tempus ab inoculatione communiter excluditur ; non infantes , non pueri ; non adolescentes , non fœminæ , non ætate provecti . In omnibus enim his facta periculâ demonstrarunt , innocue , feliciterque inoculationem sæpenumero tentatam fuisse . Gravidæ tamen , puerperæ , & pubertatis tempus vitari debent . At ætas omnium opportunissima censetur , quæ a quinto anno ad decimum , aut duodecimum extenditur ; anni vero tempus vernali præ ceteris , deinde autumnii principium , quamquam autumnus a multis damnatur , quod morborum immitium , diarrhœarum , dysenteriarumque feracissimus esse consuevit . Multo magis vitandæ videntur insalubres aeris constitutiones , in quibus scilicet morbi maligni , exanthematici , aut putridi populariter vagari cernuntur ; quia timor est , ne pravam morborum epidemicorum , aut stationariorum naturam variolæ quoque sequantur , aut cum iis complicantur . Locum vero , quoad fieri possit , eligere expedit , qui sit a contagii seminis quam maxime immunis , ruri potius , quam in oppidis , sub cœlo temperato , propitio , salubri ; in domo perampla , conclavibus magnis , & fenestris in quamque plagam obversis prædita , cui neque viridaria amœna , & oculos oblectantia , neque ambulatoria altis sœpibus , aut muris utrinque munita , aut pergulis desuper obumbrata desint , in quibus inoculati spatium possint innoxie .

Quævis ætas , sexus , & tempus inoculationi aptum .

Excipiuntur gravida , puerpera , & pubertas .
Ætas , & tempestas opportuniior .
Autumnus vituperatur .
Constitutiones aeris malignæ vitandæ .

Locus qui nam eligendus .

§. CCXC.

*Non omnis
præpara-
tio dam-
nanda.*

Demum non omnis præparatio, saltem quæ a victus ratione procedat, penitus negligenda nobis videtur. Quare decem, aut duodecim diebus ante inoculationem victus instituatursimplex, blandus, magna ex parte vegetabilis, & temperans.

*Victus ra-
tio ante
inocula-
tionem.*

Juscula oryzae, hordei, & panis; carnes teneriores; olera, fructus; ova recentia in primis aliis eduliis permixta, & fercula farinosa concedi solent ea quantitate, quæ appetitui, & consuetudini respondeat. Qui robustiores sunt, sanguineque abundant, aut fervidiore temperamento donantur, hos a carnibus abstinere præstat, juribus tamen earum concessis, reliquisque, quæ indicavi, alimentis. Pisces fluviatiles, ranæ, & pastæ tenuiores in carniuum locum suffici quoque possunt. Nec lac, atque ex eo parata, quibus arrideant, cuiquam denegantur. Potui vero datur aqua pura, subinde succo mali medici, aut aurantii, & paucosaccharo medicata. Novimus tamen non nullos, qui consuetam victus rationem nequaquam mutandam esse censent; exemplisque

*Quando
nihil mu-
tari licet
in victu.*

adductis evincunt, id innoxie factum. Quod facile largiemur iis, qui innocuo victu uti solent, quique neque copia, neque qualitate ciborum peccant, neque acribus calidisque cibis, aut portionibus abutuntur. Nec alienum duxerim, si primæ viæ sordibus scatere videantur, aut de vermibus suspicari liceat, alvum semel, aut bis

*ubi pur-
gandum.*

*Quando
soli cly-
steres suf-
ficiunt.*

leni medicamento ducere, aut anthelmintica quædam in usum vocare. Secus; sufficiet alter-
nis diebus enemate alvum, si compressa sit, ape-
rire,

rire, apertamque servare. Sunt etiam qui ap-
propinquante inoculationis die totum corpus uno
vel altero balneo tepido foveri (a) præcipiunt;
quod in primis laudarem, ubi cutis arida, & ri-
gida nimis, qualis in adultioribus, atque exer-
citatis fere offenditur, mollienda, & leniter la-
xanda videatur.

*Utrum
balneo
prius
quam ino-
culatio
fiat, u-
tendum?*

(a) LUDWIG. *Institut. medic. Clinic. P. I. cap. I. Subsect. VII. §. CCVIII.*

§. CCXCI.

Absolute præparationis tempore ad inoculatio-
nem transitur. Inter varia, quæ ad eam præstan-
dam adhiberi possunt, puri varioloso primas de-
ferunt inoculatores, idque recens esse volunt,
quo certius contagium impertiat. Effectum enim,
atque evanidum variolis excitandis impar est.
Præfertur vero illud, quod e pustulis suppurare
incipientibus extrahitur. Id enim cum liquidius
sit, multo facilius inseritur, cumque absorbenti-
bus vasis communicatur, quam magis coctum,
& crassius, quod pustulæ plenam maturitatem a-
deptæ suppeditant. Fortasse etiam benignius est
maturiori, si vera narrant inoculatores. Mitioris
vero naturæ illud esse perhibent, quod ex pu-
stulis eorum, qui variolis insititias habent, edu-
citur. Ex hoc enim variolæ multo benigniores
gigni dicuntur; earumque benignitas tanto ma-
jor fieri creditur, quo per plures inoculationes
successivas idem virus variolosum transfusum (a)
fuerit (*). Sed loci quoque, in quo insitio in-
stituatur, delectus habendus est; nam quamquam
qualibet pars ad id accommodata non nullis

*Pus va-
riolosum
insitioni
aptius.*

*Quale
esse de-
beat?*

*Insitio
benignio-
res va-
riolas
excitat.
Quinam
locus ino-
culationi
opportu-
nior.*

quandoque visa sit , tamen experientia docuit ; duas speciatim reliquis anteponendas esse , quarum altera est ea exterioris manus pars , quæ inter indicem , & pollicem media jacet ; quoniam ibi laxior , flaccidiorque cutis minorem , dum inflammabitur , molestiam excitare debet ; & præterea epidermis ibi crassior , & firmior est , institutionique opportunior , cum facile , & sine disruptione e cute sejungi , & elevari possit . Altera porro est superior brachii pars , in qua quilibet locus ad inoculandum idoneus habetur . Sunt qui eum seligunt , in quo fonticuli inuri solent ; sunt qui anteriorem , aut anteriorem malunt , medium quasi inter cubitum , atque humeri caput . Inferiores vero artus omnium partium ineptissimi multis de causis reputantur , sed potissimum quia difficilius in cruribus variolosæ pustulæ arescunt , & quia ulcera ibi nascuntur , quæ ægerrime (b) sanantur , ut in confluenti genere sæpe videre est .

*Inferiores
artus ex-
cludun-
tur :*

(a) GATTI *Nouvell. reflexions* p. 82.

* Nos minime latet , STORCKIUM ; aliosque quocumque variolosi puris genere usos esse , indiscriminatim , quin ullum inde discrimen in inoculatis variolis detexerint .

(b) GATTI *l. c.*

§. CCXCII.

Inferitur autem virus vel ope acus ad apicem aliquantulum complanatæ, qui antiquissimus, commodissimisque modus est; vel ope lanceolæ, id est scalpelli, quo venæ inciduntur, quoque speciatim hodie plerique inoculatorum utuntur. Sive acus verò, sive lanceola magis arriserit; alterutra pustula variolosa pure; quale dixi; scattens pertunditur; ut pure expresso bene imbuetur. Sic pure imbuta aut conspersa deferuntur in cubiculum; in quo inoculandus existit; nam is ab ægròtante; ex quo pus depromitur, procul esse debet; ne aut ejus intuitu, aspectuque terreatur, aut ore; & naribus contagiosa effluvia ab ejus corpore manantia attrahat; sequè contamineat. Tum cuspis acus, aut scalpelli leniter, transversumque epidermidem inter, & cutim inferitur; sic ut spatium unius lineæ cum dimidia, aut duarum circiter transcurrat. Deinde paullulum ibi detinenda, commovendaque est; ut pus defluat, cutique adhærescat. Demùm digito desuper impositò comprimitur epidermis, simulque retrahitur acus, sive lanceola, prout una vel altera adhibita fuerit, sicque omne pus, quò delibuta erat, intus remaneat, necesse est. Nec opus est, ut cuspide, aut acie cutis subter saucietur, quod aliquid ad certiores insitionis effectum obtinendum præcipiunt. Dexterrimi enim inoculatores cavent a quocumque vel levissima sanguinis effusione. Quod si quis dubitet, utrum unica insitio ad variolas excitandas valeat, quæ aliòquin satis esse solet; poterit eam repetere in altera manu, aut brachio, aut ad summum tres

*Insitio fit
vel acu;
vel lan-
ceola.*

Cautio.

*Insitio u-
nica satis
est; vel
si plures
fiant, quid
observan-
dum sit?*

*Copia, &
gravitas
variola-
rum res-
pondet pu-
ris quan-
titati in-
sertæ.*

insitiones faciat , binas videlicet ex uno latere , unam vero ex altero , quibus certe contagium , si corpus ad illud arripiendum comparatum sit , communicabitur . Non enim integrum est inoculationes temere multiplicare ; quod usu constitit , eos , qui pluribus vulnusculis , sive insitionibus inoculati sunt , variolas & copiosiores , & graves passos esse , quam qui una , vel altera insitione usi sunt . Ex quo patet , copiam , & gravitatem variolarum plerumque puris inserti quantitati (a) respondere . Retracta acu , sive lanceola , non tegi emplastro , nec deligari ullo modo vulnusculum debet . Virus enim sic applicitum per se satis adhæret , & in venas certo sibi viam aperit .

(a) GATTI *Nouv. reflex.* p. 78. 79.

§. CCXCIII.

*Acus pure infecta
diu servat suam
vim .*

Animadvertendum autem est , acum , aut lanceolam pure , ut supra , delibutam suam facultatem ad aliquot dies servare , itemque eam diu servari in pure e pustulis expresso , & in vasculum vitreum indito , dummodo probe clausum ab aeris attactu arceatur . Quod si prius recentis copia nobis non fiat , crustæ variolarum exsiccatæ , & in tenuem pulverem redactæ ei subrogari possunt . In hujusmodi pulverem inditur filum xylinum , aut sericum , diuque in eo morari finitur ; immo eodem probe confricatur , ut in se vim contagionis arripiat . Filum hocce epidermidem inter , & cutim ad duas , aut tres lineas acu trajicitur . Trajicitur , inquam ; non enim ibidem relinquendum est , ut quibusdam placet ; quia

*Puri sub-
rogatur
pulvis
crustarum
decidu-
arum .*

*Ejus ad-
hibendi
ratio du-
plex .*

quia quidquid extraneum, alienumque est, irritatione inflamat, noxamque infert. Fili loco etiam acus, vel lanceola pulvere varioloso confricata, quo dixi modo, inferi potest; neque opus est, ut pulvis cum ea epidermidem inter, & cutim tradatur (a), videlicet ne molestam irritationem pariat. Atque hæc est methodes, quæ præ ceteris probanda.

(a) GATTI l.c. p. 83. 84.

§. CCXCIV.

Inoculatæ variolæ sua & ipsæ habent stadia. *Primum* incipit a puris insitione, extenditurque *Primum* ad levis usque cujusdam inflammationis apparitionem, quæ se in loco insitionis ostendit. Nihil autem prima, & secunda die circa vulnusculum apparet notandum; immo ejus oræ ita coivisse videntur, ut vix incisionis vestigium oculis pateat. At *tertia* ut plurimum *die* levis accedit insitionis loco inflammatio, cum pruritu interdum conjuncta: atque hinc *secundi stadii* exordium *Secundum* dicitur, quod tres circiter dies perdurat, antequam vera febris superveniat, interiora a contagio affici significans. Ista vero inflammatio est quædam variolosæ eruptionis species, a generali *Eruptio* deinceps futura eruptione non dissimilis, eundemque processum habens, quem reliquarum partium pustulæ habere solent. Hoc tamen ab illis differt, quod sine febre, & sine interiorum partium affectione in conspectum veniat, utpote effectum contagii proxima tantum loca adhuc occupantis. Modo unicam pustulam exhibet, in cujus centro punctum quoddam cernitur, morsui

Ejus descriptio. pulicis simile, vulnusculi videlicet vestigium; modo congeriem pustularum, veluti corymbum variolarum confluentium, repræsentat. *Quarta die* rubor in circulum dilatatur, pulicari quidem latiori maculæ parem; sed aliquantulum supra cutim reliquam exstantem. Sæpe pruritu eo in loco percipitur; dolorque sub axillis, atque in suprema brachii parte molestat. Paullatim pustulæ augentur, dolent, elewantur, tactui renitentur, & vere inflammantur. Interea dolor sub axillis increscit, propagaturque ad scapulas usque. Interdum similis dolor inguina premit. Demum accedit capitis gravitas, aut cephalalgia, itemque lumborum cruciatus quandoque ægritudo, virium lapsus, atque in nonnullis uberior urinæ excretio: quæ symptomata proximam febris accessiorem, sive *tertium stadium* præmonstrant. Non nunquam tamen hæc vel omnino absunt, vel levissima, ac brevissima sunt, citoque a febre excipiuntur, quæ febris certum indicium præbet actionis, quam in totum jam corpus exercet variolosum virus.

Antecedentia febrim.

Febris accessio, sive tertium stadium.

§. CCXCV.

Febris eruptionem generalem antecedens.

Ejus symptomata.

Febris hæc non ubique, neque in omnibus eodem post inoculationem tempore corripit. Communiter in regionibus calidis citius, in frigidis serius. In Italia quinto, vel sexto ut plurimum die. Nec aliter video evenisse iis, qui Vindobonæ verno tempore, & ad æstivum vergente a cl. STORCKIO inoculati fuere. Febrim comitantur calor intensus, sitis, nausea, dolor capitis, lumborum, & totius fere corporis, oculorum languor, lingua albida, pulsu frequens, inæqualis,

ce-

celer, somni turbati, & reliqua, quæ naturalium variolarum propria habentur; sed plerumque multo mitiora omnia, & qualia in benignissimo discretarum genere esse consueverunt. Interea pustulæ in loco insitionis ortæ tenui aliquo humore repleti, & pellucere incipiunt. Circum eas rubor latius se se diffundit, cutisque magis tenditur, ac dolet. Altero, & tertio a febris accessu die modo horrent, modo calent alternatim ægrotantes, vehementius febricitant, viribus magis languent, vertiginem, doloremque capitis, colli, oculorum, dorsi, immo membrorum omnium apertius queruntur, valde sitiunt, terramque variolosam mephitim, peculiarem, & huius morbi propriam exhalant. Pustulæ interim circa insitionem validam inflammationem sustinent, atque ad suppurationem properant. Simul ac vero variolæ in facie, & reliquo corpore erumpunt, febris cum omnibus suis symptomatibus minuitur, quin immo prorsus cessat.

Interea pustula circa insitionis locum suppurant.

Altero, & tertio die febris augetur.

Interim pustula insitionis latius suppurant.

Eruptio generalis febrem fugat.

§. CCXCVI.

Ab hac generali variolarum eruptione exorditur *quartum stadium*. Si febris sexto, aut septimo die invaserit, nono, vel decimo eruptio fiet. Solet enim secundo, aut tertio die apparere, postquam febris accessit. Interdum tamen differtur ad diem usque undecimum. Sub eruptione autem ipsa pustulæ supra insitionem, quamquam jam verum, maturumque pus contineat. Altero vero eruptionis die ægri jam bene habent, pulsu propemodum naturali, & tranquillo. Dum variolæ numero crescunt, decrescit rubor stigmatum insitionis, immo postero die

Quartum stadium, sive Eruptio variolarum. Pustula insitionis pus verum jam continent.

Secundo eruptionis die jam bene habent.

Rubor omnino evanescit. Eruptio intra tres ; aut qua-
stigmatum
infectionis tuor dies ita perficitur , ut die duodecima , de-
evanescit. cima tertia , aut decima quarta , prout nimirum
 citius aut serius apparuerit , variolæ jam suppu-
 rare incipiant (*quintum hoc stadium* vocatur) ;
 decima vero quinta perfectam , absolutamque ma-
Suppuratio, sive turitatem consequantur . Nec suppurationis tem-
quintum pore ulla febris secundaria , saltem notatu digna
stadium. insurgit , nisi pro secundaria habeas pulsum ali-
Nulla fe- quam elevationem , & celeritatem , quæ vesper-
bris se- tinis præsertim horis ut suppurationis effectus non
cundaria. sine horripilationibus vagis , pustularum dolore ,
 & nocturni somni aliqua perturbatione accidit ;
 quamquam hæc tunc solum accidunt , cum pustu-
 larum numerus ingens fuerit , quod rarum tamen
 est . Maturitate variolarum apparente vires , ap-
 petitus , somnus tranquillus mox redeunt . Infectio-
 nis pustulæ exsiccantur , & paullatim crusta inde
 orta secedit , demumque decedit cicatricem rotun-
 dam , sive mavis maculam rubram relinquens .
Vires, ap-
petitus,
quies re-
deunt.
Pustulæ
infectionis
decidunt.
Stadium
sextum,
sive ex-
siccatio. Variolæ item mox a suppuratione *exsiccationis sta-*
dium , quod est *ultimum* , ingrediuntur . Exsic-
 cantur vero eodem omnino modo , quo discretæ
 benignæ , id est sine ullo gravi symptomate .

§. CCXCVII.

Atque hæc est communissima, maximeque ordinaria variolarum insititiarum historia. Sæpenu- *Quot mo-
dis vario-
la insiti-
tiæ a com-
muni tra-
dita hi-
storia ab-
indant..*
mero adeo benignæ sunt, atque exigua adeo ea-
rum eruptio, ut paucissimæ pustulæ ad cutim pro-
deant, ac proinde levissima tam inflammationis,
quam suppurationis symptomata eas comitentur.
Quin immo non infrequens est, feбри inoculatio-
nem subsequenti nullas variolas succedere; quo
in casu etsi vera eruptio desit, pustulæ tamen cir-
ca insitionis locum exortæ omnem miasmatis in-
fertī vim per se solas exantlare dicuntur. Quare *Variolæ
sine va-
riolis.*
certum, ratumque est, febrim variolosam inter-
dum sine variolis observari, eaque sola immu-
nem, qui inoculatus fuit, a variolis credendum
esse, æque ac multis variolis conspersus (a) fuis-
set. Non tamen inficiari licet, variolas insititias *Interdum
confluunt,
& peri-
culo non
vacant.*
quandoque in aliquibus confluentes, & periculo
fas exstitisse; in aliis complicatas cum alio aliquo
morbo exanthematico (a*); in multis ulcera diu-
turna, erysipelata, abscessusque varios reliquisse,
itemque nonnullos, qui insititias jam habuissent,
in naturales, sive spontaneas demum incidisse (b), *Non sem-
per natu-
rales a-
vertun-
tur.*
quod tamen infortunium commune est iis quo-
que, qui naturalibus laboraverint.

(a) GATTI *Nouvel. reflex.* p. 143. 144.

(a*) Recentissimum exemplum variolarum inocula-
tarum, quæ cum morbillis complicatæ fuerunt, &
summopere, & cum vitæ periculo confluerunt, vi-
detur in T. IX. *Journ. de Méd. ann. 1783.* p. 120.

(b) GATTI *l. c.* p. 11.

§. CCXCVIII.

Unde earum benignitas?

Regimen quale esse debeat?

Pulvis Dimsdalii inutilis, aut noxius.

Alvus non ducenda, nisi, quid urgeat.

Sufficiunt enemata.

At benignæ, & tutæ vix non semper esse consueverunt. Benignitas vero, securitasque earum non medicamentis, quorum non egent, sed fere tota, atque universa insitioni ipsi, & regimini diætetico debetur. Regimen autem paucis quibusdam præceptis totum innititur. Ab insitionis die ad febris usque adventum nihil sive in victu jam proposito, aut consueto, sive in vestimentis præter consuetudinem innovandum est. Aeri solum libero, atque assiduis deambulationibus, animique variis oblectamentis inoculatus paullatim assuesciendus est, ut deinceps, ubi hisce præsidiiis magis indigebit, lubentius eis operam navet. Inutile, ac supervacaneum, ni etiam anceps consilium arbitror primo statim die, ut quidam inoculatorum proponunt, pulverem DIMSDALII, emetico-catharticum, ex calomelano, tartaro emetico, & absorbentibus conflatum præbere. Nam sæpe nauseas, vomitus, ventrisque dolores, aliasque turbas excitat; aut, licet eo omisso, variolæ tamen, dummodo reliqua in regimine servantur, æque benignæ esse solent. Neque quodvis aliud medicamentum, quod alvum ducat, propinandum est, nisi nausea, appetitus dejectio, aut alia doceant, primas vias sordibus prægravari. Quo casu, nisi antea jam id præstitum sit, licebit alvum eccoproptico solvere. Alias satis erit alternis diebus alvum, si compressa sit, enemate injecto aperire. Recte faciunt, arbitror, qui primis mox diebus ab inoculatione ad plenam usque variolarum eruptionem pedes in aquam moderate calidam quovis vespere per semihoram demittendos jubent.

§. CCXCIX.

§. CCXCIX.

Oborta vero febre, tum primum ad eruptionis usque finem necesse est, ut inoculatus aerem liberum, purum ac frigidum ducat, & quidem renovatum assidue sic, ut quisemel pulmone egres-
sus est, non iterum respiretur. Præterea is interdium a lecto, & speciatim a somno religiosæ abstineat. Quod si ob ætatem, veluti infantibus, necessarius etiam interdium somnus sit, in aere aperto, & frigido capi sinatur. Mœror quoque omnis, aut tædium procul arceatur jocis, fabulis, cantuunculis, musicis concentibus, aliisque pro ætate oblectamentis, sed præsertim lenibus deambulationibus, quæ nimirum mentem exhilarent, expirationem adjuvent, non vero corpus, sanguinemque exagitent. At si vires ita languent, ut inoculatus pedibus consistere, aut incedere nequeat, tunc deferatur in aerem apertum, ibique relinquatur, donec quasi reviviscens sponte pedibus insistere, & deambulare incipiat. Tanta quippe est puri, frigidi, liberique aeris vis*, ut vires illico resurgant, anxietas conquiescat & febris plurimum deferbeat. Sin vero nequaquam id liceat; aut ex voto non cedat; curru, aut rheda eum vehi oportet per amœna viarum, aut spatiosa, aperta que ambulacra. Quod si tempestas pluviosa, aut ventis agitata, aut humida, ac nebulosa, aut subitum acre frigus impediat, quominus foras prodeat, domo quidem se se contineat, sed per cubicula huc illuc vagetur, cavens quidem a temporis injuriis, non vero ab aeris accessu, & renovatione prudenti. Sic toti dies transigendi sunt, excepto prandii, & cœnæ tem-

Quando necesse sit, regimine uti accuratiori.

Aer purus ducatur.

Abstinencia a lecto & somno diurno.

Infantibus somnus in aere aperto conceditur.

Inter oblectamenta prima est deambulatio.

Ejus boni effectus.

Vestio.

Cavendum est a longa sessione. pore, quo residere licebit. Sed etiam a longa sessione cavere oportet, ne vires amittantur, & membra torpescant. Cubitum demum petat hora consueta, & prope lectus; dormiatque in amplo conclavi, & bene ventilato. Quod attinet ad victum, toto febris, atque eruptionis tempore cibi arbitrio, & gustui ægrotantis accommodentur, dummodo ex eorum genere sint, quorum supra (§. CCXC.) mentionem feci. Natura rectius, quam medicus cibi quantitatem definiet; nam si appetitu spurio, & fallaci ægrotans ad edendum impellatur, statim sitietatem queretur, & abstinabit. Quantum igitur cibi, & quando sumi liceat, natura ipsa docebit. Potui autem aqua frigida, & palato grata datur; quam succo mali medici, & saccharo gratiorem, utilioremque reddere fas est. Qui jentaculo assueti sunt, uti pueri jejunium minime ferentes, poterunt illud sumere, cui jam assueverint, idemque de merenda præcipitur.

Potus.
Jentaculum.
Merenda.

* Nemo ullus fortasse pluris fecit aeris frigidi usum, quam celeberrimus inoculator noster GATTUS. Ne quis tamen credat in ejus laudibus modum non esse debere, audiamus eum ita loquentem. *Je me horne donec à demander que les inoculés, pendant la maladie, évitent également les excès de la chaleur, & du froid; qu'ils respirent un air frais, & que le degré de cette fraîcheur soit déterminé par leur bien être: qu'ils le conduisent, par rapport à cela, comme ils se conduiroient en pleine santé, s'ils ne cherchoient que leur plaisir dans l'air qu'ils doivent respirer. Nouvel. reflex. p. 112.*

§. CCC.

Tale regimen etsi a quibusdam observandum ad finem usque (a) eruptionis tantummodo proponatur, quasi hic malum a varioloso miasmate proficiscens finem haberet, & reliqua stadia, sup-<sup>Regimen descri-
ptum quo-
usque ne-
cessarium</sup> purationis videlicet, & exsiccationis seorsum considerentur, tamquam pustularum inflammationis effecta, quæ sponte, & sine medica ope feliciter terminari solent: tamen alii & suppurationis, & exsiccationis tempore pergendum in eodem regimine volunt, suadentque etiam in plena suppuratione, ut ægri in aere aperto, & frigido assidue versentur; neque eos audiendos esse censent, cum horrore se, & frigere ajunt; nam nihil hinc mali unquam derivari affirmant, Nos vero neque necessarium omnino tunc temporis refrigerans ejusmodi regimen, neque temere corpus suppurantibus variolis conspersum aeris inclementiæ obijciendum, cum nocumento id prorsus non vacet, arbitramur. Sanius, tutiusque consilium erit, si ab aere frigidiori, & nimium acri caveant, breviorēque moram extra domum trahant, diutiusque in cubiculis, non tamen undique clausis, sed opportune cum aere libero communicantibus se contineant, &, quantum per pustulas dolorificas, quibus pedes, & crura afficiuntur, licebit, deambulent, & recreentur. Illud etiam animadvertendum est, pustulas pure distentas, ni sponte dehiscant, aperiri acicula, pusque exprimi posse; quod & dolores lenit, & exsiccationem accelerat, impedimentoque est, quo minus pus variolarum intro refluat. Exsiccatione absoluta, mos apud clinicos obtinuit, semel, bis, aut

<sup>Cautius
sub sup-
puratione
in aerem
liberum
prodeant.</sup>

<sup>Pustula
qua ape-
rienda.</sup>

<sup>Purgatio
in fine.</sup>

*Corpus u-
niversum
lavan-
dum.*

aut ter ad intervalla convalescentes purgandi ; quod improbari nequit , si miti , atque ætati , temperamento , & corporis habitui accommodato medicamento id fiat . Delapsis demum pustulis totum corpus lacte & aqua tepentibus quemadmodum in variolis naturalibus fieri diximus , abluendum , abstergendumque est . Non nullis magis placet lac ex seminibus melonum expressum , in quo camphoræ aliquantulum solutum sit , adhibere . Ex hoc calente spongiam exprimunt , eaque blande cutim fricant , & mundant , & postea panis lineis siccis impositis omnem humiditatem absumunt . Interim pro appetitus ratione paulatim ad pristinum ciborum usum revertendum est . Non prius vero ex hisce variolis convalescens alios , qui variolas passi non sunt , conveniat , quam quadraginta dies ab inoculatione præterierint , novaque vestimenta infectis substituta fuerint .

*Fit gra-
vus sen-
sim ad sa-
norum vi-
tum.*

*Quando
cum aliis
sanis re-
dire, li-
ceat.*

(a) GATTÍ l. c. p-132.

§. CCCI.

*si qua in-
cidant
graviora
symptoma-
ta, hæc
ut in na-
turalibus
variolis
curantur.*

*Interdum
non modo
graves
sunt, et-
iam le-
thales
ejusmodi
variolæ.*

Quanquam vero insititiæ hujusmodi variolæ benignæ , & regulares solo regimine ad felicem exitum perveniant ; si quando tamen ab ordinaria benignitate deflectant , & gravia symptomata sibi adsciscant , quæ soli regimini non obtemperent , poscantque validiorem medicinæ opem ; tunc non alia curandi ratio in auxilium vocanda est , quam quæ variolis naturalibus adhiberi consuevit , quæque jam supra exposita est . Nec solum interdum variolæ insititiæ graves , & periculosæ evadunt , verum etiam lethales , licet hoc rarissimum plane sit , si cum naturalibus comparentur , quibus tu-
tio-

tiores benignioresque non injuria reputantur .
 Argumenta vero , quibus inoculationem variolis
 spontaneis anteponendam communiter contendunt ,
 assertamque ab impugnatoribus , vituperatoribusve
 vindicant ejus patroni , ad quædam præcipua re-
 diguntur , nimirum 1. Quod in sanis corporibus ,
 aut rite præparatis institui potest . 2. Quod ætas ,
 annique tempus magis accommodatum deligitur .
 3. Quod feræles epidemicæ constitutiones vitan-
 tur . 4. Quod minima puris variolosi particula ad
 insitionem adhibetur , & cuti tantum applicatur ,
 nec ore aut naribus miasma attrahitur , ut in na-
 turalibus variolis usuvenit majori cum periculo .
 5. Quod contagium sic communicatum minorem
 in œconomia animali perturbationem inducere
 experientia compertum est . 6. Quod pubertatis
 tempus , graviditas , puerperium , senectus , &
 morborum malignorum grassatio per inoculatio-
 nem declinantur . 7. Quod venustati faciei prospicitur .
 8. Quod qui hereditaria quasi labe pes-
 simas , fatalesque variolas sibi timent , infortu-
 nium istud prævertere insitione , quæ benignas ,
 & discretas ut plurimum excitat , non sine proba-
 bili fundamento possunt . Quæ postrema ratio tan-
 ti momenti visa est nostris temporibus , ut sum-
 mi , potentissimique Principes , quorum progeni-
 toribus variolæ spontanæ perniciosissimæ exstite-
 re , prolem , nepotesque carissimos a tanto discri-
 mine per inoculationem eximendo eventu fortu-
 natissimo curaverint ,

*Inocula-
tio cur
præfera-
tur va-
riolis
sponta-
neis .*

*Exempla
a Princi-
pibus du-
cta .*

FEBRIS VARIOLOSA SINE VARIOLIS.

§. CCCII.

Ut variolæ sine febre (§. CLX.), sic febris variolosa sine variolis interdum occurrit. Hæc in primis tempore, quo variolæ epidemice vagantur, observari solet. Non desunt tamen, qui eam in dubium revocent; sed, ni valde fallor, injuste.

An detur febris variolosa sine variolis? In quibusdam, aperte inquit LUDWIGIO (a), licet paucissimis febris variolosa sine eruptione exanthematum accedit. Cum LUDWIGIO consentiunt non pauci alii magnæ auctoritatis (b) scriptores. At nemini frequentius, manifestiusque ipsa se ostendit, quam variolarum inoculatoribus, ut supra animadversum (§. CCXCVII.) est. Constituto enim ab institutione variolosi puris tempore febris non raro supervenit, quæ perstat ad aliquot dies, demumque decedit, quin eam variolarum eruptio subsequatur. Quis eam non variolosam dixerit?

(a) *Instit. Medicin. Clinic. P. 1. cap. 1. subsect. VII. §. 176.*

(b) AZZOGUID. *Lettera sopra il Vajuolo.* Nec ab horum sententia abhorreere videtur cl. TISSOTIUS.

§. CCCIII.

Descriptio. Incipit autem hæc febris, progrediturque eisdem prope stipata symptomatibus, quæ variolarum eruptionem antecedere consueverunt; nec alia ratione curatur, quam quæ variolis opportuna est. Interdum etiam ptyalismum, qualis vario-

rio-

riolarum confluentium proprius est, comitem habet (a), quo loculentiùs ejus variolosa natura demonstrari videtur. Non una vero est in ea durationis ratio. Modo brevius, modo longius spatium percurrit. Finiri autem sine variolis creditur, quod miasma variolosum mitius, & dilutius Cur desit variolarum eruptio. vasa cutanea laxiora potuerit, quin ea irritatione coarctaret, aut densitate obstrueret, præterlabi, & in auras avolare. Illud etiam verisimile esse potest, quod miasma variolosum non intimescum cum reliquis humoribus commiscuerit, neque eos sibi satis assimilarit, ideoque quodammodo vagans, & diffluens, neque ullo modo irretitum per vasa cutanea, quin in iis consistat, & aut hæreat, facile evaporetur. Quandoque tamen in ejusmodi febre mihi videre contigit partem ejus, quod diffili debuisset, in adiposæ membranæ spatiis alicubi depositam, atque accumulatam abscessum genuisse, quo febris critice solveretur.

(a) HAEN. *Divis. febr. p. 97.*

§. CCCIV.

Cognoscitur igitur *febris variolosa sine variolis* ex contagio prægresso, ex epidemica constitutione, ex symptomatibus exanthematicarum febrium communibus, & variolarum propriis, ex solutione demum sine ulla exanthematum variolosorum eruptione. SYDENHAMIUS (a) descripsit febrem quamdam, cui *variolosa* nomen dedit, quia variolarum symptomata, & speciatim pyælistimum criticum, quo solvebatur, præseferbat. Diagnosis. An febris variolosa Sydenhamii cum nostra congruat? Utrum vere hæc Sydenhamiana cum nostra, de qua sermo est, congruat, vehementer dubito;

nam etsi constitutionem variolarum ann. 1667. 68. & 69. comitaretur; prædominantisque morbi mores indueret; quod fere faciunt omnes morbi intercurrentes; tamen longitudine durationis, & exanthematibus petechialibus; aliâ longe diversâ a modo descripta nobis videtur:

(a) *Oper. sect. 2. p. 161. edit. Patav. 1700.*

VARIOLÆ SPURIAE *.

§. CCCV.

Discrimen, inter veras & spurias.

Lymphaticæ, aut crystallinae etiam dicta.

A variolis veris tam naturalibus, quam insitiis multum differunt *spuria*, sive *illegitimæ*, sed in primis levitate, & brevitate morbi. Plerumque nulla, aut exigua admodum, & diariæ similis febris eas antecedit. Ac nisi prima; altera certe die erumpunt numero non multæ; sed illico satis conspicuæ, & prominentes, sparsim locatæ, & mutuo inter se diffusæ; & discretæ. Pustulas referunt in marginibus valde rubras, in medio diaphanas, quia ibi vesiculam humore lymphatico; aut mucoso plenam habent; quam ob causam *lymphaticæ* etiam, aut *crystallinae* vocantur; a crystallinis tamen, de quibus alias (§. CLXXXIII.) loquuti sumus, apprime differentes. Celerrime suum augmentum attingunt ad pisi sæpe magnitudinem accedentes. Intra bidduum, aut triduum media vesicula plerumque disrumpitur; & pustulæ exsiccantur. Hinc exiguæ crustæ exortæ decidunt, nullas ut plurimum cicatrices, aut quædam tantummodo vestigia, quæ cito evanescent (a), relinquentes. Fereque morbus totus tribus, quatuor, aut quinque diebus ab-

absolvitur. Raro diutius durat; & si quando lenitius procedit, septima utique die penitus dissipatur.

* *Synonyma.*

Variola lymphatica SAUVAGESII, *Nosol. cl. 3. ord. 1, gn. 2. spec. 2.*

Varicella VOGELII, *de cognosc. & curand. &c. §. CXXVIII.*

Varicella, & variolæ volaticæ ANGLORUM.

Variolæ lymphaticæ spec. 1. SAGARII, *cl. X. ord. 1. gen. 2. sp. 1.*

Variolæ simplices crystallinæ MACERIDII, *Introd. Method. T. 2. cap. XIII. p. 78. Lausan. 1683.*

Raveglione, & Morbiglione, ETRUSCIS, vulgo *vajuolo salvatico*. *Schiopetti aliis Italiae populis*. FANTON. *Diff. de Antiquit. & progr. Febr. miliar. p. 65. Crystalli quorund.* FANTON. *ib. p. 65. Petite verole volante, aut Verrete, aut verolette* GAL-
LIS. *Esclapete* OCCITANIS.

(a) SAGAR. *Cl. X. ord. gen. & spec. cit.*

§. CCCVI.

Morbus per se levis omnino est; & periculi fere expers (a). Interdum sporadice, interdum epidemice (b) oberrat. Infantes, & pueros corripit, reliquos vix unquam. Modo ante, modo post veras variolas infestat: sed qui spurias expertus est, non ideo a veris immunis censendus est; in veras enim incidet alio tempore, non secus in alii solent. Non alia curatione egent spuria ejusmodi variolæ, quam blando regimine diapnoico. Hieme moderatus lecti tepor, & diluta calida flo-
rum tilia, ut sambuci plerumque sufficiunt. Si vero quid ingruat præter consuetudinem, ex iis, quæ ad curandas variolas veras proposita sunt, op-
por-

*Levis morbu.
est modo sporadicus, modo epidemicus.
Variola spuria non præservant a veris.*

Curatio.

portuna adjuncta petantur. Ad summum, finito morbo, alvus leni eccoproptico laxari poterit.

(a) LÜDWIG. *Instit. Med. clin.* §. 177.

(b) HAEN. *divis. febr.* p. 10.

§. CCCVII.

*Verrucosa
benigna.*

*Dura o-
vales.*

Harum veluti varietas quædam sunt variolæ *verrucosa benigna*, sive *acuminata*, ut a VOGELIO nominantur. Pustulas hæ quoque referunt rubras, sed duras, & verrucis simillimas supra cutim exstantes, quæ septem fere diebus evanescent. Ob mitem, innocuamque naturam *verrucosa benigna* dicuntur, quo ab alibi (Paragr. CLXXXIII.) descriptis discriminantur. Alteram varietatem spuriarum habet VOGELIUS (a), quibus *duris ovalibus* nomen est. Hæc, inquit, post aliquot plerumque dierum febrem tubercula format obscurius rubentia, dura, ad ovalem figuram accedentia, halone rubro cincta, verisque variolis paullo majora. Quæ post duos, vel tres dies non nihil ulcerantur, & paulatim cum nigrore exarescunt; denique pallescunt, & subsident; aliis interdum novis interea exclusis, ut, octiduo plerumque finitus morbus, nunc ad aliquot hebdomadas producat vel sine febre, vel cum febricula lenta. Num hæ ad variolas spurias vere spectant?

(a) L. c.

FINIS VOLUM. III.

